

76867
LES
OCCULTES

MERVEILLES ET SE-
CRÉTZ DE NATURE, AVEC PLV-
sieurs enseignemens des choses diuerſes tant
par raiſon probable que par coniecture arti-
ficielle : expoſées en deux liures de nō moin-
dre plaifir que proufit au lecteur ſtudieux.

P A R

*Lenin Lemne Medecin Ziriſſeen, & nouuellement tra-
duit de Latin en François, par I. G. P.*

A V E C deux tables, lune des argumens
des chapitres, l'autre des ſingu-
lières matieres d'iceux.




76867

A P A R I S,

Par Pierre du Pré, Libraire iuré en l'vniuer-
ſité, au premier pillier de la grand
ſalle du palais.

M. D. LXVII.

Auec priuilege du Roy.



OCCULTES

MERVEILLES ET
 CRYST DE NATURE, AVEC
 leurs enseignemens des choses divines tant
 par raison probable que par conjecture anti-
 scielles : exposées en deux livres de no moins
 que plaisir que profit au lecteur studieux.

PAR
 Louis Joseph Médecin Jurisconsulte, & nouvellement tra-
 duit de Latin en François, par J. G. P.

Avec deux tables, l'une des argumens
 des chapitres, l'autre des argu-
 mens matières d'iceux.

A PARIS

Par Pierre du Pré, Libraire juré en l'univer-
 sité au premier pillier de la grande
 salle du palais.

M. D. LXXII.

Avec privilège du Roy.

PREFACE DV TRADUCTEUR.

I. G. P.



Auteur du présent traité, Levin Léné, estant de profession Medecin, y a monstté bon tesmoignage de sa science en plusieurs chapitres, aussi de la cognoissance qu'il à de diuerses autres disciplines, dont il à grâdemēt enrichy son œuvre. Mais sur tout ce que ie y ay trouué de plus admirable, c'est la grande eloquēce en laquelle ie ne scay auourd'huy auteur de sa nation Belgique, à qui il doye ceder: combien que ce suget (comme dit Manilius l'Astronome du sien) ne soit pas du tout propre à receuoir les fleurs & elegances de l'oraison. Ceste excellence de langage qui est en luy, m'a donné beaucoup de peine à vouloir exprimer la propriété exquise d'iceluy, ainsi que cognoistra le lecteur qui par collation des deux langues en voudrà faire prēue. Or est-il plein quant à la matiere de telle variété de discours que persōne ne se peut ennuyer à le lire, & qui le lira diligemment en rapportera assez de fruct, cōbiē qu'il ait protesté que le plaisir ait esté son but principal. En quoy iay estimé faire bon office enuers ma nation, si ie luy communiquois ces beaux secrets de Nature en sa langue: comme ie feray desormais de plusieurs autres si ie sens ce premier labeur comme auācoureur luy auoir esté agreable. A Dieu:

Manilius.

De Paris ce 2. Feurier. 1567. Par I. G. P.

A ij

Les auteurs dont Levin Lemne s'est ayde
en cest oeuvre, tant Hebreux, que
Grecs & Latins.

Plin le grand,
Plin le moindre,
Cicero,
Quintilian,
Virgile,
Terence,
Horace,
Jean Frenel,
Erasme,
Hierosme Cardan,
Andre Vesal,
Ovide,
Juvenal,
S. Augustin,
Lucan,
Ti. Linc,
Plautus,
Erasme,
Saluste,
Cesar,
Marcial,
Lucrece,
Aelius Lampridin,

Hermolans Barbarus,
Perse,
Strabo,
Aul. Gelle,
Volaterran,
Corn. Celse,
Claudien,
Senèque,
Plutarque,
Aristote,
Galien,
Hippocrates,
Dioscoride,
Theophraste,
Demosthene,
Hesiodé,
Platon,
Moysé,
Salomon,
S. Matthilen,
S. Paul,
Iosephus.



A TRESVERTUEUX ET TRES-
DIGNE SEIGNEUR MESSI-
re Matthias Gallomontois de Heesvuijck, trefre-
uerend Prelat à Metelbourg, Leuin Medecin, Salut.

LE Lacedemonien Lysander, voyant
vn iour & admirant grandement le
sçauoir du Roy de Perse Cyrus, tant
au mesurage des choses rustiques,
qu'en l'ingenieux arangement & ordre niuelé
des arbres de son verger. Certainement (luy dit)
c'est à bõ droict qu'on t'estime heureux, veu que
tu as la grandeur de fortune conioincte à ta ver-
tu. Mais bien te doibs-ie à plus iuste raison ad-
mirer & reuerer magnifique seigneur, de ce que
tu n'espargnes, ne frais, ne peine, à dresser & enri-
chir vne librairie, qui n'aura sa pareille en la Gau-
le belgique. On ne sçauroit dire bõnement com-
bien à ceste cause vous auez adiousté d'accroisse-
ment à vostre vertu, & de dignité & ferme louan-
ge enuers le mōde. On a depuis quelques ans en-
ça en l'Eglise dõt vous estes chef, dressé, vn ma-
gnifique sepulchre au Roy Guillaume, duquel
prince de Holande, & Empereur esleu deuxiesme
de ce nō, est descendu vne longue race: mesme-
ment en reſcient la splendeur de sa noblesse, vo-
stre amy vnique & seigneur Philebert de Serof-

Kereke, & Stauenisse personnage, outre la grandeur de la maison dont il est tres-excellent, tant au sçauoir des langues, qu'en la cognoissance des choses. Il y a aussi des chapelles construites sumptueusement, avecques sieges & bancs d'ambrissure exquise. Et d'auantage, pour mieux y repaistre, y a de singuliers tableaux peints apres le naturel, lesquels enrichissent fort ce lieu, & rafraichissent souuent la souuenance de ceux au nô desquels ils ont esté pourtraits, sans y oublier la tapisserie excellente.

De Virgille.

Tant de manteaux d'or & de pierres.

Quasi massifs, d'autres de broderie

D'or fort chargée, la pourpre où fait des tours

Telz que bon voit de meandre le cours.

Mais vostre entreprise tressaincte, touchant la belle biblioteque que vous erigez, si remplie de toutes sortes de bons liures es fins extremes de l'Ocean, vous sera cause de trop plus grand honneur, dignité, & reputation, tant à present qu'à l'aduenir vous sera eternelle. Car certainement la memoire de chose si grande, iamais par longueur des ans, ne par iniure du temps ne sera abolie, dequoy nous assure le Roy Ptolemee Philadelphie, par la sienne tant renommee en Alexandrie, qui en a cōseruée sa gloire immortelle. A ceste cause, pour diuulguer le los que vous en meritez à tout le monde, ie vous ay si volōtiers adressé ceste miene œuure, des miracles secrets de nature; & à ce m'a induict le renom de l'entreprise que vous en auiez commencé. Or voyant

nostre art de Medecine s'exalte par nos deuan-
 ciers, qu'elle semble auoir atteint le comble de
 sa splendeur, à fin qu'on ne me mettast deuant les
 yeux le dict du Comique, Que rien ne se dit qui
 ia n'ait esté dit. Je me suis aduisé de prendre vn
 sujet de grand vogue, & non vulgaire, auquel
 me suis estudié bien autant au plaisir du lecteur,
 qu'au profit. Car tel escrit (tesmoing Strabo) por-
 te grand allesthemēt de lecture, aussi me suis ef-
 forcé tant par la nouueauté des choses, que par la
 pureté du langage, d'attirer le lecteur. Iadis in-
 fines choses bien inuétées, & diuinemēt deduites,
 ny par faute d'ornemēt de style ont esté defai-
 fees & mesprisees, tellement que les auteurs ont
 fort mal pourueu à u fruit de leur labeur & profit
 des gens studieux, ainsi que Cicero, tesmoigne, *Es. Tusc.*
 que telle maniere de faire, est abuser trop lourde- *lib. I.*
 ment du temps & des lettres, aussi dit Pabius e-
 legammēt: Que les enseignemens de la vie, co-
 bien que de soy soyent honnestes, ont toutesfois
 beaucoup plus de force à former nos ames, quād
 la clarté de l'oraison enlumine la beauté des cho-
 ses. Semblablement Horace n'a point chanté ces
 vers seulement pour soy, & ceux de la vacation.

Profiger vult & placere le poete,

En chantant chose plaisante & honeste.

*En l'art
Poetique.*

Mais aussi pour les Medecins, & pour tous ceux
 qui endoctrinent les esprits, & instruisent à bon-
 nes meurs. Car de vray les hommes embrassent
 beaucoup plus volontiers, & à plus grande effica-
 ce comprennent les choses qui avec grace & ele-
 gance leur sont enseignées. Et combien que Ga-

De la fa-
culté des
alimens.

lien soit d'aduis qu'il ne faut pas trop curieuse-
ment s'arrester aux paroles, & qu'il reproue vn
amas de mots, ou il n'y a aucune substance ne sen-
tence, si est-ce qu'il vaut tousiours mieux conioin-
dre l'eloquence à la prudence. Soit, comme vo-
luntiers i'accorde la cognoissance des choses à
preferer aux paroles, & que Ciceron approuue
plus vne indiserte prudence qu'un sot babil, si est
ce que les choses se doibuent expliquer par mots
propres clers & nets. Or combien que l'argu-
ment que i'ay deliberé de traiter ne recoiue lan-
gage elegant, si est ce que i'espere faire en sorte
que ne seray trouué l'auoir traité trop froidement
maigrement. Au surplus, quand à la declaration
des choses, ie ne veux pas qu'il me soit imputé à
faute ou audace & temerité, ce que i'entreprends
d'expliquer des choses occultes, & desquelles ne
se peut bonnement rendre raison, car ie n'entends
aucunement de vouloir rechercher & enquerir
trop auant la maiesté du Dieu souverain, ains ti-
rer en lumiere les causes de nature: par lesquelles
la maiesté du Createur reluit en nous, & accroist
l'admiration de soy. Or ay- ie voulu principale-
ment consacrer cest euure à vostre nom, Magni-
fique Prelat, parce que quelques gens illustres, &
mesmes en dignité Consulaire, ont attesté deuant
plusieurs, que vous estiez d'un cœur singuliere-
ment affectionné enuers Lemne, & que grande-
ment vo^s delectiez en la lecture de ses liures. De
sorte qu'en temps de vacatiōs par deux fois vous
m'avez mandé, à fin de iouir de l'accointance &
familiarité l'un de l'autre. A raison dequoy, com-

me aussi pour excellence de vostre vertu (laquel
 le vous a esleué en si haut degré d'honneur) i'ay
 esté induit à vouloir par ces miens labeurs d'estu
 de, acquerir vostre bonne grace, & vous gratifier,
 & mettre en auant ce tesmoignage de mon affe-
 ctionnee & prompte volonté. Or espere-ie & bié
 le me prognostique, qu'après Iean Frenel, Me-
 decin du tres-chrestien Roy de France, duquel le
 beau langage, & la subtilité des discours, m'a pleu
 merueilleusement, & après Hierome Cardan, &
 Fracastor, personnages de profonde doctrine, ie
 n'auray en vain entrepris ce labeur: combié que
 i'aye commencé à y vaquer auant que leurs li-
 ures fussent en lumiere, aumoins qu'ils m'eussent
 esté presentez à voir. Dequoy le seigneur André
 Vesal, Medecin de l'Empereur, personnage le
 plus exercité en l'anatomie, qui ait esté de la me-
 moire des hommes, m'en pourra estre (outre plu-
 sieurs autres) suffisant tesmoing: lequel mesme
 m'a fort soigneusement enhorté à parfaire ce pré-
 sent ceuvre: côme aussi l'illustre seigneur Nico-
 las Bonard, fils de sa seur: lequel par la liberalité
 de l'Empereur, à esté fait Preuost de ceste ville
 de Zirizee. Mais ie n'ay pas occasion de m'en don-
 ner grád soucy, de tenir vne voye nouuelle sans
 suyure la trace de personne. Cependant venera-
 ble Prelat, ayez soing de vostre santé, & ne vous
 consume pas sur les affaires publiques, ne dome-
 stiques. Souuienne vous de donner quelque re-
 pos à vostre corps, sur l'ayde & appuy duquel l'a-
 me est soutenue. Car si nous prenós bié le soing
 que nos loges ne soyent point mareschageuses

relans, qu'ils ne soyent point persez ne fendus, de peur que les vents & la pluyé y entrent; à fin que nostre santé en soit mieux, & moins soit exposée à maladies, combien plus faut-il pouruoir à ce corps, du logemēt & seruice duquel l'ame se sert. Pource ie louē fort, que ceux qui manient les charges publiques, & ceux qui sont adonnées aux lettres, donnent quelque fois relasche à leur travail, & qu'ils s'esbatent aucunes fois à enter les arbres, ou semer & planter quelque Iardin. Car ainsi que les affaires & l'estude des lettres apportent ornement à l'esprit, aussi portent ils dommage au corps: & comme dit Quintilian, Les pensemens interressent beaucoup plus le sens, que le travail du corps. Ce que le grand Roy Salomon ayant éprouué non sans grande perte de sa santé, Il n'y a point de fin, dit-il, d'escrire plusieurs liures, & la fréquente meditation est affliction de la chair. Pource s'adonna à faire iardins & vergers de plaisance, pour s'allegier des fascheries des affaires, & ennuy de l'estude. Parquoy tous ceux qui desirēt biē pouruoir à leur santé, qu'ils ne craignent point de frāchemēt s'adonner à tels exercices, cōme à ceux auxquels les Monarques & grāds Seigneurs antiques, quand ils pouuoient respirer des affaires publiques, & soy dōner quelque repos ils s'occupoyent volontiers. Ainsi (outré les Seigneurs de la nation Hebraïque) Mithriades Roy de Pont, Lyfimachus, Eupater, Gentius Roy des Illyriens, & Arthemisee femme de Mausol Roy de Carie, se sont esbatus au Iardinage des herbes & des arbres: ainsi Marcus Curius, après qu'il eut dechaf-

Quintil.

Eccle. 14.

se Pyrrhus le Roy des Epirotes, passoit le temps
 en vne certaine siene metairie, à choses Rurales.
 Ainsi Lucius Quintius Cincinnatus, & Marcus
 Valerius Coruineus espris & attirez de l'amen-
 té des plantes, ont acheué leurs iours aux chāps,
 loing du bruit, & ambition ciuile. Ainsi vostre
 Veuillhouie quelque fois vous resiouit, & apres
 les affaires d'importāce, la retraite du lieu si plai-
 sant & de bon air, vous donne moyen de repren-
 dre haleine. Aussi vrayemēt à peine pourroit on
 dire, quelle estoit l'agilité de leur corps, quelle la
 vigueur de leur esprit, quelle gayeté de leur en-
 tendement, combien se maintenoit leur ieunes-
 se, & combien estoit ferme & roide & peu affoi-
 blie ou onereuse au corps la vieillesse en ceux
 qui sont de tout rengez à telles recreations. Par-
 quoy me semble faire fort bien le seigneur An-
 toine du Bourg & d'Ondevverue, personnage
 outre le signe d'esperance qui reluit en luy d'un
 genereux esprit, aussi d'une singuliere debonnai-
 reté, comme aussi maints autres qui ornent leur
 noblesse par les bonnes lettres, en ce que ayans
 fait bastir aux champs de belles metairies & mai-
 sons de plaisances en lieu bien aeré, ils sont fort
 addonnez à tels relais de trauail, ou ils exercent
 sainement leur esprit à l'estude, & leurs corps à
 la chasse. Mais il est ia temps (seigneur plein d'in-
 tégrité) que i'essaye de tirer en auāt les miracles
 de Nature. Le tres-bon & tresgrand Dieu veuille,
 que heureusement ie puisse sortir à mon hōneur
 de ceste hardie & laborieuse œuure ou ie me suis
 plongé. Au fort i'espere qu'encores qu'il se faille

soumettre au iugement de plusieurs, que neant-
moins estât appuyé sur l'adueu & perfection de
tel personnage, la chose ne pourra sortir qu'à heu-
reux succès. Christ le sauueur cōduise à chef vos
excellentes entreprinſes, & vous conserue lon-
guement en santé: laquelle tout le clergé & colle-
ge de ceste ville de Zirizee d'un zele ardent à
grāds veuz & prieres, vous souhaitt, vous reco-
gnoissants pour leur singulier protecteur & de-
fenseur, à les conseruer & maintenir en la iouiſ-
ſance des dons & preuileges qu'ils ont obtenus
des Princes. Ceux pareillement de la police de
la ville n'estans moins affectionnez enuers vous
(dont la plus-part ſont fort bien instruits és bon-
nes disciplines & lettres humaines) ne cessent de
publier vos louanges, de ce qu'ils vous voyent
entreprendre des choses par le moyen desquel-
les ils preuoient le grand auancement qui en
peut venir à l'exercice & estude des lettres.

De Zirizee, l'an 1555. au mois de Decembre.

*Table des sommaires des chapitres des deux
liures ensuyuants.
Au premier liure.*

DE Nature, instrument de la diuinité. Chap. I.

La dignité & excellence de l'homme. cha. II.

Que c'est chose resnatiurelle d'engendrer son
semblable, & que à ceste cause les hommes en

doibuent vser reueremment, comme d'un dō
diuin, & vraye ordonnance de Dieu. chap. III.

De la semblance des enfans à leurs pere & mere:

& par quelle raison les incidēs de dehors leur
sont communiquez: aussi que par l'imagina-

tion de la mere, ils retiennent les marques
de plusieurs choses. chap. IIII.

Du desordoné appetit & desir insatiable, des fem-
mes enceintes, à manger certaines choses: en

deffault desquelles elles tumbent en incon-
uenient. chap. V.

Que la femme fournit semence aussi bien que
l'homme, & qu'elle est cōcurrente à l'œuure.

chap. VI.

D'oū depend l'espece & le sexe de l'animal, c'est
à dire auquel des deux doit estre attribuee

la procreation ou à l'homme ou à la femme
du mâle ou la femelle. chap. VII.

Des enfans prodigieux & monstrueux: &
incidemment que signifie le proverbe, il est

nay au quartier brisant icy, autrement expli-
qué qu'il n'est au liure par moy n'a pas long

temps mis en lumiere. chap. VIII.

Par quelle maniere peut engendrer fils ou fille
celuy qui en a desir incidemment de quelle

cause s'engendrent les hermaphrodites, c'est
a dire ceux qui ont les deux sexes ensemble.
chap. ix.

A sçauoir si l'enfant au ventre est nourri de l'ex-
crement menstrual: & si les filles peuvent co-
ceubir auant leurs fleurs. chap. x.

Que l'ame ne prouient pas de la semence des
peres & meres, ains est infuse diuinement: &
qu'elle est exempte de toute mort & corru-
ption. Plus a sçauoir le quantiesme iour apres
l'empregnement elle y est mise. chap. xi.

Combien que l'ame soit incorporelle & ne soit
composée d'aucune matiere ne des elemens
neau moins est exposee aux affections, & sent
ses perturbations, lesquelles redondent au
corps. chap. xii.

Que les ames des hommes ne sont egales en tout
ne de pareille condition & dignité, ains est
l'une plus excellente que l'autre. chap. xiii.

De l'immortalité de l'ame, & indubitable & cer-
taine resurrection du corps humain, & en
quelle sorte & maniere elle se fera. Aussi com-
bien tel don de Dieu, fait eleuer les cœurs a
luy, & quelle confiance il baille a l'homme
mourant en son salut. chap. xiiii.

Sçauoir si és enfans prodigieux & monstrueux,
si & és auortez y a une ame raisonnable, & s'ils
seront participans de la resurrection future
incidentement de quelle cause s'engendrent
les monstres. chap. xv.

Les humeurs & les viandes manifestement chā-
gent la dispositiō du corps & l'estat de l'ame:

DES CHAPITRES.

& que dela procede la source des passions, & les remors de conscience, incidément quel est l'effect de la melencholie, & comme on y peut remedier. chap. xvi.

Les herbes aussi bien que les corps des hommes estre lubiects à changement & dechoir de leur forme, & vertus, si souuent on ne les cultiue. chap. xvii.

Combien les natures & conditions des terroirs sont differentes. chap. xviii.

Que la grappe du raisin croit & grossit : mais ne meurt il pas es rayons de la Lune. chap. xix.

Pourquoy Heliodore blasme le fumage des terres. chap. xx.

Du moyen à chasser & faire mourir les coillons & autres bestions qui gastent les bleds. ch. xxi.

Du grand sentement qu'on a des vers qui naissent au corps humain : & quel signe c'est qu'ils montent à la bouche & au nez. cha. xxii.

Au second liure

Les humeurs & nō les esprits malins causent noz maladies : mais biē les ariens soy mesler parmi les humeurs (& les emouuent & enflambent) comme parmy les tempestes. chap. i.

Les melancholiques, moniaques, phrenetiques, & qui par quelque autre cause sont esmeuz de fureur, parlēt aucunes fois vn langage estrange, qu'ils n'ont iamais aprins sans toutes fois estre demoniaques. chap. ii.

De la violence & cruel tourment de l'epilepsie.

que tant les anciens que modernes du menu peuple attribuent à certains saints. Et comme on a peu combatre incidemment que ceux qui sont oppressez du hault mal, de lethargie, & apoplexie, ne doibnent incōtinēt estre portez en terre. chap. i i i.

D'ou vient que les maladies sont longues & durables, & que facilement elles ne se guarissent par medecines, aussi d'ou prouiennent les fieures reciditues, & les iours de leur relache entre les accez. chose conuenable à chacun de sçauoir pour y obuier ou bien tost s'en guerir. chap. i i i j.

De ceux qui en dormant se leuent du lict, & vont & grimper par dessus les maisons, & font plusieurs choses en dormant, que veillant ils n'oseroient auoir entrepris & ne pourroient faire quelque peine qu'ils y meissent. chap. v.

De ceux qui sont noyez, les corps morts des hommes flotter à la renuerse, & ceux des femmes au contraire : & si le polmon leur est osté, ils demeurent au fond de leau. chap. v i.

Les corps des personnes noyees quand elles sont tirez de l'eau, & sont presentez en veüe, aussi ceux qui ont este occis & meurdri, getter le sang par le nez ou autre partie du corps, si leurs amis en approchent ou les meurdriers. chap. v i i.

Du heaume ou peau tenue dont les enfans nouveaux nez ont la face couuerte comme d'un masque au sortir du ventre. chap. v i i i.

A quelle cause ceux qui sont de cerueau debile & egaré

In & égaré qu'on dit en Flandres hauer les feb-
 bres, qui lein 38. *CHAP. IX.*
 Toute odeur violente & puante n'estre nuisante
 à l'homme: voire qu'il y en a qui obuient aux
 maladies de putrefaction, & en chassent la
 contagion incidément: d'où est nay le prouer-
 be, on brûlle la des cornes. *CHAP. X.*
 De l'excellence du doigt de la main senestre plus
 prochain du petit: lequel est le dernier atteint
 de goutte, & s'il est bié tost apres la mort co-
 suit incidément: pourquoy plustost qu'es
 autres on y met volontiers l'anéau d'or. *CHA. XI.*
 De certaines choses qui ne brûllent point & re-
 sistent au feu, & comme cela se faict. *CHAP. XII.*
 La chaleur naturelle de l'homme estre main-
 tenue & enforcée par celle de quelques pe-
 tits animaux principalement des petits enfans
 s'ils sont appliquez à la partie du corps debili-
 tée d'autant que telle fomentation non seu-
 lement sert à la coïncostion ains appaise aussi
 la douleur des gouttes. Et entre les petits chiés,
 qui y sont les plus propres & de plus grande
 efficace, *CHAP. XIII.*
 D'où vient que la verole n'est pas maintenant la
 forte ainsi qu'elle estoit au temps passé, & en
 qu'elles maladies elle tourne. *CHAP. XIV.*
 Pourquoy ceux qui approchent de la mort ayant
 encore le sens & l'entendement entier gettée
 vne voix enrouée avec vn son reciproquant,
 que vulgairement on appelle le ranquet.
CHAP. XV.

- Que la mort de l'homme, & de toutes choses qui
sont en estre est contre nature, & mal appellee
naturelle. Que toutes fois il nous faut assurer
à l'encontre ce qu'elle ne nous soit point es-
pouventable: combien que non sans raison cha-
cun l'ait en horreur. chap. xvi.
- Des inconueniens qui viennent de l'yrongne-
rie, & qu'elles choses luy résistent & remediēt.
chap. xvii.
- L'intemperance du boire estre plus dangereuse
que celle du manger. chap. xviii.
- Le vin enyure d'autre force & maniere & accou-
stre les gens que la biere godale & ceruoise.
chap. xix.
- Les hommes de corpulence estre aucunes fois de
moindre vie que les gresles, & de moindre
courage résister aux maladies. Et les petis
corps souuent auale plus de vin que les gros
& gras, & n'en estre si tost abbatus. chap. xx.
- Ceux qui desieunent au matin, pourueu que mo-
derement ils mangent, & dînent après de meil-
leur appetit & estre moins offensez de vin,
quoy qu'ils en bussent largement, incidem-
ment, s'il est sain de mâger beaucoup de pain.
chap. xxi.
- La Noix muguette & le Coral portez sur l'homme
demeure meilleurs, qu'au contraire empire sur
la femme. chap. xxii.
- La plus part de ceux d'estre steriles ausquels la se-
mence coule d'elle mesme, & qui se polluent,
par quelle raison. chap. xxiii.

DES CHAPITRES.

Les corps croistre & s'alonger par maladie, combien qu'on mäge moins, mais diminuer sur la grosseur. chap. xxiiii.

Si la seignee est plus propre auant le repas ou apres, & s'il fait bon dormir sur icelle. cha. xxv.

Que l'art physionomique, c'est à dire de cognoistre par signes du corps les meurs ou inclinations de l'ame n'est pas a reprobuer. Et les testimoignages de l'Escripture sainte sur ce qu'il y conuient principalement obseruer. cha. xxvi.

Lequel est plus sain de dormir la bouche ouuerte, ou close, & les leüres serrees. chap. xxvii.

Les maudissons des pere & mere sur leurs enfans aucunesfois sortir a effect, comme aussi les benedictions qui leur sont s'accordent à heureuse fin. chap. xxviii.

Pourquoy selon le dict cōmun quasi nul par maladie ou loingrain voyage ne deuiant pas meilleur & n'amende sa vie d'auantage. cha. xxix.

Quelle force & vertu ont les pierres precieuses & autres qui sont tirees de la terre & de la mer ou des corps des bestes: & par quelle raison elles ont quelque effect. chap. xxx.

Des euenemens des songes, & quelle consideration on doit auoir à les obseruer & y adiouster foy. chap. xxxi.

De l'an climacteric (c'est à dire graduel) septiesme & neufiesme: esquels les corps des hommes soustiennent manifeste changement, & ceux des vieilles gens, principalement au soixante troisieme, semblablement de la raison des

jours critiques, c'est à dire, du iugement des
maladies, par lesquelles le medecin denonce
certainement la conuallescence, ou la mort du
patient. chap. xxxi.

Par quelle raison le miroir rend les choses qui
luy sont presentees, & quel bien la nette polli-
süre d'iceluy cause a la veüe des estudiens, ou
qui ont toujours l'œil fiché sur vne besongne,
aussi par quelle raison il refait & conforte la
veüe qui s'esblouit. chap. xxxii.

Quelle force & vertu a l'eau de vie, & a qui on
en peut donner à boire sans inconuenient, inci-
demment des vertus & merueilleux effects de
icelle liqueur artificielle. chap. xxxiii.

De la prodigieuse puissance & nature d'argent
vif que les Flamens à cause de sa grande mobi-
lité appellent Quickhuier. chap. xxxv.

Par quelle raison à faulte de sel, on peut garder la
chair & autres viandes de pourrir incidemment
de la merueilleuse force du sel & du vinaigre.
chap. xxxvi.

Les femmes pales estre plus adonnees à luxure
que les rouges & les maigres que les grasses.
chap. xxxvii.

Si quāt on a soif ou que lon prend son repas, il est
meilleur de boire à coup, & à lōgs traicts, ou peu
& a petits traicts, & par reposees. chap. xxxviii.

Toutes choses qui viennent hastiuement à leur
maturité & entiere grandeur aossi soudain des-
choir & ne durent gueres comme nous mon-
strent quelques enfans, & certaines espèces de

plantes. chap. xxxix.

Les viandes estre quelques fois gastees & empoi-
sonnees par attouchement de quelques bestes,
voire par les ordures d'iceux diffuses, es corps
humains s'engendrer quelque chose de sembla-
ble à eux, comme de rats, souris, de grenouilles,
& de crapaux verdiers avec exemple de tel cas.

chap. xl.
La puissance & nature du Soleil & de la Lune à
causer les tempestes, & quel effect produire le
changement de l'air, & des vents corps & amies
des hommes incidemment, qui est cause du flot
& renfle de l'Océan qui se fait deux fois par
l'espace d'un iour naturel.

chap. xli.
La Nature & force de la laiue, & à qui elle sert
ou nuit.

chap. xlii.
De l'herbe Hippolaphte, communement appe-
lee patience.

chap. xliii.
De l'effect de la saluë de l'homme.

chap. xliv.
De l'usage du laiët & de la creme, & quelles cho-
ses empeschent l'estomac de laiët de caille.

chap. xlv.
Pourquoy les gouteurs sont enclins à luxure, &
tous ceux qui se couchent ordinairement sur le
dos, & sur quelque liët dur.

chap. xlvi.
Sy la verole des enfans se peut guerir par admi-
nistration de vin vermeil, & de laiët de vache
que les femmes ont accoustumé leur bailler.

chap. xlvii.
Le vin & la ceruoise soy tourner & gaster par le
tonnerre & la foudre, & comme on y obuie &

TABLE DES CHAP.

les remet-on en leur premier estat & bonté.

chap. XLVIII.

Presage de tempeste prochaine par le maniemēt de l'eau, de la mer, & dequoy menacēt les tonnerres d'hyuer.

chap. XLIX.

Les enfans aimer les belles choses, & auoir en horreur les vieilles, laides & ridees. A ceste cause qu'il ne les faut coucher en mesme liēt, & beaucoup moins à leurs pieds.

chap. L.

D'oū vient que l'aage tendre, les femmes grasses, les prestres & ceux qui menent vie solitaire & sedētaire, sont cōmunement les premiers frappez de peste & telles maladies publiques.

chap. LI.

Enseignemens diuers de nature & recueil non impertinent de choses diuerses, à cause de briueté, assemblees comme en vn faisleau.

F I N.



L y a deux instruments és arts qui
 seruent à l'vsage & vtilité des hom-
 mes, par lesquels toutes choses ont
 accoustumé d'estre confirmees &
 establies, c'est à sçauoir, raison &
 experience. Car par icelles la medecine & outre
 les Mathematiques, plusieurs autres sciéces sont
 appuyees & soustenues, d'autant que toutes cho-
 ses qui se doyuent faire adiouster foy aux hom-
 mes de pur & bon iugement, doyuent estre es-
 prouuees à ceste reigle & à ceste pierre de tou-
 che. Aussi quel beau coup aura fait le Medecin
 en s'efforçant de prouuer par raison que les her-
 bes & les medicaments ont des effects vertueux
 s'il ne le preuue par experience. Au contraire, en
 quelle assurance se pourroit il fonder en l'expe-
 rience, qui estant la plus souuent faite sans iuge-
 ment, l'inconsiderée temerité des Empyriques
 demonstre estre deceptiue & perilleuse si la rai-
 son ne la prouue. Et combien que demander rai-
 son contre le tesmoignage & enseignement de
 l'experience, pourroit estre estimé sophistic tou-
 tes fois iamais homme de sain iugement, & qui a
 egard à l'essite des choses, ne consentira à l'expe-
 rience n'aller temerairement a experimenter au-
 cune chose si elle n'est du tout approuuee & fon-
 dee en raison. Toutesfois ne pourrois- ie pas nier
 ne cōtredire qu'il n'y ait plusieurs choses cachees
 & couuertes d'un effaiet si obscur en la nature
 des choses que ce seroit trop grande indigence
 en vouloir chercher la raison & en rendre bō cō-

pte: lesquelles Dioscoride appelle amotilogites
 c'est à dire destituées de raison, & vuides de co-
 gnoissance de cause: lesquelles ne fournissent au-
 tens ny à l'intelligēce aucune manifeste demōstra-
 tio & pource les medecins les appellēt proprietez
occultes. Car ils estiment quelque certaine ver-
 tu entreuenir en telles choses ou par le cours des
 autres qui leur iettent leurs rayons, ou par la vo-
 lonté diuine, ou par amas des elemens, ou biē par
 la propre vertu & specifique forme de toute leur
substance. Ce que nous ne pouuans comprendre
 par aucune raison ny ingement d'esprit, nous les
 renuoyōs aux essences occultes & secrettes pro-
 prietez: & ainsi par tel eschapatōire nous sauōs
 & desmeslons de ce Labyrinthe. Toutes fois à cel
 le fin que l'incite les esprits des gens sçauans tel-
 les demonstratiōs des choses & à la recherche des
 causes m'forceray à mon pouuoir par proba-
 ble & coniecture artificielle entrer la raison ou
 en viser biē pres. Bien cōfessay ie qu'il y a beau-
 coup de choses en nature dont on ne sçait pas
 les principes & qui sont enuelopees despesles te-
 nebres: desquelles toutes fois, si non euidentmēt
 & manifestement pour le moins vray semblable-
 ment se peut rendre probable raison, & se peut
 donner la cause de leur effect. Exemple, le basili-
 que tue l'homme de sa venē. Qui est celuy tāt soit
 peu exercitē es œures de nature, qui ne sache
 cela proceder des nuisibles epirations qui sortēt
 de luy; lesquelles peu à peu & secrettement il ex-
 hale à la ruine de l'homme. Mais non seulement
 le Basilic, ains quasi toute espee de bestes sauua

Liure 6.
 chap. 34.

Occultes
 propriē-
 tez. *Trin.*
 V. d. f. u.

*Basili-
 que*
241833
3023327

241833
3023327

P R E F A C E.

ges s'efforcent de nuire à l'homme, & par son hale-
nement & sifflemēt se tache à luy liurer la mort.
Ainsi rencontre du Loup, pourueu qu'il soit assez
pres de l'homme, par l'ouuerture de la gueule &
son haleine venimeuse le rend tout enroué, voire
luy oste la parole. Ainsi le sexe feminin ayāt ses
fleurs, par son haleine offusque la lueur d'un y-
uoire & d'un miroüer, rebouche le tranchāt d'un
fer, empesche de croistre le bled, sèche les herbes
d'un iardin, & gaste le tain non seulement de to-
ceux qui se rencontrent, mais aussi enlaidissent
elles mesmes de raches & vilaines marques. Par
mesme raison aussi les yeux chassieux & malades
en offensent d'autres. Ce que Ouide & Iuuenal
ont exprimé par vne elegante similitude.

Quand l'œil de l'homme sain vn ou blessé regarde

Celuy qui est blessé vn mauvais traict luy darde

Car mainte chose y a qui d'un corps se transporte

Et passe a autre corps, & dommage luy porte

Vne beste rongneuse tout vn troupeau corrompe

Par vn grain de raisin pourry, autres le font.

Satyr. I.

Or portent les hommes contagion aux autres
hommes par leur haleine quand ilz se rencontrent
vis a vis, car si l'haleine va de trauers, ou a costé
droit ou gauche, elle n'est pas si dangereuse &
n'infecte pas si fort. Aussi comme la veüe gettée
de trauers a la façon des louches, ou qui ont les
yeux tremblans est de quelque peu ainsi, ce qui
sort des yeulx ou d'autre partie du corps s'il est
porté obliquement, moins a de force & moins
de mal cause aux assistans, à quoy i'ay accoustu-
mé de prendre en charge quand ie me trouue pres

de quelque malade contagieux, tellement que ie
 parle tousiours a luy face tournée d'autre costé,
 ne me tenant iamais entre la cheminee & le pa-
 tient. Car combien que telle exhalation & halei-
 ne ne se puisse choisir l'œil, toutesfois elle se four-
 re parmy le nez, les oreilles, le cerueau en l'artere
 de la voix & aux polmons. Et de faict, i'ay veu
 des gens de si mauuaise & si puante haleine, que
 si l'on ne tourne vn peu loing, ilz infectent tous
 ceulx qui se rrouuent pres d'eulx. Mais combi-
 n loing s'estend l'haleine des animaux iusques ou
 elle peult porter contagion, chascū le peult voir
 es moys d'hiuer, lors que par les geles le vent de
 bise souffle, car lors a cause de l'espaisseur de l'air,
 nous voyons a la maniere des regorgemens de
 l'Ocean, sortir l'haleine route fumante du pro-
 fond de l'estomac, & s'estendre biē loing, laquel-
 le iacoit qu'en esté ne se voye point, neantmoins
 en santez vous l'odeur, ou biē en receuez en l'e-
 stomac vn poizō inuisible. Et tout ainsi que tel-
 les contagieuses exhalations portēt dommage au
 corps, & lancēt vn venin mortel, ainsi les suues
 odeurs & le flair des herbes & plantes eleuent les
 esprits, reſort & confortent le cœur, fontaine de
 la vie, ce que tout homme tāt lourd soit-il, peut
 facilement cognoistre, quand il voit par bonnes
 odeurs restaurer les forces abbatues & egarees
 par quelque euanouissement ou poizon: mais es
 menuz propos mis arriere, i'enfonceray desor-
 mais sous la faueur de la souueraine deité, d'au-
 tres plus hautes & profōds discours. Que si para-
 uenture il semblera a quelqu'un que ie n'aye en-

tièrement recherché les secrets de nature, ains vñ de froides & peu fermes raisons, & de langage assez simple, & que ie n'aye enrichy nature de quelque grãd appareil de parolles, qu'iceluy s'asseurẽ ie l'en prie, que i'ay plustost voulu donner & comme mōtrer au doigt matiere d'escrire aux gens doctes, que de la leur oster. Car pour certain i'ay mis la main à cest œuure, & l'ay entrepris à traicter non tāt pour espoir & aucune assurance de l'accomplir, que d'vne affection & volonte d'en faire quelque essay: aussi pour par plus ample seruice meriter la bonne grace de mō Seigneur, & par tel deuoir m'obliger à ceulx de ma cité. A quoy s'employer Perse, apres Platon excite vn chascun, & desire cela estre payé comme vn tribut deu a la patrie & aux bourgeois. Car voicy comme il nous aguillonne à la contemplatiō des choses, à l'estude de vertu, & à pourchasser les profits & vtilitez des hommes.

*Perse,
Satyr 3.*

*Apprenez apprenez, ô pauures miserables,
Sondez & cognoissez les causes veritables
De tout ce qui se fait, & que c'est que nous sommes,
Ou pourquoy nous naissons pour viure entre les hōmes
Quel ordre est estably, & combien est fragile
Le cours de ceste vie, & sa source debile,
Quelle reigle & mesure à tresors conuoiter,
Que c'est qu'il est loisible à nous de souhaiter,
Quel profit il y a es deniers qu'on manie,
Et combien nous deuons à la doulce patrie,
Combien à noz parens: & quel il a voulu estre
Ce grand & puissant Dieu, en ce monde terrestre.
Parquoy donques i'essayeray ce que ie pourray*

faire, & combien mon pouuoir se pourra esten-
dre, voulant bien prier de m'estre pardonné, si ie
n'ay tout bien compris & entendu, & ce à plus
iuste cause, d'autât que l'argumēt de l'œuvre en-
trepris est si ample, qu'il est de tout infini, & im-
possible à mediocre entendemēt, vouloir dedui-
re le tout selon sa dignité, & selon sa grandeur.

*Horace en l'art Poë-
tique.* *Forner ainsi qu'il merite. Que si Horace en vn
argument vulgaire & nullement laborieux.*

Les faulces & erreurs bien excusées & pardonnées.
Que par vn nonchalloit l'homme inconsideré,
Et peu visant de pres à ce que l'art ordonne,
A peu laisser couler d'un sens peu modéré.

Que comble est plus expediēt en telle difficulté.

des choses de cligner les yeulx en plusieurs cho-
ses, & clore le bec, & ne retâcher tout (comme
on dit) si pres du vif. D'autre part certes à peine
pourroit on exprimer comble d'énuis il fault que
les Medecins deuorēt, quels labours il fault qu'ils
souffrent, quelles plaintes & pleurs il fault qu'ils
supportēt, tāt en leur maison que dehors, quād ils
vaquēt à leurs pratiques, & que soigneusemēt ils
s'ēployēt à visiter les citoyēs d'une ville. De sor-
te que pourātāt que tout leur estude & industrie
cōsiste en actiō, aussi leur pratique, non moins
laborieuse que lucrative, n'admet aucun relasche
ny aucun espace de respirer: tellement que ce qu'ils
discourent a heures de relay, c'est à dire, apres
qu'ils ont faict leurs legitimes affaires, à peine le
peuēt ils mettre par escrit, tant s'en fault qu'ilz
le puissent orner & polir.

Quand on a écrit, on ne peut plus rien ajouter.



LE PREMIER LIVRE DE

LE VIN, LE MNE, MEDECIN

Zirizeen, des occultes merueilles
de nature.

De nature, instrument de la diuinite.

L. H. A. P. I.



ATVRE, en laquelle luyt & expressement se presente la trace de Diuinite, est le principe de toutes choses par lequel consistent. Nature est l'esprit ou la raison diuine, cause efficiente des ceuures naturelles, & conseruatrice des choses qui sont en essence: puissance qui ne se peut attribuer à autre qu'à Dieu, & à Iesus Christ qui luy est conioinct indiuifement. Car iceluy estant la splendeur de la gloire paternelle, & l'image expresse de sa substance, est l'ouurier de nature & de tout l'vniuers. Tellement que par son seul vouloir, sans aucune matiere subiacente, il a tout faict & formé, & en luy gist la vie & la vigueur de tout ce qui est au monde, tellement qu'en vne chascune chose est par luy infuse vne vertu viuifique,

Job. I. iiii
Hebr. i. i
Jean. i. i
2. q. d. d. d.
Dieu con-
tiēt en soy
mesme la
cause de
toutes cho-
ses.

c'est à dire, que par luy toute chose subsiste en la naïfue vertu, & par vne faculté naturelle se multiplie & conserue. En toute ceste vniuersité de choses, il n'y a rien oyfif, rien qui soit faict à la volée ou fortuitement, ny en vain. En toutes plantes est infuse la propriété à chascun des animaux est attribuee sa propre & naturelle inclination. Bref toutes choses qui sont cōtenues soubz le tour & enuironnement du ciel, sont garnies de vne certaine vertu naturelle à produire leur actiō peculiere, & estans disposees chascunes en leurs temps & lieux, font leur office & accomplissent leur cours par vne certaine admirable vicissitude. Pource quand Dieu formateur & gouverneur d'un tel ouurage, eut bien contēplé les choses qu'il auoit faictes par l'espace de six iours, il veid qu'elles estoient bonnes par excellēce, c'est à dire tellemēt dressees que la raison de l'art requeroit, & que l'ordre des choses, & la beauté de l'vniuers l'exigeoit, en sorte que toutes choses estoient tournees a droict vsage, & tendoient à la fin à laquelle elles estoient destinees. Dequoy certes Aristote me semble auoir tressagemēt discouru presque en telles parolles. Que rien n'y a en la nature des choses tant soit petit, ny tant vit & mesprisé qui n'apporte quelque admiration aux hommes. Et ce qu'ilz dient Heraclite Tarentin auoir dit quand il entra au logis d'un bou lenger : Entrez compagnons, il y a aussi bien icy de dieux. Ce qu'il fault de mesme estimer és ceures de nature. Car és moindres choses qui soyēt

Gen. 1.

Liv. 1. des
parties des
animaux,
chap. 5.

réduit la diuinité de sorte que toutes choses ont quelque point d'honnesteté & de beauté en elles. Aussi est principalement adioint aux œuvres de nature, qu'il n'y a rien a la volée ne fortuitement fait, ains toutes sont bien dressées a leur fin. Et tout ainsi que quand l'on tiét propos de quelque logis magnifiquement construit & edifié, il ne se parle point de la chaux, des briques & pierres, du mefrain ne d'autre matiere, ains seulement de la forme architecture & aysance d'icelle, ainsi celuy qui espluche les œuvres de nature, point ne dispute de la matiere, ains de la forme & totale substance, & de l'usage & vtilité d'icelles. Ainsi le corps est créé pour l'amour de l'ame, & les membres pour seruir au corps, à celle fin que l'un & l'autre puisse commodemēt exercer ses actions & offices. Mais l'homme a esté mis & présenté en ce theatre du monde, a cause de Dieu seul, à celle fin qu'il s'esiouyse en luy, qu'il reconnoisse sa magnificence & liberalité, qu'il se repose en luy, & que du tout il se fie & appuye en luy. Pour ce en vne si grāde multitude & diuersité de choses créés, non seulement la vertu & efficace de nature doit estre en admiration: mais aussi la maiesté & grādeur de celuy, duquel toutes choses sont procedees, & par la benignité duquel les œuvres de nature subsistent & sont conseruees en estre. Laquelle consideration elue noz esprits, sans cela fichez en terre, & les conduit à la cognoissance de Dieu. Car combien que Dieu soit inuisible, toutesfois par les choses créées (ainsi

*A quel
usage &
fin l'hom-
me a esté
créé.*

Roma. I.

que dit saint Paul) & par ce mode, tant cōstruit
en telle excellence, & tant sagement regy & gou-
uerné, peult estre veu & entendu. De sorte que

ТН/С.І.

comme par la memoire des choses (tesmoing Ci-
cero) & par vne subtilité d'innuētiō, & vne prom-
ptitude d'entendement, & par toute beauté de
vertu, nous cognoissons la force de l'ame, com-
bien qu'au point ne se voye des yeulx corporels:
ainsi clairement nous voyons Dieu & celui es-
prit eternal par ses ceuures, & efficacemēt en sen-
tons la vertu & influence, en sorte que la vertu
d'iceluy par toute estendue donne chaleur & esprit.

AA.17.

dicently, par tout espanuë, donne chaleur, esprit,
& vie à chascune chose. Pour ce saint Paul fort
doctement prescha à Athenes, luyuant le dict de
Arat, lequel Lucain a elegamment exprimé en son

Lucain,
livre 9.

neufième liure.

三

de offices. Mais l'homme a été mis de préférence

۵۰

Tout s'adressera aux Dieux, Et rien nous ne faisons.

— 495047 —

Sans le bon gré de Dieu, en tous temps & faisons.

24 4

Pour cognoistre lequel besoing n'est de parole, en 161

•33

Veu que son siege n'est (que cello grand merueille)

Que ceste terre dure, Et par dessus l'air pur, au po 33

Le ciel & la vertu, en seignement tressur

10

Que cerchons nous plus outre a trouuer les haulls

... ..

27. Jupiter est tout tant que tu vois en tous lieux.

Qui fera donc celui qui ne fera aucun usage

Quinola donc celui qui ne fut aimé envers
celui de qui manifestement il reçoit la force. 8

des dons duquel abondamment il jouit? Si à bon

droit nous reuerons & honorons les Emperours

... & Princes

& Princes, & les auons en grande estime, & leurs faisons de grans honneurs, par ce que par grande equité ils gouuernent les Royaumes & Empires par eulx conquis sans effusion de sang: qu'ils ont des officiers qui iugent droitement, & qui à bien manier les affaires & charges publiques, employent tout leur soing & diligence, à celle fin de contenir vn chascun en son deuoir, & que par tout les choses soyent paisibles, & que par aucune discorde & seditiō ciuile, la republique point ne soit diuisee: combien plus est-il raisonnable d'adorer & reuerer Dieu, qui sans aucun travail ny peine ou sollicitude regit & gouuerne ce tant grand & ample Empire du monde? A ce tend ce dict d'Apulee, homme combien que non de nostre religion, toutesfois qu'il a puisé de la source des Hebreux. Ce qu'en la nef est le gouuerneur & pilote: en vn chariot le charretier: à exhiber comedies, celuy qui fournit argent & accoustremens: en vn cœur le maistre chante: es pris de luyte & de course, celuy qui preside pour en iuger, & qui adiuge & donne les pris de Consul entre les citoyens: le Capitaine en vne armée: le compagnon d'armes à s'exposer aux dangers, & à iceulx obuier & remédier: cela mesme est Dieu au monde, hors mis que d'estre fait conducteur en chef de quelque charge, est chose fort penible, & accompagnée d'innumerable soing & soucy: mais à Dieu n'est aucunement facheux ne labourieux le fais de son Empire & gouuernement. Au demeurant, ie ne voudrois pas que

*Apulee
au liure
du mode.*

les Medecins me fussent contraires, ou que les Philosophes fussent mal contents, de ce qu'en maintenant la dignité de nature, ie la retire vers sa source & origine: attendu qu'en ce faisant, toutes choses sont ramenees à la prime essence & originale de nature. Et combien que le mot de nature soit fort ample, & qu'un chascun puisse à sa fantasia en inuenter de secondes definitions, neantmoins toutes reuenient à vn, ainsi aux Medecins.

Nature est vne qualité infuse es choses des leur commencement & naissance.

Nature est température & mixtion des quatre elements.

Nature est l'instinct & inclination de l'esprit d'un chascun.

Aux Philosophes nature est le commencement du mouuement & du repos.

Nature est celle qui donne forme à toute chose selon la speciale difference.

Nature est la vertu & cause efficiente & conseruatiue de toutes choses, laquelle est inseree en tout le monde.

Nature (pour plus proprement designer la chose) est l'ordre & continuation des ceures diuines, laquelle obeit à sa puissance & à ses paroles & commandemens, & d'iceluy emprunte ses forces.

Propre definition de la nature. De toutes ces descriptions & de tout tant qui se peuuent inuenter par gens eloquens, la principale cause & origine prouient de cest

eternel esprit, comme d'une tresabondante source.

La dignité & excellence de l'homme.



QUOY que le tresbon & tressouuerain Dieu doive tresgrandement estre admiré & reuéré es choses créés qui partout se presentent à noz yeulx & s'ingèrent à nostre esprit, principalement sa sapience reluit à merueilles en l'homme. Tellement que tout ce qui se voit en ce monde, tant soit-il exquis & proprement fait, ne peut en aucune maniere estre parangonné à l'excellence de l'homme. De sorte que de là principalement Dieu ait voulu estre tenu en estime, & comme exhiber aux hommes vn patron de sa diuinité: c'est à dire, que par considerer chacun son esprit en soy, & par le cognoistre chacun soy mesme, il a voulu que nous soyons conduicts à la cognoissance & reuerence d'un si grand ouurier. Car de vray rien ne represente Dieu de plus pres que l'esprit de l'homme, par lequel il a esté créé à son image & semblance. Car au vray l'homme est le tresexpres simulacre de Dieu. Et pource, certes veu l'exterieur & interieur ornement, & les tresamples dons qui sont en luy, il a merité estre dict vn pe-

tic monde : par ce qu'en luy ce liberal pere & ouurier, à espendu tous ses dons tresabondamment. Car toutes choses sont produictes en lumiere pour l'amour de luy, & toutes sont exposees à son seruice & vsage. Ce que le Psalmiste Royal confesse clairement, quand en argument

psau. 8. d'un cœur recognoissant le bien receu. Tu l'as fait, dit-il, bien peu inferieur aux Anges : voire quasi comme quelque Dieu, tu l'as orné de gloire & d'honneur, & l'as constitué Seigneur sur les ceuxes par toy créés. Laquelle prerogative il obtint mesmes des le commencement du monde : de sorte que toutes choses tant qu'elles sont en estre & en vigueur, obeissent & seruent à l'homme : Car ainsi au premier de Genese, Dieu donna à l'homme la principauté sur toutes choses. Fructifiez, multipliez, remplissez la terre, cultivez-la, & exercez domination sur les poissons de la mer, & sur les oiseaux du ciel, & sur toutes bestes qui se meuuent sur la terre. Quant est de l'ame qui est diuine en luy, par laquelle il approché resprochainement de Dieu, & des dons intérieurs de l'esprit, c'est à sçauoir de l'entendement & raison par lesquels il excelle sur les bestes, d'autant que plusieurs en ont suffisamment parlé, & que ce n'est pas la matiere qu'ay a traitter, ie m'en surseray a present. Mais bien deduiray-je aucuns poincts touchant son corps, & touchant les choses qui luy adherent, & qui dependent de luy. En premierement, sa forme excellente & digne de regarder, tou-

te propre & conuenable aux meurs de l'ame, son maintien droit & eleué au Ciel, sa face regardant contremont, la proportion ou exacte commensuration de toutes les parties & de son total, sont grandement louez, mesmes par les Gentilz & gens abhorrens nostre religion. De sorte que ie m'esmerueille grandement de la negligence des nostres, qui ou du tout rien ne considerent, ou bien froidement & non chaillamment sondent tant eulx mesmes que les ceuures de nature: veu que ce magnifique Roy D'auident contemplant vn iour fort attentiuement & de pres la nature de l'homme commença tellement à soy reueiller & embraser en l'amour & admiration de ce grand ouurier, que oultre plusieurs louenges il luy chante ceste cy: ie te magnifieray Seigneur, de ce que ie suis formé en telle excellence. Tes ceuures sont admirables, lesquelles mon ame considere & recognoit fort bien. Nul de mes os ne t'a esté caché, quand ie venois à estre formé en lieu secret, & que par vn merueilleux artifice ie prenois forme es chambres cachees du ventre de ma mere. Tes yeulx m'ont veu quand j'estois encores imparfait, & tous mes membres estoient vers toy descripts comme dans vn liure, combien qu'ilz n'ayent esté formez de long temps après. Ta science dont tu as usé en me formant, m'est en admiration, icelle excède totalement la capacité de mon entendement. Car quand dit-il, ie me fonde d'un bout à l'autre, quand diligemment ie conside-

Psealm. 138

re la structure du corps, l'excellence de l'ame, & la force de l'esprit, & que par aucune raison ne iugement ie ne les puis comprendre, veritablement i'adore ta maiesté, & embrasse ta magnificence. Mais laissons là vn peu en repos celle formé tant excellente, & les autres parties du corps si belles à l'œil, & considerons la situation des entrailles interieures, les puissances des facultez naturelles, l'origine des nerfs procedans du cerueau, la deduction des arteres du cœur, & les prouins des veines du foye: ensemble les facultez & puissances de l'ame, par lesquelles elle produit & parfait ses offices. Il y a d'auantage cest esprit etheree siege & char de la chaleur naturelle, lequel est triplement diuise, & en autant de lieux separé: en sorte qu'au cerueau il est dit animal, au cœur vital, & au foye naturel. Iceluy avec la chaleur naturelle & avec l'humeur nourrisier (vray entretenement des dieux) nourrit & rauigore le corps, & luy fournit les forces à exercer ses actions. Parquoy certes ces trois doiuent estre non negligemment restaurez & entretenuz par le dormir, par le vin, par nourriture, & par exercice: lesquels toutefois demandent a estre prins, de peur que s'ils le sont par trop, ou en temps indeu, l'homme ne vienné à estre troublé de son entendement, & estre mal mené de plusieurs & diuerses affections.

La Diuine part est es hommes semee
 D'une vigueur de feu bien animée,
 Et d'origine extraicte au ciel ardent,
 Sinon entant qu'en ce vont retardant,
 Les corps nuisans: & que les pars non saines
 De terre issans, y sont lourdes & vaines,
 De cest endroit prouiennent les contraintes
 De leurs desirs, douleurs, plaisirs, & crainctes,
 Et haut en l'air ne s'adresse leur venue,
 Close prison, de clarté despourueue.
 Par lequel dire le Poëte comprend les quatre
 perturbations de l'ame, lesquelles prouenant
 d'une intemperance, rendent l'esprit de l'hom-
 me tout troublé & hors de repos, & en merueil-
 leuses manieres le tourmentent. Finalement
 voyons vn peu ce qui donne forme à toutes ces
 choses, c'est à dire, espluchons l'artifice qu'il y a
 à tant excellemment former & figurer le fruit
 du ventre, lequel est tel & si grand, que chascun
 tant ignorant soit-il de la Medecine, doit dili-
 gemment employer les forces de son esprit à ice-
 luy cognoistre & bien entendre. Car enfoncer
 la cognoissance de telles choses, appartient à
 toute personne, quelle quelle soit, veu qu'une
 telle recherche se faict chascun en soy, & git en
 la contemplation de soy-mesme. Et de faict,
 puis que l'homme consiste & est composé de
 corps & d'ame, & que le corps est l'instru-
 ment de l'ame, par lequel elle faict ses actions,
 à qui ne deura estre en grande recommandation

le soing & consideration des deux parties, qui est-ce qui ne desirera bien pourueoir à la santé de l'un & de l'autre? mesmement quand l'un ne peut confister ne bien accomplir ses offices sans faulte sans l'autre? tellement chaque chose demande l'aide d'un autre, & s'accorde à elle amiablement. Vray est que le corps est caduc & mortel pour un temps: mais puis qu'il est le vaisseau & receptacle de l'ame, & qu'il vse de son seruice. Dieu l'a aussi destiné à eternité, & par le mystere de la resurrection l'a voulu estre participant du mesme don, à sçauoir de l'immortalité.

Que c'est chose tres naturelle engendrer son semblable, & que à ceste cause les hommes en doiuent user reueremment, comme de don diuin & vraye ordonnance de Dieu.



PAR CES que Dieu eut creé le Ciel & ce monde soublunaire, & qu'il eût tout construit d'une si admirable sapience & artifice que rien ne defailloit à tous vsages necessaires, ny à toute commodité & ornement, il luy sembla encores falloir quelqu'un auquel toutes ces choses seruissent, & qui iouist d'icelles & en print son plaisir. Parquoy apres que tout l'ornement de na-

ture fut accompli & parfait, il produit l'homme au monde, comme en sa possession, & à fin qu'il ne vesquit en desplaisance, il luy adioignit la femme pour son aide & compagne, & mit en l'un & l'autre vne vertu d'amour, & vn desir d'engendrer lignee, ayant preparé en eux vne humeur & esprit inflatif, avec instrumens cōuenables à tel vsage. Et à celle fin que l'un ne dedaignast l'atouchement de l'autre, il adjousta en eux certains allechemens & façons de faire attractiues, avec vn appétit de mutuel embrassement, à fin que quand ils se conioindroyent ensemble, il leur aduint de receuoir vn souef & delicieux plaisir. Car de vray, si cela n'estoit infus de nature en toutes especes d'animaux, de prouoir à la posterité, & entendre à generation, veritablement tout le genre humain periroit & viendrait à néant, & ne pourroyent longuement subsister les choses des mortels.

*Tout genre tellement en ce val terrien
D'hommes, bestes, poissons, en chacun endroit sien,
Et des oiseaux aussi, les genres si bien peints,
En ce feu amoureux sont de furie espris.
Qui a-il d'impossible au iouuenceau qui art
Du grand feu que l'amour en ses os par son art
Cauteleux deceptif sans cesse luy attise,
Sous le pretexte & fard de quelque mignardise?
En nuit obscure & trouble emmi les flots de l'onde
De la mer courroucée & toute furibonde,
Il nage sans rien craindre, encor que la grand porte*

*Virgile.
Georgi. 3.*

*Du ciel tonne & foudroye & pluye sus luy porte,
Et que les flots flottans contre escueils & rochers
Le rescient souuent: mesmes les parents chers
Le voyant au hazard, d'un cry espouventable.
Ne peüent renouer ce pauvre miserable.*

Puis que donc vne telle affection est si forte & si difficile à dompter, que fort malaisément elle peut estre reprimée (car tous également ne sçavent moderer leurs conuoitises) Dieu à permis à l'homme le liēt legitime de mariage, à celle fin que ceux qui sont despourueuz du don de continence, pour le moins conteinsent dedans les bornes d'iceluy, & ne se cõtaminassent par vne pail-lardise çà & là vagabonde. Apres donc qu'il aduiēt celle conionction charnelle accomplie, que la femme à conceu, incontinent s'ensuit vne moult grande subtilité de nature à eschauffer, à faire prendre & coaguler, & à former la semence de l'un & l'autre sexe, iusques à ce qu'à certain temps apres le cours de neuf mois passez, celuy dominateur, & l'honneur de tout l'vniuers, l'homme, vienne à sortir. Laquelle douteuse esperance & esbauchement de nature apprenant ainsi à
Job ch. 10. former l'homme, Job à bien exprimé par vne similitude fort conuenable. Ne m'as tu pas, dit-il, coulé comme le laiēt, & caillé comme le froumage, & vestu de chair & de peau, & composé d'os & de nerfs? Et par ton bien-fait ma vie ne subsiste elle pas? & ta vertu ne soustient elle pas mon
Salomon. sapien. 7. ame? A quoy est consonante la sentence du sage

Hebrieu, par laquelle il décrit les commencemens de sa vie, en ceste maniere: Je suis aussi homme mortel, semblable aux autres, enfant du premier homme fait de terre, & ay esté formé chair au ventre de ma mere, & suis creu au sang par l'espace de dix mois, de la semence & plaisir delectable de l'homme, avant son dormir. Semblablement aussi apres que j'ay esté nay, j'ay humé l'air à tous commun, & de mesme suis venu au monde, & comme tous les autres hommes ay ploré, & commencé ma vie par larmes. Par lesquels propos nous entendons, que comme en toutes choses, aussi à engendrer enfans, tout doit estre fait moderezement & selon l'ordre de nature: en sorte que suyuant l'opinion d'Hypocras & de Galien, le mouvement ou exercice precede le manger, Venus ensuyue le manger, & le sommeil icelle: à cause qu'apres icelle accomplie, les facultez naturelles font leur office à elaborer le fruiet, & la lasseté prouenuë d'un tel acte venerique, incontinent s'en va en dormant, le dormir aidant de mesme la concoction: car le dormir l'ayde & auance. Au surplus quant aux commencemens de nostre generation, on a accoustumé d'en mouuoir grande question. Si la femme fournit semence pour la generation de l'enfant, & si la force virite cause la similitude de la forme & de la difference du sexe. Parquoy, premierement traicteray de la ressemblance de la forme, puis apres de la semence de

la femme, & combien elle aide à la procréation du fruit. Ce que ie feray d'autant plus songneusement, qu'en nostre pays y a certaines maquerelles, qui s'efforcent de persuader aux femmes, que les meres seruent de bien peu à la génération de l'enfant, ains que seulement elles ont la peine & l'ennuy de le porter neuf mois en leur ventres quasi comme si seulement elles loüoyent leur ventre aux hommes, auquel, comme en quelque nauire, ils portassent leurs marchandises, & y deschargeassent leurs ordures. Par laquelle persuasion il se fait que l'amour des meres enuers leurs enfans se refroidit, & toute affection d'humanité (laquelle à accoustumé d'estre peçuliere à ce-luy sexe) totalement se pert. Lesquelles meschantes i'estime plustost dignes de toute infamie, que ie souffre icelles estre tenues en aucun nôbre des honnestes femmes. Et si elles doyuent estre punies pour seruir d'exemple aux autres, veritablement elles meritent d'estre piloriees ou mitrees sus yne eschelle à la veüe de tout le monde, avec toute ylenie & reproche. Car pour certain ce qu'aucunes sont ainsi inhumaines & cruelles enuers leur fruit, & qu'elles l'abandonnent & l'exposent à l'auenture, on en doit donner le blasme à ces fausses vieilles.

De la semblance des enfans à leurs pere & mere : & par quelle raison les incidens de dehors leur sont communiques, aussi que par l'imagination de la mere, ils retiennent les marques de plusieurs choses.

CHAPITRE III.



EST vne opinion asseuree & par plusieurs raisons cōfermee entre les medecins, que si la femme rend plus abondamment de semence que le mari, l'enfant ressemblera à la mere : mais si le mari en rend plus que la femme, il ressemblera au pere : & s'ils en rendent egaleement en pareille mesure, en forces assemblees, il ressemblera à l'un & à l'autre. Tellement qu'en vn endroit il ressemblera au pere, & en vn autre endroit ressemblera à la mere. D'auantage, que si la semence est enuoyee au costé droit du ventre de la femme, & qu'elle prouiennē du genitoire droit, alors pour raison que la chaleur est plus grande, s'engendrera vn enfant masle : mais si elle descoule du genitoire gauche, & en partie semblable de la matrice, adonc a cause de la froideur & humidité du lieu, s'engendrera vne fille. Neanmoins (testmoin l'astance) quelque fois la semence de l'homme tombe bien en la partie gauche de la matrice, qui s'engendre vn masle : mais à cause que lors la conception se fait en la partie destinee à produire les femelles, il tient quelque peu de l'effeminé, & outre qu'il n'est bien seant à l'homme, com-

*L'astance
Au liure
de l'ouura
ge de Dieu*

me vne beauté de visage sentant sa fille, vn corps par trop blanc, poli, & delicat, ou vne voix gresle & feminine, ou vn menton sans barbe, avec vn cœur moins que viril: pareillement quelque fois la semence descoule bien en la partie droite de la matrice de la femme, & neantmoins ils s'engendre vne fille: mais parce qu'elle est conceuë en la partie non à soy propre, elle tient aucunement de l'homme, voire quelque fois plus qu'il n'est bien seant à vn tel sexe: comme ayant les membres robustes & puissans, ayant vne demesurée grandeur & grosseur, vne couleur brune, vne face velue, vn visage indecent, vne voix robuste, avec vn courage viril & audacieux. De sorte que volontiers telles femmes, s'exemptans de toute obeissance, coutumierement commandent & dominant sus leurs maris: & tant s'attribuent d'autorité à administrer les affaires, qu'il n'est loysible aux maris de parler, non pas quasi de bongner ou marmonner. Toutesfois combien que toutes ces choses & plusieurs autres qu'on a accoustumé d'alleguer de la ressemblance des enfans à leurs pere & mere, soyent consonantes à la verité, & que communement pour la plus part il en aduienne ainsi, neantmoins la principale cause d'un tel effect, semble consister en la secrette imagination de la femme. Car si elle conçoit quelque chose en son esprit, ou bien qu'un œil fort ententif elle siche en quelque chose, que elle imprime en son entendement, bien sou-

*Femme
Homace.*

uent l'enfant la represente dessus son corps. Ainsi si pendant les accollemens & baisers la femme tient ferme sa veüe & sa pensee au visage du mari, ou qu'elle imagine quelque autre absent, veritablement la forme d'iceluy a accoustumé de se recognoistre en son fruiet. Car pour certain la force & puissance de la faculté imaginative est telle, quand la femme regarde quelque chose fort ententiüement, qu'elle forme vn ie ne sçay quoy de semblable à ce qu'elle à si viuement regardé. Dont il aduiet que quelque fois diuerses marques de choses se voyent en l'enfant, & qu'en iceluy s'imprime des seins, des taches, des lentilles, & des verrues, lesquelles facilement ne se peuuent effacer ny oster. Et de fait, cela se voit és femmes de nostre pais, que si durant qu'elles sont enceintes elles voyët quelque lieure, l'enfant qu'elles portent à la leure de dessus fendue en deux. Comme aussi par mesme raison aucuns naissent fort camus, ou le nez rebroussé, ou la bouche tortue, les leures grosses & auanceans, & tout le corps mal formé, pource que par le temps de la conception ou de la grossesse, elle à eu les yeux & tout son esprit & sa péece fichee en quelque formes & figures monstrueuses. Ce que aussi aucuns naturalistes ont accoustumé de imiter és bestes leur representant des couleurs de diuerses choses, sur le point & heure qu'ils conçoient. De laquelle ruse & finesse Iacob, qui depuis fut nommé Israël, ayant vsé, *Gen. 30.*

fit par le moyen de plusieurs verges pecees, qu'il feroit par tout au deuant de ses brebis, lors que elles estoient en chaleur, & que les males venoyent à couvrir les femelles; que la plus grande part du troupeau portoit toison de plusieurs & variables couleurs. Ainsi faisons nous des oiseaux & des chiens peinturez de maintes couleurs; & faisons deuenir les cheuaux pommeliez & mouchetiez. Lequel artifice de nature, & toutes autres causes de ressemblance Plin à tres-exactement exprimees en tels mots. La ressemblance en l'ame, dit-il, est vne pensée & consideration en laquelle plusieurs choses fortuites sont estimees auoir grand puissance, comme vn regard fortuit, comme l'ouye, la memoire, & les formes imaginees à l'heure que l'on conçoit. Aussi vne soudaine pensée de quelque chose est estimee faire ressembler, & estre cause d'vne mixtion de diuerses figures: dont les vns ressemblent à leurs ayeuls, les autres à leurs peres, & plusieurs à d'autres de leurs parens. De sorte que la cause pourquoy l'on voit plus de differences es hommes qu'es bestes brutes, est que la soudaineté des pensées, & la legèreté de l'ame, & la variété de l'entendement, imprime en soy de formes moult diuerses: la ou es autres animaux les esprits sont quasi immobiles & stables, & conformes chacun en son espece. Voilà comme il aduient que l'imagination de la femme cause à l'enfant vne figure estrange & nullement semblable à celuy qui l'engendre. Ainsi quelque femme mariée, s'abandonnant hors le liect nu-

*Plin au
liu. 7. cha.
18.*

ptial, craignant que si d'adventure son mari soudain suruenoit, elle ne fut surprise; au bout de neuf mois fit vn enfant nō semblable à celuy qui à la desrobée auoit couché & paillardé avec elle, ains totalement ressembloit à son mari absent. Duquel euenement se treuve vn plaisant Epigramme de Thomas More tres eloquent personnage: lequel pource qu'il conuient merueilleusement à ce propos, point ne me greuera d'inserer.

Les quatre enfans que ta femme s'a fait Thomas
Par cy deuant, Sabin, ven qu'en effait More,
Ou peu ou rien à toy point ne ressemblent,
Du tout en tout estre tiens ne te semblent.
Mais le petit qu'à fait n'a pas long temps,
Qui tant te plaist, qui rend tes sens contents,
Pource qu'il est pour ceste heure presente
Seul entre tous qui mieux te represente
Pour tous les quatre aimes, chers, embrasses,
Et pour bastards les quatre tu deschasses.
Mais pour certain les Philosophes sages
Enseignent tous en maints & maints passages,
Que tout ce que les meres apprehendent
Trop ardemment pendant qu'elles s'entendent
Rendre au mari le nuptial deuoir,
Secrettement quand vient au concevoir
Empreint & graine en la semence infuse
Certaine marque ou forme si confuse,
Qu'impossible est, quoy qu'on tasche ou qu'on fasse,
Qu'elle se perde, ou tant soit peu s'efface
Et par ainsi venant en accroissance

L'enfant retient l'image & ressemblance
 Que la mere a des le commencement
 Fort imprimée en son entendement.
 Or ce pendant qu'il absent tu as esté
 En lieu loingtain, c'est un cas arresté
 Que pour autant que ta femme assensee
 Estoit assez de ta grande demeure
 Et long séjour & d'autant ne pensoit
 En toy absent en sorte que ce soit
 Aussi pour vray les quatre qu'elle a eu

sa. moi. T. Durant ce temps te ressembler n'ont seü.
si. moi. Mais ce petit seul de tous se ressemble
 Du tout au vis de face & mœurs ensemble
 Pource que quand elle le conceuoit,
 Toute peureuse en toy tousiours resuoit,
 Craignant, sabin, que tan dis mal a point
 Comme le Loup en la fable, en ce point
 Par un mal-heur soudain tu ne suruinsses,
 Et son amy avec elle surprinsses.

Parquoy l'argument est du tout inualide & de
 nulle force, & qui nullement ne se doit soutenir,
 que la ressemblance soit suffisante à demonstrier
 le pere de l'enfant. Aussi certes ne la loy de na-
 ture, ne la publique opinion de tout le monde,
 ne consent aucunement qu'on doye attribuer un
 enfant à aucun pour raison de la semblance. Au
 surplus, quant aux cōplexions & mœurs, quant
 aux affections & inclinatiõs de l'ame, les exēples
 qu'on en voit tous les iours demonstrēt assez que
 les enfans, comme en ceux esquels toute la force

de l'entendement & l'esprit vital est infus par la faculté de la semence, sont quasi de pareille condition & nature que ceux qui les ont engendrez. Toutesfois à cela sert ou empêche beaucoup si l'on est vigoureux ou lasche en l'œuvre de Venus, & son enfoncée froidement ou chaudement la besongne. Car il s'en trouue plusieurs qui sont bié peu addonnez & peu eschauffez à la luxure, & qui pas grandement n'appertent ce combat singulier, ains plusost en refusent tant qu'ils peuvent la luyte : lesquels pour gratifier à leurs femmes, & les rendre plus paisibles, & comme dit S. Paul, à s'acquiescer de ce dont ils leurs sont redevables, mais certes bien laschement & par aquis & couruee. Qui est cause que le fruit s'abastardit & forligne de la nature & mœurs, & péculiere generosité des pere & mere. De sorte que nous voyons de gens sages quelque fois engédrer des enfans lourds & badaux, & d'entendement peu raffis, parce qu'ils ne prennent pas grand plaisir aux œuvres charnelles. Mais si les personnes sont ardentes à telle luyte, & y tiennent coup longuement & souuent, plus communement aduiét que les enfans retiennent les mesmes mœurs, affections & façons de faire, & le mesme naturel de ceux qui les ont engendrez. Car certes tout ainsi que les oyseaux retiennent la mesme nature de ceux qui les ont procréez, & representent leur mesme plumage, ainsi les enfans viuement expriment les meurs de leurs proeniteurs, & sont de semblable nature. Tellement que les qualitez na-

tuelles des père & mere coustumierement se
voient les enfans. Qui a meü Horace de dire,

*Horace li.
4. des car-
mes.
Ode. 4.*

*Es Tauraux & Cheuaux la force & la vigueur
De leurs peres tres-forts se voit à leur grand cœur.
Et l'aigle au bec crochu, la fievre & couragense,
N'engendre point aussi la colombe paoureuxse:
Les forts creent les forts, les bons aussi les bons,
Et en ce volontiers point ne font de faux bons.*

Et pource que l'enseignement & instruction
accomplit les graces de nature plus parfaits, cor-
rige les fautes, & abolit les vices, à ceste cause il
a tres-proprement adiousté,

*Toutesfois la doctrine y conforte & avance
La vertu infuse au point de la naissance.
Et si les bonnes meurs rendent tres-vigoureux
Les cœurs ja inuestis de quelque instinct heureux.*

*Du des-
conforté.
act. 5. sce.
4.*

Semblablement celuy Chremès que Terence
introduit, fait iugemēt de son fils selon les meurs
de sa mere. Pource qu'e toutes ses meurs il te rap-
porte (dit-il à sa femme) facilement tu prouueras
que tu l'as porté. Vrayement il te retire fort. Car
il n'y a vice en luy quel qu'il soit, qui ne soit pa-
reillement en toy. Et si dauantage il n'y a femme
qui enfantast vn tel enfant sinon toy. Et de vray,
c'est vne chose naturelle, & le plus souuent ainsi
nous le voyons, que les enfans sont imitateurs
de leurs pere & mere. De sorte que plusieurs suy-

uent les ieux de dez, les bordeaux & les tauernes: combien qu'aucuns par le soing & instruction de iceux, viennent à estre vertueux, & s'appliquer à bien. Parquoy vn chacun doit diligemment estre soingneux de tellement reigler ses affections, & sa maniere de viure, voirie tout le cours de sa vie, qu'il ne tache d'aucun vice soy ne les siens. Car de la semence du pere & de la mere plusieurs indispositions ensuyuent à toute la race. Pource que la mesme force & la mesme vertu qui est en la semence du pere & de la mere, descend sur les enfans. Et ainsi suyuant l'opinion de Catulle.

Catulle.

La semence on ensuit tousiours de sa nature.

Or pource que la semence deflue des principales parties, & contient en soy la nature & les forces de tous les membres, aduient que les tares qui sont en aucunes parties, demeurent comme pour heritage à toute la race. Tellement que ceux qui sont entachez de ladrerie, ou du mal caduc, ou de la podagre chiragrie, & autres maladies contagieuses, rendent volôtiers leurs enfans subiects à icelles. Et pource que le sang menstrual est la principale nourriture de l'enfant, & comme vne seconde origine de procreation, à ceste cause bié souuent il aduient, que tant en la disposition du corps, qu'es qualitez de l'ame, les enfans tiennēt plus de la mere. De sorte qu'en nostre pais les femmes mal complexionnees; yurongnes, & estourdies, font des enfans totalement semblables à leur peruers naturel. Parquoy, veu qu'il y à tant de choses qui nuisent aux bonnes meurs,

& à l'intégrité de la vie, & non moins qui enlaidissent la personne, il faut sur tout diligemment auoir esgard qu'il n'y ait rien qui par mauuaises meurs corrompe l'ame, ne qui par quelque monstrueuse déformité rende le corps difforme. Et pource que la beauté est à tous fort plaisante & agreable, il faut soigneusement obseruer les choses qui selon les causes naturelles donnēt ou empeschent icelle grace. Et veu que principalement elle consiste en l'imagination de la femme, & es choses qui exterieurement suruiennent, faut diligemment mettre peine qu'rien ne se presente deuant les yeux d'icelles, ne qu'elles ne mettent en leur cerueau quelque forte pensée, qui pendant que le fruit se forme en leur ventre, ne leur cause aucun inconuenient. Car pour certain s'ils aduiēt quelque mal, ou quelque frayeur & espouuante-ment de quelque chose à l'impourueu, incontinant toute l'emotion & tout l'effroy s'en va à l'enfant, les esprits naturels & les humeurs acourans tous là, & toute la faculté de la femme s'empeschant & employant à y former quelque chose de telle façon. Et de fait, quand la pensée vehemente & arrestee apprehende d'une grande affection les especes des choses, & les verse & remue souuent, adonc certes elle imprime en l'enfant la forme que par assidue imagination elle a fantasiee en soy-mesme, de sorte que l'affluence de l'esprit interieur & des humeurs, imprime la forme de la chose imaginee. Pource n'est point sans cause ny en vain, que d'aucuns sont d'un

corps enorme, d'un regard tords, & malplaisant
qu'ils ont de grosses leures & de grosses iouës en-
flées, la bouche torse & fendue à l'aduantage, de
fort mauuaise grace, veu que telles choses aduiē-
nent de ce que les femmes enceintes ont conceu
en leur entendement & pensee, ou fort entendi-
uement considéré semblables formes & phan-
tomes. Parquoy certes ny à rien que ie reprou-
ue plus en aucunes femmes mignardes & saffre-
tes, que ce qu'elles se delectēt tant es petis chiēs,
& à certaines guenons, & qu'elles les tiennēt en
leur gyron, elle les flatent, amignottent, baissent,
& manient mignardement, & ainsi par fréquent
& assiduel regard, la nature imparfaite des fem-
mes, conçoit en l'entendement ie ne sçay quoy
de forme estrange, & en consequence figure en
son enfant vn visage moins beau, & moins plai-
sant à voir. Ainsi en la gaule Belgique court au-
jourd'huy vne certaine race de petis chiēs qu'on
apporte de Malte, lesquels sont tenus entre les de-
lices des plus grandes dames, & sont vulgairemēt
appelez Camuz, & sont forts petis de corps blācs
comme neige, ayans le museau fort camuz & ra-
baissé au milieu, le poil long & crespelū, la queue
non corbee contre le ventre comme les chiēs me-
stis, ains dressée contre mont, gros yeux à fleur de
teste, mais fort chassieux, & ayās les iambes quasi
comme rompues, & recourbees enuiron la join-
cture des pieds, quasi comme point de poil sus le
derriere, en forme d'un Lyon: de sorte qu'ils mō-
strēt le cul tout à descouuert, & pource quād quel-

cun les regarde, soudain ils leur tournent & montrent le cul. Ce petit bestion attendu qu'il est mal plaisant & de membres & de mouuemens, & qu'il y a plusieurs choses en luy que la nature de la femme eneeinte pourroit transformer en soy, ie cōseille de chasser au loing, & de s'en deffaire, de peur que celles qui deuiennent grosses n'en retiennent quelque deformité. Vray est que de leur nature ils ne sont ainsi difformes, & n'ont les membres ainsi vilainemōt tortus, ains par soing des hommes qui les tiennent serrez en petis pāniers & les nourrissent petitement, les font deuenir gresles; ainsi qu'aux ieunes filles (comme dit Terence) l'on espargne le manger pour les ſēdre comme vn ionc, de peur que si quelqu'vne deuenoit par trop grasse, elle ne tinst du champion nourry pour les exercices du corps. Ainsi les basteleurs qui vont ioūant par le monde tordent les membres à ieunes enfans, à celle fin qu'ils soyent plus agiles & adroits à diuerses manieres de sauts mesmes n'agueres vn de leur mestier allant par villes & bourgades, mōstroit vn enfant qui auoit la teste si excessiuiement grosse, qu'il n'y auoit aucune proportion avec les autres mēbres. Lequel vice quand il prouient de maladie, cōme celuy là, les Medecins appellent hydrocephal, à cause que la teste est toute enflée d'humour. Dont vne certainē femme encēinte ayant veu seulement peinture de c'est enfant, estant toute espouuētee d'vn tel spectacle inaccoustumé, quand vint son temps d'accoucher, nō sans danger de sa per-

*Recit de
chose ad-
uenue.*

sonne porta vn enfant qui auoit la teste toute spongieuse, & d'vne espouuëtable grosseur: & qui pis estoit, tant plus ledit enfant tettoit sa nourrisse, & plus la teste luy deuenoit grosse. Dequoy la poure femme se vint cōplaindre à moy, & me mōstra l'enfant: duquel cōme doucement ie maniois la teste & pressois des doigts deçà & delà, la peau s'ēfonçoit en mode d'vn mol oreiller, puis se releuoit, pource veritablemēt tels spectacles sōt fort à fuir, nō seulemēt aux femmes grosses, ains aussi à tous ceulx auxquels la veuë & imagination de telles choses peut rōpre & empescher le sommeil. Ce qui est coustumier d'aduenir aux enfans, aux malades, aux vieilles gēns, & aux melancholiques, combien la veuë de telles choses monstrueuses ne leur soit si dangereuse qu'aux femmes, lesquelles venant à voir telles monstruositez: en figurēt quelque semblance en leur fruit. Car attendu que toutes les forces & facultez sont du tout employees à former l'enfant, aduient que si la femme est troublee de quelque mal, toutes les humeurs & tous les esprits descendent en bas, & prennent leur cours en la matrice. Ausquels si l'imagination de la chose veuë & fort imprimee en son cerueau entreuient, adonc la faculté qui est occupee à former le fruit, luy forme telle figure qu'elle a conceuë en son entendement, dont n'est pas dit a tort que l'imagination faict le cas, par semblable raison, si vne souris, vn chat, vne belette, ou quelque autre chose telle, faulte à l'improuuee sur le corps de

vne fême grosse, ou que quelque fraize, quelque corme, quelque cerize, ou quelque graine de laurier, ou quelque pepin de raisin luy touche en quelque endroit du corps, soudain s'imprime en l'enfant vne marque ou tache semblable en pareil endroit, sinon q d'auéture la femme tout sur le châp apres auoir bié nettoiyé la place, mettre la main en la partie de derriere ou autre de sō corps loingtaine de celle ou l'accidēt s'est rencōtré. Au moyen dequoy incontīnēt le mal est destourné, ou bien la marque s'imprime en celle loingtaine partie qu'elle aura touchée, toute l'imagination & faculté naturelle se tournant en cest endroit.

Du desordonné appetit & desir insatiable, des femmes enceintes à mager, certaines choses, en desault desquelles elles tombent en inconuenient. CHAP. V.

L'ORDRE du precedent discours, requiert que ie discoure quelque peu du desgoutemēt des femme grosses, & de l'insatiable enuie qu'elles ont d'aucunes choses, veu que l'vn & l'autre gist en presque semblable raison. Enuīrō dōcques le troiesime mois, depuis la conception, il y a vn vice dit par les Grecs citta, & par les Latins Pica, lequel tourmente grandement les femmes grosses, durant lequel, à cause des vicieuses & froides humeurs, & de l'aigre pituite dont leur estomac est infecté, elles desirēt merueilleusement de manger des charbōs, des escailles de noix, & de la craye, des tais de pots de terre, & autres choses qui tota-

lemēt ne sōt bōnes à mager. Lequel mal principale-
ment se r'engrege, lors que les cheueux commen-
cent à venir à l'enfant, & quand elles sont gros-
ses d'une fille: à cause que lors par deffault de cha-
leur, les humeurs pituiteuses moins se cuisent,
d'ou aduient que plusieurs fluctuations & rots
assidus trauaillent lors les femmes. A ce mal est
fort semblable le degoutement & delicatesse
qui leur vient, a quoy les hommes & ceulx mes-
mement qui ont fièvre, sont aussi bien souuent
subiects. Mais certes les femmes grosses qui sont
molestées de telle imperfection, sont tellement
esprises d'un desir insatiable de quelque chose,
que si elles n'en ont la fruiction, elles mettent en
certain peril de la vie elles & leur fruiet. Or sont
les femmes de Flandres la plus part subiectes à
tel mal, par ce qu'elles sont de froide & moite
nature, avec la mauuaise nourriture dont elles
viuent. Tellement que de nostre temps y en est d'un acci-
trouué, lesquelles voyans un certain personnage *Histoire*
refait & en bon point, & d'un corps gras & po-
telé, ont eu enuie de manger de son espaule, &
pource un iour ledict homme voulant satisfaire
au desir d'une femme grosse, de peur que son fruiet
n'en fust interessé, volontairement luy oëtroya
& permit de ce faire. Parquoy à belles dents
elle en print un bon morceau, & l'ayant un
peu maché tout creu, elle l'aualla incontinent.
Mais n'estant pas encore contente, elle y vou-
loit retourner, l'homme la repoussa, & ne vou-
lant pas souffrir une seconde morsure, dont in-

continent la pauvre femme merueilleusement triste & faschee, vint à enfanter, & comme elle portoit deux gemeaux, elle fit celuy mort qui n'auoit gousté de celle chair humaine. Dequoy ie ne puis presumer autre raison, sinon que pource que la femme ayant le cœur oppressé de douleur, l'esprit vital se diminue, & les humeurs destinées à la nourriture de l'enfant sont transportées ailleurs qu'en la matrice: de maniere que l'enfant estant destitué de la nourriture dont la mere le veut alimenter, l'aguit, ou meurt. Car quand les passages sont estouppez par lesquels la nourriture à accoustumé d'estre enuoyee en la matrice, adonc necessairement il fault que l'enfant soit frustré de son aliment, & consequemment priué de la vie. Que si la femme grosse est de robuste nature, & qu'elle puisse dompter ses affectations, pour cela le fruit ne mourra point: mais durant sa vie il sera fort maladif. Dequoy on cognoit euidentement que fait l'imagination de la femme, que fait le desir de quelque chose veüe ou conceüe en l'esprit, à la formation du corps de l'enfant: pource certes ceux ne me semblent faire contre la raison de l'art, qui ne traitant les patients tant à la rigueur, & ne se montrans par trop rudès, quelquefois permettent à d'aucuns manger certaines choses dont ils fretilent d'enui, encores qu'elles leur soyent contraires, pourueu qu'elles n'apportent par trop grand dommage au corps. Car veritablement quelquefois par telle permission de manger telles cho-

fes, nous destournons de fort longues maladies,
 & qui par certains interualles vont & reuiennent.
 Et de moy, quand les malades sont grandement
 atténuez de longues maladies, ma coustume
 est de ne me rendre par trop fascheux & obstiné
 a leur octroyer ce que d'une tresgrande enuie
 avec flateuses parolles & grande priere, ils requierent
 quand si ardamment ils le desirent & qu'avec vne
 grande allegreté & merueilleux appetit, ils le mangent:
 a celle fin que la chaleur naturelle par ce moyen
 excitée, & les facultez interieures estans emeuës,
 les mauuaises humeurs enracinees au corps se
 puissent diger, & par l'ouuerture des passages soy
 vüider, pource suyuant l'autorité de Hippocras, i'ay
 esgard a quelquefois gratifier aux patiens, & clor- *Hippocras au liure 2.*
 re les yeulx aux choses qui ne peuuent beau- *Aphorif.*
 coup preiudicier. Car (comme il dit) la viande & 38.
 le bruuage, encores qu'il soit quelque peu mau-
 uais, moyennant qu'il soit plaisant, est a prefe-
 rer à celuy qui est meilleur: mais moins agrea-
 ble. La cause est, que toutes choses plus elles
 sont sauoureuses & plus plaisantes au goust, au-
 si plus facilement elles se cüisent en l'estomac
 & plus donnent de nourriture, par ce que gaye-
 ment & a grand plaisir les reçoit. Ainsi i'en ay
 cognu qui pour auoir mangé de harancs tous
 crus & tous frais peschez de la mer, ont perdu
 les fieures quartes, & les fieures erratiques. Pour-
 ce és maladies qui sont desesperées & qui sont ve-
 nues au comble de leur malice, ie ne fais grand

scrupule de celle si grand desir de manger de
quelque chose, & ne me monstre trop difficile &
rigoureux a leur accorder ce que si fort ils ap-
petent : mais bien avec election & iugement,
& en leur prescriuant la maniere & facon d'en
vser, ie le leur octroye par tel si, que ie m'assen-
re qu'il destournera la guarison, & que ie voy
bien qu'il pourra assopir & estaindre la maladie.
Car par celle grande ardeur & vehement desir
de telles choses, la force & vertu de nature para-
uant endormie est tellement resueillie que re-
prenant ses forces, mieux elle combat son mal,
ainsi nous repoussons vn mal par vn autre, tout
ainsi qu'un clou par vn autre clou, & à vn mau-
uais neud, comme l'on dit, nous appliquons vn
mauvais coin. C'est que nul ne doit trouuer imper-
tinent veu que mesmes en d'aucunes maladies
volontairement nous excitons la fièvre esquel-
les autrement ne restoit esperance de guarison,
de fait i'en ay cognu qui par s'estre trouuez sou-
dainement enuahis de leur ennemis, & par auoir
eu vne frayeur inopinée, ont perdu la fièvre quar-
te, ainsi qu'en nostre pais par vne soudaine inon-
dation de la mer suruenue à l'improuuen, vne cer-
taine peçuliere maladie qui lors couroit par tout
le pais, & qui ia auoit emporté ie ne scay quant
milliers de personnes, vint incontinent à pren-
dre fin. Ce qui ce fait pour autant que quand
quelque trouble suruiert sans y penser, les amas
des humeurs s'escartent çà & là, & les maladies
par vne euacuation critique viennent à se mo-

*Arnauld de ville
neuve au
breniaire.*

derer & appaiser. Dont est procedé la coustume que soudainement & au deprouueu nous poussons ceulx dens l'eau, qui par la morsure d'un chien enragé desirent l'eau, & si la craignér, tellement que par vne crainte nous en chassons vne autre. Comme aussi nous irritons d'aucuns malades de maladies froides, & faisons tant qu'ils entrent en cholere & s'eschauffent, à celle fin que la chaleur naturelle estant ainsi esmeüe, les humeurs crues & froides se cuisent, & la nature soit incitée à dompter & vaincre la maladie.

Que la femme fournit semence aussi bien que l'homme, & quelle est concurrente de l'œuvre.

LA ÇOIT que la semence virile soit la principale & la plus verueuse, & quelle soit le commencement de l'action du mouvement, & de la generation, toutesfois se peut prouuer par fortes raisons & peremptoires arguments que la femme fournit aussi semence & ayde pareillement la procreation de l'enfant. Premièrement inutiles & frustratoires seroyent en elles les vases spermatiques, & les genitoires, si la femme n'estant garnie de telle semence, n'en fournissoit point de sa part. Mais puis que nature n'a rien faict à la volée & en vain,

il est necessaire que les genitoires & tels vaisseaux de sperme soyent faicts & establiz pour l'usage de la semence, & pour la faculté d'engendrer: desquels la force & la nature est de fournir au sperme vne vertu seconde & generatiue. Dequoy certes il n'y a rien qui porte meilleur tesmoignage que ce que nous voyons de grâdes maladies & fort mauuais accidēs d'icelles aduenir aux femmes, si par l'irritatiō de la copulation charnelle elles ne rendent leur semence. Tellement qu'il se voit plusieurs femmes vefues pour auoir discontinuē longuement l'œuure de venus, pareillement plusieurs filles ia meures & capables du mariage, depuis qu'on attend trop tard à les marier encōres qu'elles rendent leurs menstrues en leur temps, ce neantmoins estre tresgriefuement tormentēes d'un defailllement de cœur, & suffocation de matrice. Car il faut que chascun entende & tiennē pour certain que par la retention de la semence corrompue nature est plus interessēe que par la suppression des menstrues, à cause que la semence gastee tourne en venin. D'oū prouiennent les pallees couleurs aux ieunes filles quand elles commencent à sentir leur cœur (comme on dit) & deuenir amoureuses: aussi que souuent elles soupirent, & qu'elles ont vn battement de cœur, par ce que la faculté expulsiue est incitee à getter hors celle humeur excedente & superflue. Que si telles, soyēt veufues conuoiteuses d'un tel deduit, soyēt filles ia aagees, viennent à estre mariees, & que
par

par le chatouillement de ceste volupté elles rendent leur semence avec effect de grosseſſe, incon-
 tinēt vous les voyez reprendre couleur & vne
 face vermeille comme roſe, & deuenir douces &
 amiables, & moins penſiues & chagrineuſes,
 principalement quand elles ont rencontré vn
 mary preux en l'exécution venerique. Et com-
 bien que le liēt nuptial ne ſoit ordonné à fin de
 tels exēcz, toutēſois ne voyons ce ſexe mieux
 gagné ne ſe rendre plus affectionné par quel-
 que choſe qu'il ſoit, que ſi le mary luy complaiſt
 en cela. De ſorte que par ce moyen tout eſt pai-
 ſible en la maiſon, & n'y a ne noiſe ne tempeſte.
 Autrement ſil eſt tardif ou laſche & recreu au
 meſtier, toute la maiſon va deſſus deſſoubs, tans
 ſont atēues aſpres à la beſongne, que pluſtoſt
 en peuuent eſtre laſſees que ſaoulees. Qui m'a
 ſemblé eſtre bien la principale raiſon a cognoi-
 ſtre que la femme en ce tel mutuel embraſſement
 fournit ſemence, & y reçoit plus de plaifir que le
 mary. Car puis qu'il eſt ainſi ordonné de natu-
 re que par l'iſſue de ceſt eſprit inflatif, & par le
 chatouillement des nerfs, vne trefgrande dou-
 ceur de plaifir, enſuit le flux du ſperme genera-
 tif, & que la femme face double deuoir, c'eſt à
 dire, qu'elle ſi ayde en l'vne & l'autre maniere
 (car elle attire la ſemence de l'homme, & meſle
 la ſienne avec icelle) il eſt vray-ſemblable qu'elle
 y prent plus de plaifir, & rend plus de ſemen-
 ce. Dont aduient communement que les en-
 fans ſont plus conformes à la mere qu'au pere,

*La femme
 apperel l'hō
 me, cōme
 la marie-
 re ſa for-
 me.*

par ce que les forces de la mere sont plus abondamment infuses en eux, & pource les aiment elles tousiours plus tendrement, & y sont plus affectionnées & plus assortees. Car outre ce qu'elles y fournissent leur semence, aussi est le fruct nourri & accru de leur pur sang, pource ie trou-

Galien au liure 2. de la semence. Galien estre de ceste opinion, qu'il estime re que du pere, & mesmes il rapporte la formation & la difference du sexe à l'affluance du sang menstrual, & la ressemblance à la force & vertu de la semence, tellement que comme les plantes tiennent plus de la fertilité du terroir que du labour & main du laboureur, ainsi l'enfant reçoit toutes choses plus abondamment de la mere. Car premicrement la semence des deux personnes est eschauffee & coagulee par la chaleur de la matrice, puis par le sang de la mere peu à peu prend augmentation, qui fait que l'amour des enfans envers les meres est si grande par vne sympathie, c'est à dire, par vne correspondance & compassion de nature, & que plus amplement les forces d'elles sont infuses en eux. Comme aussi toutes meres sont beaucoup plus affectionnées envers les petits enfans que ne sont les peres, lesquelles ordinairement leur sont plus seueres & plus rudes. Ce que ie croy estre denoté par *Matth. 8.* l'Euangeliste, quand sous le nom de Rachel il introduit les meres deplorer la perte de leurs enfans, & en auoir receu en leur ame vne si grande playe de la priuation d'iceux, par le meurdre

de leur tendre fruit qu'elles ne pouuoient aucunement se resjouir ny receuoit confort; tellement que suyuant la sentence d'Esaie, il n'y a rien plus contraire aux loix de nature; que voir vne femme oublier son enfant, & que toute affection maternelle ostee, elle soit inhumaine enuers son fruit, & en tienne peu de compte. Bien voyons nous aussi vne inclination & affection naturelle des peres enuers eux: mais qui se demonstre bien plus tard. Car lors qu'ils sont ia grans, les peres leur portent bien plus grande amitié, & lors songnent a leur auancement quand ils commencent à concevoir quelque esperance d'eux. La ou les meres sont pitoyables d'eux durant qu'ils sont ieunes; & tant plus y sont affectionnées que le petitaage a besoin de ayde & support, & pource leur sont moins rudes & plus fauorables que les peres. A ceste cause les saintes escriptures tant de fois inuitent les enfans à la recognoissance & retribution, laquelle à l'exemple des cigongnes ils doivent à leurs pere & mere. La mesme affectiō se cognoit en la poule laquelle ayme tres-cherement les poussins qu'elle a couuez: & combien que le coq ait mis és œufs celle force par laquelle ils sont animez, toutesfois il n'est touché d'aucun soing ny amour enuers eux. Or que l'un & l'autre fournisse semence, nous en voyons l'experience és œufs des poules, lesquels elles font sans estre sauchees du coq: mais fils sont mis sous la poule pour estre couuez, ils pour-

Esaie cha.

49.

*Matt. 23.**Matth.**3. 33.**Couuee de la poule.*

riissent plus tost qu'ils ne prennent vie, la ou les œufs que la poule fait apres avec l'ayde du coq, produisent des poussins apres le vingtneufiesme iour qu'ils ont esté mis, que mesmes ils piolet en la coque avant qu'elle soit rompue. Celle portee donques tant ennuyeuse des meres durant laquelle l'espace de neuf mois elles nourrissent le fruit de leur pur sang, ensemble l'amour qu'elles ont enuers leur enfant nouveau nay, & la ressemblance le plus souuent con forme & de mesme teint à celle de la mere, euidentement demonstrent que les femmes contribuent semence, & qu'elles seruent autant a la formation du fruit que les hommes, lesquels apres auoir getté leur semence, & auoir accompli l'acte charnel, se retirent & ne donnent aucun secours ny ayde à la femme pour accomplir le fruit, combien que pendant l'espace de tant de mois, la faculté de la matrice de la femme doit former & labourer plusieurs choses.

Virgile

Eneid. 6.

*Et faut que par necessité expresse
Ce qui s'unit, coagule, & se compresse
De langue main, à merueilles s'assemble,
Et craigne tout, accroissement ensemble.*

D'où depend l'espèce & le sexe de l'animal, c'est à dire, auquel des deux doit estre attribué la generation du masculin de la femelle, à l'homme en à la femme.

CHAPITRE VII.



OMB IEN que toutes choses doivent estre recognees dependre de ce grand ouurier de tout l'univers, toutefois plusieurs choses se font selon le cours de nature, & suivent leur ordre, & sont mues de leur propre & naturel mouvement.

Et attendu que Dieu est auteur de toutes ces choses, apssi à il accoustumé d'en changer plusieurs, & y procéder par vn ordre tout au contraire de la Loy de nature, & produire aucunes choses en autre forme. Comme pour exemple la femme desirant auoir vn fils prie Dieu ardemment de luy en donner vn, à la requeste de laquelle Dieu se monstre exorable, & condescend à sa volonté. Ce qui sera plus euidant par exemple. Sarrà ia bre haigne & à laquelle ia de long temps les fleurs auoient cessé, conceut d'Abraham ia tout vieil & chenu l'enfant Isaac, auquel Dieu voulut toute l'esperance de sa posterité estre fondee, & toutes nations prendre de là le commencement de leur salut & liberté acquise. Anne pareillement presque demi morte de douleur & enuy de se voir brehaigne, suppliant le Seigneur continuellemēt & quasi l'importunant de requeste assidue pour auoir ligna.

Genes. 17.

1. des Roys

sup. 1.

4. des Roys

4.

Luc 2.

ge, obtient quasi comme par force Samuel le
 Prophete. Aussi la pitoyable & debonnaire ho-
 stesse d'Elise, aux prieres du Prophete eut vn
 enfant, lequel aussi depuis fut resuscité de mort
 à vie. Ainsi Zacharie la fort ancien & chenu (la
 diuine pouruoyance cōduisant ainsi toutes cho-
 ses) eut d'Elisabeth la aussi fort vieille, & en la-
 quelle n'y auoit plus d'esperance de lignee, eut
 dy le fruct Isā qui fut precursor de Iesus Christ.
 Semblablement maintes autres a grande instan-
 ce ont impetré de Dieu vn certain sexe, à celle
 fin qu'il y eust quelqu'un qui succedast à l'heri-
 tage des ancestres, & en peust iouir à l'aduenir.
 Que ne peut aucun faire doute que telles choses
 ne dependent d'un special don de Dieu, & que el-
 les ne soient leur effect peculiet par son vou-
 loir; mais nous voulons icy traicter des choses
 qui aduenent selon l'ordre des causes naturel-
 les & lesquelles nature a accoustumé de produi-
 re par sa propre force & vertu. Celle donc en
 premier lieu dispose vn corps qui soit propre &
 fortable aux meurs de l'air, & à chascun accom-
 mode sa temperature. Et pource qu'il y a deux
 principes desquels le corps humain est fait &
 procréé, & lesquels rapportent la semblance à
 leurs pere & mere, & donnent le sexe au fruct
 à sçauoir la semēce laquelle est commune à tous
 deux, & l'humour menstruel propre à la femme
 seule, la semblance gite en la vertu & force de la
 semence de l'homme ou de la femme, de sorte
 que pour l'abondance de la semence fournie

par l'un & l'autre, le corps s'essemble à l'un des deux: mais la difference du sexe point ne se rapporte à la semence, ains au sang menstrual, lequel est special à la femme seule. Car si celle vertu estoit en la semence, certes attendu que celle de l'homme est plus puissante & plus chaude, tousiours le sexe retireroit à luy. Parquoy donc l'espece ou le genre de l'animal s'attribue au temperament des qualitez actiues, lesquelles git en chaleur & frigidité, & se rapporte à la substance ou nature de la matiere subiecte, à sauoir au conflux du sang menstrual. Et comme la semence fournit la force d'engédrer & de former le fruct, ensemble la matiere; pareillement fleurs sont conioinctes, la matiere & la puissance. En maniere que comme la semence sert totalement de commencement materiel, ainsi fait le sang menstrual de commencement en pouuoir. Car (comme dit Galien) la semence est vn sang fort cuit par les vases qui le contiennent, dont ensuit que le sang le est non seulement la matiere d'engendrer le fruct: mais aussi est sperme en puissance. Or que le sang menstrual ait en soy l'un & l'autre, à sauoir la matiere & la faculté à engendrer quelque chose, c'est vn cas notoire: mais la semence en ce qu'elle est effective, bien est elle fort puissante: mais en cas de matiere elle ne mōte quasi riē, là ou le sang menstrual en cas de matiere abonde grandement: mais quant à estre effectif & auoir force d'ogédrer, il est foible que si le comēcemēt materiel produire. selon le-

*Galien, li-
ure 2. de la
semence.*

quel soit le sexe de l'animal, gisoit tout és fleurs, sans faute le fruyet seroit tousiours conforme au sexe de la mere, tout ainsi que si la vertu effectiue estoit seulemēt en la semēce, il seroit semblable au pere. Mais quand l'vn & l'autre fournit, sent les deux principes, & que l'abondance de la matiere predomine és fleurs, & celle de la faculté & puissance en la semence, adonc à bon droit (ainsi tesmoigne Galien) le fruyet prend plustost son sexe de la mere que du pere, combien que sa semence serue au principe materiel, vray est que plus foiblement: mais la semblance, isoit que l'imagination y vaille beaucoup, ne rapporte point tant à la mere qu'au pere, combien qu'il y ait plus grande force en la semence virile. Car le sperme feminin ayant par le cours de neuf mois prins puissance du sang menstruel, est d'autant plus accru que du commencement de la conception il estoit surmonté, attendu que c'est le propre de la semence de la femme d'augmenter & enfoncer plustost sa propre substance, que celle de l'homme. Par ainsi la femme non seulement fournit matiere a former l'enfant: mais aussi la force & faculté de l'accomplir, combien que le sperme feminin soit la familiere nourriture de la semence virile, à cause de son humidité & subtilité, & pource aussi plus commode à biē & propremēt former, de mode que ainsi que d'une cire ou argille molle & souple, la main de l'ouurier peut former tout ce qu'il veut, ainsi la semēce & sang mēstrual de la femē insiste

Galien.

-il, n'est
de la
conception

effectueusemēt à la formation, & paracheue totalement le fruit. Ou bien si vous voulez de tel cas prendre comparaison de la nature des choses, ce que la terre est aux plantes, cela est la matrice en la conception. Car ainsi que la semence des plantes à besoin de la terre, à fin qu'elle en soit nourrie & augmentee, ainsi le sperme viril requiert vne mere qui soit touchée de desir de generation: par l'humeur de laquelle & par l'arrousement du sang venāt de ses veines, le fruit preiue nourriture. De la considerez de combiē grande subtilité & industrie vse nature à concevoir & former l'homme: lequel d'une vertu en soy naturellement infuse, devient grand, & par secret accroissement parvient à force parfaite.

Des enfantemens prodigieux & monstrueux, & incidemment que signifie le proverbe, Il est nay au quartier brisant, icy autrement expliqué qu'il n'est en ce mien liure mesme n'a pas long temps mis en lumiere.

CH. A. P. VIII.



La nature de l'homme & ses parties destinees à generation, sont bien disposees, & qu'en icelles n'y ait riē à redire, elle produit vn enfant beau en toute perfection. Mais s'il y a quelque tare, ou que les semences soyent brouillees & confuses, ou que les principes de generation soyent autrement qu'il ne faut coagulez,

adonc s'engendrent des enfans monstrueux. Il y en a qui soustiennent que plusieurs môstres proviennent par l'influence des constellations celestes, & par les mutuels aspects des astres, en punition des pechez. Ce que comme ie confesse estre vray, aussi voudrois- ie bien maintenir que la plus part aduiennent de la mauuaise disposition de la matrice, de la semence souillee & corrompue, & de la faço extraordinaire par laquelle on se peut conioindre. Car comme en la fonte si la matiere est impure, & non bien nettoÿee de ses crasses & ordures, & si le vase ou receptacle, est de trauers ou recourbé, & entr'ouuert, ou fait à plusieurs angles, ou tortu, fendu entourillé de plusieurs canaux, ou qu'il n'y ait piece qui tienne ensemble, nous voyons figurer les Images ridicules & absurdes, & qu'on a horreur de voir; semblablement si les lieux sont mal disposez, si la matrice incline en l'vn des costez, & que la matiere ne soit apte, ou soit mal temperée, jamais nature n'en rendra belle & parfaite forme. Ainsi les femmes du bas païs, mesmement celles qui demeurent es lieux circonuoisins de la mer, pource que elles se tourmentent fort, & se meuent quasi sans cesse en accomplissant l'œuvre de nature communement donnent des formes estranges & inaccoustumee à leur fruiet: en maniere que non seulement elles produisent vne masse de chair qui n'a nulle forme, & qui mesme resiste à vn tréchant de couteau, mais ausi i enfantent quelque chose de vilaine figure, qui se remue & qui à vie,

& qui seulement tient quelque peu de la forme de l'œuvre commencée, à la semblance des premiers lineamens que fait vn peintre avec vn charbon ou croyon. De fait, les mariniers, auxquels elles sont la plus-part mariees, quand apres vn lōg voyage ils sont tous gays arriuez a port de salut, incontinent les accollet sans auoir esgard à leurs fleurs, & sans observer le temps du deffaut de Lune, ou qu'elle est en conijonction avec le Soleil: auquel temps vn tel embrassement, à cause des menstrues des femmes, est fort dangereux à raison que lors la semēce ne se peut prédre & deuēment vnir avec le sang de la femme. Dont il aduient que ce qui s'est engēdré s'escoule & se perd, ou bien s'il est retenu, nature ne peut elabourer vne matiere ainsi confuse & mal aliee. En quoy non seulement l'incontinence des hommes est à blasmer, mais aussi celle des femmes: lesquelles pour n'auoir eu de long temps la compagnie de leurs maris s'ingèrent souuent d'elles mesmes, & ardemment rauissent la semence, comme vn homme affamé la viande, & cōme vn Cerberus quelque bon morceau. Qui est cause que la faculté de la matrice est totalement prinée de son esperance de generation, ou bien si elle s'effaye de faire quelque chose, & qu'elle mette la main à l'œuvre, elle donne vne figure au fruit toute autre que celle d'homme. Quelquefois aussi trois mois apres, ce vilain amas d'ordure s'escoule en grande abondance par lopins, en maniere de quelque sale esgout de nauire. De quoy approche fort vn

certain flux qui quelquefois tormente & moleste grandement les femmes, pour les griesues trenchées de ventre qui l'ensuyuent en nostre país, pource qu'une telle conception communement se fait, par la force de laquelle descoulent les menstrues, ils l'appellent l'enfanement de la Lune, y sans de ce mot Manekindt. Or se charge quelquefois sans compagnie d'homme, par vne luxure imaginee en celles auxquelles grandement il demange (comme l'on dit) & qui sont fort lascives & veneriques: tellement que par frequens regards & atouchemens des hommes, leur semence se coagule & conglutine avec le sang menstrual, & la faculté de la matrice avec la chaleur naturelle, esbauchent quelque proiect d'un animal. Mais puis que la cause formelle y deffaut, à sçavoir sperme viril lequel tiét lieu de l'ouurier, certes la matiere que la femme fournit prêt vne estrange & lourde forme. Quelquefois aussi autans en aduient par la compagnie de l'homme, quand au defaut de la Lune, & le quatrieme iour apres qu'elle est nouvelle, qui est lors que les menstrues coulent aux femmes, il accolle la femme, sans auoir aucun respect au cours de nature: comme celuy qui destourbe vn flux naturel. Ce qu'en nostre país il dient en commun langage, Pisser contre la Lune: & ceux qui en sont conceus sont par les Latins dits Nais au defaut de la Lune, pour autant qu'ils ont prins commencement de vie à la mal'heure, & le comencement de leur procreation contre l'ordre & reigle de nature. Dont

il aduient que ceux qui sont ainsi conceus ont
 coustumierement malheureuse issue de toutes
 choses qu'ils entreprennent. Aussi certes quand
 l'homme se conioinct à sa femme au temps des
 menstrues, il estouppe le flux, de sorte qu'il faut
 que le sang retourne en arriere & se regorge: ainsi
 qu'on en peut voir l'experience és tonneaux de
 vin, & quād l'on saigne du nez, alors qu'en y met-
 tant vn faucet, ou le bout d'vn mouchoir tors en
 mode d'vne tente, nous arrestons le vin, & re-
 streignons le sang. Laquelle retention de fleurs
 n'est ne bonne ne necessaire, cōsideré que la se-
 mence estant vne fois meslee avec vne telle hu-
 meur, ne peut former vn homme pur & net. Veu
 que c'est vne matiere totalement impure & nul-
 lement capable à receuoir aucune belle ne decē-
 te forme. Dont certes à bon droit & suyuant le
 commandement Diuin, Moyse me semble auoir
 bien defendu, que nul n'eust affaire à femme qui
 eust ses fleurs. Car au vray à peine pourroit-on
 dire quelle macule & contagion, quel domma-
 ge, & qu'elles incommoditez de maladie encou-
 rent ceux, qui trop subiects à leurs plaisirs em-
 brassent d'vn grand cœur telles femmes. Vne tel-
 le contagion s'augmentant petit à petit, & fina-
 lement venant à enuahir toute la disposition du
 corps, iusques à l'infecter à la longue de ladrerie.
 Ce qui aduient bien plustost, quand la femme est
 entachée de quelqu'vne de ces maladies qui pour
 le iourd'huy sont communes aux paillardes pu-
 bliques. Car lors par son atouchement elle infe-

Moyse.

Éte & corrompt tout d'un venin tressoudain. Parquoy nul ne se doit tant esbahir d'ou procedent tant d'enfantemens monstrueux, tant d'hommes si difformes, tant d'ulceres, mutilez, contrefais, ayant les iambes tortues & bossues, ayans tant d'hemorroïdes au fondement, tant de poulins & bosses chancreuses es eines: & quant à l'ame, tant de gens lourds, oublieux, estourdis, vils & ignaves, fols, transportez, insensez, & sans aucune raison: attendu qu'ils ne prouviennent d'autre cause que d'une desordonnee copulation charnelle: & faite en temps in deu, ou bien plustost sont descendus en la lignee par la semence viciee & corrompue des peres & meres. A ceste cause ils doyuent bien considerer en eux le tort qu'ils font à leur lignage de s'adonner ainsi indiscretement à generation sans horreur de l'infec tion de la femme, sans esgard de la Lunaïson. Car lors ils sont cause que les enfans qu'ils engendrent sont priuez de tous les dons & singularitez de nature, dont sont abondamment douez ceux qui sont bien naiz. De sorte qu'ils ne sont propres ny aptes à rien faire qui vaille. Que s'il s'en mettent en deuoir, ils n'ont iamais bonne issue ny prosperer succez de tout ce qu'ils entreprennent. Car ils sont d'une nature imparfaite, ayans les facultez naturelles, & tout ce qui peut aider l'homme à faire deuëment ses actions, affoiblis, mutilez, & imparfaits, combien que non par leur taute, ains par celle de leurs pere & mere, lesquels indecemment & contre l'ordre de na-

ture se sont assemblez en temps indeu de generation. Et pource ont esté priuez de plusieurs choses dont les autres sont singulierement douez, ou bien en ont eu petite part, ou avec quelque grand mal-heur. N'estans aussi moins interessez en l'atme, comme estans priuez de tout sens commun d'humanité, estans lourds, abestis & mal propres à toutes choses, & nullement à comparager aux autres en aucune excellence de doctrine, en dexterité d'entendement ny subtilité d'aucune inuention, ny en aucun iugement ou prudence. De fait, ces anneés passées vne femme demeurant en vne certaine isle, s'adressa à moy pour luy seruir de medecin : laquelle ayant esté engrossée par son mary, qui estoit marinier, le vent e luy commença à croistre à telle & si extraordinaire grosseur, qu'elle ne sembloit suffisante à porter vn tel fais. Le temps de neuf mois passé, qui sont les trois quarts d'un an, la sage femme ayant esté appelée, tout premierement avec vne grande peine & grande destresse elle enfanta vne certaine masse de chair, qui n'auoit aucune forme: laquelle ie coniecture icelle auoir surengendré qu'on appelle superfetation apres auoir legitimement conceu. Icelle lourde masse auoit d'un costé & d'autre deux anses longues en mode de bras, & si se mouuoit, & sembloit qu'elle eust quelque vie en soy, ainsi que les espôges, & les vrties de mer, que nos gens appellent Elschouue : lesquelles on voit en grand nombre flotter sur mer en esté, & tirées hors de

*Histoire
d'un mon-
stre mer-
ueilleux.*

l'eau glissent merueilleusement, & mesmes si elles sont longuement maniees elles se fondent. Peu apres luy sortit du ventre vn monstre ayant vn bec crochu, le col long & rond, les yeux fort mouuans, la queue longue & pointue, & fort agile des pieds: lequel si tost qu'il eut veu la lumiere, commença à demener vn grand bruit par toute la chambre courant çà & là pour se vouloir cacher quelque part: mais à la fin les femmes l'attraperent, & avec de coussins & oreillers l'estoufferent: lequel genre de monstre pource qu'il auoit tout beu & succé le sang de l'enfant, ils appellent San sue, en nostre païs Snyghiers. Finalement celle femme fit vn enfant malle tellement meurtri & deschiré par ce monstre, qu'il suruesquit bien peu apres auoir esté baptisé, & la femme ayant eu grand peine à se remettre en son premier estat, m'a conté au vray les grandes molestes & tourmens qu'elle en auoit enduré: à laquelle i'ordonnay vn bon regime, ensemble les choses qui luy estoient propres à restaurer & reestabli ses forces: car elle estoit toute esperdue & merueilleusement debilitée: Toutes lesquelles choses & plusieurs autres, doyuent seruir d'enseignemēt à vn chacun, que tout se fasse droit & par ordre en ceste conionction, de peur que quelque tort ou destourbier soit fait à nature. En quoy certes vn ras de vanteurs sont grandement à reprendre lesquels sont du tout desordonnez en cest acte sans vouloir souffrir qu'on leur prescriue aucunes loix de moderer celle volupté. De sorte

que

que sans aucun respect de concoction ou crudité d'estomac, sans aucune difference du iour ou de la nuit, mesprisans toute opportunité en tel cas requise, quand il leur vient à plaisir, ils satisfont à leur luxure & appetit voluptueux, & se vantent y auoir tant de l'homme en eux, que par quelque continuation & effort qu'ils en fassent, iamais ils ne s'en soulent, ny ne s'en lassent. Lesquels hommes tant excessifs en paillardise me semblent totalement ignorer à quel vsage sont donnez à l'homme les parties genitales, cōme ceux qui en vsent non pour engendrer & auoir lignee, ains seulement pour assouuir leur sale lubricité, & les conuertissent à vn plaisir inutile à generation: mais tels certes à la fin porteront la peine d'une telle desbordée & effrenée luxure, ayans les articles & ioinctures des pieds & mains tous contrefaits & nouëz de gouttes.

Par quelle maniere peut engendrer fils ou fille celuy qui en a desir: & incidemment de quelle cause s'engendrent les hermaphrodites, c'est à dire ceux qui ont les deux sexes ensemble.

CHAP. I X.



I quelcū desirer auoir vn fils, ou vn autre, vne fille, il faut auant toutes choses qu'il ait cecy pour tout persuadé, que le succez & vrais cōmēcemens en doyuent estre reclamez de Dieu, auquel la cause d'un tel effect principa-

lement consiste. Car quelque fois il aduient, que combien que les facultez naturelles soyent bien disposees, neantmoins les hommes deuiennent steriles & sont priuez de generation.

osee cha.

9.

Dieu par Osee le Prophete menace ceux qui contre son ordonnance & commandement se contaminent par vne illegitime copulation charnelle, ou qui cherchent autres moyens d'auoir lignee que par luy. Pource, dit-il, qu'ils sont allez à Beelphegor, c'est à dire à l'image & statue de leur Dieu Priape, & qu'ils se sont adonnez à vilanie, leur gloire s'eluanouira de leur ventre, de leur conception, & de leur enfantement. Le leur donneray vne matrice sterile, & des mamelles tairies: leur racine se flectura, & ne produira aucun fruit. Que s'il aduient qu'ils ayent des enfans, ie mettray à mort leur fruit tant aimé & si cher. Lesquelles parolles doyuent grandement aduertir chacun, & admonnester que toutes entreprises dont Dieu est irrité, ne prosperent point & ne tirent qu'à infortune & encombrer. Pareillement en Ezechiel Dieu vse de mesme menace enuers aucunes femmes superstitieuses, de ce qu'elles la mentoyent Adonis mignon de la deesse de Venus: duquel elles solennifoyent par anniuersaire la statue en forme d'un beau ieune homme, occis par un sanglier, au droit des parties honteuses. Mais si point il n'est offensé contre les hommes, & qu'il permette toutes choses aller selon l'ordre de Nature, & selon leurs loix, il n'est pas defendu de chercher de moyens & secours externes, & d'al-

*Ezechiel
chap. 8.*

der à l'imbecilité de Nature si quelquefois il ad-
vient que par quelque cause occulte & cachée
on ne puisse auoir enfans, & qu'on s'en trauille
en vain. Or y a-il deux choses par lesquelles
principalement s'accomplit l'acte venerique, &
qui aident grandement à engendrer enfans. La
premiere est la semence genitale, laquelle vient
partie du cerneau & de tout le corps, & partie du
foye vraye officine & ouuroir du sang. L'autre est
l'esprit procedant du cœur par les arteres: par la
force duquel la verge se dresse & deuiet roide,
& par l'impulsion duquel la matiere de la semen-
ce est poussee & elancee. Ausquelles deux choses
entreuiet l'appetit & le desir de telle ceuvre de
nature: lequel est excité & enflammé, ou par l'i-
magination, ou par le regard & ceillades des bel-
les femmes. Desquelles aides quiconque est des-
pourueu, ou bié les a lasches & foibles, il doit di-
ligemmēt chercher la maniere par laquelle vn tel
defaut de nature se peut reparer, & les forces d'i-
celle se restaurer. De sorte que cōme nous voyōs
les chāps steriles estre rédus fertiles par le labou-
rage & industrie des hōmes, & les plantes infer-
tiles produire force fruiēt par la diligēce qu'on y
employe: ainsi à bié cultiuer vn tel fons la mede-
cine aide grandemēt, & remedie aux vices de na-
ture, & cōme si ce fust vn chāp sterile, par le bien
fumer le rend de bō rapport. En maniere qu'elle
reduit à son vray réperament la chaleur lāguissan-
te, les rares & petis esprits, la seicheresse cōioincte
à la froideur, l'imbecilité des nerfs & des parties ge-

nitales: & d'autre costé fait son effort de détruire toutes choses qui ostent l'espoir à l'homme de pouuoir engendrer. D'auantage, attendu que les viandes & les qu'ilitez elementaires sont fort propres à causer changement, & à reduire vne mauuaise disposition de corps à meilleure, il est nécessaire que telles gens vsent de viandes d'ot nature peut estre rendue seconde & generatiue. Or entre les choses qui esmeuuent luxure, & qui sont propres à former sperme, sont nombrez les viandes de bon suc, & de grande nourriture, & qui rendent le corps sain, disposé, & en bon point, telles que sont les viandes chaudes & humides. Car la substance de la semence (tesmoing Galien) se fait de la pure & bien cuite, & ventueuse superfluité du sang. Ou il faut noter que la force d'augmenter & accroistre la semence gist en aucunes choses, & es autres la vertu d'inciter & esmouuoir le chatouillement, & de bouter hors l'humour spermatique. Les viandes qui fournissent matiere, sont œufs de poules phaisans, Griues, merles, Becquefigues, poulets, pigeonneaux, petis passereaux, perdrix, chapons, estodeaux, amendes, pignons, raisins cuits, & raisins de Corinthe, tous bons vins & delicieux, doux & purs sans eau, & principalemēt vins muscats. Et celles qui font dresser les parties genitales, & leur causent vn chatouillement, sont le Saryrion à trois feuilles, le chardon à cent testes, le cresson alenois, la torterelle, les pastenades, les cardons & artichaux, les oignons, les naueaux &

Galien.

raues, les asperges, le gingembre confit, Galanga, le glayeul de riuere.

Roquette aussi, propre à mettre en amour Columel.

Ces amoureux, qu'on va semant au tour li. 10.

De Priapus Dieu roide & fructueux.

Pour eschauffer les maris paresseux.

Toutes lesquelles choses & assez d'autres, esmeuent les reins, & incitent à l'amour. Tellement que comme nous voyons mettre tout premierement à force poudre dans les harquebuses & artilleries, & les remplir de boulets, puis apres y auoir mis de l'amorce, & y auoir mis le feu avec de boulé, ou par vne corde allumée, nous voyons sortir le boulet avec vne merueilleuse impetuosité: ainsi en c'est œuvre de copulation charnelle, il est besoin de deux choses pour ne point perdre sa peine, c'est à sçauoir qu'il y ait abondance de semence & vne certaine force & vertu d'un esprit venteux, par laquelle la semence puisse estre poussee hors, & inseree en la concavité de la matrice. Que si tels bastōs à feu sont vuides ou de nulle valeur, ou que la poudre ne vaille du tout rien, adonc ils n'ont auenne force à battre murailles & rempars, ny ne menent grād bruit, ains seulement vn petit son à la maniere des vesies enflées dont se ioüent les petis enfans. A ceste cause en nostre contree les femmes des salines disent communement ceux assez biē tonner qui en vain & sans getter semence lassent & tra-

uassent. Vne femme, mais qu'il ne pleut rié pour cela: c'est à dire que pour cela les parties interieures du vêtre n'en sont mouillees & attrempees de la rosee liquoreuse. Car tels ont bien les veines enflées, mais despourueues de sperme. Parquoy si ceux qui sont mariez veulét bien gratifier à leurs femmes, & les rendre fort affectionnees, qu'ils n'y aillent point desgarnis, autremét ils se les redront maussades, facheuses, & en rien qui soit obeissantes. Mais quand ils se sentiront à plein pourueus de ce qu'il faut, qu'il treuuent l'opportunité de se pouoir non inutilement employer à la besongne: qui est lors principalement que leurs fleurs sont bien vaidees: car cest esgoust d'ordure empesche que les semences ne se prennent & uassent, & fait que la matrice n'est aucunement capable de conception. Pource quand les menstrues aurót cessé, & que la matrice sera bien espurgee, adonc sans aucune cōiunction enorme & dereiglee, & sans y aller à trop violentes secousses, qu'ils s'employét à generation, & apres telle copulation charnelle legitiment accomplie, que la femme se tourne doucement sus son costé droit, & ayant la teste basse & le corps auallé deuers le cheuet, qu'elles s'endorment & se reposent. Car en ceste maniere les semences seront destournées au costé droit de la matrice, consequemment en sortira vn masse. D'auantage, la saison de l'an, la region, l'age d'un chacun, & les viandes chaleureuses y ont beaucoup d'effect. Car l'esté, pourueu qu'il ne soit trop ardent, est bien la saison la plus commode à en-

gendrer enfant masse, parce que le sperme & le sang mēstrual, pour la qualité de l'air qui l'enserronne les personnes, conçoit plus de chaleur. Pareillemēt la region chaude, l'age meur & parfait, & les corps fort velus, sont plus aptes à engendrer masses. D'auantage y a maintes choses, qui par vne vertu speciale & occulte, & par vn effect secret sont fort commodēs à cela. Ainsi l'herbe Mercuriale (dont il s'en trouue de deux fortes, à sçauoir la masse & la femelle) est estimée tres-efficace à produire le sexe de son genre: tellement que si apres le premier iour de la vuidange des fleurs, l'on boit par quatre iours de la decoction ou du ius du masse, ils donne vertu à la matrice de procreer vn fils: comme aussi si l'on prend du ius de la femelle par autāt de iours, & à la maniere que dessus, il preste occasion de engendrer vne fille, principalement si lors que les fleurs sont passees, l'homme & la femme par mutuels accollemens entrent en leur chaleur, & consequemment ont compagnie l'vn de l'autre: & ce (comme ie pense) par ceste raison, que le ius du masse purge & eschauffe la concauité droite de la matrice, & le ius de la femelle, la gauche. Dont se fait, que l'humēur froide estant ostee, la femme est rendue capable de conception. Car tout ainsi qu'en vn lieu fort moite & marécageux, les semences des plantes sont suffoquees, & ne peuent aisement prendre racine, ainsi par la superfluité de celle humeur froide les semences sont tellement amorties, que la force &

Mercuriale.

faculté de la matrice de la femme ne peut former
 aucune espece ne sexe. La mesme vertu & effect
 ont aussi le Sefeli de Marseille, la sauge, la noix
 mugette, le vray cinanome, la casse en escorce,
 le zeduarium, le bois d'aloës, l'espergoute ou
 matricaire, toutes les especes de Calament, au-
 trement polior sauuage, ou herbe à chat, le sper-
 ge sauuage, le Diptam ou Gingembre de iardin,
 l'enule campane, la racine de playeul, le ius de
 Bëioin, & infinis autres tels simples qui chassent
 les ventositez, & qui greuent les parties des excre-
 mens & espoisse crasse dont ils sont enduits, &
 les preparent comme vne terre de nouveau cul-
 tiuee pour semer. D'autres aussi font par autres
 propres vertus, que la matrice soit moins glissan-
 te & moins coulante, & que plus fermement la
 semence sy tiennne comme font toutes especes
 d'ambre, les limures d'yuoire, le styrax calami-
 te, La corne de cerf, le Sumach, les ongles odo-
 rants de Constantinople, la grayne de murthe,
 les oiseaux dits Galbules, les noix de Cyprez, l'é-
 cens & son escorce, le mastic, la Becoine, les clous
 de girofle, l'herbe de quinte feuille, & les roses
 rouges. Dont les vns appliquez exterieurement,
 & les autres prins interieurement renforcent la
 matrice, & consumans l'humeur superflue resser-
 rent icelle ouuerte, & luy donnent force de retenir
 le sperme. Et pource que les femmes de deça les
 monts, sont souuent affligées du mal de la mere
 (qu'ils appellét) & d'autres vices de la matrice, il
 leur est besoin de s'accoustumer à l'usage de ces

choses sur toutes autres. Que si les lieux sont par trop dessechez, il faut vser de medicamens & de viandes qui moderement humectent. Au surplus ceux qui se veulent rendre dignes de l'estat de mariage, & qui point ne veulent estre frustrez de l'esperance qu'ils ont d'auoir lignee, doiuent accepter ceste loy, c'est à sçauoir qu'ils ayent la compagnie de leurs femmes par interuales de temps, de sorte qu'ils n'y soyent ny moins ny plus assiduz qu'il est de raison. Car veritablement l'un & l'autre est fort nuisible à generation, attendu qu'espandre demesurement sa semence, espuise grandement les forces de la personne, & consume les esprits : aussi la retenir plus long temps qu'il n'appartient & discontinuer totalement l'usage des femmes rend la semence de nulle vertu, & moins virile. Aussi en tel cas faut grandement considerer l'opportunité & observer le tēps conuenable pour la compagnie de sa femme, ensemble quel sexe vous auez conceu en l'esprit de vouloir engendrer. Or décrit fort bien Auicenne, auteur non vulgaire & de non petite autorité le temps & la maniere de procreation de l'un & l'autre sexe. Quand dit-il, les fleurs ont cessé & que la matrice est nette & bien purgée (ce qui aduiēt quasi le cinquiesme ou le septiesme iour) si l'homme touche alors à sa femme depuis le premier iour que le cours des menstrues est fini iusques au cinquiesme, il s'engendrera vn fils, si depuis le cinquiesme iusques au huictiesme, il s'engendrera vne fille, & si depuis le huictiesme

Auicēne.

iusques au douzième, de rechef s'engendrera vn masse : mais si apres cestuy nombre de iours il vient a auoir sa compagnie, il s'engendrera vn Hermaphrodite. Et combien qu'il ne rende raison de tels effects, toutesfois il me semble qu'on en peut bailler d'assez probable. Car les premiers iours, la matrice ayant esté bien nettoyee, & toute l'ordure méstruale bien vuidée, celle conçoit plus de chaleur, par laquelle sperme viril est plus efficacement coagité & prins avec celui de la femme, & adressé au costé droit de la matrice par la force attractiue du foye & du rein droit, desquels aussi le sang chault est deriué tous ces iours là, pour la nourriture du fruit futur. Car les parties gauches toutes frilleuses qu'elles sont, & depourueues de sang, ne peuuent incontinent apres la vuidange des fleurs, chose qui soit, ains plus tard, & en bien plus petite quantité, le sang est attiré des venes de la partie fenestre, lesquelles ils appellent emulgentes (c'est à dire, qui retent & attirent) & lesquelles se coulent au long de la ratelle & du roignon gauche, de sorte que des apres le cinquième iour iusques au huitième, il decoule quelque sang d'icelles pour nourrir le fruit, à ceste cause quand ces parties font leur deuoir, & les droictes cessent, alors à cause de l'assiette du lieu & de la nourriture froide, il s'engendre vne fille. Puis apres le huitième iour, de rechef les parties droites reprennent l'office de fournir le sang pour nourrir le fruit masse : mais ce temps expiré, par ce que le sang méstrual

decoule indifferemēt de tous les deux costez, & que par l'abōdāce de celle humeur froide, la matrice est amortie, aussi que la semēce ne tire ny en l'vne ny en l'autre partie, à ceste cause les semēces entre elles cōfuses engēdrēt vn Hermaphrodite, lequel quād il est cōceu, prêt ses forces & sa forme ores du costé droit, ores du gauche, & s'ayde de l'vn & de l'autre, de la prouienēt le sexe double en vne personne des Androgines ou Hermaphrodites, qui est vn nō formé de Mercure & Venus. Quelquefois aussi ce vice de conception prouiet d'vn accollemēt enorme, quād contre le stile ordinaire, d'exercer l'acte venerique, l'hōme se couche dessous, & la femme dessus, non sans grand dommage souuētesfois de la santé, a tomber en hergne & greucure, principalemēt quand trop chargez de viandes, ils vīent d'vne telle facon de faire extraordinaire & illicite.

A sçauoir si l'enfant est nourri au ventre de l'excrement menstruel, & si les filles peuuent concevoir leurs fleurs.

CHAP. X.



V.E d'aucunes soyent capables de la compagnie de l'hōme le douziēme an de leur aage, & que plusieurs non sans grand offense de nature & intērest de leur santé n'ayent leurs men-

strues le dixneufiesme an, les experiences qu'on en voit tous les iours en portent bon tesmoignage, pource plusieurs forment ceste question, si quād la fille est meure & propre a porter l'homme, & que ses menstrues ne luy coulent pas encore, si elle peut concevoir. Plusieurs sont de ceste opinion que cela ne se peut faire, & qu'elle ne peut concevoir sinon apres le cours des menstrues, lesquels certes me semblent en cela dire chose du tout consonante à la verité. Car puis que ce qui ayde la conception deffaut & que la matrice est depourueüe de l'humeur dont il faut que le fruiet soit nourri, comme se pourroit faire que la conception se paist. De faict, les femmes de nostre pais, principalement celles qui font mestier de recevoir les enfans, arguent en ceste sorte par vne similitude des arbres. Tout ainsi dient elles qu'à toute plante qui gette sa fleur n'est point le fruiet denie, & nul arbre qui florit n'est sterile: mais tout arbre qui est privé de sa fleur est infertile, ainsi les ieunes filles qui ne gettent encores leurs fleurs, point ne conçoivent ny ne deuiennent grosses: mais celles qui sont d'aage deuiennent enceintes & portent enfans tant que leurs fleurs leur durent. Car pour autant que le descoulement d'un tel excrement fournit matiere de generation de l'homme, la semence virile en mode d'une presure & d'un leuain, le coagulant, & de la aduient que la femme ne peut concevoir, ne d'autant que telle humeur ait son cours, ny apres qu'elle a cessé, comme

estant depourueu du nourrissemēt dont le fruiēt
 est nourry & augmenté. Or se meut icy vne au-
 tre questīon, si les menstres sont vn excrement
 propre & conuenable a la nourriture de l'enfant
 ou si c'est seulement vne ordure, laquelle par cer-
 tains temps determinez se vuide en maniere de
 quelque egoust. Je sçay bien que tel est l'auis de
 Plinē & de plusieurs autres, lesquels attribuent *Plinē.*
 aux menstres vne force monstrueuse & du tout
 pernicieuse, & en font vn grand discours, blas-
 mans en mille sortes vn tel venin. Tellement
 que Iuuenal ayant prins de là argument de mes- *Iuuenal*
 dire, incite les hommes à auoir en haine les fem- *Satyr. 6.*
 mes, si que de faict deliberé par toute vne satyre
 il tend à les retraire par ce mespris totalement
 du lyen de mariage. Bien sçay-je assez combien
 les fleurs sont ordes & puantes, & quelles nuisan-
 ces & incommoditez elles portent, si elles sont
 supprimees auant le temps deu, & combien a
 granderaison Moyse par l'expres commande- *Leuiti. 18.*
 ment de Dieu, a defendu que l'homme n'eust la *Ex. 20.*
 compagnie de la femme souillée de telle vilanie. *Deute. 23.*
 Comme aussi en vn autre endroit, il dechasse de
 la compagnie des hommes les Gomorrheens, c'est
 à dire qui sont subiects à estre pollus de flux de
 sperme, & commande qu'ils soyent purgez. Sem-
 blablement Esaye voulant declarer vne ordure *Chap. 64.*
 extreme & grandement abominable. Toutes
 noz iustices, dir-il, sont semblables au drap souil-
 lé de menstres. Ce que combien que soit vray
 en euidence, & que ce grand legistateur par le

conseil du Dieu souverain ait a bon droit inhibé & defendu, que nul n'eust à se contaminer par si orde cōiunction, de peur d'en attirer quelque dangereuse tache & contagion. Toutesfois cela ne contrainct point que la fluxion d'une telle humeur soit superflue, & que de rien ne serue à la sustentation du fruit, attendu qu'Hippocras, inuenteur, s'il faut dire, de la profession de Medecine, & son imitateur Galien tesmoignent en maints passages le fruit estre nourri du sang mēstrual, & par la defluxion d'iceluy des veines, recevoir augmentation. Voicy les mots de Galien. Le sang, dit-il, & la semence genitale sont les commencemens de nostre generation, lesquels prouiennent des premiers principes, comme de leur racine, le sang estant comme vne certaine matiere propre qui l'accommode à tout ce que l'ouurier veut faire, & la semence estant comme l'ouurier. Et de rechef és commentaires sur les Aphorismes. Le sang mēstrual, dit-il, qui est l'un des commencemens de nostre generation, est humide de sa nature. Et la se raporte l'Aphorisme de Hippocras, que quand la femme est grosse, & ses menstrues luy coulent, il est impossible que l'enfant soit sain. Car le sang qui pour la nourriture est enuoyé de tout le corps en la matrice, luy est collu. Si donques les menstrues coulans ostent les forces à l'enfant, & le frustrent de sa nourriture, il est necessaire que quand ils sont arrestez & retenuz, qu'ils seruent & fournissent nourrissement tout le temps de la portee. Que

*Galien au
liure de cō
seruer la
santé.*

*Galien au
liure 1.
Aphor.
14.*

fils ne seruent aucunement, & d'iceux ne se ti-
 re rien pour la sustentation du fruit, distes moy
 à quoy tient-il, qu'es femmes enceintes & es
 nourrisses qui alaictent, ses fleurs demeurent de-
 dans le corps sans aucun dommage ny offence
 de leur personne? Dequoy certes ne se peut ren-
 dre autre raison, sinon qu'ils sont conuerties en
 abondance de lait, ou qu'ils seruent à nourrir le
 fruit: mais à fin que ceste question soit mieux
 discourue, i'adiousteray ce Dilemme. Si les men-
 strues ne seruent de rien à la nourriture de l'en-
 fant, les femmes peuuet concevoir combié qu'il
 leur fluent, puis que nature peut attirer le sang
 des veines, pour la nourriture du fruit: mais si
 à cela ils seruent & qu'ils aydent à alimenter &
 augmenter l'enfant, elles ne peuuent concevoir
 sans leurs menstrues. Or dissout ce neud fort do-
 ctement Aristote. La conception, dit-il, de la na-
 ture, aduient es femmes apres les menstrues, &
 celles qui n'en ont point, sont la plus part bre-
 haignes. Toutesfois il se peut faire que quelques
 vnes, encores qu'elles n'ayent leurs menstrues,
 neantmoins conçoient, comme celles en qui
 l'amasse en la matrice autant d'humeur qu'il a
 accoustumé d'en rester en celles qui se vident.
 Car en aucunes adhère vne humeur en la matri-
 ce: mais non tant qu'il regorge dehors, lequel
 neantmoins peut satisfaire à la nourriture de
 l'enfant. Pareillement plusieurs durant leurs
 menstrues deuiennent bien enceintes, & apres
 ne peuuent concevoir, esquelles incontinent

Aristote
 en l'histoi-
 re des ani-
 maux 7.

Galien.

apres la purgation, l'orifice de la matrice grandement se reserre & ne s'ouure plus. Ce que Galien expose clairement par ces parolles cy, les vaisseaux de la matrice, dit-il, qui tendent au dedans d'icelle, de lesquels decoulent les fleurs, s'ouurent alors que la femme veut conceuoir, & le temps deuiant soudain que les menstres ont commence a sortir, ou principalement quand ils ont cesse. Car combien que tout le reste du temps de la purgation icelles bouches soyent aussi ouuertes, toutesfois la femme ne peut en aucune maniere conceuoir, attendu que la semence ne peut estre retenue en la matrice, ains par l'abondance du sang decoulant est emmenee: mais quand les menstres ont cesse, ou qu'ils ne font que commencer a fluer, icelles bouches sont ouuertes, & le sang menstrual ne decoule pas a force, ains en bien petite quantite & peu a peu, comme si c'estoit seulement vne petite rosee, par laquelle la matrice est seulement humectee & attrempee, d'ou aduient que le sperme adhere a l'aspreté d'icelle matrice, & recoit asses de nourriture de l'arrousement de ce sang decoulant. Car auant les menstres, la conception ne se peut faire, par ce qu'elle est depouruee de nourriture, & la semence ne peut adherer, attendu que lors les vases estans clos, la matrice demeure lice & polie, pour raison de laquelle polissure la semence glisse & s'escoule, & ne se peut prendre & coaguler, les choses aspres & raboteuses estans tousiours plus propres a ioindre & assembler

bler ce que l'on veut. Et de la vient que les bonnes commeres qui souuent meinent le mestier, ne conçoient point. A quoy se rapporte celle sentence de Hippocras : celles qui ont les matrices humides, point ne conçoient. Car la semence festeint en elles, ainsi que les semences des plantes en vn terroir marescageux. Semblablement celles qui ont les matrices seiches sont aussi incapables a porter. Car necessairement il faut que les lieux soyent amoitis de quelque peu de sang, & souuēt arroûez de degout des fleurs. Or sur quelles fermes raisons sont fondéz, & par quels forts argumens conferment leur opinion ceux qui nient que les menstrues ayent aucune puissance de nourrir l'enfant, ie n'en dispute point d'auantage, à eux le debat. Quant à moy, ie ne me croiray iamais que celle humeur soit inutile, & qu'elle ne serue de rien à la generation de l'enfant. Car puis qu'egalement en toutes femmes qui sont bien saines, les menstrues ont leur cours en certain temps determiné, que peut on autre chose resoudre, sinon que celle humeur est tiree hors pour quelque profit, & qu'elle n'a aucune nature de venin, sinon que par quelque maladie ou autre vice, elle soit retenue au corps, outre le temps deu. Ne plus ne moins qu'es plectoriques, c'est à dire, en ceux qui sont replets de grande abondance d'humeur, le pur sang mesme, sinon qu'il en soit tiré, se pourrit, & cause fieures continues, & autres fieures coustumières, de s'engendrer les vnes des autres, estinues.

*Hippocras
au liure 5.
Apher.*

62.

*Fieures cō-
tinues.*

quelles sortent en la superficie du corps plusieurs manieres de pustules, plusieurs boutons & empolles. Ainsi voyons nous les maisons qui ont esté longuement fermées sans y donner air, prendre vne odeur de remugle fort mauuaise. Puis donc que les fleurs sont l'excrement du sang superflu, lequel a cause de la debilité du sexe, n'a suffisante chaleur pour se cuire, ne par exercice se peut consumer ou dissiper, à ceste cause il est nécessaire que par la force & mouvement de la Lune, il se vuide, & que par ce flux non le corps soit nettoyé, ou s'il est retenu, faut qu'il se corrompe & prene nature de venin. Ce que toutesfois point ne se faiet, ny és nourrisles, ny és femmes grosses, qui est grand argument que celle humeur sert en temps opportun, & qu'elle n'est hors d'usage a la sustentation du fruit, non celle qui demeurant longuement en la matrice se corrompt, ains qui apres que la femme à conceu, decoule des veines en la matrice, & tout le temps de la portee fournit nourriture a l'enfant, pource si les lieux s'entr'ouurent tant ne quant, & que les menstrues viennent à fluer, certainement il aduiet que l'enfant n'est de longue vie, ou fort maladi.

Que l'ame ne prouient pas de la semence des peres & meres, ains est infuse diuinement, & qu'elle est exempte de toute mort & corruption. Plus à sca- uoir le quantieme iour apres l'empraignement elle y est mise.

C H A P. X I.



L n'y a chose qui plus enflamme l'ame de l'homme, en l'amour & reuerence de son Createur, ny par laquelle plus il approche de la vraye cognoissance de soy, que quand il se sonde & se considere au dedans, & que viue- ment il contemple l'excellence de son ame, car par ce moyen l'homme eleue son esprit en Dieu, & est conduit à la cognoissance d'iceluy, & tous vices & pechez delaissez, il commence à reduire en memoire qu'il est participant de la diuinité. Aussi n'est-ce chose de peu d'importance, ne qui se doie obmettre a la leger, sous silence, que l'homme ait reccu de ce grand Crea- teur, le spiracle de la vie, & qu'il ait esté faict conforme à son image & semblance. La digni- té & prerogatiue duquel excellent don, nul ne doit estimer consister en la forme du corps, ains en la partie interieure de l'homme, c'est à dire, en l'ame raisonnable, laquelle veu qu'elle est esprit celeste, & substance incorporel- le, extraicte du vray original de l'esprit diuin,

fait que l'homme est semblable à Dieu, & participant de la diuine essence. Quant au corps, pource que le Createur l'a fait d'un assemblement de matiere & masse terrestre, aussi à il permis qu'il fust mortel & corruptible. Mais l'ame, par ce que de luy, & par son inspiration il à mise en nous, il a aussi voulu exempter de mort & de toute corruption. Car puis que l'essence diuine est eternelle, & l'ame en est procedee, il est necessaire qu'elle subsiste eternellement, & qu'elle tienne nature pareille son origine, c'est à dire, qu'elle soit immortelle, & destinee à eternité. Et combien que la force d'icelle soit aucunement affoiblie, & qu'elle ne represente si au vif l'image de son Createur qu'elle faisoit auant l'offence, toutesfois elle n'est du tout esteinte, puis que la playe receüe de l'ennemy est par la magnificence du Sauueur resolidée & guérie, & que par sa vertu les choses qui par le vice du premier homme estoient deformeées & abbaues, sont toutes restaurees. Si quelqu'un veut experimenter la vertu d'un tel don de Dieu, & en desirer voir l'excellence, qu'il descende en soy-mesme, qu'il contemple & sonde diligemment son ame, certainement il y trouuera d'excellens & amples dons & graces, & de beaux ornemens, par lesquels l'esprit d'un chascun est abondamment doué, comme la raison, l'intelligence, le iugement, l'election des choses, la subtilité de l'esprit, la memoire, & plusieurs autres singularitez qui nous portent tesmoignage manifeste, l'ame

estre trop plus excellente qu'il la faille estimer corporelle ou subiecte à corruption. Certes c'est elle seule qui viuifie le corps, qui le gouuerne & adresse à diuerses actions, & l'exerce en plusieurs offices. Qui est cause que pour tant d'effects & diuerses operations, elle reçoit pareillement diuers noms. Car comme dit saint Augustin, quand elle donne vie au corps, elle est proprement dite Ame, quand elle veut & desire, elle est nommee de ce mot Latin Anixius, quand elle est ornee de science, & qu'elle s'exerce à bien iuger, elle est dite entendement, quand elle se souuient & ramentoit, est dite memoire, quand elle à raison, & discourt de chacune chose, est dite raison, quand elle insiste à contemplation, elle est dite esprit, & quand elle a force de sentiment, elle est dite le sens. Qui sont tous offices de l'ame, par lesquels elle declaire sa puissance, & met en effect ses actions. Or icelle estant assise en la plus haute partie du corps & la plus prochaine du ciel, espond efficacemēt sa force es autres parties, neantmoins n'a point son origine du sang, ne descend de pere ou mere, ne de la faculté de leurs semences, ains sont aucune concrétiō de matiere aliene de macule ou tous corps sont subiects, apres estre nouuellement creé de Dieu, est infuse en son ouurage ia ferme & stable, & non empruntée ou tirée d'ailleurs, comme se persuadēt les Druides, Pythagoriques, lesquels ont mis en auant vne ie ne sçay quelle absurde metempsychosie, c'est à dire, transanima-

saint Augustin, de l'esprit de l'ame, cha. 34.

tion, par laquelle ils se sont essayez de persuader
que les ames apres la mort passent en autres

Ouide au xv. Meta- morpho. corps, non seulement des hommes: mais aussi des
belles. Ce que clairement Ouide a exprimé au
quinzieme liure de sa Metamorphose:

Les Ames sont de telle qualite,
Que leur cours tend à immortalité,
Et en laissant leurs demeures premières
D'aller tousiours elles sont coustumières
En nouueaux corps, ou elles sont receues,
Et de redref en vigueur appereues,
Brief tout se change, & rien ne peut mourir,
L'esprit humain sans cesser vient courir
De lieu en lieu, & en tout corps estrange
Se met, & où sa volonte se range,
Laisant le corps des bestes sans raison,
Il prent le corps humain pour sa maison,
Et de ce corps de l'homme raisonnable
Il entre au corps de beste irraisonnable:
Et onc la mort n'a pouuoir de l'occire,
Ny son essence abolir & destruire:

Et pource les disciples & sectateurs de telle su-
perstition ont prohibé toute chair, estimans
chose abominable de manger d'aucune espèce
de bestes, de peur (comme dit fort plaisamment
Tertullia. Tertullian) que quelqu'un en mangeant d'un
beuf, ne mange de quelqu'un de ses vieux peres.
Laquelle lourde opinion doit estre totalement
reiettee par tous hommes de la religion Chre-

sienne, veu que tous les saints Docteurs enseignent pour certain, qu'à chacun est attribuee son ame, & qu'icelle est lors infuse quand le fruct est parfaict & accompli de tous ses membres. Ce qui se faict ordinairement au quarantecinquieme iour, depuis la conception, principalement es masses, quand ils doiuent venir à terme le neuvieme mois, car es filles desquelles la nature est plus flaque, ce terme passe iusques au cinquantieme iour. Et combien que telles choses ne se puisse iustement determiner par vn certain limité nombre de iours, si est ce que Hippocras a tresexactement calculé à quel temps est paracheuee la forme & figure de l'enfant, quand il vient à auoir mouuement, & quand il vient à naistre. Car au liure de la nature du fruct, il aduient, dit-il, qu'un fils soit paracheué, le trentiesme iour il prent mouuement, le soixantieme, & le septieme mois il vient à naistre. Que si l'a prins forme complete le trentecinquieme iour, il vient à auoir mouuement le soixante & dixieme, & à naistre le huietieme mois. Mais si le quarantecinquieme iour il a sa forme deuë & parfaicte, il se meut le nonantieme iour, & naist le neuvieme mois. Par lequel cours & ordre de iours & mois, nous voyons euidentement que le iour de la formation estant doublé, faict le iour du mouuement, & celuy du mouuement estant triplé, monstre le temps de la naissance. Comme pour exemple, quand la forme de l'enfant est accomplie

Hippocras

*En cōbien
de iours*

l'enfant est

parache-

ué & cō-

plet.

le xxxv. iour, si iceluy iour est doublé, il donne le iour que l'enfant commence à auoir mouuement, à ſçauoir le ſoixante & dixieme iour, lequel eſtant de rechef triplé, fait deux cens dix iours, ou ſept mois, ſi à chacun mois vous donnez trente iours & ainſi des autres. Mais par ce que la femelle eſt plus tardiuiement formee, & que la portee en eſt plus longue, auſſi le calcul du tēps en eſt vn peu plus diuerſe. Car ſi au xxxiij. iour elle eſt formee, elle vient à auoir mouuement le ſoixante & dixieme iour, & à naiſtre le ſeptieme mois. Et ſi le quarantieme iour apres auoir eſté conceüe, elle a ſa forme accomplie, elle aura mouuement le huictiefme iour, & naiſtra le huictiefme mois. Si elle eſt formee le xlv. iour, elle aura mouuement le nonantieme iour, & naiſtra le neufiefme mois, tellemēt que le fruit qui eſt entierement formé le cinquantieme iour, commence à ſe mouuoir au centieme, & vient à naiſtre au dixieme mois. Ce que j'ay diſcoursu aſſez au long, à fin que chacun entende l'ame raiſonnable eſtre lors inſule quand le fruit a ſa forme parfaicte. Car au premier mois l'ame de la mere n'eſt point occupee à la formation de l'enfant, ains ſeulement la faculté de la matrice, & la force vitale de la ſemence exercent leur office de moult induſtrieuſemēt elaborer l'œure & peu à peu luy diſtinguer ſes membres, & le réduire en ſa forme accomplie. En maniere qu'es ſix premiers iours les ſemences ſ'amoncillent en mode d'vn œuf, & retirent à la creme du lait, ou

sont produits certains petis filets en maniere d'une toile tenue d'araignee. Puis que les neuf iours apres suyans les vaisseaux & veines du nombril fournissent le sang & l'esprit, dont premieremēt se forment les membres organiques, & qui sont commodés au nourrissement, comme le foye, le cœur, la ratelle, les polmons, & le cerueau: lesquels depuis le premier moment de la conception iusques au dixhuitieme, sont accomplis.

Puis au XLIIII. iour après, les autres parties sont formées, & commence le fruit à prendre vie & sentiment: combien que par sa debilité il ne se meue, soit qu'estant encore trop debile, la mere qui le porte ne le puisse sentir. En ce temps doncques l'ame raisonnable est estimée entrer au ventre de la femme, & remplir de sa force les facultez & puissances naturelles, & paracheuer l'œuure. Ce que S. Augustin prouue par le tesmoignage mesme de Moyse. Si quelqu'un, dit-il, frappe vne femme grosse dont ensuyue auortement si le fruit est ia formé, qu'il en perde la vie: mais s'il n'est encores formé, qu'il soit condamné en amende pecuniaire. Par laquelle ordonnāce il denote assez clairement que l'ame n'est point en l'enfant, & qu'il ne merite d'estre nommé hōme, auant qu'il soit entierement parfait de tous ses lineamens, & qu'il n'ait sa forme accomplie. Parquoy, s'il est ainsi qu'elle soit infuse apres que le corps est paracheué on ne doit pas iuger qu'en la conceptiō elle ait esté portee quand & le sperme, Car si l'ame raisonnable laquelle subsiste e-

*S. Augu-
stin.*

*Quest. 32.
Exod. 20.*

ternellement, estoit en la semence, ou qu'elle fust conioincte & incorporée en icelle, certainement plusieurs âmes (comme il dit) par l'effluccion de la semence qui peut aduenir iouruellement, s'en iroyent au vent. Pource certes ne faut point croire qu'icelle soit tirée d'Adam, ou des peres & meres, ains qu'à chacun moment elle est créée, & infuse de Dieu. Ce qui se peut prouuer par ce dire de Iesus Christ. Mon pere œuvre encores iusques à maintenant, & i'œuvre aussi. Par lequel dire il donne couuertement à entendre, que le tres-bon & souuerain Dieu, & son fils à luy egal & de la mesme substance, est occupé à créer & conseruer les esprits des hommes, & intentif à produire les choses par lesquelles chacun animal subsiste, & prolonge & conserue sa vie. A quoy semblablement se rapporte le dict de David : Le Seigneur conserue hommes & bestes, c'est à dire Dieu subsistant tous animaux, & par sa planturofité les paist & rassasie : lequel pource qu'il est vniquement affectionné enuers le genre humain, aussi la il orné de dons & vertus peculiere. Pource y a grande difference entre les hommes & les bestes, & est leur condition beaucoup plus excellente. Car en l'homme il a infuz la raison & l'entendement, & (ce qui est denié à tous autres animaux) il a mené à la cognoissance de son Createur, & mesmes la inspiré de sa diuinité. Laquelle munificence Iob recognoit, quand il dit, Il nous enseigne plus que les bestes de la terre, & nous donne intelligence par dessus les oyseaux du ciel.

Iean 5.

Iseai. 35.

Iseai. 40.
Iob. 12.

Iob. 40. 35

Duquel singulier don & honorable liberalité de ce grand & souverain Monarque, sont aussi despourueus les enfans qui ne sont encôres parfaits & totalement paracheuez, & aussi les auortons, & ceux qui fault la forme humaine, sont horriblement monstrueux : desquels combien qu'aucuns se meuuent, & qu'il semble qu'il y ait quelque vie en eux, neantmoins ils ne tiennent point cela de l'ame raisonnable, ains seulement de la faculté de la matrice, & de l'esprit generatif, qui gisent au sperme & au sang menstrual. Car c'est ce qui nourrit & entretient & donne forme d'homme au fruités quarante premiers iours, Bien ont aussi les autres animaux vn esprit vital, & les autres facultez de l'ame, comme la vegetatiue & la sensetive : lesquelles ils tiennent de la faculté de la semence & de l'affluence du sang, & mesmes par iceux reçoivent accroissement & vie au ventre de la mere. A quoy tend ce dit du Leuitique: L'ame de toute chair, est en son sang. Car la vie & l'esprit de tout animal est au sang, & par luy est nourri & substanté, ainsi que la flâme d'une meche de lampe, quand il y a force huile. Laquelle force de l'ame, côme Galien à bien cognuë, aussi confesse il franchement d'ignorer, qu'elle est la substance de l'ame raisonnable, & d'ou elle procede. Que s'il eust esté instruit d'une meilleure philosophie, il n'eust point douté de dire que l'ame est une estincelle & inspiration de l'esprit divin, laquelle distingue l'homme des bestes, & le rend immortel. Or cōbien que plusieurs choses nous

*Ap. Leui.
cha. 17.*

Galien.

monstrét que chaque corps a vne ame à soy propre & peculiere, beaucoup plus encores manifestement me semble declarer la grande dissimilitude & diuersité que nous voyons és meurs, & entendemens, iugemens, aduis, & affections des hommes, attendu qu'autant d'hommes, autant d'opinions, & comme dit Horace:

Horace
an lin. 2.
des ser-
mons.

Autant de mille gens qui viennent en ce monde,
Autant diuersement le nombre grand abonde
Des inclinations à chacun peculieres,
Et d'estudes diuers, de façons & manieres,
Des hommes formes mille entr'elles dissemblables
De toute chose aussi d'usages non semblables.
Chacun à son vouloir, son dessein, son plaisir,
Et tous ne viennent point en un mesme desir.

Perse.
Saty. 5.

David.
Psean. 32

Ce qui me semble ne prouenir d'ailleurs que de la diuersé condition des esprits, & de la variété & difference des cœurs. Car comme dit David, Dieu à formé les cœurs & les esprits des hômes chacun à part, & a donné à chacun vne propriété speciale, & vne ame de particuliere nature & condition. Dont Salomon fort se resiouit & glorifie, qui luy ait esté departy vn esprit heureux, vn corps pur & net & toalemét sortable aux meurs de son ame. Mais en qu'elle partie l'ame est située, & ou est son vray siege, plusieurs des anciens en sont en cōtrouerse. Car les Philosophes la logent au milieu du cœur. Ce que le sage semble aussi denoter, quand il dit: garde ton cœur

Salomon.
Sap. 8.

Prov. 4.

en toute diligence : car d'iceluy procede la vie. Mais les medecins qui ont plus exactement enfoncé les œuures de nature, luy assignent sa place au cerueau: duquel tous les sens, & toutes les facultez & actions de l'ame procedent. Iacoit que sa vertu estant diffuse par toutes les parties du corps, entretient & viuifie & donne vigueur par sa chaleur à tous les membres. Et principalement au cœur, lequel cōme source de vie, elle emboit d'une speciale force par les arteres apopletiques ou soporaires qui tournoyēt autour du gosier: lesquelles si vne fois sont trāchées, les hommes deuiennēt secs & steriles, ou si elles sont bouchees, ils sont atteints d'apoplexie. Car il est necessaire qu'il y ait certaines voyes & conduits d'arteres & de veines, par lesquelles les humeurs & les esprits tant animaux que vitaux puissent passer, & receuoir de l'ame la chaleur naturelle. En maniere qu'ainsi qu'une chambre tant grande soit elle, est eschauffee par bon feu, & vne sale d'un bout à autre se remplit de l'exalation & lente chaleur d'un poele, ainsi le corps efficacement reçoit les forces de l'ame partout diffuses, & exerce ses œuures par son aide. Car iacoit que l'ame soit dite estre principalement fichee en vn lieu, toutesfois elle espend sa vertu du long & du lez du corps, se demonstret en vne chacune partie d'iceluy, & distribuant ses offices à chacun membre. Et ainsi les yeux, les oreilles, le nez, la langue, & les ioinctures des pieds & mains sont instrumens de l'ame, desquels elle se sert. Que si les organes qui luy

Veines apopletiques.

seruent, sont ou gastez, ou mal idoines, ou empeschés, adonc les œures d'icelle sont moins proprement exercitees : ainsi que nous voyons aduenir és fols, és vieillards, és enfans, & en ceux qui sont troublez d'entendement : en d'aucuns desquels les facultez de l'ame ou se demonstrent plus tard, ou du tout sont esteintes. Tellemēt qu'ainsi que le feu couuert de cendres, ne monstre point sa lueur, & le Soleil empesché de quelque obscure & espoisse nue, non moins depart sa clairté : ainsi l'ame qui est plongee en vne matiere humide ou vieieuse, conçoit vne certaine obscurité, laquelle mise au deuant de l'entendement, obsuque la lumiere de la raison. Et combien qu'en l'aage pueril moins apparaisse, qu'en l'aage meur & parfait, on ne doit pas pourrant estimer qu'elle ait vne enfance, & que peu à peu avec l'aage elle reçoynue augmentation, ou que par maladie ou vieillesse elle se diminue, veu que du commencement de la vie, elle est du tout parfaite & garnie de sa propre force & naturelle vertu : & ne reçoit plus de diminution quant à sa propre substance, ains seulement l'ineptitude de l'instrument fait que moins elle exerce ses offices. Dequoy i'ay delibéré de traiter plus amplement au chapitre suyuāt, à fin que les facultez du corps & de l'ame soyent plus pleinement cogneuës, & que chaēu cognoisse clairement combien elles conuiennent ensemble, & combiē elles sont affligees entre elles par mutuelles maladies.

Combien que l'ame soit incorporelle & ne soit compoſee d'aucune matiere ne d'elemens, neantmoins eſt compoſee aux affections, & ſent ſes perturbations, leſquelles redondent au corps.

C. H. A. P. XII.



EV que l'ame exerce ſes offices par le corps, & qu'elle porte çà & là ſon logis comme la Tortue ſa coquille, auſſi le plus ſouuēt aduiēt que quād le corps ſe porte mal, l'ame ſe trouue auſſi mal diſpoſee, non par vne indiſpoſitiō premiere, c'eſt à dire dont la ſource ſoit en elle, comme il a ſemblé à pluſieurs, ains par vn mutuel conſentement & vne loy de ſocieté. Car il y a vne ſi grande cōpaſſion & alliance entr'eux, que certains vices & certaines vertus de l'ame ſont communiquees au corps, & celles du corps à l'ame. Car puis que l'ame ſe fert des inſtrumens du corps, leſquels en maintes manieres viennent à eſtre viciez de mauuiſes humeurs, à ceſte cauſe il aduiēt que les organes eſtans ainſi corrompus ou empeschez, elle ne peut, ſi bien qu'autrement elle pourroit, deployer ſa force & vertu.

*Ainſi le corps chargé d'extremes maux & vices
Aggrauē auſſi ſon ame en mondaines delices,
Et aterre du feu diuin la portion
Que Dieu a mis en l'homme à ſa creation.*

Ce que Salomon ayant bien entendu auant *salomon.*
ce Poëte, Le corps, dit il ſubiect à corruptiō, ag- *sap. 9.*

graue l'ame, & tel habitacle terrestre hebeté l'entendement, & offusque le sens discourant maintes choses. Et combien que la substance de l'ame soit estimée ne tenir rien du vice ne de la contagion qui peut proceder de la composition du corps, toutesfois comme vne espoisse nue empesche les rayons du Soleil, & cause obscurité, & comme quand vn verre de diuerse couleur est mis au deuant des yeux : les choses se monstrent d'autre lustre qu'elles ne sont, à sçauoir, bleües, iaunes, verdes, orangees, rouges, ainsi l'interperie du corps offusque la lumiere de la raison, & obscurcit l'entendement, & empesche l'exploit des actions de l'ame. Ainsi les personnes yures & les insensez cuident qu'ils voyent toutes choses doubles, combien qu'il ny en ait qu'une. Ainsi les melancholiques imaginent des choses absurdes, & se forgent de fort estranges. Les choleres s'esmeuent & presque pour vn rien s'eschauffent terriblement, leur cerueau estant chargé de l'obfuscation de l'humeur peccant. Et de fait, quelles nuisances & qu'elles incommoditez les humeurs du corps apportent à l'ame, outre plusieurs petites & legeres infirmittez, la lethargie, l'apoplexie, la paralisie, le spasme, la manie, la phrenesie, & l'epilesie, maladies certes fort à redouter, en donnent bon tesmoignage : lesquelles priuent tellement & le corps & l'ame de toutes leurs facultez, que l'homme en tombe quasi comme mort, & est toute la force de l'entendement en luy comme du tout enseuelie. Pareillement si l'ame est

enta-

entachée de quelque vice, & qu'elle soit embue du venin ou de haine, ou d'ire, ou de ialousie, ou d'enuie, ou de mesdisance, elle attrait semblablement le corps a mesme vice, & l'enveloppe a mesme mal, sans que ie fasse plus long discours à deschiffrer les autres passions de l'ame: desquelles les fascheuses pensees rompent le repos, & les songes qui aduiennent en dormant. Car tesmoing Quintilien, il n'y a rien qui soit si brouillé, *Quintiliā*
 tant diuers, tant mal paisible, & s'il faut dire qua- *lin. 12.*
 si demembré de tant & si diuerses passions, que *chap. 1.*
 est vn entendemēt malin. De sorte qu'il ne peut, ny ne veut vaquer ny à sa santé, ny à aucuns honestes arts: comme a qui ne le dormir (chose forr plaisante à tout homme las) ny le parler, qui est quasi comme le medecin de l'esprit faché & dolent, ny le boire & le manger, qui nourrit & soustient le corps, ne sont douces ny agreables. Et de vray, quelle tranquillite d'esprit, qu'elle assurance & constance d'entendement pourroit-il auoir en ceux.

Desquels l'esprit remords de quelque fait meschant *Iuue. Sat.*
Les rend tous partroublez, & comme d'un tranchant *14.*
Et asseré cousteau en secret les transperce
Les tormente & bourrelle, en desesper les verse.
Aussi douter ne faut que ne soit vn tourment
De beaucoup plus cruel & trop plus vehemens
Que ne furent ceux-là, comme on dit, ia pieça
Que le graue Cetide ou Radamant trouua,
De porter iour & nuict dedans sa conscience
Vn remords fort tesmoing de sa peruerse offence.

*Esaye
chap. 7.*

A quoy se rapporte le dit d'Esaye: Le cœur du meschant flotte çà & là ainsi que la mer, les flots duquel redondent en fange & en ordure. Iamais il ny a paix, ny n'est iamais l'esprit en reposés meschans, dit le Seigneur. Car combien que l'ame peruerse soit bien souuent ioyeux, iamais toutesfois elle n'est asseuree. Or sont telles passions d'esprit si violentes & si aspres, & de telle force à causer infinis maux, que ceux qui occultement adherent à l'esprit, aussi se manifestent au dehors, & se descourent par leurs propres indices. De sorte qu'ainsi que la pureté & integrité de l'esprit reluit es yeux, au visage, en la couleur, & es traits & profit de la face, & se demonstre par tout le maintien de la personne: ainsi l'esprit infecté & pollué de tous vices, se manifeste exterieurement. Ce que denote bien Esaye quand il dit: l'apparence de leur visage leur est fort sortable, c'est à dire que leur face, & l'exterieure contenance de leur corps, demonstre euidentement qu'ils sont peruers, & qu'ils ne pésent que fraudes, malices, trahisons, séditions, & toutes meschancez. A quoy aussi s'accorde celle sentence de Salomon: Les yeux des fols ne font que vaguer & errer çà & là. En la face de l'homme prudent reluit la sagesse. Car pour certain le visage de l'homme est le certain indice de l'ame, & qui descouure euidentement ce qui est caché au fond du cœur. Ainsi estoit en Catilina, comme dit Saluste, vne couleur transie, vn vilain regard, vn marcher ores hastif ores tardif. Bref en la face, & tou

*Esaye
chap. 3.*

*Salomon
Eccle. 8.*

Saluste.

tes les contenances apparoissent vn merueilleux troublement d'esprit lequel esprit impur & des-
 plaissant aux Dieux & aux hommes, iamais ne
 peut estre appaisé ny par repos, ny par peines &
 travaux: tellement sa conscience tormentoit son
 entendement de perplexité & de crainte. Car cer-
 tes il ny a si petit vice de l'ame qui en apparen-
 ce ne donne certain signe & argument de foy.
 De sorte, que la haine, l'ire, la crainte le courroux
 vehement, la tristesse, l'amour, l'enuie, la trahi-
 son, & l'affection de desrober & de saccager ap-
 paroissent au visage, & s'y peuuent lire. Tellemēt
 que Diogenes regardāt vn iour vn ieune fils qui
 auoit la couleur transie & palle, afferma qu'il por-
 toit quelque amour ou enuie en son cœur. Car *Proff. 14.*
 quād les enuieux sont deplaisans de la vertu d'au-
 truy, ils deuient secs & se pourrissent en eux
 leurs os & leurs moiles. Séblablement voyāt vn
 autre, par force d'amour estre tout palle, disoit e-
 stre mort en son propre corps, & viure au corps
 d'vn autre. Lesquels propos assez nous donnent à
 entendre, que les vices de l'vn & l'autre partie pas-
 sēt de l'une en l'autre, & l'une est affligée par l'in-
 cōmodité de l'autre reciproquement. Toutesfois *S. Syprian*
S. Cyprian exēpte le corps de toute offence, & ne *Au pro-*
 veut point qu'ō luy en attribue. Tellemēt qu'il at *logue de la*
 tribue à l'ame, laquelle seule sent, vit, & se meut, *vertu de*
 tous les vices qui pullulēt en l'hōme, allegāt pour *Christ.*
 ses raisons q l'ame se sert du corps tout ainsi que
 vn mareschal du marteau & de l'enclume, formāt
 en luy toutes sortes de vilanies & conuoitises.

Car selon son opinion la chair ne suscite point le vice, ne forme point les pensées, ny ordonne des affaires, ains l'ame est la boutique ou se fait tout ce qui est désiré par la chair. Et quant à ce qui est dit que la chair combat contre l'esprit, & l'esprit contre la chair, il estime cela dit improprement parce que tel conflict appartient seulement à l'ame, qui debat avec soy-mesme, & plaide avec sa propre volonté. Car l'esprit estant enyuré de son désir, adresse le corps à vices, & tous deux d'un mutuel accord plongez en mortelles delices, s'y endorment. Ce que combien qu'il semble à vn tel personnage estre subtilement prouué, toutes-fois il vaut mieux se tenir à l'opinion de saint Paul, lequel estime le corps troubler merueilleusement empescher les actions de l'ame. Car la chair, comme il dit, desire tout au contraire de l'esprit, & l'esprit au contraire de la chair qui est vne guerre formelle de l'un contre l'autre, De sorte que l'homme ne fait tout ce qu'il voudroit bien faire. Certes, ce terrestre logis est vn grief fardeau à l'ame, qui l'empesche de mettre à effect ce qu'elle a conceu. Tellement que comme vn cheual qui craint fort l'esperon, ne se laisse pas manier à celuy qui le cheuauche, ains tache tant que il peut de s'en deffaire & de le ruerius: ainsi le corps resiste, & retarde l'ame tendant à choses honnestes. De maniere qu'un tel seruiteur par vn naturel depraué, est tousiours contraire & rebelle à son conducteur. Ce que Christ ramenoit souuent à ses Apostres dormans, quand il dit:

s. Paul.
Gal. 5.

Matth. 21

L'esprit certes est prompt, mais la chair est infirme. Car la chair fait de la sourde aux admonestemens & remonstrances de l'esprit, & est fort paresseuse à luy obeir. Tellement que comme celuy qui se met en chemin pour tirer en quelque lieu, s'en va moult legerement, où il a deliberé d'aller, mais s'il est fort chargé & aggraué de quelque gros fardeau, il ne peut auancer le pas, & beaucoup plus tard que son esprit ne vouloit paruiet là ou il tendoit: ainsi l'ame appesantie du fais de ce corps: a grande peine paruiet à la fin ou elle aspire, & difficilement paracheue son chemin encommencé. Parquoy il ne faut pas qu'aucun pense que le corps soit totalement oisif, ains que ses naturelles facultez, & les humeurs qui sont en luy, seruent ou nuisent aux actions de l'ame, icelle aussi luy aidant ou nuisant mutuellement. Autrement en vain & sans estre digne, le corps siroit fait participant à l'aduenir de l'eternelle ioye ou tourment, si en maints offices il n'auoit communication avec elle. Toutesfois combien que le corps soit le vaisseau, le manoir, le receptacle, la boutique, instrument de l'ame, si est-ce que d'iceluy elle prêt quelque tache, comme vn vin excellent attrait la mauuaise saueur d'vne bouteille punaise, ou d'vn tonneau moisi & de mauuaise odeur. Que si tout ce qui est de l'homme, & toutes ses œuvres doyuent estre attribuees à l'ame, faut necessairemēt qu'elle soit subiette à passions, & qu'ainsi le corps ne doyue estre ou rien ou peu chargé de faute

qui se fasse. Sainct Augustin s'efforce de prouuer que l'ame n'est pas du tout libre & exempte d'affections, par tels argumens: Tout ce qui est atteint de dueil & ennuy, de paour, de melancholie, d'indignation, d'un desir de vengeance, est passible: mais l'ame, quand elle est frustree de ce que elle desire, est esprinse de douleur. Parquoy elle est paisible. Lequel discours me semble fort subtil. Car si l'ame estant coniointe au corps, estoit exempte de douleur & de toutes passions, certes elle ne sentiroit aucuns tormens és enfers. Dequoy l'Euangeliste demonstre bien le contraire quand il racompte par ordre l'exemple du mauuais riche: lequel affligé au feu, desire sa langue bruslante estre rafraichie, & sa douleur adoucie.

✠ Ce qu'il faut entendre par figure & parabole, à fin que nul ne pense que les substances incorporelles ayent aucuns membres. Car la sainte escripture s'accomode à la captiuité de l'entendement humain, & vsant de mots & de similitude prinse de la nature des choses, declare la douceur & clemence de Dieu enuers les bons, & la punition & iustice des pechez contre les peruers. Selon laquelle maniere de parler les saints escrits attribuent à Dieu indignation, ire, zele gemissemens, souspirs, semblablement vn visage, avec yeux, mains, & bras, pourautant que l'imbecilité humaine ne peut autrement comprendre l'immense vertu & puissance de la diuinité, qu'en nous la faisant entendre par vne façon de parler à nous familiere. Puis que doncques il appert par

le tesmoignage de l'escriture que les ames separees des corps, & destinees à damnation sont tormentees, comme seroit-il possible qu'estans encore conioinctes au corps & empeschees de ses liens, elles ne souffrent pareillement? Veritablement ie croy que les ames, comme estans descendues du ciel, iamais ne meurent, mais qu'elles souffrent torment, & sentent les aiguillons & les remors de la consciëce. Ce qu'apres Esaye Christ *Chap. 66.* *Marc 9.* demonstre bien, quand il dit. Leur ver ne meurt point, & leur feu point ne s'esteint. En maniere qu'ainsi que les vermoulures, les teignes, & autres vers, rongent le bois tant soit il dur, & comme le feu employe sa force contre ce qui se presente : ainsi les aiguillons de l'esprit coupable transpercent l'ame, & les furies interieures la brulent, la poignent, & la deschirent. Veritablement quand l'ame boult d'avarice, quand elle est embrasée d'un appetit de vengeance, quand elle est enflammée d'ire, quand elle seiche d'envie, elle brulle d'amour, elle se consume de deuil & tristesse, ie pense qu'il n'y a nul qui ne soit prest de faire & endurer quoy que ce soit, plustost que de supporter en luy vne si grande bourelerie & si cruelle boucherie, veu que le torment de l'ame est beaucoup plus grief que celuy du corps. Ce que par vne maniere d'interrogation, à fin de plus viuement aiguillonner l'esprit, *Perse.* *Saty. 3.* Perse a ainsi exprimé:

*Le Sicule taureau d'airain, en feu ardent
 Gemist-il oncques tant, & le glaine pendant
 Au plancher surdoré fit-il iamaïs frayeur
 Plus grande à ce tyrant qui tremblant en son cœur
 Auoit le chef dessous, n'attendant que le coup?
 Que fait la conscience au peruers comme vn loup
 Soy disant à luy-mesme, effrayé de son vice,
 Je me perds, ie me perds, ie vois en precipice
 Et qui dans soy palit, s'estonne & s'espouuante
 De son urgent mal-heur qui sans fin le tourmente,
 Sans qu'en rien descouvrir à sa femme il en ose
 Couchée aupres de luy, tant soit la moindre chose.*

Autrement donc est l'ame affligée, & autrement est subiecte à sentiment & attouchement, que n'est le corps quand il est frappé, quand il est fouetté, quand il reçoit quelque naureure, quand il est disloqué ou demis de quelque membre, ou quand on le brusle & tourmente. Car l'ame raisonnable, estant vn esprit incorporel, souffre ses secrets tourmés, cōme vne fâcherie, vne crainte, ialousie, enuie, haine, courroux, inquietude d'entendement & remors de conscience. Toutes lesquelles affections, ou pour mieux dire perturbations, si longuement elles sont attachees à l'ame & que par raison elles n'en puissent estre chassées, ny par l'aide diuine surmontées, cruellement elle affligent non seulement l'ame, mais aussi le corps: tellement que l'un est subiect aux loix de l'autre, & sont mutuellement lyez ensemble: cōbien que toutesfois l'ame a en cecy plus de prerogatiue & de

dignité, qu'elle peut faire plusieurs choses de par soy : mais le corps non, sans la vertu & mouuement d'elle. L'ame donc met a effect ses facultez en deux sortes, à sçauoir aucunes par les instrumens, & autres aussi sans iceux, & sans aucune aide du corps. Tellement que ce qui se faict par l'intelligence & par raison, & avec iugement de l'esprit, appartient seulement à l'ame: mais elle ne peut executer les œuures manuelles sans l'aide du corps. Car l'homme conçoit bien en son entendement l'architecture, la maçonnerie, l'art de peinture, l'art statuaire, de bien broyer & industrieusement mesler les couleurs & tous autres arts inuentez pour l'vsage des hommes: mais il les pratique avec les mains, & y approprie les instrumens pour cela donnez exprez au corps. Semblablement quand l'ame s'employe en la contemplation des choses, quand elle se souuiet des choses passees, quand elle pèse aux futures, & avec icelles confere les presentes: quand elle discourt, quand elle recherche les choses occultes & secrettes, quand estant rauie en contemplation, ainsi que saint Paul, elle est faite participante de hauts & secrets mysteres, adonc certes elle vse de sa propre & speciale vertu à elle donnee de Dieu, & n'a besoing d'aucune aide du corps, sinon qu'elle vueille icelles choses reduire en vsage. Car alors le corps assiste à l'ame, comme vn compagnon inseparable, à l'aide & moyen duquel elle exerce ses offices. Que si le labeur est par trop assidu, & trop vehement

Saint Paul
2. Cor. 12.

en quelque chose, de la aduient que le corps estant depourueu des facultez de l'ame, deuiant lasche & tout eslangori, ce qu'on peut clairement voir en ceux qui sont coustumiers de veiller demesurement, apres quelque labour, ou qui incessamment sont ententifs a la lecture, desquels peu a peu le corps famaigrit & se desseiche, & les esprits vitaux se diminuent. Parquoy tous ceux qui estiment que l'esprit ne recoit aucune passion, & que par aucune chose il ne s'esmeut, ains que l'ame ne sentant aucune peine ny douleur, elle est seulement menee & agitee a raison de l'obiet & de l'organe vicié, ne me semblent dire chose gueres consonante a verité. Car que veut dire celle angoisse & ce troublement du Sauueur, quand apprehendant en soy mesme la cruauté du tourment qu'il luy conuenoit souffrir, & quasi comme oubliant le grand benefice qui reuenoit de sa mort, par vne certaine imbecillité humaine, sentant qu'il luy falloit mourir, vint à dire telles parolles. Mon ame est triste iusques à la mort, & comme en doux langage prie son pere qu'il ne meure point. Et combien que les soldats impetueux encores ne luy missent les mains sus, ne luy fissent violence, toutesfois ayant tout son danger apparent & prochain, fut frappé d'une si grande horreur & frayeur, que l'affection le fit abondamment suer sang par tout le corps. Tellement que celle vehemente & aspre douleur en luy fut communiquee à l'une & l'autre partie, & de l'ame vint redonder au

Matt. 26.

corps . Et ne fault point qu'aucun pense qu'en vn tel ennuy & en vne telle crainte, l'ame vitale & vegetative, & les esprits naturels souffrēt seuls, ains que la principale partie de l'homme est exposee au peril, & que tout le fais du mal cherit sur elle, laquelle toutesfois memoratiue de sa source, reprent ses forces, & appuyee de l'aide diuine, se portant hardiment, & d'vn courage inuincible & ferme contre les dangers, est diuinement soulagee . De quelles mesmes passions l'esprit de la vierge Marie a esté aussi souuentefois agité, tant son esprit, que son ame estant vne fois toute remplie de plaisir, vne autresfois de tristesse, de plaisir, quand il luy fut annoncé par l'ange qu'elle conceuroit le fils du tref-hault Dieu, quand miraculeusement elle l'enfanta, quand les pasteurs accoururent le voir, & quand les sages l'adorerent : De tristesse, lors que comme auoit esté predict par Simeon, elle vit son fils esleué en la croix . le pourrois certes deduire vn long recit de ceulx qui tombez en de tref-grandes calamitez, ont receu de griefues playes en leur ame . En quoy nous fournissent assez d'exemples, tant de saincts Prophetes . Entre lesquels principalement Helie, Helisee, Dauid, Hieremie, Moyse, Esaye, Ionas, Zacharie, & oultre plusieurs millions de martyrs, hardy, defenseur, & protecteur de nostre foy, saint Paul, ont tous vaillámēt serui a ce grád recompēseur de leur course, lesquels oultre infinies icômoditez, destresses & dômages de leurs corps, por-

toiet vne ame toute outree de griefues douleurs. De fait, que chacun cōsidere vn peu en soy-mesme quelle grande angoisse a saisi leurs esprits, quel ennuy, quelle paour & frayeur estoit en leur cœur, quand bannis de leur païs, depourueuz de tout soulas, de leurs parens & alliez exposez à moqueries & iniures, & à estre batus & fouettez, affligez, opprimez, foullez, dechassez, & fuyans par lieux desuoyez & inaccessibles aux hommes, ils ont esté contraincts d'euter la cruauté de leurs ennemys, & preseruer leur vie. Que si l'ame qui met distinction entre les hommes & les bestes, est exempte de toute passion, & point ne s'esmeut par aucun soulas ou aucunes douleurs, a quoy tendent ces parolles lamentables. Pourquoi es tu triste mon ame, & pourquoi me troubles tu? Mon ame est defaillie apres ton salut. Mon ame n'a point voulu estre consolée. Puis quand elle est restauree & qu'elle recoit faueur de Dieu. Entre mon ame en ton repos, car le Seigneur t'a faict moult de bien. Mon

Pseam. 116 ame benis le Seigneur, & toutes choses qui gisent en moy, benissez son sacré nom. Mon ame s'est approchée de toy, & ta dextre m'a receu. Par lesquels propos, quelque grand recueil qu'en sachez faire, ie pense non seulement les naturelles facultez & puissances de l'ame (lesquelles en brief doiuent perir) estre touchees, ains aussi celle qui est participante de raison & diuinité. De la vertu de laquelle procedent toutes les actions du corps, & se font toutes ses œuures. A laquel-

Pseam. 116

Pseam. 103

le partie est inserée par le Createur, vne synteresse, c'est à dire, vne cognoissance & vn amour de la Loy de nature, & sçauoir distinguer la vertu d'auec le vice. Laquelle force tesmoing saint Paul, opere encore cecy és cœurs de ceulx qui *Roma. I.* sont alienez de Dieu, que par vn instinct de nature, ils se retirent du mal, & suyuent le bien. Car *Instinct de* celle partie de l'esprit en laquelle reluit l'image *nature.* de Dieu, & se demonstre l'integrité de nature, abomine les choses qui sont mal faictes, & se desire estre du tout innocente & exempte de peruerses mœurs & de peché. Içoit que telle faculté naturelle est aucunement deprauee & fort affoiblie, tellement que ce que l'esprit conçoit, la volonté point ne l'execute syncerement, ny promptement, ne disposement. A ceste est fort prochaine la conscience, laquelle blasme & re- *Conscience* prend, & accuse l'esprit de l'homme secrettement *ce.* esmeu & inspiré de Dieu, & auec vne terreur & souuenance de ses fautes qu'elle luy apporte, ha en grande horreur & haine sa vie precedente, & auec vn propos deliberé d'amender sa maniere de viure, se repent des offences qu'elle a commises. Ainsi celle conscience vengeresse dit à l'oreille de l'homme tous les blasmes de sa defordonnee & meschante vie, & luy met & presente deuant les yeulx ses pechez & meffaits. Qui me fait dire, qu'il est facile à prouuer par cela, que l'ame est subiecte a passions, & à tous propos inquietée par perturbations, veu qu'elle a vn sentiment en soy des choses douces & des

Es. 33.
Luc 15.

choses ameres, c'est à dire, qu'elle s'esfouyt des prosperitez, & se melancolie des aduersitez. D'auantage, non seulement les hommes : mais aussi les esprits Angeliques ont aucunemēt leurs affections. Car ils ont desplaisir des maux des hommes, quand ilz delaisent la vertu, & plaisir quand les meschans s'amendent. Au contraire, les malings esprits totalement s'estudient de nuire aux hommes, de les charger de mensonges, leur pourchasser tous oultrages, les poursuiure à oultrance, & a les hayr d'une haine inestimable. Que si telles affections se treuuent es substances aëreuses & incorporees, comme est-il possible que les ames des hommes n'y soyent pareillement subiectes?

Que les ames des hommes ne sont en tout egales, ne de pareille condition & dignité, ains est l'une plus excellente que l'autre.

C H A P. X I I I.

EN CORE que cy dessus i'aye discou-
ru aucunes choses qui conuiennent
à ce propos, & qui peuvent fort va-
liser ce paradoxe, toutesfois il m'a
semblé que ie ferois tresbien de de-
duire cest argument par vn chapitre peculier. Or
sont plusieurs de ceste opinion, que les ames des
hommes soyent d'une mesme condition, d'une
mesme dignité & excellence, & qu'il ne fault

point mettre distinction entre l'ame d'un sage & celle d'un fol ou d'un meschant, ains que les offices de l'ame sont empeschees & mal mises en effect, seulement a cause de l'instrument. Quant à moy, sans que j'aye aucune enuie de debatre autrement. L'estime le cas aller que le cerueau estant interessé par quelque forte maladie, ou par quelque coup receu à la teste, ou par quelque cheute & concussion, l'esprit est rendu elourdi, avecques perte de memoire. Toutesfois il ne s'ensuyt pas que l'ame soit pareille en tous, ou que tous quant à la force de iuger, quant à bien discourir & bien deduire vn fait, ayent vne ame egale. Car l'ame d'un chacun, a quelque diligence qu'elle soit instruite, & quelque peine qu'on y employe, n'est toutesfois egaleement capable des arts & sciences, ny d'une pareille docilité & industrie, veu qu'ils s'en treuve plusieurs mal propres & enclins a doctrine, & qui malgré Minerue, comme l'on dit, & contre nature entreprennent plusieurs choses. De sorte que comme les torches & flambeaux rendent plus de clarté les vns que les autres, & comme entre toutes choses ardentes, les vnes brulent plus ou moins, ainsi la splendeur d'une chacune ame resplendit diuersement, & se voyent de grandes differences d'icelles. Et comme les Anges different entr'eux de degré, de dignité, d'offices & ministeres, ainsi que cestitres de Seraphin, de Cherubin, Thrones, Puissances, Vertus, Archanges, & toute la Hierarchie des

*Denis l'a-
reopagite.*

bons Anges nous demonstrent, a pareille raison me semble qu'on peut mettre difference entre les esprits des hommes. Tous sont bien d'accord en cecy que les hommes ont vn corps mortel & corruptible qu'ils ont vne forme humaine (iaçoit qu'aucuns rapportent de face à de laid des bestes) qu'en tous est mis vn ardēt desir d'engendrer, que tous sont subiects à mesmes loix de nature, qu'une mesme raison les incite, que l'essence de l'ame, & la forme de sa substance est créé de Dieu, qu'elles sont destinees à immortalité, & que toutes sont remplies d'un mesme esprit. Mais d'autant que la vertu de diuinité ne se demonstre egaleement en tous, & que tous ne sont en pareil degré de capacité d'un tel don, & mesmes que plusieurs se rendent indignes d'un si grand benefice, ainsi aduient que les ames ont diuerses forces & effets, & qu'elles exercēt leurs ceuures diuersement, & qu'en l'estat present des choses, elles ne sont equipollentes en condition, en dignité, ny en mesme rāg & degré, voire mesme en l'autre vie ne seront egallees & illustrees de pareillegloire. Dequoy le prophete Daniel nous porte tel tesmoignage. Tous ceux, dit-il, qui dorment en la poudre, seueilleront, les vns à la vie eternelle, les autres en honte & deshonneur & tourment, les autres à condemnation. Ceux qui auront esté endoctrinez, reluiront comme la splendeur du firmament, & ceux qui en auront enseigné plusieurs à iustice, tiendront lustre d'estoilles perpetuel. Laquelle difference ie

Daniel,
chap. 12.

ce ie trouue aussy saint Paul auoir obseruee par *S. Paul.*
 vne similitude prinse des astres. Car comme les
 astres, dit-il, sont plus flamboyans les vns que
 les autres, & est la difference de leurs corps fort
 diuerse, ainsi y a il grande difference entre les
 esprits des hommes, & à la resurrection l'ame
 d'un sera faicte plus glorieuse que celle d'un au-
 tre. Or (comme atteste Gregoire Nisene) Dieu a *Gregoire,*
 constitué selon les especes des animaux, diuerses *au second*
 differences des ames, & à chasque corps a depar- *liure de*
 ty vne ame propre & sortable, de sorte qu'es be- *l'ame.*
 stes, il a mis non vne intelligence raisonnable:
 mais vne naturelle industrie par laquelle elles
 puissent euitier les ruses & embusches, les dan-
 gers & incommoditez de la vie. Parquoy toute
 vne espece de bestes a vne speciale inclination.
 Tellement que tout lieure est peureux, tout chié
 sent bien la trace d'une beste, & est fort indu-
 strieux à la pourfuyure. Tous renards sont fins
 & rusez. Tout loup est cruel & aspre à la proye.
 Tout singe contrefait les gestes & façons de
 l'homme: mais il ne s'ensuyt pas ainsi de l'hom-
 me, car il y a infinies sortes & manieres d'actions
 humaines, & n'ont tous hommes vne mesme fa-
 çon de faire, ne mesme intention, comme les
 bestes brutes, desquelles les œuures sont exci-
 tees par nature seule, laquelle est en tous egale.
 Mais l'acte raisonnable, lequel proprement de-
 pend de l'esprit de l'homme, est different en cha-
 cun, & selon la condition de l'ame est diuers en
 vn & autre, d'ou procede vne si grande varieté

S. Paul. d'opinions és esprits humains. Ainsi donques
2. Cor. 2. suyuant la sentence de saint Paul, la manife-
 station de l'esprit est donnée à vn chacun à ce
 qui est expedient, & les offices que Dieu se-
 lon son bon plaisir depart à vn chacun, sont di-
 stribuez diuersement entre hommes, faisant part
Ephé. 4. de son esprit à chacun, ainsi que bon luy semble.
 Ainsi à chacun est donnée sa propre & specia-
 le ame, laquelle est bié procedee toute d'un Crea-
 teur: mais non egaleement douee de mesme di-
 gnité; intelligence & cognoissance des cho-
 ses; combien qu'elle soit capable de vices &
 de vertus, & que par vne force en soy naturelle-
 ment infuse elle puisse embrasser toutes choses
 bonnes, & fuir les mauuaises, iacoit qu'elle le
 face à peine quand elle est depourueue de l'aide
 diuine. Parquoy la comparaison d'Aristote ne
 me semble impertinente, par laquelle il compa-
 re l'esprit de l'homme à vn tableau ou n'y a en-
 core rien de peinct, ains qui est apresté pour y
 estre pourtraict ce que l'on veut, à sçauoir ou les
 monstres des vices ou les images des vertus. A
 quoy tend ce passage de saint Paul, ainsi qu'en
S. Paul. vne riche & magnifique maison, il y a non seule-
2. Tim. 2. ment des vaisseaux d'or & d'argent: mais aussi
 de bois & de terre, dont ceux la sont destinez à
 honneste vsage, & ceux cy à vsage ord & sale:
 ainsi Dieu a produit en ce theatre du monde di-
 uerses differences de corps & d'espris, & les a re-
 uestus de diuers masques, & enrichis de diuers
 ornemens, non toutesfois sans esperance d'ac-

querir encore de plus précieux dons. Car à nul n'est osté le courage & l'industrie par laquelle il pourroit s'efforcer de paruenir à choses tres-excellentes, & ensuyure les meilleures, ains à cela leur preste la main ce grand remunerateur, & les y pousse, de sorte que celuy qui par sa propre faute deuient deshoneste & s'embourbe es vices, de luy mesme se peut nettoyer, & toute villainie separee, peut estre fait vn vaisseau honorable, & propre à excellens vsages. Car ce bon & grand Dieu a donné à vn chacun vne particuliere disposition de corps, & vne ame sortable à sa nature, lesquelles toutesfois se peuuent changer en plusieurs sortes. Tellement que quelquefois l'homme s'abastardit de son integrité, tant du corps que de l'ame, & ayant mis en oubly son origine, se veautre en la fange & ordure des vices. Quelquefois aussi estant occultement incité de Dieu, se tire hors des maux desquels il estoit enuélé, & s'euertue d'aspirer à la bonté, vertu, & à toute honnesteté. Dequoy on peut prendre enseignement en l'enfant prodigue, & en saint Paul. Par ainsi chacun à son esprit, & chacun son ame, ausquels par inspiration diuine sont departis diuers dons & graces, iacoit que l'esprit diuin ne réplisse egalemēt les entedemens de tous. Biē puissent-ils tous de sa fontaine saillir: mais les vns à plus grāde mesure que les autres. Ce que nous enseigne la distribution des talents, par laquelle il aguillonne nostre diligence & industrie, cōbien qu'imbecille a pourchasser nostre

salut, & nous commande d'accroistre & multiplier les graces qui nous sont donnees de Dieu. Car à l'un il en donne cinq, à l'autre deux, & au troisieme vn, à chacun selon la capacité de son esprit, & comme il à semblé expedient & vtile au maistré de tel ceuvre, pour en son temps redemander compte du mis & receu. Ainsi saint Paul aduertit Timothee, & sous son nom vn chacun, qu'il ayt soing de ce qu'il doit faire, & qu'il excite & esmeue le don du saint E'sprit, comme vn feu assopi & presque s'allant estaindre, à fin que celle Lethargie chassée, ils s'estudient à diligemment executer la charge qui leur est commise. Car Dieu exige cecy des siens, que chacun orne sa banque, & qu'il face profiter les deniers qui luy sont mis entre mains, & qu'il les rende avec vsure. Et pource qu'il ne permet point que nous soyons oysifs, ne que nous seiburons nostre industrie, ains qu'incessamment fassions bon guet, & d'un labour infatigable nous persistions à multiplier & augmenter noz talens.

Luc 19. Traffiquez, dit-il, iusques à ce que ie vienne. Ce que celuy organe esleu de Dieu, saint Paul, voulant diligemment faire entendre aux autres, luy mesmes en toutes sortes s'est euertué de faire. Tellement qu'en la charge à luy depute'e, il a esté plus seruent que tout autre, & à faire le deuoir de son office apostolique, s'est monst'é plus que nul autre prompt & courageux. Comme donques es pierres precieuses, es animaux, es plantes & es estoilles, il y a difference, si qu'une fleur

S. Paul.
2. chap. 1.

Luc 19.
S. Paul.

est plus odorant qu'une autre, & une gemme plus esclatante qu'une autre, ainsi en est-il des esprits des hommes, lesquels instruits, par une certaine force & faculté speciale, mettent en avant diuerses ceuures & effects. De sorte que ne plus ne moins (comme dict saint Paul) qu'en la semence de chacune chose il y a une vertu & force peculiere, & qu'il y a une autre chair des bestes, & une autre des hommes: une autre excellence & beauté es corps celestes, & une autre es terrestres, une splendeur du Soleil, & une autre de la Lune, une autre lueur d'une estoille que d'une autre. En semblable maniere entre les corps des hommes, l'un surpasse en excellence l'autre, & est disposition plus genereuse, & l'ame pendant qu'elle est comme en garnison en ce corps, & tât que dure le cours de ceste vie, comme aussi à la resurrection excedera en dignité & preeminence, & surmontera en gloire, selon la condition, & selon qu'elle aura merité. Car veritablement tant en ce present siecle, qu'au futur, y a une grande dissemblance entre les bons & les peruers, & une fort differente condition. Car les iniques & meschans n'auront point de lieu entre les iustes, ains comme la poudre & le fustu getté au vent, seront dissipez. Pour ce saint Paul nous met plusieurs choses naturelles devant les yeux, par la consideration desquelles les secrets de Dieu nous viennent en euidence. Voir le luy mesme en annonçant Iesus Christ, y use d'une comparaison de la bonne odeur des cho-

1. Corinth.

15.

2. Corinth.

David.

Psean. I.

S. Paul.

2. Cor. I.

ses corporelles. Comme, dit-il, l'exalation des herbes se manifeste par son effect, en offenceant le cœur, ou le resiouyssant. Ainsi l'ame de laquelle sort vne senteur agreable ou mal plaisante, doucement plaist à Christ, ou totalement luy desplait.

Virgile.

Eneid. 6.

*En toute ame est infuse, vne vigueur de feu,
Et celeste origine.*

Mais comme vn feu est plus ardent que l'autre, & selon qu'il a estoife ou s'embrancher, est plus brulant, comme quand on y gette de l'huile, de la poix, du souffre, du bitume, de Naphra, que les Latins appellent Petroleum, il s'enflamme plus viuement. Ainsi l'ame selon ses vertus, & selon les graces qu'elle a receuë, demontre sa force au corps, & est plus prompte ou plus tardine à en exiler ses œuures, pourueu que la disposition du corps (que les Grecs appellent cracin) & ses instrumens seruent à l'ame. Autant en deuons entendre des malings esprits, desquels les vns sont plus nuisans que les autres, & plus contraires aux hommes. Ainsi qu'é l'Euangile Beelzebub est dit le Prince des diables, comme le plus puissant, & le plus addonné à mal faire. Aussi le texte de l'Euangile fait difference des malings esprits selon leur grande malignité & grand desir de nuire. Car celuy qui auoit moins de force à troubler & affliger l'esprit de celuy qu'il possedoit, en appella sept autres pires que soy, & ainsi tous de leurs forces assemblees en vn, tellement le manient, que toute esperance d'amen-

der la vie, & de retourner à meilleur sens, est tol-
 lue. Que si l'est loisible d'accompagner les cho-
 ses corporelles aux incorporees, tout ainsi que
 l'estain, le plomb, l'or, l'argent, le cuire, & tou-
 tes autres sortes de metaux, ont en eux certaines *Esaye 1.*
 ordures, & attirent crasse & rouilleure. Et comme
 les champs non cultiuez deviennent pleins de
 ronces & épines, & produisent seulement de
 l'yuraye. Ainsi la substance de l'ame attire ses
 vices, & si elle est cultiuee & nettoyée, elle reluit
 d'une splendeur de vertus. Que si elle ne tient
 compte de l'ordure, des vices, elle s'espoissit &
 obscurcit. Or ne faut pas qu'aucun entre en cō-
 tention avec son Createur, comme le paresseux
 qui auoit enfouy en terre le talent par luy receu,
 veu que l'odeur du Sauueur s'espand sur tous, &
 les traces de la diuinité sont empreintes en cha-
 cun, en sorte que mesmes es peuples alienes de *en 2. cor.*
 Dieu, est engrauee la Loy de nature, par l'in- *2. cor. 1. 12.*
 stinct de laquelle leur esprit viét à auoir cognois-
 sance de Dieu, & la conscience leur tesmoigne, *s. Paul.*
 & la raison leur dit ce qu'il faut suyure, & ce *Rom. 2.*
 qu'il faut fuir, & combien est grande la diffe-
 rence entre la chose honneste & la chose des-
 honneste. Et pource qu'un chacun tache de
 faire qu'il ne soit veu auoir receu un tel don
 en vain, & qu'il ne murmure point contre Dieu,
 (selon le bon plaisir duquel toutes choses ont
 leur cours) comme ayant receu de luy une a-
 me peu excellente, ains qu'il entretienne cel-
 le qui luy a esté donnée, & qu'icelle il cul-

tiue comme quelque champ qui est en friche,
& le fumant tresbien (s'il faut ainsi parler) de la
parolle de Dieu, il la prepare receuoir à semen-
ce. Car iceluy ne defaillira pas aux foibles ef-
fors, & à la prompte volonté, de vray certes, il
n'y a rien si salubre ne si vtile à l'ame, que conti-
nuellement s'employer à la meditation des sain-
ctes escritures. Car icelle guarit les vices, chasse
les maladies de l'entendement, appaise la tristesse
de l'esprit, & dissipe l'obfuscation & obscuri-
té qui le rend tenebreux. En maniere qu'il n'y a
remede aucun de plus grande efficace ny plus
prompt à guarir & restaurer les esprits blessez. Il
n'y a morsure tant venimeuse, ny playe tant
mortelle qui ne se guarisse aisément par ce me-
dicament.

Horace au Ton cœur est-il saisi d'une ardente auarice,
liure 1. des Ou d'une ambition, ou de quelque autre vice?
sermons. Des propos trouuetas, & des sentences belles
Par lesquelles pourras, dompter passions telles,
Et matter la douleur, voire la plus grand part
De telle maladie, oster soit tost ou tard:
Desire-tu louange; il y a au semblable
Remedes tres-certains, croy moy, ce n'est point fable,
Qui te recreeront, & te rendront deliure,
Si purement trois fois, tu lis ce petit liure;
Quelqu'un est-il colere, enuieux, forcené;
Ou d'amour languoureux; ou au vin addonné;
Nul n'est si transporté, si farouche, ou si nîce,
Qui en fin peu à peu, corriger ne se puisse,

*Pouruen qu'a ce besoin il preste & accommode
L'oreille patiente en toute bonne mode.*

Or apporte toutes ces commoditez la philosophie, non humaine, ainsi qu'estimoit Horace, ains la celeste & diuine: laquelle remet en son entier la nature abbatue & corrompue, excite en nous vne fiance en Dieu, & non reconilie à luy: apporte vn repos de conscience, & vn entendement ferme & constant: qui est la chose la plus à desirer à l'homme vagant en ceste mer tempestueuse. A quoy tend ce dict de saint Paul, en tel cas l'Apostre bien le plus exercité qui se treuve. Toute escriture diuinemēt inspiree, dit-il, est vtile pour enseigner, pour reprendre, pour corriger, & pour instruire. Laquelle rend l'homme iuste, & fait qu'il est totalement diuin, & idoine à tous deuoir de pieté.

S. Paul.

1. Tim. 3.

*De l'immortalité de l'ame, & indubitable & certaine
resurrectiō du corps humain, & en quelle sorte & ma
niere elle se fera. Aussi combien tel don de Dieu fait
eleuer les cueurs à luy, & quelle confiance il baille à
l'homme mourant, de son salut.*

CHAP. XVIII.



Ln'y a rien qui plus apporte de bien & vtilité à l'homme miserable & exposé à maladies & maux infinis durant toute ceste vie, & qui toute frayeur de mort chassée, plus le console & le fasse bié

eſperer, que ſi à toutes heures il cõtemple la bea-
 titude & felicité de l'autre vie, & conçoine en ſoy
 vne certaine & non doubteuſe eſperâce de quel-
 quefois iouir d'un ſi grand bien; lequel conſiſte
 en l'immortalité des ames, & en la reſurrection
 du corps: qui eſt ferme fondement de tout noſtre
 foy. Car certainement tout trauail & effort ſeroit
 vain, & toute noſtre maniere de viure, toutes nos
 adorations, & ſaincts ſtatuts, & toute noſtre reli-
 gion, ſeroit inutile & quaſi comme vne trompe-
 rie, ſi nous eſtions fraudez d'un tel bien & ſi ſa-
 lulaire, & forclus de l'attende de l'autre vie. Qui
 me faiet eſbahir de la lourderie d'aucuns, qui eſti-
 ment les hômes ne viure autrement que les beſtes,
 & ſouſtiennent que les ames totalement s'eſtein-
 gnent & qu'après la mort il ne reſte plus rien de
 l'hôme. Leſquels d'autant qu'ils ſ'abusent & ſont
 totalemēt au euglez és œures de nature, & que
 ou ils ne recognoiſſēt point la puissance de Dieu,
 ou point ils ne la remirent és choſes créés, il a-
 uyent que leur eſprit ne peut attendre la maniere
 comme il ſeroit poſſible que l'ame ſoit eternelle,
 ſans prendre fin, & que le corps doie retourner
 en vie, & eſtre quelquefois reſtitué en ſon en-
 tier. Mais Dieu voulant que l'homme fuſt im-
 mortel, il le créa à ſon image & ſemblance. Que
 ſi l'homme retire à l'image de Dieu & luy reſ-
 ſemble, il eſt neceſſaire qu'il tienne de la natu-
 re de ſon origine, & qu'il ſoit à l'aduenir partici-
 pant d'eternité: l'excellence & dignité duquel
 don n'eſt point departie aux beſtes veu qu'en

elle ne se demonstrent aucune traces de la diuinité, & qu'elles n'ont aucune vigueur d'esprit, aucune raison, memoire, intelligence, iugement, arts, & sciences des choses: ce que par vn don peculier de Dieu est largement attribué aux hommes. Pource est tres mal faict de tenir pour mortel & caduque ce qui est procedé de la substance de Dieu, & qui par l'esprit diuin à esté inspiré en l'homme. Parquoy, comme Dieu est eternal, & exempt de toute mort, ainsi de mesme l'ame de l'homme, comme participante de l'essence diuine, est eternelle & exempte de toute corruption. Aussi contiennent par ce que Dieu crea, toutes choses pour l'homme, & l'homme seul fut faict pour le regard de Dieu, & créé à luy conforme & semblable, de là il s'est faict que Dieu dès le commencement du monde à commencé à estre merueilleusement affectionné enuers luy, de se complaire en luy, & à desiré de iouyr de sa familiarité & acointance. De sorte que pour ceste cause il à daigné de se venir à l'humanité, & estant immortel se aglutiner au mortel, à fin que la nature diuine soit coniointe & vnje à humaine, & l'humaine à la diuine. De quoy par ce sien propre tesmoignage Christ, la vraye sapience de Dieu son pere, & qui nous a engendré celuy salut, nous faict tres-ample foy: Le Seigneur ma possédé des le commencement de ses voyes, auant aucunes de ses œuvres Des le commencement & de toute eternité, j'ay esté. Quand il

preparoit les cieux, i'y estois present, Quand par certaine ordonnance & certain contour, il bor-
noit les abysses, quand il establissoit les cieux
dessus, & la terre dessous, i'y asistois faisant tou-
tes choses, & par chacun iour me delectois, m'es-
iouissant deuant luy en tout temps, & me iouant
en la terre, & estoient mes delices avec les en-
fans des hommes. Laquelle philanthropie, c'est
à dire (comme dit S. Paul) vn amour & inclinatio
enuers les hommes, fait que toutes choses nous
sont communiquees, que nostre condition est
faite pareille à la sienne, l'estat semblable, & l'he-
ritage esgal. Pource que tout ce qui est exprimé
en Christ, se doit aussi exprimer en l'homme, il
est eternal & subsiste aussi par son benefice l'hô-
me obtient le mesme. Il est le premier resuscité
ayant vaincu la mort, comme l'auteur, le Prince,
& les premices d'un si grand triomphe: aussi par
sa vertu tous autres doyent estre resuscitez. Par-
quoy nul ne doit estre si inique à soy-mesme, ou
si ingrat enuers l'auteur de tel bien, qu'il ceste en-
droit il porte enuie à son propre honneur, ou que
il le reiette. Car qui est le lourdaut qui ne desire
de s'exempter de mort? & qui plustost, ne souhai-
te de viure à iamais, que d'estre enseveli en vne
mort perpetuelle, sans aucune esperance d'en re-
leuer? Bien say-ie que ceste persuasion de l'im-
mortalité de l'ame est fort agreable à d'aucuns,
mais que le corps soit receu à pareille condition,
ou qu'il doye reprendre vie quelque fois, entie-
rement ils le nyent. En quoy ils n'espluchent pas

S. Paul.

Tite. 3.

Hebr. 3.

bien totalement la nature de l'homme, & la maniere comme il a esté fait & créé, ny ne dressent les yeux vers celuy qui a esté l'auteur de celle lumiere en l'homme, & par la vertu duquel il a receu le commencement de vie. Car puis que l'ame & le corps inseparablement entr'eux conjoincts, font l'homme, il est necessaire que tout l'homme, c'est à dire que l'ame, iouïsse de l'immortalité, & le corps par le mystere de la resurrección, soit fait participant à l'aduenir du mesme bien. De fait, la raison de la formation de l'homme iamaïs ne receura que l'un sans l'autre iouïsse de la fin à laquelle il est destiné, & que l'une de ses parties seule soit rendue bien-heureuse. Parquoy conuient de necessité, & la facture de l'homme l'exige, que le corps reprenne vie quelque fois, & qu'après quelque temps estant reioint à son ame, il soit mis en la mesme condition qu'elle, & luy soit communiqué la mesme grace. Car quand Dieu estoit ententif à former l'homme: Faisons, dit-il, l'homme à nostre image & semblance. Par lesquelles parolles il ne designa pas seulement vne des parties, ains tout l'homme, qui fut composé du corps & de l'ame. Car ces deux vnies ensemble font l'homme: lesquels estans separez, l'homme aussi est dissout & diuisé, & ne mérite plus l'honneur du nom d'homme. Au moyen dequoy la raison me semble requerir à bon droit, que l'une & l'autre partie iouïsse d'une mesme fin, à sçauoir de la beatitude, si la vie a esté innocente, ou de la damnation, si elle a esté meschante. Car certes il

ne seroit pas raisonnable que le corps fust fraudé de l'esper de felicité, veu que également il supporte les angoisses & molesties de ce siecle. De sorte que quelquefois à l'occasion de l'ame il est batu & fouetté il est nauré & affligé, il reçoit mille douleurs, il est à tous coups en danger de la vie: de maniere que les puissances de l'ame, la sensible & la vegetatiue, lesquelles sont aussi communes aux autres animaux, sont toutes ruinees & gastees. Car soit à donner son opinion, soit en persuasions & iugemens, souuentefois à son grád d'omage il acquiesce à l'ame & luy obeit, & en toutes choses se porte pour son confort & seruiteur. Parquoy il seroit tourmenté à tort, s'il ne iouissoit d'un mesme benefice qu'elle. Bien est le corps l'organe de l'ame, par lequel elle exerce ses ceuures, mais l'ame se sert bien autrement du corps animé & sensitif, que ne fait l'artisan ou ouurier mechanique de la sie, du maillet, & de la coignée: veu que tous ses membres sont conuenablement distinguez selon leurs offices, & se peuvent accommoder à plusieurs vsages. Vray est qu'on peut mettre telle difference entre le corps & l'ame qu'il y a entre le Soleil & la Lune. Car elle, combien que sa lumiere emprunte du Soleil, toutesfois n'est pas totalement depourueue de sa propre force, attendu quelle est portee par son mouuement special, & que d'elle mesme elle accomplit son tour & circuit. Et quant à la clarté qu'elle reçoit du Soleil, elle la reçoit en la mesme sorte qu'un mirouer, ou de chauderons &

*Elegante
comparai
son.*

poiles reçoivent splendeur par quelque flambeau
présenté, tellement qu'elle ne red aucune lueur,
si elle n'est illuminee par le Soleil. Neantmoins
elle ne doit point estre estimee oyfue, veu que
elle fait son cours menstrual, & sans aucune aide
du Soleil, elle tournoye, & va çà & là par son ciel.
Ainsi l'ame fournit bien force au corps, ce non-
obstant il n'est point sans ses propres facultez
& puissances naturelles, ny sans les qualitez des
quatre humeurs, par lesquelles il est rendu capa-
ble à faire tout ce qu'on veut. Et comme le So-
leil a ses eclipses, & que par l'interuention de
la Lune, il nous est caché, ce qui aduient quand
icelle se rencontre droit sous la ligne ecliptique
au mesme degré que luy: comme aussi la Lune *Eclipse.*
par l'interposition de la terre, lors qu'elle se
trouue en opposition du Soleil, vient à faire e-
clipse: ainsi le corps & l'ame reçoivent leurs
dommages & deffauts, & bien souuent l'un pro-
fite ou nuit à l'autre. Parquoy, puis qu'il y a
vn si grand consentement entr'eux, vne si loya-
le compagnie, & que tant qu'ils sont en ceste
vie ils s'entraident l'un l'autre, il est raisonna-
ble que le corps renouuellé par resurrection soit
fait participant de mesme bien, & receu à mes-
me priuilege. Que si aucun (comme saint
Thomas & Nicodeme) par la rudesse de son
esprit, ne peut comprendre comme cela se
peut faire, il ne doit pas pourtant Iuger Dieu
impuissant, & sans deffie, ains qu'il esleue
ses yeux & son esprit aux œures d'un si grand

ouurier, & il verra plusieurs choses qui ample-
ment luy démonstreront, que la puissance ne luy
defaut pas non seulement de restaurer l'homme,
mais aussi de parfaire tout ce qu'il a proposé en
soy. Qu'ainsi ne soit, remirons vn peu ce ciel orné
de toutes pars de ses luisantes estoilles, & au des-
sous de luy ce globe terrestre, duquel naissent
tant de belles & souefflairâtes fleurs, tant plates
bonnes à manger, & saines au corps humain, tant
d'especes de poissons en la mer, tant d'oiseaux en
l'air & en la terre, tant de bestail partie pour mâ-
ger, partie pour cultiuer les champs, & finalement
l'homme dominateur & seigneur de toutes ces
choses: lesquelles au commencement ayans esté
creez de neant par la seule parole de Dieu, sans
aucune matiere preexistente, constamment per-
feuerent & subsistent, & ont leurs vicissitudes,
leurs naissances, leurs auancemens & augmenta-
tions. Parquoy, puis que la puissance du Createur
est si grande, qui est ce qui doit dire qu'il n'ait le
pouuoir d'esleuer & restaurer les choses ruinees,
luy qui de rien a basti toutes ces choses merueil-
leuses? Que si vn excellent ouurier a sans aucune
peine créé de rien le corps de l'homme, combien
luy sera-il plus aisé de le restituer estant mort, &
le reuoquer en vie, non pas de rien, comme à sa
creation, ains de la matiere qui luy est voisine &
familier, laquelle a esté reduite en cendres, ou
en quelque autre maniere s'est esuanouye en
l'air. En maniere qu'ainsi que l'artisan refait quel
que besongne de fonte qui auroit esté brisée ou
ysée

vſce de la meſme matiere dont conſiſtoie au par-
 auant ladiète beſongne, & luy donne vne for-
 me plus excellente: ainſi Dieu en ſon temps reſti-
 tuera en vie le corps reſoult en poudre, en la meſ-
 me forme qu'il eſtoit, mais ſans aucune tare. Pour
 ce donnons ceſt honneur à Dieu ce grand archi-
 tecteur, & luy adiugeons ce pouuoir, que nous
 confeſſions qu'il peut faire tout ce qui luy plait:
 & que nul n'eſtime ny meſure cela ſelon ſon im-
 becilité ou ignorance, veu que les plus petites
 choſes qui ſoyent ne peuuent eſtre par nous cō-
 prinſes, & ſurpaſſent entierement la capacité de
 noſtre entendemēt. Que ſi toutes ces choſes qui
 ſe voyent en ce monde, & le bel ordre de toute
 la nature n'eſt ſuffiſant pour eſmouuoir les eſpris
 des hōmes, & qu'il ne ſe treuue raiſons aſſez for-
 tes & peremptoires pour declarer la puissance de
 Dieu, pour le moins qu'un chacun deſcende en
 ſoy-meſme, & ſonde diligemment la dignité &
 excellence de ſon eſprit, & certainement il con-
 noitra combien elle eſt grande, & auſſi combien
 eſt merueilleuſe la puissance de celui qui a fait
 vn tel bien à l'homme. Or me ſemble l'eſprit de
 l'homme n'eſtre gueres diſſemblable aux pierres
 precieues, leſquelles outre ce qu'elles ſont plai-
 ſantes à la veüe, elles ont des vertus interieures &
 effects merueilleux & ſecrets, leſquels par attou-
 chemens & confrications elles demonſtrent, cō-
 me l'Ambre, l'Agate, l'Aimant, eſtans frotées &
 eſchauffées attirent de force à elle les feſtus, les
 bourgeons de laie, les baillieures, & le fer: ainſi

la force del'ame estant excitee & esmue demonstre son efficace, & comme vn feu parauant assoppi & couuert de cédres recouure sa clarté, & peu à peu se prend à estinceler. Et combien que la vertu diuine se demonstre en tout & par tout, & qu'en vn si grand ouurage de nature elle se presente à la veüe de tous, de sorte que l'esprit humain ne s'en peut assouuir: toutesfois il ny a chose quelle quelle soit, en quoy la force & grandeur de Dieu reluise plus, & plus viuement se demonstre, qu'en l'esprit & entendement de l'homme: lequel a prins son origine de celle vraye source de diuinité. Parquoy ne faut que personne cōçoïue ceste opiniō d'estimer que ce doïue quelque fois prendre fin, qui est yssu de l'essence de la diuinité, & qui est orné de si grans & si excellens

Platon au dons. Pource Platon me semble n'auoir pas mal
dialogue argumenté en ceste sorte: Tout ce qui ne confi-
dit Phedō ste des elemens, est immortel, & ne peut iamais
 prendre fin: L'ame ne consiste des elemēs & n'est
 cōposee d'aucū amas de matieres ains à son origi-
 ne de la diuinité: parquoy elle n'est point subiette
 à corruption. Et de vray l'ingeniosité & vigueur
 d'entendement, l'excellence de doctrine, la sub-
 tilité d'inuention, la cognoissance des choses, ny
 l'amour ou la notice de Dieu point ne seroit si
 grande es esprits des hommes, si l'ame entieremēt
 priuee d'amas de matiere terrienne n'estoit par-
 ticipante de la diuinité, & destinee à eternité. La-
Ciceron. quelle opinion a pareillemēt regné entre les an-
Tusc. I. ciens, lesquels tesmoing Ciceron) ont tousiours

esté de c'est aduis, qu'après la mort il y auoit encores vn sentiment, & que l'homme au partir de ceste vie n'estoit tellement estaint, qu'il prinst totalement fin. Ce qui se peut veoir facilement par maintes choses qui se faisoient entr'eux, & mesinement és ceremonies de leurs sepultures, lesquelles ils n'eussent si estroittement gardees, & avec vne si inexpiable religion establies & confirmées, s'ils n'eussent tenu pour certain en leurs esprits, que la mort n'abolissoit pas tout, ains que c'estoit vn certain passage & changement à vne meilleure vie. Aussi certes ie ne croy point qu'il y ait aucun qui puisse estre si grossier & lourd de entendement, ne de meurs si bestiales, qui esleuât les yeux au ciel, encores qu'il ignore quel Dieu c'est, par la pouruoyance duquel est regy tout ce que nous voyons, que toutesfois il ne comprend aisement par la grandeur des choses, par le mouuement, disposition, le bon ordre, l'vtilité, & la duree d'icelle, qu'il y a quelque puissance & volenté diuine, qui soustient & gouuerne tout. Parquoy puis que cettres-grand & tres-bon Dieu, lequel n'a rien fait à la volée & fortuitement, adonné au seul homme la seigneurie & principauté sur de si grandes choses, il sembleroit fort absurde qu'iceluy deust estre reduit à neant, & que tout deust prendre fin en luy. Mais certes ce grâd pere de nature a bien mieux prouueu au bien du genre humain, que d'engendrer & esleuer ce qui après auoir enduré tant de trauaux, alors tombast en vn perpetuel mal de la mort: ains plustost

*Cicéron de
la diuina
tion.*

à démontré icelle nous estre comme vn seul & certain port de salut, ou après plusieurs labeurs souffers en ceste vie, nous puissions prendre repos. Et pource S. Paul veut que tout nostre sang tout nostre loing & soucy tende en haut, & que estuons nos entendemens à celle cité supernelle nous contemplions les choses celestes. Que si nostre vie est limitée par les fins seulement de ce siecle, & qu'elle ne passe point outre, certainement il n'y a rien plus miserable, ny plus abiect que l'homme, & est la condition des pauvres du tout inique au regard de celle des riches. Veu que ceux-cy abondent en delices, & iouissent à souhait de toutes choses, & ceux là abandonnez à toutes miseres, n'auront aucune attente d'autre bien apres ceste vie. Pource saint Paul argue te fort bien qu'ad il dit : Si seulement en ceste vie nous auons nostre esperance fichee en Christ, il n'y a rien plus miserable que ceux qui font profession de la religion chrestienne, & est la condition plus heureuse de ceux qui alienez de Iesus Christ, viuent à leur plaisir, & se traitent delicatement, que n'est celle des Chrestiens, qui abusez d'vne vaine esperance endurent d'estre affligez de mille maux, & souffrent d'estre a moquerie & la reietion de tout le monde. Que tout ce qui est de l'homme perit, & que par la mort toute esperance prenne fin, à quoy tend ce grietormet d'esprit, & celle borrelerie d'entendement, & celle conscience vengeresse des pechez, à quoy la frayeur & espouenteur que lon a, il suruiuent

S. Paul.
Coloß. 3.
Heb. 3.

et ne possédant
rien d'autre
mon

S. Paul.
I. Cor. 15.

quelque tormente & tempeste, comme au contraire celle assurance & celle tranquillité & confiance d'esprit? Ne sont pas telles paours & craintes le propre d'un homme redoubtant d'estre puni apres ceste vie? Et telle ferme fiance d'un homme regardant au guerdon & recompense, & à l'allegement des maux, & à la remuneration de ceste vie, non sans vne certaine & ferme esperance conduite selon les commandemens de Dieu? Ce *S. Paul.*
 qui à méu saint Paul en exhortant son disciple *2. Tim. 4.*
 à bié exercer la charge apostolique, à laquelle il deuoit estre appelé, par vn exemple prins des luteurs & escrimens, & de ceux qui se treuuent espris de la course d'osendire haut & clair. J'ay combatu vn bon combat, j'ay fini ma course, j'ay gardé loyauté, il ne reste plus que la couronne de iustice qui m'est reseruee: laquelle le Seigneur iuste iuge rendra non seulement à moy, mais à tous ceux qui ont fiance en luy, & qui se fondent sur ses promesses. Parquoy ne faut point qu'aucun deschoye de ceste esperance, ne qu'il laisse son esprit diuerſir de l'attente d'une si grande felicité: attendu qu'à vn chacun son esprit chante la verité de telle chose, l'entendement la comprend, la raison la confirme, & la nature des choses la *I. I. moſ.*
 presche à descouuertioint qu'il y a en tous vne *S. Augu.*
 honeste ambition d'immortalité, & que cha- *fin au li-*
 cun desirs rendre la memoire de soy la plus lon- *ure de la*
 gue qu'il luy est possible, & faire qu'elle dure per- *cognoissan*
 petuellement en la posterité, & que iamais par *ce de la*
 aucune antiquité elle ne s'abolisse: Laquelle seule *vraye vie*

raison est estimée tresforte par S. Augustin & par Ciceron, à pouuoir prouuer que l'ame est immortelle, & iamais ne deuoit prédre fin. Et de fait ces vne telle persuasiō esueille & aiguillōne merueilleusemēt à la vertu, & par tels pris proposez excite l'esprit à toutes choses excellētes. Et cōbiē que telles choses & semblables, ne requierent à estre soustenues defēduēs par raisons, veu que (cōme dit S. Paul) les choses diuines ne consistent en paroles persuasoirs de l'humaine sagesse, toutes-fois le labeur & industrie n'est à reprouuer de ceux qui en alleguēt, pour pouuoir extirper l'erreur de l'entendēmēt de ceux, qui contemnās les tesmoignages de l'escriture sainte, ne venlēt souffrir q'l'on dōne à entendre aux hōmes l'immortalité de l'ame & l'esperance qu'on doit auoir de la resurrection. Au surplus ie ne trouue pas bon de rechercher trop curieusement les choses diuines: & mesmes les saintes lettres en cela donnent vn frein à l'audace humaine, laquelle s'efforce de vouloir enfoncer des points ou il est quasi impossible d'atteindre, & d'ou il n'est facile de sortir & se desesperer: Ainsi que Iob, Esdras, & principalement S. Paul fort biē nous enseigne, lequel en estoit venu là, qu'il fust cōtraint de s'escrier: O profondeur des richesses de la sagesse & cognoissance de Dieu, ô que ses iugemens sont incomprehensibles, & ses voyes impossibles à trouuer. Car qui est celuy qui a cogneu le secret vouloir du Seigneur, ou qui a esté son cōseiller? Puis que de luy & par luy & en luy sont toutes choses? D'auan-

1. Cor. 2.
4. m. 2.

S. Paul.
Rom. 11.

rage, à celle fin qu'aucun ne permette se destourner de ce ferme fondement ou consiste la totale esperance de l'homme, & le principal point de tout son salut, S. Paul presse tant qu'il peut, & à tous iours en la bouche ceste resurrectiō, laquelle aussi cōprend l'immortalité de l'ame; & par vne similitude prinse de la nature des choses, nous represente & demōstre la cōfiance, la certitude & la maniere d'icelle. Car la nature immuable ouuriere de toutes choses, & de laquelle nul ne peut exprimer ny imiter la force, engēdre & forme plusieurs choses qui declairēt la puissiance de Dieu efficace en tout, & excelemment elabouer les formes des choses, grandemēt tesmoignent sa vertu. Que si nous auons en admiration vn artisan, à cause de quelque beau tableau par luy excelemment despeint, ou de quelque autre chose par luy artificiellemēt ouuree ainsi q̄ fit Gaditan apres auoir leu l'histoire de Tite Liue, a cōbien plus grāde raison deuons nous admirer & reuerer celuy qui a mis deuant les yeux & deuant les esprits des hommes, de si merueilleux miracles des choses, dont on ne scauroit dire le nombre, ny en trouuer la raison. Et pour encores par les moindres choses qui soyēt en nature prouuer la renouatiō du corps humain, qui est celuy qui n'a obseruē que d'une cicade ia vicille & preste à finer celle vieille des-
 pouille ietee, il en sort vn autre petit animal tout
 nouueau & agile, & qui ne cesse de chāter? d'une
 tardiue & pesante chenille, vn papillō largemēt
 plantureux & des formies, vne mousche por-

S. Paul.
1. Cor. 15.

Tite Liue.

Exemples
de trans-
formatiō.

tant ailes? Quoy le ver à soye ne donne-il point signes euidens d'une vie renaissante, quand apres la mort il reprend vie? Le Phenix tant blasonné par les vers de Lactance, apres estre retourné de mort à vie, ne nous presente il point vn vray exemple & euidente preuue de la resurrection? Que veut dire celle amenité du printemps, celle plaisante vicissitude de l'an allant & venant, ne demostrent elle pas vne vraye resurrection, & esleuent nos entendemens à vne esperance d'immortalité? Qui est celuy, lequel la vertu & nature de la terre n'esjouit? laquelle apres auoir receu le grain semé dans son giron amolli & cultiue, premierement des que il est couuert & herissé elle le retient en son ventre, puis l'ayant eschauffé par sa vapeur, en boutte l'herbe verdoyante, laquelle affermie par les petis filers de ses racines, peu à peu deuiant grande, de sorte que son chaulme à plusieurs neuds, estant deuenu haut & droit, il est comme ia tendant à maturité, enclos en de cosses, desquelles quand il sort il arrange les grains en mode d'un aspic, & contre l'assaut des oyssillons se preserve par vn rampart d'arestes poignantes. Et sans que ie descouure la force & vertu de toutes les choses qui naissent de la terre, nous voyons d'un petit grain de figue, d'un petit pepin de raisin, ou d'autres mesmes semences de diuerses plantes, estre produits de si grâds troncs & si grâds rameaux, & quasi vne infinie abondance de feuilles, De fait, les prouins de vigne, les plan-

Lactance.

*Ciceron
au liure
de la vieillesse.*

le liure

tes, les fermes, les racines, les reiects, & les entes
des greffes d'arbres ne font-il pas q̃ le renouelle-
ment du corps humain ne nous peut sembler estrā-
ge & impertinent? Laquelle tant admirable ver-
tu de nature, saint Chrysostome apres Cicron, *S. Chrysos.*
exalte iusques au dernier bout, & d'vne louange *1. Theff. 4.*
singuliere, louē la terre, mere de toutes choses. *Homel. 7.*
Car la vie de chacune chose procede de la moi-
teur de la terre. Les herbes, les arbres, les fleurs
de maintes & differentes sortes, & par vn grand
art elaborees, non sans vne excellente senteur,
prennent leur naissance & augmentation de la
fertilitē du terroir. L'air gros pareillement s'es-
poissit en eau, laquelle tombant du ciel, arrose la
terre, puis elle mesme subtilisee par la chaleur du
Soleil, se rarifie & retourne encore en air. Ainsi
maintes choses reçoient diuers changemens,
lesquels ne causent moins d'admiration que le
resuscitement. Comme pour exemple. La vigne *Exemples*
de l'humiditē de la terre, produit non seulement *des produ*
son ieune bois, & ses bourgeons, & feuilles, & *tions &*
ses villons aigres, ains aussi vn suc salubre, & des *generatiōs*
raisins sauoureux. La palme, arbre raboteux & *naturelles*
plein d'estorce, porte les dates douces, vineuses,
& pleines de suc. Et si nous venons à la semen-
ce dont l'homme est engendré, qui est celuy qui
sceuſt dechiffrer par raison comme elle se forme
en oreille, en mains, en bras, en cœur, en poi-
mon, en nerfs, en arteres, en chair, en os, en car-
tilages, & en taves & pellicules? tant il y a au
corps humain de difference, de qualitez, d'hu-

meurs, de puissances, de vertus, & d'offices, establis par la seule semence. Ne vous semble-il point impossible d'expliquer comme le moite & mol s'endurcit en os solide & froit? comme les viandes se conuertissent en sang rouge? comme les alimens se changent & endurecissent en venes, en arteres, en nerfs, muscles, ligamens, & tendons? Parquoy, puis que nature fait tant de choses ordinairement, esquelles l'esprit de l'homme ne peut discourir la raison, qui voudra nyer que le Createur de l'vniuers ne puisse cela faire à resusciter & releuer les corps, que la nature, sa simple seruante, pratique iournellement à faire naistre & augmenter vne semence putrifiée? Ils voyent icelle arrousee renaistre encore, & deuenir vne belle plante & bien garnie de fueilles, & ne croyent point que l'homme fait de terre doigne reuiure, & quelque-fois estre restitué en sa

s. Cyprie. beauté? Pour ce saint Cyprien, à qui est attribué le symbole, à l'exemple de saint Paul, esclarcit la foy de la resurrection, par vne similitude tirée de la nature des semences. Si quelqu'un, dit-il, mesle plusieurs diuerses semences ensemble, & icelles sans distinction, il s'en mesle mesle, chascune semence ne produit elle pas en temps opportun vn germe selon l'espece de sa nature, & reforme de rechef vn chaulme de sa forme, & selon son corps: Ainsi la substance de la chair, combien qu'elle s'epandue en diuers lieux, neantmoins quand il plaira à Dieu, reuiendra en vie, avec la mesme forme que la mort luy auoit tollue. D'ou ad-

uient qu'à chacune ame sera restitué nō vn corps
 confus, vn corps estrange & emprunté d'ailleurs,
 ains le sien mesme que premier elle auoit, à fin
 que cōsequēmēt la chaste chair pour le combat
 qu'elle a viuemēt soustenu avec son ame, puisse
 estre coronee, ou l'ipudique punie. Pource saint *S, Paul.*
 Paul me semble n'auoir peu plus propremēt & vi
 uemēt exprimer la forme dure suscitement, que par
 la similitude de la semēce epādue & enfouye en
 la terre labourée. Car ce qu'ēfouyr dēs terre, la se
 mēce est en nature, cela en la resurrectiō est ense
 uelir le corps mort: & ce que la est naistre & de
 uenir vne viue plāte, cela à l'homme est reprēdre
 vie. Le corps subiect à putrefactiō est mis dēs ter
 re: mais celuy-mesme reuiura, toute ibecillité de
 nature ostee. Il est enterré, exposé à plusieurs
 passiōs, miseres, & maladies, il resuscitera alegre,
 vif, droit, pur & net, & bien purgé de toutes ta
 ches & ordures. Ce qui vous sera demonstré plus
 clairemēt par exēple. A vn malade qui est affli
 gé de quelque griesue maladie, la couleur se perd
 tellement, qu'il deuient tout palle, bassanne, cras
 seux, iaunastre, & semblable à vn mort, & deuient
 tout sō corps maigre, ethic & tellemēt deffait, que
 toute l'humeur vitale estant espuisee, à peine le
 peut on recognoistre: mais s'il vse de bones mede
 cines & de bō regime, alors il reprēt vie, & se re
 met en chair avec vn teit si delicat & si beau, qu'il
 sēble qu'il soit fardé. Ainsi à la resurrectiō le mes
 me corps sortira de terre: mais biē plus illustre, &
 auquel n'apparoistrōt aucunes traces de tache ou

corruptiō. En quoy Christ tout le premier nous a serui de vray exēplaire, lequel par chose quelcō- que n'a mieux decouvert sa diuinité, que par le triumphe de sa resurrection. Ce que pareillemēt par sa vertu se doit faire en tous. Lequel comme dit sainct Paul, transformera nostre corps vil & abiect, & le rendra conforme à son corps glorieux, selon la vertu par laquelle il peut assubiectir toutes choses à soy. Pour-cel l'Apostre ne veut point que nous nous espouuantiez de la frayeur de la mort, ny que nous nous consumions en larmes & dolcances demesurées, puis que ceux qui dorment en nostre Seigneur Iesus Christ, doiuent estre resuscitez par la parole de Dieu, pour avec luy iouyr du siecle eternal. Ce que le Sauueur mesme a predic deuoit ainsi aduenir, quand il dit. L'heure viendra en laquelle tous ceux qui sont és sepulchres, entendront la voix du fils de Dieu, & tous ceux qui auront bien vescu, iront en resurrection de vie : mais tous ceux qui auront mal vescu, iront en resurrection de condemnation. Par lesquelles parolles il donne reconfort aux esprits abbatus & affligez, à ce qu'ils ne succumbent aux maux, & intimide les peruers & abandonnez, lesquels ne mettroycēt iamais fin à leurs iniquitez, si apres ceste vie la pieté n'estoit remuneree, & la meschanceté punie. Dont Iob estant reduit au comble de toute misere, luy-mesme se reconforte en ceste seur- re confiance. Je sçay, dit-il, que mon Redempteur vit, & qu'au dernier iour ie resusciteray de la ter-

S. Paul.

Philip. 8.

S. Paul.

1. Thes. 4.

Iean 5.

Iob, chap.

14. & 19.

re, & en ma chair ie verray Dieu mon Sauueur, lequel moy-mesme & non autre, ie regarderay de mes propres yeulx, & repose ceste esperance en mon cœur. Parquoy, puis que toute l'esperance de salut, & toute la principale consolation que l'on peut auoir en choses aduerses, consiste en la foy de la resurrection, opposons la principalement aux assaux & troubles par lesquels les diables s'efforcent d'abbatre & enuelopper noz esprits, & ayons nostre foy fichee en celuy qui nous à esté auteur & conseruateur de si grande liberté, Bien à la natiuité du Sauueur par si long temps attendue, grandemēt eslené les esprits des hommes à vne tresferme attēte de sainte, sa conuersation entre les hommes, l'integrité de ses meurs, sa doctrine, la mort qu'il a endurée pour nous, & par laquelle il nous a exemptez de iamaïs ne mourir, a de beaucoup profité: mais la verité de son resuscitement à fait que le triumphe & la victoire de la mort estant acquise, nul ne peut aucunement doubter du salut promis, ains qu'il ose hardiment conceuoir vne confiance & assurance que tout le mesme qui a esté fait & exprimé en son chef, semblablement se parfera en luy. Pource toute nostre foy est fondee en la resurrection de Christ, par laquelle il a vaincu la mort, à sçauoir le peché, lequel nous a rendu ennemys & alienes de Dieu. Parquoy, puis que par la mort de ce bon Sauueur nous auons obtenu vne si grande beatitude, ne nous laissons pas esbranler ne destourner de si sainte

opinion, ains mettons peine que nous perceuions le fruit de si grans biens, & ayons tousiours les yeulx fichez en celuy, qui d'une singuliere faueur & misericorde par Iesus Christ resuscité de mort, nous a regenez en vne viue esperance, & restituez en vne vie sans fin, & nous a conigné vn heritage immortel, oubliant toutes noz offenses, en effaçant & rayant la sedule qui faisoit contre nous. Pource la souuenance de tel bien faict, doibt continuellement estre engrauee en nostre entendement, principalement quand il nous faut soustenir le dernier combat, auquel par vne abomination de tous les pechez de nostre vie passée, opposons à Satan, à la mort, au peché, & à l'enfer, l'immense misericorde de Dieu nostre pere, par la foy en Iesus Christ, par lequel veritablement la remission & reconciliation de tous noz pechez en son sang, & l'eternel salut nous est appareillé, & nous attend. Car par luy nous auons accez & entree au pere, il est la propiciation pour noz pechez. Car Dieu tellement à aymé le monde, qu'il a donné son fils vnique pour nous racheptr, à fin que qui croit & se fie en luy, & s'arreste sur sa promesse, ne perisse point, ains obtienne la vie eternelle. Laquelle assurance émeut noz esprits à produire vrayz fruits, par les œuvres de charité, par laquelle grandement nous aymons Dieu, & pour l'amour de luy, nostre prochain. Et ce que la foy nous enseigne, la charité le pratique, attendu que la foy non oyliue engendre charité, & la charité mu-

*Pier. 1.**Coloss. 2.**Iean 3.*

tuellement nourrit la foy. Ainsi l'huile de cha- *Matt. 25.*
 rité estant deffaillie és lampes des folles, sem-
 blablement la lumiere de la foy s'esteint. Par-
 quoy celle foy & assurance de la misericorde
 promise, laquelle est infuse en noz cœurs par le
 sainct Esprit, doit estre excitée & conseruee
 en nous, à fin que par le merite de Christ nostre
 mediateur, nous crions, Abba pere. Et ainsi l'es- *Galat. 4.*
 prit d'adoption & l'erre de nostre heritage nous *Ephes. 2.*
 reconforte & esleue nostre pensee au rachapt
 de la possession acquise, & oste à nostre esprit
 toute paour & effray de conscience, & fait que
 nous recognoissons la faueur & assistance & mi-
 sericorde de Dieu, & que nous obtenons re-
 demption & reconciliation par le benefice de
 Iesus Christ, lequel Dieu nous a proposé pro-
 piciateur par la foy en son sang, pource estans
 iustifiez par foy, nous auons paix en nous, &
 vne conscience appaisée, & vn esprit tranquil-
 le & assuré, tellement que toute deffiance &
 tout desespoir chassé, conceuans vne certaine
 esperance de resuscitemēt & immortalité, &
 ne doubtrans point du salut acquis, nous en al-
 lons gayement d'ici en nostre seiour & pais ce-
 leste, pour avec ce puissant conseruateur de no-
 stre liberté, iouyr d'une eternelle ioye. Ce qu'à
 fin que iamais ne sorte de noz entendemens, &
 que la memoire de si grād dō & biéfait, iamais ne
 s'efface ou se mette en oubly, il a institué sa sain-
 cte Cene & sacree vniō, par laquelle souuēt nous
 refraichōs la souuenāce de tout ce qui a esté fait,

à fin que par cōtinuelle cōtēplatiō de ce nouuel accord, nostre esprit soit esleué & enflammé en son amour & reuerēce, & que m̄ageās son corps & beuians son sang, nous foyons vn̄s avec luy, & conceiūs vne ferme assurance de l'immenſe charité & miſericorde par laquelle il n'a point doubté d'expoſer ſa vie pour noſtre redēption. Lequel memorial il conuient touſiours auoir deuant les yeulx, & principalement à la fin de la vie, quand la mort approche, à fin que lors noz esprits ſoyent paiſibles, & qu'en noz cœurs il y ait vne grande confiance en iceluy, & qu'inceſſamment nous luy rendions graces pour l'ineſtimable don de ſon ſang reſpādū, par lequel il nous à deliurez de tout peché, & toute paour de mort tolluē, & la tyrannie de noſtre cruel ennemy abbatue, & de ſerfs & eſclauies, il nous a affranchis & mis en liberté. Par ce ſacré ſymbole donques nous ſommes rendus certains que nous ſommes entez en Chriſt, & par vn eſtroit lien de charité vn̄s & conioincts à luy. Dont ſe faiēt, qu'eſtans fondez ſur ceſte cōfiance, comme ſur vn tref-ferme baſton, nous ſommes aſſeurez que nous obtiendrons ce que la foy par l'inſtinct du ſainēt Eſprit a conceu, & nous à perſuadē, de laquelle comme de ſa racine naiſſent les ranieaux de charité, qui portent les plantureux fruiets des cœures, qui teſmoignent la foy eſtre viue, & non mutilée & vacillante en aucune partie. Car la ferme foy n'eſt iamais depourueue de bonnes cœures & agreables à Dieu, ainſen eſt touſiours

ornee,

Euchariſtie.

*S. Paul.
Hebr. 6.*

laques 2.

once, comme vn bel arbre de ses feuilles &
 fruicts. Parquoy, puis que ces vertus heroïques
 & diuinement inspirees, lesquelles sont lyees si
 bien ensemble, & si bien s'accordent entr'elles
 qu'elles ne peuuent souffrir d'estre separees, sont
 necessaires à salut, il faut en toute diligence exer
 cer nostre esprit en elles, à celle fin qu'apres les
 afflictions de ce monde, apres la profession de
 nostre foy bien approuuee & manifestee, laquel
 le Dieu requiert de nous, & en laquelle il nous
 exerce, nous obtenions telles richesses, celuy he
 ritage, & ces tant excellens guerçons que Dieu
 a assignez à ceux qui au combat de ceste vie se
 sont deuement acquitez de la charge qui leur
 estoit assignee. En quoy si l'y a eür quelque fau
 te, il n'y a rien plus prochain du salut que d'vn
 cœur eleué à Dieu, se commettre du tout à son *Ezech. 18*
 immense misericorde. Et ainsi nous confians en
 sa clemence, & fondez sur la confiance de sa mi
 sericorde, laquelle il ne denie à aucun repentant,
 venons en toute assurance au throne de sa gra *Heb. 4.*
 ce, pour obtenir mercy de luy en temps oppor
 tun, & de la plus profonde affection de nostre
 cœur, faisons incessamment raisonner aux oreil
 les de ce iuge exorable, ce dit du Prophete. N'e *David.*
 tre point en iugement avec ton seruaeur, ô Sei *Psean.*
 gneur, pource que nul homme vivant ne peut *142.*
 estre iustifié en ta presence. Si tu prens garde *Psean.*
 aux offences Seigneur, qui est de qui subsistera? *130.*
 Mais il y a pardon vers toy, & vne tresample
 redemption.

ſçavoir ſi és enfans prodigieux & monſtrueux, & és
auoir y a vne ame raiſonnable, & ſils auront
part au reſuſcitement futur. Incidemment de quelle
cäuſe ſ'engendrent les monſtres. & éleuons bien
not, & ſçachons bien b'villuſt' & ſçachons bien
C H A P. X. V. & ſçachons bien

С Н А Р. 1811. X. 17.



TOVS ceux qui ont forme hu-
maine, & qui selon l'ordre & se-
lon la façon de naistre que nous
tenons de nostre premier pere,
sont engendrez de l'un & l'aut-
re sexe, combien qu'ils soyent
de figure monstrueuse, difforme; toutesfois ils
ont vne ame raisonnable, & apres le cours de
ce siecle, viendront a resusciter comme les au-
tres. Mais ceux qui n'ont aucune semblance
d'homme, & sont engendrez par la copulation
& mixtion de quelque autre beste, & sont leurs
œuvres tout autrement que les hommes, point
ne seront immortels, ny ne receuront au dernier
iour cest honneur de renouation corporelle,
comme les Faunes, les Satyres, les Luitons ou
Gobelins, les Centaures, les Tritons & Sirenes,
& les Harpyes, & si quelques autres en a con-
trouué l'antiquité fabuleuse, point n'ont d'ame
raisonnable, ny point ne iouyront de l'heur du
resuscitement. Bien s'en trouue plusieurs entre
tant de millions d'hommes, qui sont d'un corps
estrange, qui ont vne face hideuse, vn museau
de porc, & vne bouche demesurément fendue:

mais tous, combien qu'ils forlignent de la naturelle forme de l'homme, sont neantmoins tenus au nombre des hommes, attendu qu'ils parlent, ils raisonnent & discourent, ils iugent, ils ont memoire, & font toutes les autres actions de l'ame, & toutes œuvres comme les autres hommes, combien qu'ils soyent aucunement abastardis de la dignité & excellence de l'homme, & de la vertu infuse de nature. Or y a-il plusieurs causes qui rendent les corps monstrueux. Car la frayeur & espouventement, l'influence des astres, faute ou superfluité des spermes, les imaginations des femmes grosses, & les diuerses figures qu'elles conçoient en leur entendement, rendent le corps difforme, & impriment des especes & formes toutes contraires au propre sexe. Quelquefois aussi tout l'ordre de nature est renuersé quand ou les semences sont gastees ou les organes ou vases ne sont propres tellement que les facultez naturelles à engendrer & former le fruiet, ne peuuent exactement accomplir leur ouurage. Car ainsi que l'ouurier tant industrieux soit-il, ne peut parfournir l'œuvre bien commencée, quand l'estoffe n'est pas bonne, ou le trenchant des outils est rebouché, ainsi nature estant destituée des vertus de ses facultez, ou ayant rencontré vne matiere peu idoine, ne peuuent rien faire qui vaille, & est fraudée de la fin ou elle tend. Bien s'en trouue-il qui tout exprez rendent aucunes parties du corps toutes autres que nature ne les a produictes,

Causes des monstres.

Hippocras comme estoient en Asie (tesmoing *Hippocras*)
 au traicté des *Macrocephalins* auxquels les nourrices ren-
 del'air & dorment les testes pointues & aigues, pource
 des lieux. que cela leur sembloit beau, & leur denotoit
 vne generosité, comme entre les Perles, auoir
 le nez aquilla. Dont finalement est aduenü que
 combien que la coustume fust perdue ou de-
 laissée d'ainsi reserrer la teste, toutesfois natu-
 re en formant l'enfant, suyoit celle coustu-
 me ancienne & la perdue, & ce que chacun fai-
 soit par art & industrie, nature d'elle mesme le
 rendoit tel. Semblablement aussi la nourriture
 & la qualité de l'air où vivent les personnes,
 font aucuns membres du corps difformes. De
 sorte que ceux qui demeurent en lieux froids &
 humides, ont communement la teste grosse, font
 ventras, font gras & replets, ont de grosses
 lèvres & joues enflées, ainsi que maintes con-
 trées produisent des *Pigmees*, des gens n'ayans
 qu'un œil au milieu du front, des mains de pé-
 tre flandre. En d'autres regions, les hommes sont
 goetres, en d'autres diformes des escroelles,
 en d'autres camus & pieds bots. Neantmoins, il
 coit qu'il y ait beaucoup de defectuositez en
 eux, & que leurs membres soyent ou tors ou
 énormement disposez, toutesfois pource qu'ils
 sont engendrez des hommes, & qu'il y a quel-
 que raison en eux, & qu'ils se conduisent par
 mesmes loix de nature, à ceste cause les saints
 Docteurs soustiennent qu'ils ont vne ame rai-
 sonnable, & qu'ils auront part au resuscitement

final, auquel tout ce qui est difforme & hydeux en eux, prendra vne beauté digne de l'homme. En maniere que les membres entr'ouuers, tortus, & mis hors de leur propres lieux, les membres courbez ou mutilez, seront remis en leur entier. Et combien qu'en aucuns la vertu de raison, moins se demonstre, à cause de l'imperfection de l'instrument, comme és petis enfans, és vieillars, és yurongnes, & és insensez, esquels la vertu de l'ame est ou empeschee ou opprimée. Neantmoins en tous, y a vne ame raisonnable, & ce qui deffaut, sera suppléé par le bien de la resurrection. Bien est vray que les enfans imparfaits & auortons, & les effluxions ou il n'y a encores aucune ou bien petite pourtraiture de membres, à cause qu'il n'y a point encores en eux d'ame raisonnable, point aussi ne meritent d'estre appelez hommes, consequemment ne resusciteront point. Or mettent dif-

Auortement.

Effluxio.

312

ble. D'ou aduient que s'il va alors à sortir, & que par quelque frayeur ou autre peril suruenant, il soit poussé hors, il sera quelquefois reuoké en vie. Car combien que maintes choses de-
faillent en luy, & qu'il n'ayt sa iuste grandeur, neantmoins tout ce que par succession de temps il deupit estre, sera paracheué au resuscitement. Or comme les petis enfans ont plusieurs choses en eux en puissance, lesquelles par laps de temps, se demonstrent avec l'aage, comme sont les dents, les ongles, les cheueux, & la competente grosseur & stature du corps, lesquels par la faculté de la semence, peu à peu s'accroissent & accomplissent, ainsi en la resurrection toutes les tares & incommoditez du corps, & tout ce qui est d'imparfaict en luy, est rendu entier & parfaict. Parquoy toute personne qui est engendrée de la semence de l'homme, & non de quelque orde humeur corrompue, iacoit qu'elle soit monstrueuse de corps, & difforme à voir, nonobstant après la mort sera reuokée en vie, & par la force & vertu de la resurrection, tout vice sera osté, & tous les membres seront proprement remis en leur estat deu. Car ce grand Createur de toutes choses,

*Prudence. Qui reintegre le corps de vil, pourri, infect,
Poete. Rien ne rendra qui soit debile ou imparfaict,
Car si encor en luy fragilité demeure,
Ce n'est le restaurer en essence meilleure,
Ce que donques la chente, ou le dueil & tristesse,*

Où bi en la maladie, & la blanche vieillesse,
 Ont d'e luy retranché, distrait, & aboly.
 Tout au resusciter, raniendra plus poli.

Car cela sera fort aysé & sans labeur à celuy
 qui de rien à créé toutes choses, veü que com-
 me dit saint Augustin, c'est bien plus grand *s. Augu-
 tin.* cas de créer les hommes, que de les releuer
 quand ils sont cheuz & ruinez, & de rechef
 les reuoquer en vie: & faire que ce qui ne fut
 iamais vienne en estre, est beaucoup plus que
 de restaurer ce qui ia au parauant auoit esté.
 De fait, la matiere terrestre ne perit point à Dieu
 auquel il est aisé de reuoquer en sa premiere na-
 ture ce qui s'est comme euanouy, ou ce que la
 maigreur ou la faim ont consumé, ou que les
 maladies ont dissipé & gasté, ou qui par bruslu-
 re a esté reduit en cendres, ou qui s'est retourné
 en element, ou en substance d'un autre corps.
 Tellement que la chair sera reparee à l'homme
 duquel elle auoit esté retranchée, ainsi qu'une
 chose seulement empruntée. Laquelle efficace
 vertu, ceux esprouueront qui meritent d'estre
 appelez hommes, aussi les monstres qui sont
 engendrez des hommes, & qui ont mesme na-
 ture que les hommes seront faicts participans
 de ce tant excellent don diuin.

Les humeurs & les viandes manifestement changent la disposition du corps, & l'estat de l'ame, & que de là procede la source des passions, & les remors de conscience. Incidemment quel est l'effect de la melancholie, & par quelle maniere vn chacun peut reme-

diere à icelle. *De Hum. & P. lib. X. V. l.*

Lon y a homme viuant qui ne soit transporté de ses affections, & qui ne sente ses passions ou perturbations, mais les vns s'affectionnent bien plus que les autres, & sont plus enclins à s'esmouvoir. Car ceux qui sont d'une disposition de corps non corrompue, & qui gardent bon reglme de vie, ont moins acoustumé d'estre agitez de perturbations. Comme on escrit que Socrates a esté d'une telle tranquillité & constance d'esprit, que tant en sa maison que dehors, il estoit tousiours d'un mesme visage, & d'une mesme façon & maintien, combien qu'il fust contraint d'endurer mille sacheries de sa femme: ce qu'il n'auoit acquis par autre moyen que par sobriété & temperance. Et pource que Cicéron tient l'intemperance pour la source de toutes passions, laquelle est vne alienation de tout l'entendement & de la droicte raison, de sorte que les desirs & volonte de l'esprit, ne peuuent en aucune maniere estre maintenez en *Temperance*, estat Parquoy tout ainsi que la temperance mo-

Tusc. 4.

Temperance

dere toutes enormes affections, & les rend obeif-
santes à raison, & conserue les iugemens de l'es-
prit en modestie; ainsi l'intemperance son enne-
mie, enflamme, confond, & esmeut l'entende-
ment, qui est occasion que toutes les maladies
du corps, & toutes les erreurs de l'esprit en pro-
uiennent. Car comme lors que le sang & la pitui-
te excèdent, ou quand l'vne & l'autre colere pas-
se borne, les maladies s'engendrēt au corps: ainsi
le troublement des mauuaises opinions, & la re-
pugnance d'entre icelles, priue l'esprit de sa santé,
& fait que le corps pareillement en souffre. De
sorte que si l'ire, si la medisance, la crainte, la tri-
stesse & l'enuie se saisissent vne fois des veines &
moiles, & occupent le profond de l'esprit, elles
portent aussi nuisance au corps, & luy causent de
dāgereuses maladies: comme aussi icelles par mu-
tuelle correspondance, & compassion affligent
l'ame. Et combien que les obiects & plusieurs
causes exterieures excitent en l'homme de grāds
troublemēs l'ame, toutesfois la principale cause
& origine en est au cœur & es humeurs & esprits
lesquels s'ils sōt moderez, & nō embus de qlque
estrange qualite, moins est l'entendement & plus
paisible. Ainsi le sang est pur & net, si le tempe-
rament est iuste & egal, & le corps est en bonne
disposition, l'homme est plus tardif à s'irriter, &
moins passionné de colere, ou de crainte, ou d'ap-
petit de vengeance: ou s'il est cognu de quelque
affection (comme il n'y a nul qui en soit du tout
exempt) soudain par le conseil de la raison, & par

le iugement de l'esprit, toute celle cōfution d'entendement est moderee. Ce qui nous est demonstéré clairement en Daud & en Pericles : lesquels estans quelquefois assaillis & iniuriez par homme peruers & malin, toutesfois ne furent onques esmus de haine ou de vengeance contre luy, ains luy vserent de toute humanité. Bien conçoit le cœur diuerses troubles de l'esprit, par les choses qui se presentent exterieurement, mais aussi biē souuent sans aucuns obiects il entre en vehemens passions, & venant en l'entendement quelque taisible & secrete pensee de quelque outrage à luy fair, ou de quelque indignation pour quelque dommage receu, l'esprit s'enflamme & se tempeste en soy-mesme. Et pource à bien cognoistre la difference des affections des personnes, sert grandement de cognoistre quel est le temperament d'un chacun, de quelles humeurs est rempli le corps, & quelle est la qualite des esprits qui s'engendrent des humeurs. Car ceux qui sont de chaude & seiche complexion sont plus sujets à colere, principalement les gens de petite stature : esquels à la moindre occasion qui se presente, la colere monte à la ceruelle : laquelle à cause du lieu qui est estroit, & que la distance des conduits est petite, soudain assaut l'ame, & comme quelque petis tugurions & maisonnettes basses l'alume & embrase. Aussi par mesme moyen ceux qui sont de telle disposition de corps, ont l'esprit meilleur, & le iugement plus aigu : pour autant

que les esprits referrez & non tant esendus, ont plus grâde & plus viue force. Mais comme il y a des estelles & autres menus bois secs, qui s'enflamment & brûlent plustost que les autres, & aucuns qui s'amortissent plustost & d'autres plus tard : ainsi en aduient il és esprits & humeurs, les yns causans des passions de longue duree, & qui ne s'appaissent facilement, les autres qui passent aussi tost que le vent. De maniere que les coleriques sont fort chauds & prompts à s'irriter, & comme la paille incontinent s'alume, ainsi ceux cy à cause de la subtilité de l'humeur chaude, & de la soudaine inflammation d'icelle, entrent en horrible colere, & s'embrasent comme en feu: combien qu'incontinent leur ire se refroidit, & deuiennent doux & paisibles. Au contraire les melancholiques sont plus poissans à s'esmouuoir, mais offence ne peuuent oublier l'indignation des outrages à eux commis, & quasi sont du tout irreconciliables. Les phlegmatiques, comme estans de froide & humide complexion, ne sentent quasi point aucune perturbation d'esprit, & sont difficiles à esmouuoir par quelque chose que ce soit. Et pource aussi ils sont nonchallans & paresseux, & de nul esprit, mal adroits à toutes choses d'excellence. Tellemēt qu'on leur peut à bon droit approprier ce cōmun *Prouerbe.* Que qui est sans colere est sans entendemēt. Les sanguins, qui sont de chaude & humide nature, point ne s'addōnēt à aucunes choses graues &

serieuses, & sont volontiers sans soing ne soucy, ains estans excessiuelement addonnez à chants & esbats, à risées, à ciuilitéz & plaisanteries, ne suyuent autres choses que les plaisirs & delices. Lesquelles complexions souuent se changent, & alterent diuersement les esprits des personnes, selon la qualité & mixtion des humeurs : & selon la nature du lieu & de l'air ou l'on demeure : qui me fait iuger que la cause des affectiōs doit aussi estre attribuee aux humeurs. Car si tost que le cœur est mal disposé, les esprits sont esmeus, & les humeurs bouillent, & par l'esmotion d'iceux comme à la chaleur de quelque feu ardent, l'esprit plus fort s'embrase. Tellemēt que comme quād le chef d'vn camp est grandement irrité, les soldats de sa garde incontinent se dresent en pied pour assaillir l'ennemi : ainsi quand quelque passion de l'esprit aduient, adonc avec le cœur les humeurs s'esmeuent, & les esprits tres-saillent : & s'il on est grandement courroucé, ou espris de honte, ou de quelque excessiue ioye, ils se demonstrent exterieurement : comme au cōtraire si l'on a quelque paour, ou quelque ennuy, ils se cachēt & se retirent tant qu'ils peuvent au dedans non sans grād danger de la personne, si bien que quelquefois le sang abandonne & delaisse le cœur, & quelquefois par son abondance le suffoque & accable. Ainsi plusieurs par vne ioye desmesuree sont morts tout sur le champ, & aucuns par vne soudaine frayeur sont demeurez esteins. Ce qui est coustumier d'aduenir principalement à ceux

qui ne peuuent dompter leurs passions, ny reme-
dier par raison : comme sont quasi tous hommes
de sexe fort debile, comme les femmes delicates,
les ieunes enfans, les vieillars, les hermites, &
ceux qui de leur ieune aage se sont addonnez à
vie solitaire : lesquels ont communement vne
couleur palle, & le peu d'esprit animal qui est
en eux, les rend pusillanimes & peureux, & de si
petit courage, qu'ils ne peuuent resister & tenir
bon à l'encontre des choses aduerses. D'auanta-
ge, l'aage d'un chacun, l'attrempance de l'air, l'in-
fluence des estoilles, la nourriture & regime de
vie, & la coustume du pais aident grandement à
la difference des affections & meurs de person-
nes. Tellement que si vous faites comme vne re-
ueüe de chacune region, & vous examinez la na-
ture de toutes nations, leurs manieres de faire, &
à quoy ils sont enclins, vous trouuerez de fort di-
uerses sortes de viure, des esprits forts differents,
& des affections & mœurs contraires. Pource y a
grand esgard de quel aage est la personne, com-
ment elle a este nourrie, sous quel planette & co-
stellation elle est nee, de quelle temperature &
disposition de corps elle est, avec quels elle hante
& conuerse, & quelle abondance & qualite d'hu-
meurs domine en elle. Car telles choses la plus
part causent les meurs de l'esprit. De fait, ceux
qui ont vn sang gros & espois, sont le plus souuēt
fiers & hardis, de mauuais mœurs, malcour-
tois, inhumains, & qui n'ont aucun remors de co-
science, aucune crainte, aucune reuerence de re-

ligion, sans auoir en eux aucune pieté ny humanité : comme sont quasi tous mariniers, ménéstriers, charretiers, crocheteurs, voïcturiers, & toutes gés qui ont accoustumé de suyure la guerre : lesquels à cause du sang grossier, & des esprits espais & troubles qui sont en eux, ont aussi l'ame grossiere, & l'esprit tout obscurci de vices. Que si en telles gens addonnez à telle maniere de viure, il y a quelque estincelle de vertu & honnesteté, incontinent ils l'esteignent ou l'embrouillét de vilanie de vices. Car à cause qu'ils ont employé leur aage en toute meschanceté de vie, par grande accoustumance elle se tourne en nature. Ainsi qu'en Hannibal, tesmoing Tite Liue, vne inhumaine cruauté, vne trahison & desloyauté plus que Punique, rien de verité, rien de saint, nulle crainte des dieux, nul serment, nulle religion. Car selon la sentence de Lucian,

*Tite Liue
liv. 1. de
la guerre.*

*Lucian.
l'n. 10.*

*Ne soy ne pieté aucune és gens se treuuent
Qui la guerre & son train aiment, suyuant aprenuent
La pour chacun meurtrir, pour brusler, saccager,
On vent corps, pieds & mains sans esgard du danger:
Mesme telle furie est faite plus ardente
Quand plus à telles gens grand loyer se presente.*

Laquelle diuersité d'espris & de mœurs & affections, me semble assez manifester, que les passions & inclinations de l'ame d'un chacun doyuent estre attribuees à plusieurs causes. Car iacoit que les objets, & le cœur, & les membres desti-

nez à la nourriture, & à engédrrer les esprits, soyent les organes & vaisseaux des affections: toutesfois les humeurs qui sont enracinees au corps, la chaleur immoderee, l'influence des estoilles, les facultez des viandes, la qualité de l'air ou l'on demeure, & le vin prins desordonnement, y seruent de boute-feux, & fournissent les motifs à troubler l'esprit & esmouuoir toutes sortes de passions. Qu'ainsi ne soit, voyez le dommage que l'esprit & la raison reçoivent, quand les instrumens, les esprits, & les humeurs sont en quelque sorte corrompus & deprauez. Car de là il aduient que l'homme forligné de sa dignité & excellence, & deuient comme vne beste. Ce que le Royal Prophete des *David.* *Psean. 43* plore, quand il dit: Quand l'homme estoit constitué en honneur, il ne la pas considéré: a esté reduict au reng des bestes insensées, & a esté fait semblables à elles. De vray, la raison s'esteint, & la lumière de l'ame estant offusquée de vicieuses affections, est comme enseuelie. De sorte que comme la mesche rend moins de lumière, quand elle est en vne lampe mal nette & non polie, ainsi l'ame de l'homme estant enuelppee des tenebres du corps, moins resplendit, & plus laschemēt deploye ses forces. Or est ce vne chose propre & naturelle aux hommes, que ceux qui sont sanguins se resiouissent, que les melancoliques soyent tousiours mornes & pêsifs, les phlegmatiques paresseux & endormis, & les coleriques soudains à ire & courroux: Combien que toutes telles passions sont lors moderees & moins vicieuses,

quand les humeurs consistent en mediocrité, & que point elles ne sont corrompues par aucune estrange qualité. Que si la qualité ou abondance d'icelles est trop excessiue, ou qu'elles se desuoyent de leur température, adonc elles affligent terriblement l'homme, & le destournent de raison. Et combien que les qualitez elementaires, les humeurs, & les esprits, comme ny aussi les aspects des estoilles n'imposent aucune necessité à nous faire cecy ou cela: toutesfois il ont vne telle force à esmouuoir les affections, que les hommes malgré la raison & toute sa resistance, sont comme par vne impetueuse tormente & tepeste, gettez contre les rochers des passions. Car telle qu'est l'intemperie de l'air & de la mer, & la violence du vin & du desmesurement, telle est la force trop excessiue de l'humeur colérique & melancolique. De fait, qui est celuy, qui sondant profondement soy-même, & bien espluchant sa nature, à toute heure ne sente en soy des énormes assauts & merueilleux troubles de l'ame. Tellement qu'ores il est ou plus irrité, ou plus chagrin, plus enuieux, plus paillard, ou selon l'intemperie des humeurs il est plus enclin à vne ou autre affection. Que si l'esprit de l'homme est subiect à tel changement, depuis que les humeurs ont tant soit peu forligné de leur propre nature, qu'en vn moment l'entendement est transporté à diuerses passions, que pensons nous que ce sera quand elles sont paruenues au plus haut de leur malice, & qu'elles ont saisi les principales parties.

ties ? Dequoy nous donnent assez d'experience,
& de mauuais spectacles, les maniaques, les fu-
rieux, les insenséz, les phrenetiques, les melanco-
liques, & ceux qui sont transportez d'esprit en
folie. Par lesquelles mauuaises humeurs quád les
maladies regorgent sur l'ame, alors vrayement
elles tormentét griefuémét la personne de maux
horribles & fort espouuentables. Parquoy ceux
qui veulent donner bon ordre à leur santé, qu'ils
s'estudient de viure sobrement, à fin que leur es-
prit ne soit vexé par aucune obfuscation d'hu-
meurs, ny par estranges impertinentes imagina-
tions, & consequemmét troublé de son sens. Ce
dequoy doyuent principalement estre aduertis
ceux qui ont le maniement de quelques charges
publiques, ou qui sont immoderement addonnez
à l'estude, veu que tels ont accoustumé d'estre la
pluspart subiects à melancolie, laquelle humeur,
iaçoit qu'elle aiguise l'entendement, ainsi que le
vin prins modérément, toutesfois si elle est exces-
sive, & teinte de quelque vice, elle nuit grande-
ment à l'ame. En maniere que Ciceró souhaittoit *Ciceron.*
plustost d'estre de tardif entendemét, que d'estre *Tusc. I.*
ingenieux & melancolique. Or sont aucuns de leur
nature subiects à telle disposition de corps. plu-
sieurs aussi qui au parauant ne l'estoyent pas,
l'ont acquise par plusieurs & diuerses occasions.
Il s'en trouue aussi qui par trop continuelle vaca-
tion des lettres, & par trop veiller l'ont encou-
rue. D'autres qui par quelque grád effray ou sou-
cy y sont tombez. Plusieurs par auoir supprimé le

cours des hemorrhoides, ou des mēstrues, ou par
 la cessation de quelque euacuation accoustumee,
 en ont esté affligez: esquels si tost que le cerveau
 est plein d'une espaisse obscurité, l'esprit est vexé
 de plusieurs estranges imaginations, & vient tel-
 lement à se changer, & à souffrir telle violence,
 que quelquefois des gens de grande prud'hom-
 mie & de grande estime, en finissent leur vie mi-
 serablement, si que ie ne me puis assez esbahir,
 qu'il y ait vne si grande force & vehemence en
 celle humeur melancolique, qu'elle puisse pri-
 uer l'homme de raison & entendement. Car tout
 ainsi qu'une noire & espesse nuë se trouuant au
 deuant du Soleil, empesche que ses rayons ne se
 estendent iusques à nous, & obsfisque sa clairté:
 ainsi l'humeur melancolique trouble l'esprit, &
 l'incite à toute malignité. Dauantage, les malins
 esprits s'ingèrent parmi les mauuaises humeurs,
 & principalement s'entremeslent avec la melan-
 colie, parce que si tost que celle humeur passe les
 bornes de nature, elle est propre à cōmettre tou-
 tes choses perverses. Tellement que tous hōmes
 ainsi disposez, à cause de la tenacité de l'humeur,
 laquelle se dissout difficilement, conçoient de
 aspres & griesues pāsions & de longue duree.
 D'ou adient que les mauuaises pensées & con-
 ceptions apres auoir esté vn long temps couuees
 en l'ame, quelquefois viennent si desbordement
 à leur effect, que sans discretion des personnes ils
 se rüent sur ceux qu'ils cognoissent, & ceux qu'ils
 ne cognoissent point, & se mettent en effort de

outrager non seulement ceux qui sont autour de eux, mais aussi leur propre personne. Ainsi telles mauuaises apprehensions incitent bien les colériques, mais quand ils sont esmeus ils assaillent les autres, & n'attendent pas à leur propre personne. Or que la cause de telles choses consiste és humeurs, & non du tout és malins esprits, combien qu'ils s'en aident à leur pouuoir, il se peut recueillir par ce que les maniaques, les melancoliques, & ceux qui sont transportez d'esprit, viennent à conualescence & à recouurer leur bõ sens, si tost que les hemorrhoides & les fleurs qui auoyent discontinué leur cours, reuiennēt à le reprendre, l'obfuscation des humeurs qui deprauiot les imaginations & les esprits animaux, estant par ce moyen deschassée. Dequoy nous porte tesmoignage euident Hippocras par ces aphorismes cy: *Hippocras*
 Si aux insensez soruiennent quelques fractions *lin. 6.*
 de venes, ou d'hemorroides, ils recouurent san- *Apop. 21*
 té, nature escoulant les humeurs de la partie prin-
 cipale, és parties inferieures & moins nobles. Da-
 uantage, si les hemorrhoides viennent à ceux qui *Apho. 11*
 sont subiects à mal de reins, & aux maniaques, ce
 leur est chose fort saine. Car puis que celle hu-
 meur, soit qu'elle gise au diaphragme & en la ra-
 re, ou en tout le corps, & qu'elle soit recueillie en
 quelque partie, réplit le cerueau d'une fort mau-
 uaise exhalation, elle engendre crainte, tristesse,
 dueil, & regret, vne oppression de cœur, & vn tin-
 rement d'oreilles: aussi la raison estât du tout op-
 primee, & la lumiere de l'ame esteinte, quasi com

Galien.

me en desespoir, ores elle incite la personne à souhaiter la mort, ores la met en vne horreur d'icelle. Parquoy, luyuant l'opinion de Galien, au commencement du printemps & de l'autonne ceste humeur se doit purger doucement, peu à peu par vomissement, par rots, par deiection, par peter & vessir, par saignée, & par la prouocatiō des fleurs & hemorrhoides. Brief, quiconque est subiect à ce mal, qu'il tasche en toute diligence d'y obuier & qu'en aucune maniere il n'entretienne en soy les imaginations qui premierement plaisantes & agreables facilement s'insinuent en l'esprit, mais apres prennent telle force & vigueur que mal aisement elles peuuent estre ostees ou assoupies.

Virgile
au 3. des
Georgi.

Le vice se nourrit, & vit quand on le cache,
Quand y mettre la main, pour en oster la tache,
Tu n'as soing ny demi, & sans en faire compte
Laisse croistre le mal qui en fin te surmonte.

Que si quelques pertes & dommages, quelques inconueniens & mal-heurs vous causent vn tel mal, presentez à l'encontre vne constance & courage de cœur inuincible, & vous fortifiez en la parole de Dieu, avec vne ferme fiâce en luy, ainsi fort aisement vous deschasserez ces horribles spectacles, & ces monstres hideux d'imaginatiōs. Car par telles aides & appuis les illustres personnages sont demeurez victorieux de leurs passions: lesquels combien que comme quasi en

vn desespoir ils souhaitassent que la fin de leurs miseres fust auancee par la mort, toutesfois point n'ont esté opprimez par l'impatience des griefues douleurs qu'ils enduroyent. Ainsi Helie pres-^{3. des Rois} sé de l'ennuy des maux qu'il souffroit, souhaitoit ^{chap. 19.} la mort. Ainsi Dauid tant de fois assailli par les embusches & surprinses de ses ennemis, estoit à toutes heures en danger de sa vie. Iob, comme ^{Iob cha. 7} s'il se voulust desesperer, desiroit plustost de mourir, & qu'en quelque maniere que ce fust la vie luy fust ostee, que de soustenir si griefs tourmens. Mesmes Iesus Christ à mode d'vn homme qui est sans espoir, toute nostre cause estant fondee en luy, se plaint d'estre abadonné de son pere. Mais tous par vne attente de mieux, esleués leur esprit à Dieu, ont mis arriere toute crainte & desffiance. Car suyuant l'opinion de Ciceron, ce-^{Cicerō au} cy doit estre tenu pour resolu entre tous que l'a-^{me} me doit estre retenue au corps, comme au lieu de ^{songe de} sa garnison, duquel il ne faut point qu'elle sorte, ^{Scipion.} ne qu'elle abandonne la place qui luy est commise, sans le commandement de celuy par lequel elle nous est donnee, que nous ne soyōs veus auoir abandonné la charge à nous assignee de Dieu. Et pource Iosephe fort sagement nous aduertit ^{Iosephe li} que nous supportions d'vn cœur franc & constāt ^{ure 3. de la} tout tant de maux qui nous aduiennent : & que ^{guerre Ju} nul ne soit si despourueu de sens, de deshonestement & contre la dignité de l'homme & cōtre l'ordre de nature, mettre fin à sa vie. Que si quelcun par maladie ou par quelque trouble d'étédemēt

vient à miserablemēt se tuer luy mēme, qu'on se garde biē de se mōstrer par trop rudes, & trop se uierā enuers telles personnes, ains qu'on ait plu-
 tost cōpāssion de leur misere, & soit on dolēt de leur infortune, veu qu'ils ne sont maistres d'eux, & qu'ils ont perdu toute raison & tout bon iugement. De sorte que la raison est toute renuersee en eux, & pource ne sçauent bonniement qu'ils font, & totalement s'abusent en l'eslection des choses. Car puis que la vertu de l'imagination estant corrompue, certaines choses estranges & impertinentes leur viennent en l'entendement, ils iugent confusēment des choses, & en discourent mal. Tellement qu'il en prent à l'ame tout ainsi comme aux yeux, quand on leur met au deuant des lunettes de diuerse couleur: esquelles toutes choses apparōissent bleues, ou rouges, ou iaunes, ou vertes, ou de celle couleur dont le verre est coloré: si que les especes & objets des choses autrement se demōstrēt qu'elles ne sont au vray. Aussi voyons nous que les yuiongues, & ceux qui sont enflambez de colere, pensent qu'ils voyent deux choses ou il ny en a qu'une. Pareillement à ceux qui par quelque fieure entrent en reuerie, apparōissent diuers phantōsmes, si que l'imagination estant gastee & les instrumens ou vases, plusieurs spectacles se presentent à l'ame, à cause de l'esmotion des mauuaisēs humeurs & esprits qui vont & viennent çà & là, & se pourmenent par les conduits du cerueau. Parquoy certes les esprits & les humeurs ont beaucoup de puissance

à troubler l'entendement, & esmouuoir les passions, & à aiguillonner la conscience: lesquels s'ils sont purs & entiers, & nullement deprauez ne corrompus, ils rendent l'homme de paisibles mœurs, sans estre aucunement chagrin & facheux: mais s'ils sont troublez & trempéz de quelque vice, adonc s'esmouueront en luy diuers troubles d'esprit, & de fort tumultueuses passions. Parquoy puis que le corps & l'ame sont tormentez aussi bié l'un que l'autre, conuiet sur tout mettre peine, que l'inquietude de l'esprit, & le trouble soit assopi par parolles douces & gracieuses. Car suyuant le dit vulgaire, A l'esprit malade la belle parolle sert de medecin. Et doit estre traité l'esprit de telles gens, selon que requiert la nature de la chose, & la disposition du corps, & la qualité des humeurs. Car tout ainsi que les bestes cruelles & farouches, deuiennent douces & traitables, & s'appriuent par le soing & industrie des hommes, ainsi l'esprit de telles personnes demande d'estre traité doucement, comme celuy qui par rigueur & rudesse s'aigrit & augmente dauantage, & plus ne moins que en maladies corporelles, quelquefois nous vsons d'incisions, de cauterres & fers chauds: ainsi quelquefois conuient & est expedient d'vser de rudes paroles, & par saine remontrance rembarer leurs malins efforts, auxquels par interualles, lors que l'humour nuisible vient à se desborder, il ont accoustumé d'estre incitez. Il faut aussi auoir non moindre soing du corps que de l'ame. Mais que celuy qui

entreprend la guerison, bien se donne garde d'irriter celle humeur par medecines yehementes, ains qu'il y procede peu à peu, & doucement, & avec vne grande adresse. Car il n'est pas bon d'espuiser tout à vn coup vne telle cloaque, à cause que celle humeur iette vne certaine puanteur, par laquelle le cerueau est offensé plus que on ne pourroit croire, & l'entendement conçoit mille phantosmes ridicules & estranges. Premièrement donc il conuient exciter les esprits par bonnes senteurs & par petis bouquets de fleurs odorantes, & nourrir le corps de suc de bonnes viandes, & en vn bon liect mollet luy aprestez vn doux repos. Or entre toutes choses le vin nourrit le plus promptement, & donne peu d'empeschement à nature. Toutesfois à le presenter, combien qu'il soit bien l'unique remede pour chasser tristesse & ennuy, si est-ce qu'il fait bon auoir esgard, qu'il soit ordonné en temps deu, & selon que l'age d'vn chacun, la condition de nature, l'accoustumance de viure, & la contree requiert. Car le vin n'oste tousiours le chagrin aux personnes melancholiques, ny les exempte de deuil & fascherie, ains quelquefois l'anroist & empire le mal, principalement quand le corps est plein & chargé de mauuaises humeurs. Pour ce le fait auant purger avec propres remedes, que luy donner aucun regime de viure: veu que tant plus vous nourrissez les corps, impurs, plus vous leurs faites de tort. Et par ce qu'il y a grande difference entre les vins,

*Election
du vin.*

*Hippoc.
Aphor.*

& que leur nature est moult diuerse, si qu'ils ne sont tous également bons & excellens: à ceste cause faut faire qu'ils s'accoustument à boire du bon, & qui point ne soit sophistiqué par aucune chose mauuaise, comme celuy que bien souuent les tauerniers au preiudice de la santé, exposent en vente, lequel il brouillent avec de la chaux, plastre, terre sulphurée, asperges sauuâges, roquette, & murthe sauuage. Pour ce se treuuent des vins qui non seulement point n'appaisent les troubles de l'ame, ains les rengregent, & plus fort affligent la personne. Tellement que les gens ruraux de nostre pais, après auoir vn peu beu du vin de Poitou, à cause qu'il est fumeux, & par ce moyen soudain trouble le cerueau, ils deuient despités, & ne demandent qu'à frapper, & ne les peut on appaiser, tellement qu'ils ne cessent de tempester, & à coups de pieds & de poins, battre leurs femmes. Ce qu'ils ont honte de faire quand il ont beu du vin du Rhein, ou quelque autre vin de genereuse nature. Car adonc ils sont gracieux & courtois, & assaillet plustost leurs femmes de baisers & embrassemens, que de bastonnades. Parquoy selon l'enseignement d'Horace, toutes gens melancoliques, & tous hommes las & trauallez, tous alterez de soif, & qui sont de disposition de corps seche,

ouïe
12. ouïe
72. quide

l'ame
le trop
ouïe
ouïe
ouïe

Horace,
liure 1.
epif. 15.

*Cerchent le vin friant, bon, doux, & genereux
Qui chässe tout foncey, tout chagrin rigoureux,*

Qui avec bon espoir aux vènes se deuale, qui tout pur
 Donne cœur & courage, à celui qui l'aude, & tout pur
 Et qui la rende prompt, à parler, à branguer, tout pur
 Faire mille récits sans point extranguer, qui pur
 Qui aussi donne grace aux ieunes ianenceaux, & tout pur
 Enuers l'amy Lucane, & les lay, & de braves & tout pur

A quoy se rapporte le dit de Pline, que toute
 aspreté d'esprit se modere par douce liqueur; at-
 tendu qu'elle adoucit les lieux par ou passe l'es-
 prit, & rend les conduits plus mols & plus deli-
 cats. Dequoy chacun peut faire preuve en soy
 mesme. Car il s'en treuuent qui quelquefois se
 consomment de grande colere & tristesse, & de
 grand desconfort. Ainsi toute personne lasse qui
 a grande soif ou faim, ou qui a trop veillé, est
 moult enclin a courroux. Tellement que la
 faim & la longue attente, selon Plaute, font mō-
 ter la colere en la teste. Mais si on luy presente à
 manger, incontinent elle se modere & appaise.
 Dont nous voyons que ceux qui sont bien re-
 peus, moins se mettent en colere que ceux qui
 sont affamez, par ce qu'alors que le corps est
 bien assoupy de vin & de viandes, il est moins a-
 fee, & pour ce la chaleur naturelle estant atiedie,
 le corps est moins enclin a cōcevoir aucun cour-
 roux. Car lors les facultez naturelles sont occu-
 pees à la concoction, & la colere laquelle a ac-
 coustumé de bouillir en ceux qui sont affamez,
 se retiedit par l'infusion des humeurs. Ainsi les
 chauderons & poiles à frire, tant plus elles se

Pline,
 liure 21.
 chap. 25.

Plaute,
 Le trop
 ieusner en
 flame la
 colere.

brulent, elles redēt plus mauuaise odeur, quand la liqueur ou la gresse qui se fond se consomme & desechē par trop grande chaleur. En maniere que toutes choses qui sont sans humeur ou sans gresse, s'aglatissent au pot, & sentent le brulé, dont par vn commun mot de raillerie, on a accoustumé de dire, que d'un mesme pot, on entiere rosti & bouilli. Parquoy ceux qui sont manges & d'un temperament sec, me semblent faire sageement, quand ils ne se tiennent gueres à ieun, & qu'ils fournissent pasture à la chaleur naturelle, veu que le corps se desseche par trop endurer la faim, laquelle consomme l'humeur nutritif, qu'ils appellent radical, dequoy nous auons ia parlé ailleurs.

Les herbes aussi bien que les corps des hommes estre subiectes à changement, & decheoir de leur forme & vertu, si souvent on ne les cultiue.

CHAP. XVII.



RVSIEVS Medecins se plaignent, que les descriptions des herbes sont fausses, & qu'on ne void leurs vertus, ne leurs effects, & qu'il s'en trouue plusieurs par tous les liures des anciens, lesquelles si nous rapportons aux nostres, bien peu elles respondent à leur nom & description.

Et pource disent qu'elles sont differentes, combien qu'encores pour le iourd'huy elles ayent vn mesme nom. Ainsi ils estiment nostre hissope, noz febues, la quintefucille, la valerienne, l'herbeaux masses, ou marteaux, la segle, & l'olyra, estre autres, pourautant qu'en tout & par tout, elles ne s'accordent es descriptions des anciens. Or comme ie n'entends pas excuser ne soustenir l'erreur de ceux qui du tout se sont abusez au iugement & cognoissance des herbes, aussi estime- ie aucuns ne mesurer pas bien toutes choses par raison. Car combien qu'en vne si grande diuersité & changement des herbes, chacune ne puisse estre comprise sous vn certain genre, & qu'il soit mal aysé de leur imposer vn certain nom, accordant à la description des anciens, il ne faut pas pourtant iuger qu'elles soyent du tout autres que les anciens les ont descriptes, ou du tout esloignees des effects qu'ils leur ont attribuez, attendu que de telle varieté (si aucune en y a) la nature mesme en est cause, laquelle souuent change la forme, & tellement s'esbat à engendrer & diuersifier les plantes, que quelquefois on la void produire vne chose toute autre que ce dont elle est yssue. Ioint aussi que l'industrie, sans que ie dise la subtilité & ruse des iardiniers, & arboristes, y est adioustee par laquelle avec de semences mistionnees & artificiellement accoustrees, ils font croistre aucunes plantes plus belles, plus nettes, & plus plaisantes a la veue. D'ou viét celle beauté de fleurs

tant bigarrees de si diuerses couleurs, qui se voit
 en plusieurs herbes, mesmement en la Betoine,
 ou es oeillez, que ceux de nostre país appellent
 gyroslees, lesquels par l'industrie & deguïsement
 des iardiniers, prouïennent de si diuerses cou-
 leurs, que nullement ne respondent à la descrip-
 tion ancienne. Et pource plusieurs croient
 auoir esté incognus à l'antiquité. Ainsi la Cala-
 thiane qui vient en Autonne, la comomile à la
 fleur rouge, le bluet ou blauerle, qui se trouue
 lors qu'on moissonne les fromens, ne portent
 pas tant vne couleur bleuë & semblable à la
 couleur du ciel, que blanche, rouge, purpurine,
 & marquée. Ainsi le soucy jaune, si bien de-
 peinct par Virgile, par redoublement des ron-
 des rangees de ses fleurs, à chacun commence-
 ment de mois, & par espoiffement en vn beau
 rond, est agreable a veoir. Ainsi l'herbe dite
 l'œil de Christ, & l'herbe qu'on appelle bouil-
 lon, qu'on met es chapeaux de fleurs, mainte-
 nant est rouge comme escarlate, maintenant in-
 carnate, aucunes fois est d'vne couleur naïfue-
 ment blanche, avec vn espais amas de fueilles en
 rond, en laquelle maniere aussi florissent les vio-
 liers, les Marguerites, l'Hesperis, & toutes au-
 tres violettes, dont ordinairement les femmes
 font des bouquets, lesquelles Virgile demonstre
 auoir esté ainsi iadis rendues telles par les mains
 des iardiniers.

Virgile, Certes i'en ay veu maints
liure 1. Voulays semer, missionner leur grains,
des Geor- Et leur sembloit qu'en Nitre les lavant,
giques. Et excremens noirs d'huile au parauant,
 Par ce moyen les coffes qui decoyuent,
 Vn fruit dedans plus abundant recoyuent,
 Et mesmement qu'avecques peu d'Esté,
 En les hastant viennent à meureté.

Et combien encores que l'industrie à les culti-
 uer n'y soit point adioustee, ne l'artifice de les
 planter, si est-ce que les herbes d'elles mesmes
 deuiennent autres, si bien vous considerez leur
 couleur, leur forme, leur grandeur, & leurs for-
 ces & vertus. De maniere qu'en partie par vne
 occulte influence des astres, en partie par le laps
 de temps, il aduient que les choses qui sem-
 bloient deuoir demeurer tousiours en vn estat, se
 changent en vne autre espeece, quasi comme si la
 curiosité de nature (ainsi que dit Erasme) auoit
 prouueu qu'il n'y eust aucune certaine cognois-
 sance des plantes, qui peust estre communiquee
 pour certaine à la posterité, ains vent qu'ordi-
 nairement on s'enquiere des choses que de iour
 à autre, nous voyons où se changer ou renaistre,
 & ainsi nature aiguise l'industrie des hommes &
 les reueille.

Virgil. au Car point n'a pleu à ce pere celeste
liure 1. L'agriculture estre à tous manifeste,
des Geor- Et luy premier à esté reduisant
giques.

Les champs en art, de soucy aiguaisant
Les cœurs humains, & ceux du siècle sien
Il n'a souffert languir sans faire rien,
Ainsi nos sens vagabonds refreignit,
Et par usage en songeant constreignit,
De pratiquer ars & mestiers diuers,
Et es sillons les bleds fit venir vers,
Des pierres fit saillir les esteincelles,
Du feu caché dens les veines d'icelles.

Outreplus il y a la disposition du ciel, la nature du terroir, & la diuersité des contrees, qui varient mesmes les cheueux & la couleur & la disposition de tout le corps. Tellement que les herbes selon la nature & la qualité du lieu, & selon la condition de l'air, ores croissent plus grandes, ores plus petites, aucunes avec plusieurs reietions, plusieurs sans aucune tige sortent de terre, d'autres selon le naturel du terroir, ont vne couleur verte blanchastre, d'autres l'ont de verd brun. Car comme les petis enfans ausquels les nourrits discontiennent de donner la mamelle, ou peu souuent deviennent graisses & maigres, & ont la couleur blesme. Ainsi les herbes qui naissent en vne terre maigre, ou en vne seche, deviennent escailleuses & rabotteuses, & mal plaisantes a la veüe. Aussi voyons nous que si les herbes qui naissent es vieilles murailles, & sur les rochers (lesquelles à peine ont douze doigts de haut) sont vne fois plantées en quelque fertile terroir, qui porte tous les ans, elles passent

vne coudee & demie, & iettent de fort longues & larges branches. Ainsi la buglosse & la confyre on void porter bien souuent des fleurs blanches. Ainsi les ocillets & gyroflex, ou par les bien cultiuier, ou par la bonté du terroir, portent tout en vne tige des ocillets blâcs, des rouges, & d'entremeslez des deux couleurs. Ainsi la couleur purpurine des violiers quelquefois s'euanouyt en couleur bleuë & rouge, comme aussi de mesme les fueilles d'aucunes plantes deuiennent môris crenelees & d'entelees, & celles qui portent des espines despouillent leur sauueté, & deuiennent moins espineuses selon la nature du lieu, plain ou montueux ou elles sont replantees. A quoy faut rapporter ce que l'experience ordinaire nous monstre, à sçauoir les herbes & les fructs des arbres non seulement changer d'espece & forme, s'ils sont mis en lieu à eux propre, & en bon air: mais aussi amender, voire mesmes porter fruct sainct & salubre, ou peu parauant ils le portoient venimeux. Ce qu'entre Plinie,

*Galien,
au 2. liure
des alimēs
& au 3.
des causes
des acces.*

Galien aussi recite d'un arbre de Perse qui fut porté en Egypte, l'experience de quoy Columelle décrit par tels vers,

*Les iardiniers par les champs font amas
A pleins paniers de prunes de Damas,
De pomme aussi que la barbare Perse
Transmis nous a, dont le venin transperce
Iusques au cœur, qui sur le lieu les mange,
Mais maintenant si bien nostre air les change,*

Que de plus nuire elles n'ont le pouuoir,
 Ains sans danger de mort, qu'on ait peu voir,
 Rendent vn suc si bon & saoureux,
 Que le diriez le doux nect̃ar des Dieux,
 Mesmes aussi les pesches d'un goust gent
 Qui ont leur nom de celle mesme gent,
 La peu à peu delàissans leur malice
 Viennent dutoit à radoucir leur vice.

Car si cete espece de pomme n'est plantee en
 lieu ou les rayons du Soleil battent, iournelle-
 ment, elle ne vient point à maturité, & à cause
 de son suc froit & humide, incontinent se pour-
 rit, & nuit fort à l'estomac s'il n'est seruy à l'en-
 tree de table. Nature doncques aydee & con-
 duiete par l'industrie des hommes, met en auant
 plusieurs choses diuerses & estranges. De sorte
 que les grains de raisin ne portēt point de pe-
 pins, si après auoir gentiment fendu le bois de
 la vigne, & en auoir tiré la moile, on y met vn
 bourgeon, en sorte qu'en le liant on n'offence
 point ce bourgeon. Car les ioinctures de costé
 & d'autre estants fort bien assembléees, se repré-
 sent incontinent. Pareillement les neffles, les
 pesches, les dactes, les cerises, les prunes, & les
 pierreuses cormes par l'industrie de l'homme,
 prouiennent sans noyaux, si après auoir coupé
 quelque ieune arbre à deux pieds pres de terre,
 vous le fendez iusques à la racine, & en ostez
 toute la moile d'un costé & d'autre, puis incont-
 inent vous le resserrez & liez bien, & auques

*Galien,
 des facultez
 des
 aliments.*

fien ou argile, ou avecques cire, vous estouppiez bien tout le dessus & les costez fendus, & l'envelopez d'un parchemin mouillé, l'an ensuyuant vous le trouuerez tout repris. Et si vous entez tel aibre sur d'autres qui n'ayent iamais porté, le fruit qu'ils porteront sera sans noyau. Ce que suyuant le conseil de Theophraste, j'ay essayé en la vigne, & l'ay trouué ainsi, tellement qu'il n'y a rien qui tesmoigne plus clairement la subtilité de nature, & l'industrie des iardiniers, que font leurs diuerses manieres d'enter, par lesquelles il font que les plantes laissant leurs premier naturel, prennent vne autre forme, & promptement se tournent des vnes aux autres. Tellement que comme nous voyons les hommes selon la variété de leurs esprits, & diuersité de leur nourriture, non seulement estre de diuers entendemens, de diuerses meurs, & d'inclination du tout differente: mais aussi auoir le corps plus petit ou plus grand les vns que les autres, auoir la couleur vermeille ou palle, la peau douce & polie, ou toute herissonnee de poil, sans toutefois estre priuez de leur forme humaine, combien qu'aucuns montrent en eux certaine bestialité. Ainsi en prennent il és herbes, lesquelles par mesme raison, ne tiennent tousiours vne mesme forme & vigueur, encores qu'elles ne se changent, tellement que toute leur espece ou forme se perde. Car tousiours en quelque partie elles rapportent à leur nom, & tiennent les effects qui sont propres au terroir ou elles sont

Theophraste.

plantees, & qui sont commodés au naturel des habitans du lieu. De fait maintes choses sont apportées des Isles fortunées, qu'ils appellent Canaries, lesquelles ayans accoustumé nostre air, ne retiennent totalement leurs mesmes forces & vertus, & ne naissent en mesme forme & grandeur, encores qu'elles ne perdent entièrement leur ancienne nature, combien qu'elles soyent quelque peu abastardies. Ainsi qu'on peut voir en l'herbe qu'on appelle Angelique, ou du saint Esprit, & en l'herbe du benioint, lesquelles combien qu'a cause de la malignité & froideur de l'air, elles soyent diuersifiées de la description de Theophraste, & de Dioscoride, toutesfois il est certain que ce sont les mesmes herbes, & qu'elles ont les mesmes vertus, encores que pour raison de l'intemperie de l'air, leur forces soyent foibles & de moindre effect. Car a raison que chacune contree a certaines especes d'herbes peculieres, & que toutes plantes s'ayment en leur propre terroir. Il n'est possible que trāsportez ailleurs, elles gardēt encore leur vigueur. Car les vnes s'aymēt és valles obscures & ombrageuses, aucunes és lieux exposez au Soleil d'autres és lieux humides & marescageux, & au lōg des ruisseaux, aucunes en terre seche & sablonneuse, lesquelles si vous trāsportez autre part, & vous les tournez vers vn autre endroit du ciel, vous leur ostez vne grāde partie de leurs vertus, & de leurs formes. Ainsi le glaycul viēt plus beau en Illyrie, l'elebore en Anticyre, l'aluyne ou ab-

l'inté au pais de Pôit, & de Xaintôge, & de la Rochelle. Ainsî le poutpier marin, la saxifrage ou persepierre, & la soldanelle, aiment les riuages de mer. Ainsî d'autres plantes en d'autres lieux se porte at mieux, & y sont meilleures, & prouiennent mieux en leur propre & naturel terroir. De quoy Virgile nous rend tesmoignage selon la nature des choses, par ces vers.

Virgile,
liure 2.
des Geor-
giques.

Il ne se trouue point terre tant soit seconde,
Qui toutes choses porte & qui de tout abonde,
Des fleuues a l'entour, les saules vers prouiennent,
Et lieux marescageux, les Aulnes sterils viennent,
Es haults monts tout pierreux, le fresne aux fueilles
larges,
Et les meurtes en troupe es maritins riuages,
La vigne ayme & requiert les petites colines,
Et les Ifs les lieux froids, & places Aquilines,
Les pais sont sésoints & entr'eux separez,
Par les arbres fameux dont ils sont emparez,
L'Inde seule produit le dur & noir hebene,
Et la seule Sabee encens sin nous amene.

Par ces parolles, ceux qui s'estudient à la cognoissance des simples, peuvent facilement cognoistre que toutes plantes ne prouiennent pas si bien en vn terroir qu'en vn autre indifferement. Ce que ce demi vers de Virgile aussi nous enseigne.

Virgile.

Ne toute terre apporte toutes choses.
Desquelles si vous mettez en deuoir d'en
transplanter aucunes en quelque autre lieu ou

elles languiront, ou mourront, ou à grande peine estant reprises; bien elles viendront à croissance: mais non pas qu'elles puissent estre reconnues pour celles qu'elles estoient au parauant, ny qu'elles ayent leur premiere bonté. Et *Virgile*,
 pource qui veut replanter quelque chose, selon *liure 1. des*
 l'enseignement de *Virgile*. *Georgiques.*

Tout premier doit bien cognoistre le vent,
 Et l'air aussi qui varie souvent,
 Et du terroir la disposition,
 Le naturel, & la condition,
 Ce qui vient mieux en tels & tels carriers,
 Et ce qu'en tels ne vient pas volontiers,
 Icy les bleds mieux à point se meurissent,
 Là mieux à point les vignes se nourrissent,
 Icy les fruiets des arbres sont meilleurs,
 Et à planté l'herbe verdoye ailleurs,
 Ne vois-tu pas *Tmolé* qui a la gloire
 Du bon safran? les *Indes* de l'inoire,
 De leur encens les mollers *Sabien*,
 Et du bon fen les nads *Chalybien*,
 Le Pont aussi du bieuve *venimeux*.

D'ou aduient que les Alpes Beligues (lesquelles comme obstacles à l'Océan, s'estendent par vne longue & courbe traite, de la Bretagne vers Septentrion) portent toutes sortes de plantes, lesquelles en ces lieux sablonneux (car ces montagnes blanchissent non des neges: mais de blanc grauiet) y naissent d'elles mesmes, sans le

labeur ne peine de l'homme. Ce que cause en partie la nature du terroir, & en partie l'influence du ciel, qui incline en celle part, & y espend ses forces. D'ou procede que chacune contree a ses minieres, desquelles selon la nature du lieu, & selon l'influence des estoilles, sont tirez des monceaux de cuiure, d'argent, & d'or, pierre de tuf, marbre, craye, ocre, sinople, & vermillon. Et de telle nature sont les lacs & marestz de Zelande, que ceux du pais appellent Moer, desquels on tire des motes bitumineuses & sulphureuses, lesquelles estant allumees, brulent comme Naphtha, non sans vne puanteur venimeuse. Et de là ont prins leur nom les champs & marecages Moriniens, & les Morins iadis les extremes habitans de la terre, & leur ville, & tout le pais alentour est appelle Terreuenne, par ce qu'a cause d'auoir souuent tiré de telles noires motes, elle est vuide & creuse, tellement qu'on y voit de moult grandes fosses toutes vuides, & ou l'on ne peut rien semer. Pareillement en Brabant se tirent de telles motes; mais d'autant que la contree est moins falsagineuse, & plus elongnee de la mer, aussi moins elles iettent d'odeur, lesquelles en leur vulgaire, ils appellent Turf, & ceux qui demeurent au riuage de la mer, les appellent Darri: desquelles la force est si vehemente, que quand par feu ordinaire d'icelles, les maisons en sont fort eschauffees, elles gastent & empirent le fer, le cuiure, l'estain, l'argent, & tout ce qui est d'airain, ou de laiton, & toutes choses qui

font en la maison, hormis l'or. Car luy seul ne *La fumee*
 s'obscurcit point, ne se couure de suye, ains *fait resplē*
 plustost en reluit d'auantage, & s'en enfle, prin- *dir l'or.*
 cipalement l'or fin & pur, & qui n'est point so-
 phistique ny falsifié par aucune mixtion. Ce qui
 prouient de sa porosité, & de ce qu'il est mol &
 tendre, dont se fait qu'ayant conceu celle vapeur
 de suye, il s'enfle & deuient plus resplendissant.
 Car combien que l'or soit pesant, toutesfois il
 est mol, maniable, & poreux. Ce qui nous est
 manifeste, en ce qu'on peut mettre quelque bon
 nombre d'escus en vn verre plein d'eau, sans
 qu'il s'en repande vne seule goutte, par-ce que
 outre les esprits qui en sortent, il boit aussi quel-
 que peu de ladite eau, qui le fait enfler & en-
 grossir. Et celuy feu & fumiere qui continuel-
 lement sortent de telles mores, donnent vne
 tresplaisante couleur à ce metal. Car a cause que
 celle fumiere enfume ce qu'elle rencontre, &
 luy donne vne couleur iaulne & aureuse, ainsi
 que la colere à ceux qui ont la iaunisse, aduient
 que l'or en iaulnoit d'auantage, par-ce que cette
 couleur luy est familiere & naturelle, tellement
 que l'or ne peut receuoir autre couleur que
 iaulne, ou orangé, telle qu'est la couleur de no-
 stre souci. Or y a-il en ces païs bas quelques
 gens doctes qui estimēt qu'un tel amas souler-
 rain qui se tire des entrailles de la terre, comme
 l'enfant du vêtre de la mere, soit formé des trōcs
 des arbres, qui par l'inondation de la mer, la-
 quelle au temps passé a ruyné & desraciné des

forests entieres, ont esté engoufrez en terre, laquelle peu à peu par les flots ordinaires de l'eau les a couuerts, se fondans sur cest argument assez foible, qu'on voit en telles mottes y auoir des pieux, branches, fuëilles de mer, cannes, & marësts. Mais ie cognois bien qu'ils n'ont pas encores bien enfoncé le fruct des mines & des entrailles de chacune terre, veu que nous voyons aussi au cuiure, en l'or, en l'argent, & és autres metaux, y auoir des veines, & comme de certains rameaux, lesquels par vne certaine vertu vegetatiue, & par influence des estoilles, ils acquierent és cauernes de la terre. Car nature n'est iamais oyfiue: mais incessamment fait & forme plusieurs choses & grandes, & non seulement orne la superficie de la terre, ains pareillement le fond d'icelle. Dont nous voyons le iaspe, le porphire, & les marbres estre d'eux memes naturellement bigarrez de diuerses couleurs, agencees par petites pieces, en mode de marqueterie. Ainsi la noix muguette est toute couuerte de petites veines éminentes, qui s'entrelasent les vnes parmy les autres. Ce que semblablement nous voyons és tables de bois de citronnier, & en nostre rouure, & autres especes de bois siez par menus ais: lesquels par petites veines & lineamens luyfans, sont ondoyez en mode d'un beau camelot ou d'un damas, comme aussi maintes choses sont tirées des lieux profonds de la terre, autant proprement & par un aussi grand artifice elaborées, comme si quel-

que graueur y auoit mis le burin. Ainsi le coral *Le coral*
 naist & espond ses rameaux & brins tortus au *arbrisseau*
 fons de la mer de Genes : lequel des qu'il est ti-
 ré hors avec les reths de ceux qui le peschent, sou-
 dain il s'endurcit en pierre, & deuient noir ou rou-
 ge, & si son humeur est moins dessaichée, il deuient
 blanc. Ainsi en celle partie de la Gaule Belgique
 où sont les Ligéois, ceux de Iuliers & de Cleues,
 & les Gueldrois, il se tire de la terre de charbon *Charbon*
 de pierre, de la nature du bitumen endurci, avec *de terre.*
 lesquels ceux du païs non seulement amolissent
 le fer, mais aussi s'en chauffent és maisons : & com-
 bien qu'on les ait vne ou deux fois estains, si dere-
 chef on les remet au feu, ils se r'alument comme
 parauant : & là où tous autres charbons s'enfla-
 ment si on y gette de l'huile, ceux-cy au contrai-
 re s'embrasent plus fort si on les arrose d'eau, &
 s'esteignent en y gettant de l'huile. Les autres
 contrees ont pareillement leurs mines, dont les
 vnes rendent du soufre, chaux, plâtre, ocre, alum, *indigot*
 paillottes d'or & d'argent : & desquelles par se- *argent*
 crets conduits dessous terre sortent des baings *argent*
 chauds, dont les eaux sont embues des qualitez *argent*
 desdites mines : lesquelles aussi disposent lesdites
 eaux à guerir plusieurs maladies. Ainsi les mines
 maritimes tiennent de la nature du bitumen. Car
 la terre qui en est tirée gette vne forte puanteur
 tellement que souuentefois les assistans y sont
 en danger par pasmoison & deffaux de cœur : cō-
 me aussi ne sont moins perilleux tant les charbons
 de mines, que ceux que les charbonniers font és

bois, si quand ils brulent on n'y iette du sel. Car par ce moyen est chassé ce venin tant ennuyeux au cerueau, &c

Virgile Tout vice lors se purge, & l'inutile humeur
liv. I. des Sans peril s'esuante avec tout l'impur.
Gergi.

Or en y a-il qui attribuent telle naturelle vertu de terre aux estoilles, lesquelles sans point de doute influent vertueusement leurs forces es choses inferieures: induits principalement par ceste raison, qu'ils voyent maintes choses defaillir de elles mesmes, & d'autres non encore veuës, apparoistra fort belles & excellentes. Ausquels ainsi que ie ne contredis pas, aussi suis ie d'opinion, & le croy ainsi, que maintes choses, mesmement quant aux plantes, ou deffaillent, ou s'abastardissent, par la nonchaillance & paresse de ceux qui les cultient. Ainsi le froment, tesmoing Theophraste, se tourne en yuraye, le basilic en serpent, le cresson en menthe, quant à l'odeur, & en caillement ou poliot sauuage quant à la forme. Ainsi que plusieurs especes de fleurs, si elles ne sont avec soing & diligence souuent transplantees, non seulement forlignent de leur figure, mais aussi de leur force & bonté nayue. Ce que i'ay accoustumé d'observer en plusieurs, specialement en la belle & plaisante fleur que nous appelons œillet: lesquels, si tous les ans ne chagent de lieu, deuiennent petis & cōme bastards & moins souefflairans, A quoy s'accorde aussi Virgile en ces vers:

Theophraste au traité des causes des plantes.

*J'ay veu souuent la semence choisir,
Et esprouuer à grand soing & loisir,
Qui toutesfois desmentoit sa nature,
Si tous les ans l'homme n'auoit la cure
Du plus gros grain trier avec les mains.
Ainsi par sot fatal les cas humains
De pis en pis prennent façon diuerse,
Et en cheant s'en vont à la renuersé.*

*Virgile li-
ure 1. des
Georgi.*

Au contraire si songneusement vous cultiuez les herbes & arbres sauuages, bien tost ils perdēt leur aspreté, & leur naturel sauuage. Ce que le mesme poëte a aussi fort proprement & clairement exprimé en ces termes.

*Les choses pour tout vray qui d'elles mesmes naissent,
Quoy que steriles soyent, d'estre drues ne laissent,
Et belles de tout point, pource que la nature
Qui leur est bonne & propre, ce bien la leur procure.
Toutesfois si quelcun les ente, ou les transporte
De là en autre lieu, & que par bonne sorte
En fosse bien profonde il les plante & aiance,
Bien tost leur naturel, sauuage, & male eniance,
Elles delaisseront & souuent cultiuees
A tout ce que voudras seront appropriées.*

*Virgile li-
ure 2. des
Georgi.*

Nature doncques engendre & produit ordinairement maintes plantes nouuelles & auparauant incognües: plusieurs aussi l'influëce des estoilles & innumerables aussi l'industrie de ceux qui les cultiuent. Et comme les foris, les loirs ou glirons

les anguilles, les lamproyes, les escargos, les limaces, & les vers ne s'engendrent pas tousiours de semence, ains souuentefois de la gresse de la terre, d'ordure & pourriture: ainsi és lieux sablonneux, comme sont les montagnes Ammonies en Zelâde, que le cōmun peuple du païs appelle Du nē, naissent d'eux-mesmes plusieurs arbrisseaux, par l'abondance de la nourriture qui s'y treuue, & pource que le terroir y est exposé au Soleil, à ceste cause est fort commode à engendrer herbes & arbres: lesquels si tost qu'ils sont vne fois prouenus de la moiteur de la terre, sans aucune semence, ils se multiplient apres, & s'en cōtinue la race par la graine qui en retombe en terre. Dōt ne conuient s'esbahir si les herbes sont subiectes à changemens, & si souuent elles perdent leur vertu & leur forme, puis que (si ce n'est que par grâde prochaineté & ressemblance il soit mal aisé de les discerner) l'assiete du lieu, la qualité de l'air ou elles sont, & l'artifice de celuy qui les cultiue, en est cause. Ainsi le poiure, la graine de paradis, le seseli, la rhubarbe, ayans accoustumé nostre air, se changent quelque peu, & ne sont de si chaude ne si ardente qualité: neantmoins nul ne les dira estre autres que realement elles sont. Car ce que les forces se perdent, & qu'elles ne viennent à leur iuste grandeur & maturité, cela prouient de la foible & languide chaleur du Soleil, & de l'intemperie de l'air. Parquoy est euident que les plantes sont subiectes à double changement. Car aucunesfois leurs vertus & qualitez se

*Theoph.
des causes
des plantes, liu. 2.
chap. 1.*

*il s'agit
de la
cause
de la
cause*

diuer ficient, que leur forme demeure en son entier: & quelquefois leur forme se pert, que leurs qualitez & leurs forces leur demeurent. Ce qui aduient en partie par l'influence des estoilles, en partie par la nature du lieu & de la qualité de l'air ou elles sont. Tellement que pource que les terroirs sont differens, aussi il aduient qu'à cause de l'air, & de la nourriture, les herbes manifestement se changent, & recoyuent vn autre qualité. Ainsi le coudrier, le cerisier, & le cormier, s'ils sont pres de la riue de quelques eaux mauuaises ou salces, certainement leur fruit tiendra de ceste salure. Par mesme maniere les hommes selon la qualité des viandes dont ils sont nourris, & selon la condition de l'air ou ils demeurent, sont de diuerse complexiõ & diuers temperamēt de corps, de diuerses meurs & inclinations. De sorte qu'un Danois par longue frequentation, & accoustumance de s'entrehanter, sera tout Hespagnolizé, vn Alemant deuendra François ou Italien. Tellement que bien souuent vous verrez vn bon & bel arbre transplanté en vn lieu mauuais & fallugineux, bien tost perir par le suc de la mauuaise terre.

*Car la terre salee, & d'amere nature
Pour tous fruits est mauuaise, & quelque soing & cure
Qu'on y mette & employe à bien la labourer,
Adoucir ne se peut, ny se meliorer.
Or la vigne s'origine & tous autres plants bons,
Là les pommes en fin perdent leurs premiers noms.*

*Virgile au
2. liu. des
Geor.*

*Et plusieurs autres fruits y deuenient bastards
Perdant leur premier goust & saueur des deux parts.*

Que si vous y adioustez vne certaine fatale mutation, & vne vicissitude des choses, vous verrez des plantes, tant bien soyent elles cultiuees, ou deffaillir par aage, ou ia toutes lasses de porter se alongourir, aucunesfois du tout se mourir, si par les replanter, ou les reenter vous ne les cultiuez de nouueau, & par leurs greffes & reiettons vous ne les renouuellez. Laquelle diuersité de changement és plantes, est cause que plusieurs soustien-
nent ceste partie de medecine estre inutile, & que Dioscoride & les autres, qui ont mis leur estude à paindre les herbes, ont quasi perdu leur peine. Quant à moy mon aduis est que nul ne peut bien a son honneur & ainsi appartient orner ceste partie, qu'il n'ait exactement cognu les herbes viues & odorantes, desquelles la cognoissance nous est baillee de main en main par ceux qui les ont veuës à l'œil, & en ont pourtrait les figures. Car il y en a de nostre profession, qui sans iamais auoir veu les herbes, incontinent à la volée sans y penser en disent merueilles : Pamphile de qui parle Galien: lequel n'auoit eu aucune cognoissance des plantes, lesquelles il se mettoit en peine de descrire, & en dechiffrer les proprietéz. Laquelle maniere de gens Heraclite de Tarente accompare aux crieurs publics d'une ville, lesquels loez à gage crient publiquement, & loüent tant qu'ils peuuent en leur cry toutes choses, voi-

*Galien
au liure 5.
des sim-
ples.*

re qu'ils n'ont iamais veüs, comme aucünefois
 du vin esuenté & gasté, comme quelque vil serf:
 ou esclau: faisans tout le mesme de ce que Cice- *Ciceron en*
 ron recite d'un philosophe nommé Phormion, *le son liure*
 quel disputa quelques heures fort amplemēt de- *de l'Ora-*
 uant Annibal, de l'office d'un chef de guerre: & *teur.*
 quand tous les assistans l'eurent bien admiré, ils
 demanderent à Hannibal qu'il luy sembloit de
 ce Philosophe? A quoy l'on le dit auoir respondu
 non en bonne langue Grecque, toutesfois fran-
 chement & clairement auoir veu plusieurs vieil-
 lards rassotez, mais iamais n'en auoir veu vn qui
 radotast plus que Phormion. Et certes non sans
 cause. Car que se pourroit-il faire de plus d'arro-
 gance ne de plus de babil, que de voir vn galland
 de Grece, qui iamais n'auoit veu camp, ne batail-
 le, ny exercé charge publique, tant petite fust el-
 le, enseigner les points du fait de la guerre à Hā-
 nibal, lequel par tant d'annees auoit debatü de
 l'Empire avec le peuple Romain victorieux sur
 toutes nations? Et qui ne iugera de ce nombre,
 ceux qui se ventent de cognoistre, & ce seulemēt
 par les liures, les forces & vertus de la grande
 consire, de la reglisse, du marrubium, de la sen-
 riete, & du poliot, & toutesfois quand ils seroyēt
 au pied des herbes, ils ne sauroyent dire laquel-
 le c'est qui a telle puissance, & de laquelle ils
 louent si fort les vertus. Mais à raison que nous
 guerißons les maladies par medecines, & herbes
 efficaces, qui sera si lourd d'entendement qui sou-
 stienne l'ignorance de telles choses en vn mede-

cin? qui ne dira telle ignorance & mespris de telles choses au medecin, estre grandement domageable au malade? Nul pour certain à mon aduis, ne peut estre dit parfait en l'art, qui n'a la cognoissance simples. Car comme non seulement l'art & la pratique de la rame, par laquelle se guide la besche, est necessaire au Nautonnier, mais aussi le sçauoir de se pouuoir aider de tous autres battons à cela propres, de paour que pour la rame il preigne l'harpic: ainsi sur toutes choses la parfaitte cognoissance & science des herbes est necessaire au medecin: veu qu'apres auoir bien cognu la nature de la maladie, icelles sont comme les instrumens à bien & heureusement encômmencer la cure. Certes celuy se met bien en danger d'estre mocqué, qui voulant commencer quelque chose, ignore l'instrument par lequel il la conuient faire. Pource à la verité ie m'esbahy fort en partie de la paresse, en partie de la nōchailâce de ceux qui ont tenu en mespris ceste partie de medecine, iusques à en laisser la charge aux parfumeurs, gēs totalemēt indoctes. Veu qu'il est notoire nō seulemēt les anciens medecins, mais aussi aucuns puissans Rois & grands Seigneurs, s'estre exercez en ceste partie de medecine: auxquels rien n'a esté en plus grande recommandation, rien ne leur a semblé plus magnifique ny plus Royal, que:

Virgile en *Cognoistre & bien sçauoir des herbes la puissance*
Eneid. II Et aussi de guerir l'usage & la science.

Et non se recreer en passetemps peu serieux. Aussi certes la grande renommee des anciens Rois, ia pieça fust venue en oubli & du tout seroit enseuelie, si les herbes saines qui portent leur nom, en renaissant tous les ans n'en rafraichissoient la memoire, qui autrement periroit. Lesquels nous amateurs de la medecine doyuent imiter, & non seulement par songneuse diligence rechercher les figures des herbes, mais aussi sonder & experimenter leurs vertus, & icelles accommoder à guerir les maladies, & conseruer la nature humaine. Ce que diligemment ont fait les plus excellens medecins, Hippocras & Galien: lesquels par long vsage & exercitation estans deuenus tressauans & experts en la medecine, ont enseigné vne certaine methode par raison & experience bien approuuee, d'icelle exercer. *Telle* Galien au
liure 2.
des ali-
mens.
 ment qu'icelle seule amplement deduite & fondee en fermes enseignemens, nous peut rendre maistres, & nous donner de si grands moyes, que sans grande difficulté nous pouuons guerir toutes griefues maladies. Et ainsi tirons nous vne ruerueilleuse vtilité de nos estudes, & les autres à leur grand auantage en sentent le fruct. Mais ceux qui autrement droissent le cours de leurs estudes, & rapportent tout plustost à leur plaisir, qu'à l'vtilité des hommes, ils s'acquittent bié mal de leurs estudes, & sont peu consideratifs du bien public. De fait, tous arts (tesmoing Cicéron) sont autrement exercez par ceux qui les tournent à l'vsage des hommes, & autrement par ceux qui

se delectans seulement en la theorique, c'est à dire speculation, n'en font autre estat que d'y passer leur temps. Car de tous arts, ainsi que de la vertu, toute la louange consiste en l'action. Parquoy puis que la medecine requiert vne si grande diligence, & vn labeur infini, sans intermissiō, il ne faut point que iamais l'industrie cesse, ains conuient soigneusement rechercher & sonder la nature des maladies, & trouuer le moyen comme nous remedierons à leur griesue douleur. Et comme nous voyons qu'on inuente en la guerre de nouvelles ruses militaires, de maudites machines, & nouvelles sortes de harquebouses & artilleries, ainsi à nouvelles maladies qui tous les iours suruiennent, faut trouuer nouueaux remedes. Ainsi que nous voyons depuis n'agueres auoir esté pratiqué en la grosse verole, en la fièvre contagieuse, autrement la fièvre d'Angleterre, és escroelles, duquel les symptomes sont vne gangrene & maniere de chancre és genciues que les medecins appellent stomacace & scelotyrbé. Or se sont iadis aucuns complainis que la terre par le grand rapport du temps passé, estant demeurée toute espuisée de sa bonté, denie les alimens aux hommes qu'auparauāt elle auoit accoustumé de leur departir largement & plantureusement. Ce que Columelle prend en telle part qu'il attribue cela au vice & à la paresse des hommes, lesquels sont nonchaillans de la cultiuer ainsi qu'il appartient. Ce qu'aussi interprete des esprits des gens de nostre estat, ausquels le pere de Nature n'a rien de-

nié, comme aussi il n'a tout donné aux anciens, ains aussi eslargi ses dons & graces à posterité, la quelle il n'a point petmis demeurer sterile, & estre lassé de produire bon fruit. Parquoy l'industrie & subtilité point ne deffaut à l'aage ensuyuant & moderne, moyennant que l'esprit y soit, avec vne encline & prompte volonté de pourfuyre en diligence la cognoissance des arts, avec vn pareil desir de bien esplucher les choses. Car comme dit le prouerbe, l'exercice peut tout. Bien en voit-on plusieurs qui au commencement qu'ils s'adonnent à la medecine, ils sont industrieux, diligens, & fort volontaires de apprendre: mais si tost qu'ils commencent à estre cognus & auoir quelque reputation entre les personnes, alors peu à peu leur diligence s'alanguit, & font lâchement leur deuoir, deuenàs rudes, chagrins, rigoureux, & opiniastrés, malcourtois, inciuils, & moins que deuant seruiables, & mesme par vne say quelle amour de soy-mesme & vaine persuasion, ils desdaignent & ne font compte des autres, & sont malcontens qu'on appelle quelque autre de compagnie en consultation avec eux. Entre lesquels aussi ils s'en treuuent qui soudain & de bouc estourdy se mettent à pratiquer la medecine, sans qu'ils soyent instruis des moyens dont il faut qu'un medecin vse, & qu'il falloit qu'ils eussent ia de long temps appris, & nō alors les apprendre. Si bien qu'ils ont le tiltre & honneur de medecin, auant qu'il l'ayent merité. Veu que comme ceux qui procedent tout au re-

bours, lors seulement ils encommencēt à lire les enseignemens, quand ils sont appelez à visiter quelque malade, & qu'ils leur convient ordonner quelque médecine. Mais certes (comme *Marre* dit fort bien en *Salluste*) ne plus ne moins qu'à deffaire des ennemis, ainsi à guerir les maladies, le faire suit en temps d'estre fait, combien que selon l'effect il soit toujours préalable. Et tels *Demosthene* raconte avoir esté les Athéniens, lesquels il dit non comme les autres hommes mettre à executiō la chose apres auoir prins le conseil, ains apres qu'ils auoyent entendu la chose estre faite, ils en consultoyent. Ainsi plusieurs des nôtres lors seulement recherchent ce qu'il est besoin de faire, quand les maladies urgentes, esquelles le trop long delay est dangereux, pressent les patients. Pour ce que *Ciceron* requiert au fait de la guerre, se doit diligemment pratiquer par le medecin, c'est à scauoir qu'il ait tout son cas preueu, à fin qu'il fasse de bone heure son deuoir, & que iamais il ne se desborde hors de la raison, comme aussi par coniecture & discours il doit comprendre les symptomes qui peuvent ensuyuir, & auant soy proposer ce qui peut aduenir de bien ou de mal, & ne faire chose dont apres il soit contraint de dire, *Je n'y pensois pas*. Toutes fois es maladies douteuses, & qui soudain tendent à leur but, certes le medecin, comme l'escrimeur en champ de combat, prend sur le champ conseil & occasiō du remede sur ce qui de fortune à l'instant se presente. Ce que j'ay souuenance

Salluste
au liure
de la guer
re contre
Iugurthe.
Demosthe
ne.

Cicerō au
liure 1. des
offices.

m'estre quelque fois aduenir. Car combien que ie cogusse assez la maladie & ses accidens & accès, & que ie sceusse bien au certain de point en point l'ordre qu'il falloit obseruer és medecines qu'il y conuenoit vser; neantmoins les choses s'estant changees autrement, que peu parauant ie les auois laïssées, i'estois contraint de changer tout, & proceder par autre voye & maniere. Pour ce Terence a doctement dit & sagement: Iamais nul n'a esté si bien reiglé en sa façon de viure, que quelque cas, ou l'age, ou la coustume n'apporte tousiours quelque chose de nouueau, & donne quelque aduis: de sorte que bien souuent vous ignorez les choses que vous pensez bien sçauoir: & ce que du commencement vous estimez pour le meilleur, quand en venez à l'experience, vous le reiettez. Rien certes ne pouuoit estre dit plus veritable par le Poëte, soit qu'on preigne de toute action de la vie, ou plus proprement encores d'une deffaicte de guerre, ou de cure de maladies. Car tant ait l'homme longuement ruminé en soy les raisons & moyens de faire quelque chose, & qu'il ait le tout diligemment considéré, à sçauoir comme il le faut encommencer, qu'il conuient faire premierement, & quoy à la fin, il aduiendra que tout à yn instant, & sur le point qu'il est prest de l'encommencer & de la parfaire lors il ne trouue bonnes ses premieres raisons, & tout sur l'heure change d'aduis. Parquoy il est certain que la prudence & la dexterité à bien executer les affaires, & enseignent l'heureux succez & euenement

Terence.
Adelph.
act. 5. sce.
4.

interrogat.

qu'on desire d'iceux, s'acquiert par long vsage
& exercitation, & par l'experience de plusieurs
choses.

Combien les natures & conditions des terroirs sont dif-
ferentes.

CHAP. XVII.



OR addition au discours precedet,
ie dy que les medecins doyuent
sur tout obseruer la nature & cō-
dition de chacun terroir: à raison
qu'iceluy est cause que les espe-
ces des herbes naissent diuerſes, & qu'elles ont
diuerſes vertus & facultez. A ceste cause Hippo-
cras commande & enioint à Cratene qu'il cueil-
le les herbes qui naissent és hautes montagnes,
par ce qu'elles sont plus fermes & valides, & plus
efficaces que les aquatiques, à cause de la cōden-
ſité de la terre & de la subtilité de l'air: mais qu'il
cueille les fleurs de celles qui croiſſēt aupres des
fontaines, aupres des fleuves & ruiſſeaux: leſquel
les fleurs il eſtime de peu de forces, & de ſuc beau-
coup plus doux. Parquoy puis que la vertu
& le temperament des herbes ſe cognoit par la
nature du terroir bien conſideree, & que les vnes
ſ'aiment en vn lieu, les autres en vn autre, & que
elles requierent vne terre grandemēt à elles pro-
pre & familiere, à ceste cause comme en paſſant,
ie deduiray les differences d'icelles terres (deſquel

Hippocras

les Virgile a escrit en partie) & les vous presente- *Virgile au*
ray comme depaintes en vn tableau, à celle fin *lin. 2. des*
que chacunes plantes puissent estre accommo- *Georgi.*
dees en propres lieux, & que par la malice de
leur nourriture qu'elles pourroyent prendre, el-
les ne perdent leur vertu, à raison que de la proce-
de qu'elles ne satisfont point à nostre desir,
& qu'elles nous frustrent de l'effect
que nous en attendons, &
de toute nostre e-
sperance.

Om

pen-
serme &
pou-
rie comme
la terre est
Veuë & dont
ch-
plein d'ecole-
chers.
Plein de Ro-
lons.

Des terroirs dont l'un est.

Graille	Plein de craye	Condense
Maigre	Cendreuse	Fort & dur
Gras	Amer	Tophus ou
Onctueux	Doux	poreux.
Bitumineux	Aigres	Friable
Plastreux	En prairie	Mince & subtil
Argilleux	En blerie que l'on	leur
Glueux	seme tous	Sterile
Sablonneux	les ans.	Sec
Graueux	Relabouré	Fumé
Pierreux	Foui ou renuer	Plein de rayes,
Séblable à terre cuite.	fé à la paille.	& seillons.
Rempli de cail- lous.	Nouvellement defriché pour labourer.	Plein d'immon- dices & ordu- res.
Plein de Ro- chers.	Qu'on laisse re- poser en fri- che.	Fertile
Plein d'ecoule- mens de mai- sons.	Veule, & dont la terre s'es- mie comme poudre.	Salsugineux Frumenteux.
	Peu ferme & peu ferré.	

Des lieux les uns sont.

Rudes & aspres.	Cultivez.	Jeuns.
	En friche.	Secs.
Destrompus & malaisés à che- miner.	Secs.	Tiedes.
	Descouverts.	Froids.
Destournez, & ou l'on ne pas se point.	Exposez au Soleil.	Montagneux.
	Sombres & obscurs.	Nebuleux.
Boscageux & lieux de Forests.	Exposez aux vents.	Rosineux.
	Où les vents ne soufflent point.	Sains.
Plains.	Soustrains.	Mal sains.
Champêtres.	Tous bruliez & aris.	Marescageux.
Deiardinages.		Ords & sales.
Vergers.		Orientaux.
Maritimes.	Tous haitez & sans humeur.	Meridionaux.
Mediterranées.		Occidentaux.
Lieux haults.	Chauds.	Septentrionaux.
Lieux pèches.	Brulans.	
Aquatiques.	Frais.	
Moites.		
Arrosez de ruisseaux.		
Enclos & fermez.		

Que la grappe du raisin croist & grossit: mais ne meurt
pas es rayons de la Lune.

C H A P. X I X.



LA Lune fait croistre, & le Soleil fait
meurir. Car icelle excite l'humeur
& fait grossir toutes choses: mais à
cause de son imbecillité, elle ne peut
donner decoction. Pour ce nous voyons
que les plantes, de iour attirent nourriture, par
l'attraction qu'en fait la chaleur du Soleil, & que
de nuit elles la distribuent en soy, & ainsi par
celle humeur attirée & embue, s'augmentent &
croissent. Tellement qu'ainsi que le veiller &
l'exercice & mouuement moderé, cuict la viande
& l'envoie par tout le corps, & que de nuit
endormant, la concoction se fait, comme nous
voyons en ceux qui se sont enyurez, lesquels se
desenyurent par le dormir. Ainsi quand le So-
leil luit de iour, toutes choses viennent à maturi-
té, & de nuit que la Lune à son tour fait son of-
fice, elles croissent & s'engroissent d'humeur.
D'ou aduient que nous voyons les roses, les lys,
& toutes sortes de fleurs point ne s'épanouyr &
ouurir de iour: mais bien de nuit, & auant iour.

Virgile, au Lors qu'au Soleil couchant, Venue toute frillenſe,
2. liure des Bien temperer l'air, d'ordinaire eſt ſoigneuſe,
Georgi- Et que la Lune auſſi, ia roſineuſe & moite
ques. Boſcages & foreſt, à reſfraichir ſ'emploie.

Pourquoy Hesiodé blasme le fumage des terres.

CHAP. XX.

ESIODÉ, lequel a moult diligem- *Hesiodé.*

Hesiodé, lequel a moult diligem-
ment escrit de l'Agriculture, est re-
pris & taxé de plusieurs, de ce qu'au
labour des champs, il n'a fait cas du
fumier. Mais combien qu'il sceust
assez que c'estoit, neantmoins il a mieux aymé
regarder à la santé, qu'à la fertilité. A ceste cause
a esté d'aduis de chasser la sterilité par autre en-
greflement que par l'vsance de fumier, par ce que
les champs peuuent estre rendus fertiles par le
chaulme des Lupins, des pois cices, & autres
pois & febues, & autre fourrage, versez en temps
dens la terre labourée. Car toutes choses qui
prouiennent des champs cultiuez avec fien, sont
de mauuais suc & moins sain. Et mesmes le fro-
ment & tous autres bleds en sont plustost assail-
liz des coissons ou gourguillons, & si les bléds &
routes sortes de legumes qui sont venuz en tels
champs, ne peuuent durer, ne se garder long téps
qu'ils ne se moyfissent, ou qu'ils ne soyent man-
gez de bestions. Pareillement la biere, & le bru-
tage qu'on appelle ceruoise en Flandres, ayant
esté fait de tels grains, incontinent se gaste, &
aygri. Parquoy selon mon aduis, Hesiodé a bien
iugé les champs estre propres à semailles, ou les
vents temperez soufflent, ou le Soleil gette ses
rayons, ou ne courpissent aucunes eaux, & qui

point ne sont engraissez par fien, ou qui pour le moins reçoivent maturité par vne pure & naturelle humeur & chaleur. Car les fruiçts qui en prouiennent sont de longue duree sans se corrompre, & causēt vne plus saine nourriture. Aussi à peine se peut il faire que les hommes soyent de longue vie, ou de ferme santé es regions ou l'air ou les alimens sont mauuais & subiects à putrefaction, l'vn aduenant là ou les estangs & marais exalent de la puanteur, & l'autre ou les terres sont engreſſees, non de leur humeur propre & nayue, ains d'ailleurs acquise, & sont cultiuees avecques fumier.

Du moyen a chasser & faire mourir les coſſons & autres bestions qui gaſtent les bleds & gendres & d'iceux

CHAP. XXI. De la maniere de chasser les coſſons & d'iceux

Ln'y a rien en ceste vie caduque & mortelle, qui n'ait ses aduerſitez & incommoditez peculieres, & qui ne soit expose à plusieurs assaux. Tellement qu'ainſi que les hommes sont subiects à innombrables maux, & sont enveloppez de tous costez de mille choses qui conspirent contre leur santé & leur vie. Tout ainſi les fruiçts de la terre ne sont sans auoir leurs ennemis qui les gaſtent & destruisent. Comme la nielle, les mouches, les formis, les limaçons, sauterelles, cloportes, chenilles, teignes, & celuy qui totalemēt

destruit les greniers, dit cosson ou calendre. Car ce gent de petit vers avec vn petit bec pointu qu'il a, perse le froment à l'vn des bouts, & mange toute la pure farine de dedans, sans y rien laisser que le son & l'escorce toute voidé. Or s'engendre grande multitude de tels bestions au commencement du printemps, quand les fromens récemment moissonnez au plein de la Lune, sont mis es granges encorés humides & mouillez de rosee, & auant qu'ils se foyent endurcis: ou bien quand les fenestres du grenier sont tournées vers les vêts Meridionaux, & non vers les Septentrionaux. Car la secheresse fait que toutes choses sont moins subiectes à putrefaction. Il y en a aussi (desquels a mon aduis l'opinion & diuination n'a pas lieu) lesquels estiment que Dieu quelquefois enuoye vne telle misère pour vengeance de ceux qui brulés d'vne extreme auarice ou cachent le bled, ou le gardent plus qu'il ne faut, au grand dommage des pauvres gens, qui degarniz de telle fourniture, n'ont pas moyen de viure. Car la pouruoyance & bonté de Dieu, a largemēt departy vn tel aliment, pour nourrir & sustanter le corps. En sorte que si toutes autres viandes venoient à defaillir, les hommes peussent estre rassasiez de pain, & assouir leur faim. Parquoy certes les marchans de bleds, qui au grand dommage des pauvres gens, haussent le pris, & qui en temps de grande cherté n'ouurent point leurs greniers, à fin de plus y gaigner, doiuent estre griefuement

puniz, à cause qu'en ce faisant cauteleusement, ils font tort au public, & au pauvre menu peuple. Car comme dir Salomon : celuy qui cache les bleds, est en abomination au peuple : mais à celuy qui les expose & porte au marché, il souhaite tout bien & bonheur. Toutesfois bien souvent Dieu permet que nous soyons affligés de tels maux, quand nous sommes ingrats envers celuy de la liberalité duquel nous iouyffons

*Salomon,
Prouer. II*

*Ezechiel,
Chap. 37.* amplement. De sorte que par Ezechiel, il menace ceux qui ont delaisié toute religion & piété, de leur enuoyer quatre fleaux, c'est à sçauoir, la faim, la peste, la guerre, & des bestions nuisans, à fin qu'estans affligés par iceux, ils s'amendent & retournent à la vérité cognue. Que si les causes naturelles, & non la vengeance de l'ire de Dieu, apportent ce malheur, il faut trouuer le moyen de les chasser ou faire mourir. Or n'y a il meilleur remede contre les colères, que la saulmure en laquelle on a fait bouillir des aulx, si l'on en arrose le pauc & les murailles. Car incontinent ils s'en vont ailleurs & quittent les greniers, & meurent par ceste puanteur. Autant en font le Serapinum, l'excrement de l'huile, le castoreum, le Saunier, le soufre, la corne de serf, le lierre, & routes autres choses de forte & puante senteur, dont les serpens & coleures, & les chaulues foris ne peuuent endurer le parfum. Ainsi que ce pere de toute doctrine Virgile, demontre en ces termes.

*Nonne a digne obsequio
nonne a digne obsequio*

Saches aussi qu'il faut, & point ne le differe;
Es estables brusler, de cedre odorifere,
Et par la forte odeur, du Galbanum chasser
Les chelydres serpens, & au loing les pousser.

Virgile,
au 3. liure
des Geor-
giques.

Tout ainsi, les loups qui font leur repaire es
saulsayes, fuyent les fleurs qui sont de forte sen-
teur, lesquelles aussi font mal au cerueau des per-
sonnes, & leur causent vne pesanteur de teste,
comme s'ils estoient yures. Ainsi les fleurs de
fuseau, l'odeur desquelles chasse aussi les chenil-
les, & fait mourir les teignes & cloportes, com-
me que l'aloyne, la rue, la mente, l'aurogne, la
senriete, les feuilles de noyer, la feugere, la la-
uende, la nielle ou poiurete, le coriandre enco-
res vert, l'herbe aux puces, & le bois dit puant,
tuët les puces & punaises, si elles sont mises sous
la couette, ou si les chalis sont lauez de la deco-
ction d'icelles en vinaigre de siboulles. Or a il
esté obserué de nostre temps, & du temps de
noz ancestres, que la greine de nauette, dont les
marchans du pais bas font grand traffique &
grand gaing, a vne merueilleuse vertu contre les
calendres, non par force qu'elle ayt de les faire
mourir, ains d'autant qu'ils la trouuent bonne
& plaisante: car pource qu'elle est douce & hui-
leuse, ils quittent le froment, & vont plustost a
ceste grene, de laquelle estant plains iusques à
creuer, ils meurent. Ce qui leur aduient tout
de mesme, quand ils se mettent dans quelque pa-
nier de raisins secs. En cas pareil, ie scay par ex-

perience, que les vers des petis enfans, par manger de raisins secs, viennent à mourir; si vous leur en faictes manger à ieun, sans aucune autre viande. Car certes toutes choses douces, aussi bien que les ameres, si on en mange largement, sont contraires aux vers, à cause que par l'abondance de celle viande agreable, ils viennent à penser iusques au creuer. Ainsi que l'estomac des personnes pense & luy viennent de tranchees, quand a trop mangé de choses douces.

Du grand sentement des vers qui naissent au corps humain, & quel signe c'est quand ils montent à la bouche & au nez.

CHAP. XXXII.



VOUS ont estimé cōme chose prodigieuse; quand les vers principalemēt qui sont longs & ronds, montent contremont, & grimpent par la bouche & par les narines, combien que d'un instinct naturel, ce soit leur coustume de ce faire, si la personne demeure long temps à ieun. Tellement que lors ils picquent l'estomac, & demandent à manger. Lesquels ne trouuans rien dont ils puissent se repaistre, montent amont, & vont chercher pasture iusques à l'entree de la gorge. Car par vn certain flairēment naturel ils sentent que les viandes descendent en l'estomac

par

par ce conduit, & pource que les narines sont ouuertes, & qu'elles respondent à la gorge, ils grimpent aussi par là. Et ainsi par le chatouillement qu'ils font, dont on vient à esterneuer, on les iette, ou avec le bout des doigts on les en tire. Ce que j'ay souuent obserué en d'aucuns qui estoient en bonne disposition, auxquels apres leur en auoir fait entendre la cause, j'ay fait perdre tout le mauuais soubçon qu'ils en auoient, & les ay rendus asseurez. Quelquefois aussi j'ay veu cela aduenir à des malades: mais non sans presage de mal imminent. Car en tels il y a vne si grande ordure & pourriture, & telle inflammation d'humeurs, qu'ils ne peuuent souffrir la force mortelle de la maladie. Et pource aucuns taschent de sortir hors, incitez non par aucune puissance de nature, ains par la vehemence de la maladie. Que si lors que le mal vient vn peu à diminuer, ils vident par bas, avec les autres excremens. Hippocras dit cela estre fort sain. *Hippocras*
 Mais si d'eux mesmes, & sans le bouter hors d'au- *liure 2.*
 cune faculté naturelle, ils viennent à sortir. Ce *Apho. 18*
 que nous voyons en ceux qui s'en vont mourir, c'est chose fort dangereuse. Car par vn certain sentiment naturel, ils sentent bien que le corps va defaillir, consequemment qu'ils seront depourueuz de nourriture, & pource l'abandonnent. Ne plus ne moins qu'on a obserué les sorris & glirons abandonner les maisons qui vont en decadence, voire trois moys auant qu'elles viennent à ruiner. Car par vn instinct de nature:

ils sentent les soliuës & poutres, & tout l'assemblage de la maison peu à peu se desioindre, & que bien tost elles ruineront. Pareillement les pouls & puces, si tost qu'ils sentent que le corps de l'homme define, & que tous les membres peu à peu sont degarniz de sang, ou du tout ils l'abandonnent, ou ils se retirent és parties ou le sang & la chaleur naturelle se tiennét plus long temps. Aussi ceux qui enseuelissent & enterrent les trespassés ont trouué par experience qu'ils se cachét & retirent en celuy creus de la bouche de l'estomac, ou aboutit la cartilage qui est en façon d'espee, ou bien en celuy qui est au dessoubs du menton sus l'artere vocale. Car ces parties comme prochaines du cœur, sont chaudes iusques au dernier soupir. Ce dont vne fois ayant esté aduertie par aucuns qui estoient autour du malade, a l'heure ie leur di que c'estoit vn certain signe de mort prochaine : mais puis que n'aguères cy deuant nous auons fait mention des vers, il m'a semblé bon d'adiouster encores cecy, qu'il y a maintes drogues qui chassent les vers des entrailles, & les font mourir : mais sur tout il n'y a rien meilleur que de faire secher des mesmes vers sur vne tuile chaude, & en donner la pouldre à ceux qui en sont persecutez, & soudain ceux qui sont dans le corps sortiront. Par la mesme raison que Plinē & plusieurs autres inquisiteurs des choses occultes, affermet la pouldre de Scorpiōs beuë avec de l'huile ou du vin, estre vn souverain remede à celuy qui en a esté picqué. Com-

me aussi ceux de nostre païs attestent la morsure d'un chien enragé se guarit, si l'on reprend du poil de la beste, & qu'on le brusle & boiue en du vin. Car il chasse le mal, & fait que le venin ne peut porter dommage à celuy qui a esté mords. Et ainsi quelquefois doubles poisons de contraire puissance estans meslez ensemble, seruent de remede, & point ne sont mortelles. Ce que par un plaisant epigramme, Ausone demonstre d'une femme qui voulut faire mourir son mari par poison.

*Une femme voulant despescher la maison
De son mari ialoux, luy baille du poison
Mais doutant que trop peu, elle luy eust donné
Dont mourir il ne peust, comme auoit ordonné,
De rechef y mesla, l'argent vif qui penetre,
A fin par double force, à mort bien tost le mettre,
Toutesfois si quelqu'un ces deux poisons separe,
C'est un mortel venin, qui tost du cœur s'empare:
Mais qui les prent ensemble il soit recordatif
Qu'il luy sert d'antidote & vray preseruatif.*

Fin du premier liure.

P ij



LE SECOND LIVRE DE

LEVIN LEMNE, MEDECIN

Zirizeen, des choses occultes,
& questions naturelles.

*A tres-honorable Seigneur, Monsieur Mathias Gal-
loimontois de Hesuvvijck, reuerend Abbé, & pro-
tecteur des gēs de lettré, Levin Lemne, Medecin, salut.*

EN TRE ceux qui tendent au bien & profit des hommes, & qui employēt toute leur force & industrie à l'vtilité publique, ceux ont tousiours esté de moy estimé les premiers, & meriter les plus grands honneurs, lesquels mettent peine que les bons esprits soyent bien apprins en doctrine, & cognoissance des choses, & que de mieux en mieux y soyent instruits, lesquels toutesfois sont frustrez de leur attente, si les aydes leur defaillent, c'est à dire, vne multitude de liures, par lesquels ceux qui sont propres aux lettres, & destinez à choses grandes, puissent estre endoctrinez & auancez en sciences hautes. Parquoy magnifique Prelat, ie vous estime auoir fait vn chef d'œuvre en ce que vous aydez chacun, & incitez par tous moyens à acquerir les

richesses, qui sont hors des hasars de fortune. Pource veritablement, ie vous estime digne, que tous à l'enuy vous reuerent & admirent, avec grande louange, tant pour les excellens & rares dons de nature, & celle vertu heroïque, qui se demonstrent mesmement en la forme exterieure de vostre personne, qu'aussi pour raison que vous auez moult amplement garny de tous liures d'eslite celle Librairie, que vous auez fait dresser en vn fort beau lieu, & que l'accez & entree en est libre à tout homme qui a vouloir d'apprendre. Et qui plus est encores à louer, que vous constituez de riches dons & presens à ceux qui s'adonnent à la vertu, & nourrissez & entretenez à voz despens, vn professeur des sainctes lettres, & luy donnez pension fort honorable. Or ne fais-ie point de doubte, que plusieurs à vostre imitation ne soyent esmeuz à faire le semblable, moyenant que ceste peste de guerre se puisse appaiser, par laquelle noz biens sont tellement gastez & espuisez, qu'on n'en scauroit quasi rien employer au profit des estudes & choses d'excellence. Or auons nous la guerre avec vn Roy tres-puissant & tres-belliqueux, lequel ne tasche qu'à nous ranger sous sa puissance, & occuper & vsurper noz biens & possessions, tellement que ia des long temps la Flandre fust destruite & ruinee, si le tres-victorieux Roy d'Espaigne & d'Angleterre, Philippe, Prince tres-illustre de la basse Germanie, ne la soustenoit & defendoit par sa vertu & par son armee

en bel arroy, lequel ayant mis en route l'ennemy, & passé au fil de l'espee ses plus vaillans soldats, & prins prisonniers des principaux Capitaines de France, non sans tref-prospere succez & bon heur du premier choq, en a raporté de tref-riches & tref-amples despouilles. Parquoy si la guerre peut estre finie, & les choses appaisées & accordees, ainsi que chacun espere, certaines. Toutes personnes de sçauoir s'employeron plus librement à illustrer les bonnes lettres. Or eussions nous illustre Prelat, mis en lumiere noz lucubrations beaucoup plus amples si en partie la rage de la guerre, & en partie la peste, en laquelle il a falu prouuoir à mes citoyens, n'eussent aucunement retardé nostre estude. Ce neantmoins toutesfois i'espere que l'œeuere pour sa plaisante briueuté, & clere declaration des choses, & plus encores de ce qu'il volera par les mains des hommes, sous l'autorité & faueur de vostre nom, sera tenu en plus grande recommandation. O ce bon & souuerain Dieu, & celuy qui a esté autheur de nostre salut, Iesus Christ maintienne en lōgues annes vostre dignité. De Zirizee, l'An M. D. LVIII. au mois de Decembre.

Les humeurs & non les esprits malings causer noꝝ maladies : mais bien les aeriens soy mesler parmy les humeurs (en les emouuant & enflambant) comme parmy les tempestes.

CHAP. I.

L s'en trouue plusieurs en nostre pais lesquels estans peu exercez és œuures de nature, & ne peuuent comprendre les causes, l'origine, & le cours des maladies, & les symptomes qui les suyuent, ny leurs raisons. Ils les attribuent aux malings esprits, lesquels continuellemēt veillent pour nous nuire & endommager. Tellement qu'ils pensent que ceux qui sont malades de fièvre tierce sont vexez de quelque mauuais esprit, comme aussi ils estimēt autant des fieures quartes, des fieures cōtinues, de la quotidiēne, & de toutes les chaudes: mais cōbien cela est impertinēt, & contraire raison, tout homme tant peu soit-il versé és secrets de nature, le peut facilement iuger. Car puis que le corps humain est cōposé de la mixtion des quatre elemens, & qu'il contient en soy autant d'humeurs, lesquels par la vertu de la semence sont participantes des quatre qualitez, chaut & humide, froit & sec, que peut on dire, sinon que par intemperamēt d'iceux, & par leur excez ou deffectuosité, les maladies sont engendrees, & prennent de là leur commencement & origine? En tesmoignage dequoy nous

voyons icelles s'appaiser par vomissement, par sueurs, par saignée, par ventoses en la partie dolente, par le cours des hemorrhoides & menstrues. Pareillement par clysteres & suppositoires. Or a Dieu selon sa sapience inestimable mis en la nature des choses des mouuemēs merueilleusement bien reiglez & bien ordonnez, de sorte qu'il n'a voulu que rien se meust a la volée, & fortuitement, ains que tout allast par bon ordre & suite continuelle. Ainsi les estoilles, les elements, la mer, les saisons de l'année, & les cieux ont leurs mouuemēs & vicissitudes, & font leurs cours régulièrement. Ainsi les humeurs qui sont au corps de l'homme ont leurs effects & leurs propres mouuemens, & certaines periodes. Tellement que par chacune des quatre saisons de l'an, chascue humeur sert à son tour, & exerce ses facultez enuers le corps. Ainsi le sang a celle vertu & proprieté qu'au printemps il est en vigueur, & cause de maladies & fieures de sa nature, à sçauoir continues, qui ne laissent aucun interualle ne relache. Aussi la colere en esté faisant son cours & recours par iours alternatifs, cause la fieure tierce. Le phlegme en hyuer si tost qu'il est pourry, engendre la quotidienne intercalant. La melancolie au commencement de l'Autonne, engendre la quarte. Ainsi l'ephimere ou iournaliere, se finit en vn iour, ou peu apres par ce qu'elle ne gist en pourriture d'humeurs, ains seulement en vn esprit exhalatif embrasé. Toutes lesquelles choses se font par mesme rai-

son, par ordre & maniere, que se fait le leuer &
 le coucher du Soleil, le flux & reflux de la mer, &
 la plaisante vicissitude des herbes & arbrisseaux
 qui portent semences & fruits. Mais cela n'est *Le cours*
 sans grande admiration que les quatre humeurs *des qua-*
 ont certains especes d'heures & certaines parties *tre he-*
 du iour à elles propres & peculieres: si qu'elles de *meurs au*
 partent entre elles le iour & la nuit equinoctia- *corps.*
 le ou artificielle en x i i. heures temporelles. Ce
 que moy-mesme par experience ay trouué n'e-
 stre elongné de verité, quand par l'esgard d'icel-
 les humeurs j'ay accoustumé de predire infailli-
 blement les accez des fieures. Car le sang (tes- *Mat. 20.*
 moing Soran d'Ephese, lequel à la maniere des
 Euangelistes mesure les espaces & cours du iour
 & de la nuit par heures esgales) est en sa force &
 vigueur depuis la neuvieme heure de la nuit ius-
 ques à la troisieme heure du iour, qui est en no-
 stre país trois heures apres minuit, iusques à neuf
 du matin: durant lequel temps le sang se cuit & e-
 laboure au foye. D'ou aduient, que l'esprit auant
 iour, & lors que le Soleil est leué, se treuve fort
 disposé, & tant les malades que les sains sont plus
 dehaits, à cause du souef descoulement & agrea-
 ble chaleur du sang. La colere aussi domine à son
 tour depuis la troisieme heure du iour iusques à
 la neuvieme aussi du iour, qui est en nostre país
 depuis neuf heures du matin, iusques à trois heu-
 res apres midi: auquel temps la force & vertu na-
 turelle se pare la colere du sang, & la conduit au
 vase du fiel. A ceste cause ordinairement aduient

qu'en ce temps là, l'homme est plus enclin à ire & à courroux. La melancolie fait son office & tiēt le gouuernal, comme ils dient, depuis la neuſieme heure du iour iusques à la troisieme heure de la nuit, qui est en nostre orison depuis trois heures apres midi iusques à neuf heures du soir : durant lequel temps le foye se purge, & iette hors son escume & tout excrement: lequel nature enuoye en la rate qui cause que durant lesdictes heures l'entendement de l'homme est tout offusqué, & par vne noire & espoisse fumee se trouue tout triste & faché. A elle succede le flegme, depuis la troisieme heure de la nuit iusques à la neuſieme ſuiuante de la nuit, qui est en nostre region depuis neuf heures du soir iusques à trois heures apres minuit. Car alors apres qu'on a souppé, la digestion commence à se faire en l'estomac, & la viande à bouillir & se cuire, d'ou aduient que le phlegme nageant en l'estomac, & étant porté au cerueau red l'homme tout endormi. Que si vous y prenez bien garde, vous apperceuez aisemēt que presques aux mesmes heures que icelles humeurs font chacune à leur tour leur office, viennent les accez de fieures : puis quand l'espace est complet de chacunes heures qui seruent aux humeurs (pourueu qu'elles soyent pures & non entremēſſees les vnes parmi les autres) alors ils finissent & cessent. Ainsi les fieures continues, & toutes autres qui procedent du ſing, ont leur accez au matin: les tierces enuiron midy, c'est à dire à la sixieme heure du iour selon Soran : laquelle

nous est la douzieme tât du iour que de la nuit.
 Les quartes, enuirō la neufuieme heure du iour,
 laquelle nous est la troisieme apres midy. La
 quotidiane procedant de la pituite, enuiron la
 premiere veille de la nuit. Que si les humeurs
 redondent, & comme coustumierement il ad-
 vient, elles soyent entremeslees les vnes parmy
 les autres, alors elles ne gardent aucun temps li-
 mité, & sont leur accez plus aspres & plus longs.
 Tellement qu'ainſi que les vents fourrez pelle-
 mesle les vns parmy les autres esmeuent plus
 fortes tempestes, à ſçauoir quand

*Le prompt Leuant, le Siroc, & le vent
 Du fort Garbin qui en vantant ſouuent
 Fait grand orage, enſemble eux trois ou quatre
 Inſques au fond vont renuerſer & battre
 Vire-voltans les grands vagues à bord.*

*Virgile
 Eneid. 1.*

Ainſi par la confluence diuerſes humeurs la
 maladie eſt faite beaucoup plus violente, & le
 mal redoublé, afflige grieveuement le corps hu-
 main.

*Car froit au chault mēme guerre & diſcords,
 L'humide au ſec, tout en vn meſme corps.
 Avec le dur le mol touſiours debat,
 Et le peſant au leger ſe combat.*

*Onide au
 liure 1. de
 la Meta-
 morphoſe.*

Or eſt-ce choſe fort impertinente, voire friuole
 d'attribuer la cauſe de tels effets aux malings

espris, puis que tous ils gisent en la pourriture & inflammation, ou en la qualité & superfluité des humeurs. De sorte qu'il n'y a autre chose qui fasse que les cours des maladies sont de petite ou longue durée. Or quand il y a superfluité & beaucoup de sang au corps, cela fait que la maladie n'a qu'un accèz continuel, à cause que la pourriture & inflammation est es vases des venes: par lesquels comme par ruisseaux & conduits, le sang est espandu par tout. Pource faut que lors nature comme vn subtil & loyal Consul en vne sedition civile & guerre intestine incessamment tiennè coup à l'œuure, & sans aucune intermission résiste à la maladie. Quant au flegme, à la colere, & à la melancolie, parce qu'elles ne sont en telle abondance, & qu'elles sont hors les vaisseaux des venes, aussi elles n'affligent le corps continuellement, ains par interualles, & sont les maladies mortelles qui procedent de telles humeurs, à cause que point elles ne paruenent iusques au cœur & aux parties principales, & pource ne leur peuuent facilement porter dommage. Bien y a-il aucunes de icelles fieures qui durent fort longuement, partie parce que la matiere est fort abondante, & partie aussi qu'elle est semblable à vn glus lapanc & tenant si bien qu'à grande peine elle se cuit & se resoult. Qui fait que nous voyons les personnes melancoliques moins souuent se resiouir, s'ils ne boient bien, & sans eau. Car celle humeur melancolique est merueilleusement froide & seiche. Et telles sortes de gens j'ay accoustumé d'ac-

*La matiere
des melancoliques
des qu'ils
sont es-
chauffez
du vin.*

comparer au fer, lequel veut estre lōg temps au feu bien ardent, auant qu'il deuiēne rouge, pour pouuoir estre batu & forgé sur l'enclume. Car ainsi il faut que ceux-cy boyuēt beaucoup & tout pur, cōbien qu'ils portent bien le vin sans se troubler: mais aussi quand ils en sont vne fois accoustrez, ils se monstrent tout plaisans, & auecques cingeries. Car pource qu'ils sont austeres & rudes de nature, si tost qu'ils sont chargez de vin, ils veulent faire des plaisans. Mais comme le vin ne les maistrise pas aysemēt, aussi des qu'ils y sont attrapez, à grād peine ils se desenyurent. Or pource qu'ils boyuent & mangent desordonnément, cela fait que les fumees espoisses & les grosses vapeurs, adherent plus fort au cerueau, de maniere qu'encores le iour apres les imaginations melancoliques se rangregēt en eux. Tellemēt que le vin du iour precedant n'estāt encores bien digeré, & n'ayant entierement exhalé ses vapeurs, tout le corps leur sent fort mal: si qu'ils leur aduient tout de mesme qu'és maisons bruslees: lesquelles combien que le feu n'ait du tout consumees, & que tout ne soit bruslé, toutesfois le tout sent si fort le bruslé qu'il fait mal à la teste: ainsi en telles gēs du grand vin qu'ils ont beule iour deuant, leur fort vne forte & puante halene, & des rots puāts: lesquels ils fait tresmauuais sentir, & qui enuoyent de fortes & violentes fumees au cerueau lesquelles quand ils voyent qu'ils ne peuuent oster de leur teste, & sentent qu'a tout propos il leur vient des phātosmes, & que le cerueau leur

tourne encores, adonc ils demandent a reboire
 de plus belle, à celle fin que comme on repousse
 vne cheuille par vne autre, aussi par reboire ils re-
 chassent celles vapeurs de vin, & les estranges i-
 maginations qu'elles causent. Parquoy puis que
 les causes & origines des maladies sont telles, &
 telle la nature & condition des humeurs, qu'on
 ne sauroit trouuer ne penser aucune raison plus
 peremptoire des accés des fieures, qu'ou l'abon-
 dâce ou la qualité d'icelles humeurs, à ceste cau-
 se ne faut point estimer que les malings esprits
 esmeuent vne telle tempeste, & induisent vne
 telle intemperie. Vray est que ie say fort bien &
 volontiers m'y accorde, que les demons, c'est à
 dire les esprits aëreus, qui ont vne grande cognois-
 sance & science des choses, & qui presentēt qua-
 si toutes choses, non seulement se meslent parmy
 les humeurs, mais aussi incitēt les esprits humains
 à toutes meschancetez: comme aussi les bons es-
 prits ou anges debōnaires les aident à toutes cho-
 ses bonnes, voire mesme à cela leur sont compa-
 gnons & seruiteurs: ainsi que nous lisons Ra-
 phael auoir fait compagnie en chemin au fils de
 Thobie: & l'esprit de Dieu estre entré en Samson
 dont il mit par pieces vn Lyon comme si ce fust
 vn petit aigneau. Comme aussi l'esprit de Dieu
 entra dens Saul, & prophetisa avec les autres pro-
 phetes: lequel toutesfois depuis l'esprit maling
 tourmenta, & le troubla en telle maniere, qu'il
 l'incita à vouloir faire mourir Dauid: tout ainsi
 qu'ils se meslent parmi les orages, & accroissent

Au liure des Iuges chap. 14.

Au liure 1. des Rois chap. 10.

la violence des foudres & tonnerres. Si bien que par leurs efforts nous voyons les hautes cimes des tours & clochers estre abbattues, les bleds renuersez & couchez par terre, & de gros troupeaux de bestes mis à mort, combien toutesfois que la violence & impetuosité des vents peut faire le semblable sans tels esprits. Ainsi que le vent Ecne- *Mat. 17.*
 phie & le vent Typhonie, dont parle saint Luc, soufflent impetueusement sus mer & sus terre, & dardent des flambeaux ardents, & des boulets de feu par la collision des nues, tellement qu'ils brûlent & vergues & voiles. Ce que nous voyons semblablement es artilleries, lesquelles par leur espouventable force & violence demolissent de forts & puissans boulevards, mais aussi non seulement tuent ceux qui se trouvent au deuant ou qui en sont pres, mais aussi à cause de la grande impetuosité de leur vent & du bruit qu'elles font, renuersent par terre ceux qui en sont bien loing. Or combien qu'il soit certain & veritable que ces choses & plusieurs autres se font par vne raison naturelle, toutesfois les malings esprits, par volonte diuine, ou permission, se meslent parmi, & augmentent leur violence & fureur. Ainsi que nous lisons Sathan auoir aigry la melancolie de Saul, & l'auoir incité à meurtres & trahisons & plusieurs choses mal-heureuses. Combien qu'une telle affection d'esprit, & vne telle erreur & trouble d'esprit se puisse rapporter aux causes naturelles, il appert en ce que celle fureur s'appaisoit au doux son de la harpe, & en estoit l'esprit

Iob. 12.

rendu plus payfible. Si bien que comme quād les tourbillons & vents impetueux fouflent en mer, les flots aufsi fe redoublent & augmentent, & la mer grandement s'esmeut: & comme aufsi és melancoliques ia triftes & mornes de leur nature, la perte de quelques biens ou autres dommages, accroiffent leur triftesse: és coleriques, le vin outre mefure, ou quelques broquars & mots piquans enflambent leur courroux: ainfi les malings efpris, comme ils font de cauteleux confeil, precipitent les efpris des hommes ia enclins en chofes de plus en plus mefchantes. En maniere que la volonte, autrement difpofte & prompte d'elle mefme, ne peut moderer les foudains aduis & moins les executions d'iceux. Ce que le Sauueur a bien demonftré, quand en reprenant S. Pierre il luy dit: Va ten arriere de moy, Sathan, le nommant d'un tel nom, pource qu'il luy contrarioit, & tachoit de le deftourner du confeil & moyen par lequel il nous vouloit racheter. Et de vray certes, fi ce bon & fouuerain Dieu par la finguliere faueur qu'il nous porte, ne reprimoit & repouffoit la fureur de l'ennemy, iamais l'homme ne pourroit durer ne fe defendre contre la grande cruauté d'une telle befte. Car il cherche toutes les occafions & moyens cōme il nous pourra furprendre foibles & debiles, à fin de nous venner & de nous cribler comme le froment. Et pource le Seigneur, ainfi que Iob dit clairement, luy applique le glaue, c'eft à dire il luy reigle & ordonne la mefure d'exercer fa cruauté, laquelle il ne peut ou-

Marc 8.

I. Pier. 5.

Luc 22.

Iob chap.

20.

outrepasser. Joint aussi que Dieu ne permet
 point qu'aucun soit affligé plus que l'impuissan-
 ce de la nature humaine ne peut soutenir. Par
 lequel antidote. saint Paul, au nom de Christ, *S. Paul.*
 reconforte tous ceux qui sont en quelque dan- *I. Cor. 10.*
 ger de la vie, qui sont en misere, en maladie, ou
 oppressez de disette & nécessité: à raison q Dieu
 ne permet point qu'aucuns soyent tentez, plus
 qu'ils ne peuuent porter, ains par la tentatiō nous
 fait sentir à l'espreuve, ou que l'affliction n'exce-
 de point nos forces, ou que nous en sommes in-
 continent deliurez. Ce qui a esté assez amplemēt
 par moy deduit, à celle fin que l'equitable lecteur
 entēde, que le principal point de tout ce discours
 est de monstren que les humeurs sont la princi-
 pale cause des maladies, mais que les esprits ma-
 lings, les estoilles, la qualité de l'air, & autres cho-
 ses exterieures y suruiennent comme accidens.
 Car puis que toutes les troubles de l'esprit se viē-
 nēt à appaiser par la raison & le iugemēt de l'é-
 tēdemēt, & les maladies du corps à se moderer &
 se guarir par remedes deuēmēt appliquez qui sera
 celuy qui voudra attribuer ailleurs les causes des
 maladies, qu'à l'abondāce & qualité des humeurs?
 Que si quelcun considere bien les humeurs qui
 sont au corps, & qu'il sonde en soy-mesme qu'elle
 puissance elles ont, certainement il trouuera que
 elles causent non seulement la disposition du
 corps, ains aussi les meurs de l'ame; mais en sorte
 toutesfois que l'institution des meurs & l'obser-
 uation de la religion est par dessus. Car le sang,

ou si vous regardez aux qualitez, la chaleur & l'humieur, rend les hommes d'un corps gay & ioyeux: mais quand à l'esprit, les rend luxurieux, de meurs ioyeuses & plaisantes, simples & sans desguisement, & toutesfois non pas vn brin sots ne louidaus. La colere les rend d'un corps sec & tirant sus le brun, mais fins & rusez, deceptifs, ingenieux, d'un esprit feruent & vehement, prudents, industrieux, cauts & subtils, inconstans & variables, & trompeurs.

Perce
Satir. 5.

*Qui sous un front poli d'un hypocrite fard
Cachent dedans leur cœur un caut & fin renard.*

L'humieur melancolique les rend fermes & constants, & qui mal aisement se laissent destourner de l'opinion qu'ils ont vne fois conuëe en leur cerueau. Le flegme est impropre & inutile à former les meurs de l'ame, dont nous voyons que tels sont volontiers d'un esprit lourd & grossier, & nullement propres à aucunes charges & offices.

Les melancoliques, maniaques, frenetiques, & qui par quelque autre cause sont esmeus de fureur, parler quelquefois vn langage estrange qu'ils n'ot iamais aprins, sans toutesfois estre demoniaques.

CHAP. II.



Et c'est lement quand les malades qui sont en fièvre chaude, parlent ores clairement, ores obscurément & confusement vn langage qu'ils n'ont ia-

mais aprins, assurez-vous que les humeurs sont agitez par vne terrible force, & l'ame pareillemēt de violēte ardeur. Ce que ie ne m'esbahy pas aduenit en ceux qui sont possedez du diable, veu que ces esprits malings ont la science quasi de toutes ces choses. Or sont les humeurs si vchemētes, si tost qu'elles sont ou enflammées ou corrompues, que la fumee d'icelles estāt montee au cerueau (ce que mesmes nous voyons en ceux qui sont yres) fait parler vn langage estrange. Que si cela se faisoit par les malings esprits, telles maladies point ne se gueriroient par medecines laxatiues; ny ne s'en troyent a force de dormitoires. Car par iceux & par plusieurs autres remedes, dont la medecine est bien pourueue, deuēmēt appliquez, nous desvbyons retourner à leur bon sens. Mais pour ce que les humeurs bouillent merueilleusement, aussi sont les esprits terriblement esmeus, & l'entendement fort trouble. Quel troublement & concussion fait mettre hors certains mots non auant ouïs, & parler vn langage incognu, rone ainsi que du tonnerre & de la collision d'vn caillou nous voyons sortir des esclairs & estincelles de feu. Or est il donē de Dieu à l'esprit de l'homme, qu'il soit capable de la cognoissance des choses; voire mesmes il est embu des arts auant qu'il les apprenne & qu'il les pratique. Tellement que le dict de Platon est conforme à la verité, Que nostre sçauoir n'est autre chose que l'auyramenteuoir. Car l'ame de l'homme contient en soy la science & notice de toutes choses; mais don,

*La force
des hu-
meurs cō-
me celle du
vin trou-
ble l'esprit*

*Platon
Au dia-
logue in-
titulé Pha-*

estant oppressee par la masse de ce corps, & par les humeurs espais & grossieres, mal-aïsement se manifeste. Pource comme vn feu couuert de ses cendres, elle demande à estre excitée & fomentee, à fin que ces étincelles qui sont en nous de nature sortent en euidence. Quand doncques celle diuine & principale partie de l'homme, à sçauoir l'ame, est esmeue & exagitee de maladies adonc elle met hors ce qu'elle tenoit profondement caché à l'interieur, & euidentmēt desployé ses facultez naturelles. Tellement que comme aucunes plantes ne rendēt aucune senteur, si souuent vous ne les pressez & broyez entre vos mains: ainsi semblablement les forces & vertus naturelles point ne se demonstrent si ainsi qu'à la pierre de touche, elles ne sont examinees. Par semblable raison l'Agate & l'Ambre n'attirent soudain la paille, ains seulement quand elles sont eschauffees à force de frotter: comme aussi quand vous donnez le fil à vne espee ou dague, par le frequēt tour de la roue vous luy faites gerter des étincelles de feu toutes flamboyantes. Ainsi és herbes & és pierres precieuses se peut euidentment comprendre & cognoistre la force de nature. Car la Ruëine, le Guy, la veruaine, le coral, l'Emathiste, les perles, les émeraudes, & autres preseruatifs appliqués au corps & pendus au col, par vne vertu soudaine debaissent les maladies, ou restanchent le sang, & demonstrent leurs autres effects chacun selon leur peeculiere & nayue faculté, mais s'ils sont prins dans le corps

ils les font plus soudainement & vertueusement. Dequoy l'on void exemple au bon vin, lequel approché du nez par son odeur resioiue le cœur, & refueille l'esprit, mais quand on la ben (car estant au muy il ne fait rien de cela, ains quand il est espandu par les venes) alors finalement il desploye ses vertus, & rend les hommes bien emparlez, quelques lourdaux qu'ils soyent. Car la chaleur du vin aiguise l'entendement, & boute hors ce qui est de caché en l'interieur du cerueau. Ainsi par la mesme raison & maniere les humeurs alterent les hommes, quand toute la force & vehemence de la maladie a répli les sinuositez du cerueau, & a commencé de troubler l'entendement, & les esprits vitaux & animaux, tellement que nous en auons veu aucuns en fieures chaudes (lesquelles ont volontiers leur cours en esté) lesquels estoient arguts & eloquents à disputer de quelque matiere, & mesmes vsoient d'un parler elegant & poly, & d'un langage, duquel apres estre retournez en conualescence, ils ne pouuoient vfer: lesquels i'ay tousiours soustenu n'estre point vexez de l'esprit malig, ny ne faire telles choses par l'instict du diable, ains par la seule force de la maladie, & la violence des humeurs, par laquelle comme par quelque flambeau ardent, l'ame de l'homme s'embrase. Attendu qu'en leur appliquant quelques fomentations à la teste, & leur donnant quelque dormitoire, ie les ay gueris de celle maladie & de tel trouble de cerueau: duquel apres qu'ils estoient deliurez, ils n'auoyent aucu-

ne memoire de tout ce qu'ils auoyent dit & fait: & si quand ie leur en ramentenois quelque cas ils en prenoyent honte, & s'esbahissoyent fort comment ils auoyent ainsi perdu l'entendement. Ainsi ceux qui s'en vont mourir (parce qu'en eux est excitee vne ardente vigueur d'esprit, & qu'auant qu'ils meurent, vne certaine inspiration diuine les vient à saisir) ont accoustumé de prédire au vray certaines choses futures, & ce avec vn langage si orné & elegant, que les assistants en sont esbahis. Or que l'ame, comme celle qui a sa naissance du ciel, & qui tient de la diuinité, sache les choses aduenir & puisse deuiner, principalement quand la mort est prochaine, il sera deduit en son lieu.

De la violence & cruel tourment de l'épilepsie: laquelle tant les anciens que modernes du commun peuple attribuent aux saints. Et comme on la peut combattre, incertement que ceux qui sont oppressez du chaut mal, de lethargie, & apoplexie, ne doyent incontinent estre portez en terre.

CHAP. III.

La esté assez ailleurs déclaré quels effects les humeurs causent es corps humains, mais parce qu'icelles selon la nature & varieté des païs, diuersement les alterent, il m'a semblé bon de traiter pareillement icy de celles qui adherēt au cerueau.

Car ces maladies qui consistent en la plus haute partie du corps, non seulement apportent douleurs, mais aussi ostent le sens & tout mouuement & endommagent, fort l'entendement. Ce qu'on peut appercevoir clairement en l'apoplexie, & en la lethargie, & en celle qui tant afflige les ieunes gens, & le sexe femenin dite epilepsie. Les anciens nonobstant l'opinion d'Hippocras, attribuoient le haut mal à certains dieux. Car les assistants qui voyoyent tels malades tout soudain tomber & perdre le sentiment, ils estimoyent, ou que quelques dieux estre contre eux irritez, ou que quelques malings esprits leur causoyent vne telle misere: & pource ils leur faisoient des vœux, & leur dressoyent des tableaux ou leurs dits vœux estoient despaints. De la procede qu'encores en nostre temps ont constitué plusieurs especes d'epilepsie, attribuant l'vne à saint Jean Baptiste, l'autre à Corneille le centurio, & à saint Hubert à la simplicité desquels pource abusez, come nul ne doit outrageusement s'opposer & s'en moquer, aussi ie suis bien de ceste opinion & aduis que peu à peu modestement on leur oste du cerueau ceste folle opinion, à fin qu'ils entendent telles maladies se deuoir rapporter aux causes naturelles. Car selon que le corps est disposé, selon que les organes & conduits sont amples ou estroits, & selon que l'humeur visqueuse excède, ils sont diuersement affligez, de sorte que les vns vrilent & abbayent comme chiens, les autres fissent & grincent des dents, aucuns iettent des cris, & à gorge desployee:

*Hippocras
Le haut
mal.*

d'autres demeurent tous muets, principalement quand le cerueau est chargé de grosses humeurs, & que le diaphragme est oppressé, & les côduits des esprits clos & bouche: d'où vient que l'esprit ne peut passer aller & venir cà & là sans grande peine & douleur: lesquels plus que tous autres me semblent souffrir vn grief tourment. Or sont beaucoup plus vehemens les accez de telles maladies, lors que la Lune cômence a estre au plein, ou à estre nouuelle, ou quâd elle possède le cœur ou le cerueau. Car lors les humeurs excèdent, principalement quand apres le vent de Nord, les vêts de Snc soufflent, vents pour certain cômme ils sont tēpestueux & mal-sains, aussi froids & humides. De sorte que les corps qui sont humides de leur nature & qui se nourrissent de viande & d'air humide, sont beaucoup plus subiects à vn tel mal, ce dequoy porte tēmoignage, que les ieunes iouuēceaux & les femmes en sont plus communément. Esquels si enuiron le vingtcinquiesme an que la chaleur naturelle s'augmente, laquelle cause vn temperament plus sec, ledit mal ne cesse, ains s'estend encores outre ledit aage: certainement il s'accoustumē de les accompagner iusques à la mort. Parquoy puis que la cause de celuy haut mal est si manifeste, on se doit mettre en deuoir de faire entendre au simple & ignorant populaire, de ne l'attribuer à autre qu'aux émotions naturelles des humeurs, à celle fin que les hommes soyēt moins esprins d'horreur quâd ils voyent tordre la bouche, & escumer & enfler

*Aphor. 7
commēt. 5*

les iouës à tels patiens : mais qu'ils ne craignent point d'en approcher, & qu'ils s'efforcent d'appaizer leur douleur, & donner quelque remede. Car les assistans par trop timides, sont cause que plusieurs cruellement se tuent & se heurtent la teste contre terre, contre des pierres, & contre des troncs de bois, que plusieurs sont estimez estre morts, & qu'on les pousse enterrer auant qu'ils soyent trespassez. Si bien que ie sçay pour certain, tant de nostre memoire, que du temps des anciens. Aucuns apres auoir rompu la bierre ou ils estoient enseuelis, auoir encores vescu depuis. Parquoy doit estre inhibé par loy expresse, que ceux qui font office d'enterrer les morts, n'enferment hastiuement dedans la bierre ou cercueil, ceux qu'ils cudent estre morts, & qui leur semble bien auoir rendu l'ame, & ceux principalement qui sont suffoquez par apoplexie, ou par le haut mal, ou par suffocation de matrice, parce qu'en telles gens, l'ame est quelquefois comme mussee, laquelle derechef remplit le corps d'esprit & de vie. Mais es fieures contagieuses ou a la peste, il n'est necessaire ny bon d'observer cela si estroictement, à cause qu'incontinent apres la mort, la contagion s'espand par tout, & infecte ceux qui en approchent. Et pour ce ceux qui sont aupres des pestez & leur seruent pendant qu'ils sont encores en vie, sont en bien moindre danger que ceux qui leur assistent quand ils decedent, à cause que lors la contagion s'espand çà & là, & s'attache à tout ce qui

Que ceux qui sont morts de peste se doivent proposer d'enterrer.

se rencontre. Tellement qu'il en prêt quasi toute ainsi des corps freschement morts, comme des torches & cierges, & mesches des lāpes, lesquelles quand sont allumees, ne rēdēt point de puanteur au nez : mais esteintes, remplissent toute la chambre de fumee puante. Ainsi sont en plus grand peril ceux qui sont aupres d'eux, quand ils rendent l'ame, que quand il y a encores quelque vie en eux, ou que quelques heures apres la mort ils sont desia froids & roides. Que si vous differez trop & outre le tēps deu, d'ēterrer tels corps, soudain ils s'empuantissent, & peu a peu iettent vne tresmauuaise senteur, avec vne sanie & apostume tresvilaine, ce que peu souuent aduient en l'apoplexie, & es maladies froides du cerueau, si l'air n'est fort chaud, ou les corps fort gras & replets. Que si telles choses n'empeschent, il ne faut point enterrer ces corps qu'il n'y ayt trois iours passez. Car apres le cours complet de soixante & douze heures, les humeurs s'arrestent & cessent de se mouuoir, pour autant que la Lune en celuy espace de tēps, passe vn signe du zodiac, par la force de laquelle le cours des humeurs, fait aussi sa periode es corps. Qui a esté la cause pourquoy Iesus Christ print occasion de resusciter le Lazare, ayant ia esté quatre iours au tombeau, à celle fin qu'aucun ne peust calomnier qu'il ne fust bien mort : mais que seulement surprins de quelque defaillance de cœur, il fust reuenü de pasmaison. Laquelle occasion luy mesme print aussi, quand par sa mort & resurre-

5. Jeā II.

tion, il fit la redemption humaine. Car outre ce qu'il auoit receu vn coup mortel au costé, il demeura trois iours entiers au monument, à fin qu'il ostant toute matiere & occasion à ceux qui pourroient finistrement & peu reueremment iuger de sa mort & resurrection, & tirer en calomnie tous ses dictz & faicts, auquel erreur & faute de sens, les Iuifs encorés à present persistent. Au surplus, puis que les maladies qui priuent ainsi l'homme de sens & entendement sont si fort à redoubter, qu'il n'y a celuy qui le voyant n'en prenne horreur & frayeur, certes il me semble que ce ne fera que bien procedé à moy, si i'adiouste icy de prompts remedes & non communs, par lesquels chacun qui ne sçaura rien en la medecine, pourra soy & les siens garantir de telles maladies. Et pource que toutes les maladies du cerueau, principalement qui gisent en humeur froide, ont vne certaine alliance entre elles, aussi ces remedes se pourront accommoder à toutes indifferemment, comme à la debilitation de la memoire au tournement & estourdissement du cerueau, à la palpitation & tremblement de teste, à l'epilepsie, lethargie, apoplexie, aux songes & reueries nocturnes, & à l'oppression des Incubes, vulgairement dits foulons, qui est la maladie que les Grecs appellét ephialte. Orentre toutes autres choses qui remedient à telles maladies & les guarissent, i'en ay trouué quatre principalemēt tres efficaces, non tant par experience que par raison approuuees. La grei-Remede.

ne ronde & noirastre de la Piuoine. Car celle qui est cornue & qui est rouge n'y a point de vertu. La racine ronde & pointue & pleine de petites testes, de la Siboulle ou charpentaire. Les rassures ou limures du test de la teste d'un homme, & le Guy de chesne. De tous lesquels chacun à part, ie deduiray les effects, & par quelle raison ils se font. La Piuoine non moins louée par Galien, que les chous par Caton, non seulement par vne qualité elementaire: mais aussi par vne force & propriété occulte de toute sa substance, chasse celle maladie, & si mesmes elle est attachée au col des enfans qui en sont rûmbez, esquels la force de la maladie est moins violente, elle fait que soudain ils se releuent. Car elle dechasse & consume l'humour pituiteuse qui engendre telle maladie. Mais si les grains d'icelle sont baillez à manger, voire à ceux qui sont ja de bon aage, ils la consomment encores mieux. Car elle esboit l'humour ventense, farcie de venin, & rend le corps en vn temperament plus chaut & plus sec. Or affermént aucuns que celle greine est la meilleure sans comparaison, laquelle le masle de la Piuoine apporte de sa premiere portee. Car ses ieunes tiges sont vn long temps sans porter greine: mais si tost qu'elles sont monstrees en perfection & en temps de porter, alors que ses gonces viennent à pouurir, vous voyez d'un costé les grains polis d'une couleur noire, & d'autre costé de couleur fort rouge, & doit on garder la noire pour en vsar, mais non queq telle super-

Piuoine.

stitution que celle d'apres soit iugée ne valoir rien, veu que celle de la dixieme année apres la premiere de sa portee, moyennant qu'elle ne soit verueuse ne vuide a prompt effect. La Siboulle surpassant encores de beaucoup la Piuoine en force & vertu, a vne merueilleuse vertu, non seulement en l'epilepsie mais aussi en toutes maladies qui s'engendrent d'un flegme gluant, & d'humours visqueuses, en quelconque partie du corps qu'elles soyent. Car elle est d'une force absterfiue par laquelle elle dissout toutes choses tenaces & gluantes. Et pource quand pour un tel effect ie m'en veulx seruir, j'ay accoustumé de donner vne cuilleree de son oximel: mais pource qu'il est merueilleusement amer, ie le mesle avec du syrop de Stecade, avec un peu de noix muguerre, puis leur commande de se rincer souuent la bouche avec du vinaigre de Siboulle, & en aualler quelque peu. Pareillement ie trouue par experience que les rassors du test d'une teste d'homme seruent d'un soudain remede à dessécher les humeurs qui engendrent telles maladies, si quelque partie du test de la teste d'un homme mis en poudre est donné à l'homme, & celle du test de la teste d'une femme, à la femme, en vin ou oxymel de Siboulle, non sans vne propriété vertueusement occulte: mais qui vilainement desséche comme la presure & le sang de lieure appaise les dissenteries & autres flux de ventre. Aussi par experience que les os de l'homme donnez à boire en vin vermeil à ceux qui ont la dissenterie, estā-

Siboulle.

de l'usage
de l'usageTeste de
mort.Os des hom-
mes.

chent le flux de sang par vne faculté astringente & vertu dessicative. Ce que fait pareillement la mommie Arabique, principalement si vous y adioustez quelque peu de sperme de Baleine, qu'on appelle vulgairement l'ambre gris. Aux choses precedentes approche en effect, ou les surmonte le Guy, a mon aduis par ce appelle visc, par les Latins, que l'humeur qui est cōtenue dans ses grains blancs est fort glueuse, laquelle se ramollit & assouplit quand on la broye entre les doigts, car par ce moyen est entendu celui plus venimeux & visqueux qui se fait de bois de ou: duquel si l'on mange tant soit peu, la langue deuient tout en feu, & toutes les entrailles se congelent: ains celle plante tant branchue, que les anciens prestres de la Gaule que Cesar appelle Druides, estiment plus qu'autre quelconque. De la est venu le mot d'Anguillanneuf pour les estrenes, c'est à dire. Au guy l'an nouveau, par ce qu'ils l'alloyent cueillir en ce temps là, & le départoient a leurs amis, laquelle tousiours est verde, jamais ne naist en terre, ains sur le chesne, non d'aucune semence: mais de la fiente d'une palombe, & d'une courterelle. Or en ay ie bien veu founet de la hauteur d'une couldee, de couleur au dedans verdoyante, comme celle d'un poireau, & par dehors vn peu bruno, & si feuil le comme de buys, tirant sur le jaune. Ce que ce pere de toute doctrine & de plus versé en la cognoissance des choses qui se treuve point. Virgile declare par vn vers fort elegant, quand il dit.

*Guy de
Chesne.*

*Cesar, es
commentai-
res, liure 6*

od 236 20

1341

Telle de l'or la forme paroïssoit,
 Qui dedans l'arbre espais & dru croïssoit,
 Ainsi sonnoit la fueille d'or souvent,
 Se remuant au batre du doux vent;
 Ainsi qu'au bois, lors que serré le plus
 Le froit yuer, verdoyante est la glus
 De neuf feuillage, & de l'arbre pourtant
 Produite n'est, lequel la va portant,
 Si est du tronc la rondeur coulorce
 Ceinte alentour de glus iaulne doree,
 Vn arbre espais de l'ombre bien remplie
 Cache vn rameau tant au bois qui se plie
 Qu'aux fueilles d'or: lequel tant honnoré
 Produit de soy vn fruiet au chef doré.

Par lesquelles parolles le poëte nous enseigne
 que les assaux mortiferes, & les maladies mor-
 telles du cerueau ne se peuuent mieux guerir par
 chose quelconque que par l'vsage de cest ar-
 brisseau d'or. Car il dissouls, amolit, subtilise &
 dechasse les humeurs aglucinees, & par vne mer-
 ueilleuse force remédie au mal caduque, en pre-
 nant de la poudre en vin pur. Or reste a declarer
 les proprietiez de l'animal Alce, lequel Cesar dit
 en ses commentaires estre du genre des cheures: *Cesar, au*
 mais plus grand de corps, & est nommé en la *liure 6. de*
 bible Tragelophe ou bouccervin, semblable *la guerre*
 aux chamois, desquels il estoit permis, aux Iuifs *Gallique.*
 de manger. L'ongle de ceste beste a vne prom-
 pte vertu contre le mal caduque, comme ie scay
 par maintes experiences, combien que la raison

m'en ait semblé fort obscure. Or en Flandres, pource que le pais est grandement froit & moite, & que le vent de midi qui est le pire de tous y souffle ordinairement, aussi plusieurs y sont tellement subiects à ceste maladie, que quasi on y en void par tous les coings des rues & carrefours des villes, si que par tout on a recours à ce remede comme au vray chassemaal, comme l'on dit.

Histoire.

Certes il m'est aduenü par deux fois, qu'une certaine femme estant tombee de tel mal à l'entree de nostre logis, comme si elle eüst esté frapée de quelque foudre. Si tost que ie la vey, ie m'approchay d'elle, & luy mis au doigt prochain du petit, vn mien anneau ou estoit enchassé vn peu d'Alce, dont tout à l'heure elle se releua sus ses pieds, & apres auoir vn peu ben pour se renforcer, pou suiyt son chemin. Vne autre, comme ie n'estois en mon logis, soudain en iettant vn cry inaccoustumé, tomba en terre deuant la porte, & se donna plusieurs coups de la teste contre le paré. Ce qu'apperceuant vn de mes domestiques, luy mit en la paume de la main vn morceau d'Alce, & luy faisant fectex le poings, pource qu'il n'estoit point enchassé en anneau, & tout incontinent il le deliura la maladie. Ce que i'estime aduenir par vne speciale vertu & propriete occulte de sa substance, ou bien pource qu'elle a vne tresgrande force de dessécher & de resouldre. Que si elle n'estoit solide, on pourroit dire qu'il s'en exaleroit quelque chose, ainsi que des fleurs & plantes odorantes. Ce que toutes fois

tesfois j'ay opinion d'y estre fait, iacoit que les
 esprits animaux qui s'en exalēt soyent moult
 subtils & secs, & nullement vaporeux, qui fait
 que moins ils sont exposez au sens, & qu'il ne
 les peut percevoir sinon par vne force & vertu
 latente. Ainsi les pierres precieuses & autres,
 l'or, le fer, & tous metaux exalent vne certaine
 force secrette: mais si par agitation & mouue-
 ment, ou par le feu ils sont eschauffez, plus sen-
 siblement ils flairent, & plus fort s'insinuent au
 corps: Ce que nous apperceuons manifestemēt
 quand par vn soudain & violent mouuement
 quelques roues se chauffent, ou quand les che-
 uaux frappent tellement le paue de leur pied fer-
 ré, que le feu en sort, car incontinent telle odeur
 chaude & seche, s'espend parmy l'air. Que si la
 cause de cest effect ne semble assez apparente, &
 qu'on n'en puisse trouuer aucune raison proba-
 ble, a tout le moins estimons que telles choses se
 font par mesme moyen que la corne de l'unicor-
 ne mise en eau ou en vin, chasse tout venin, &
 tue l'araigne par son attouchement. Quant aux
 pierres qui se treuuent au ventre des hirondel-
 les, & par quelle vertu elles guarissent l'epilepsie
 il sera deduit en vn autre lieu.

Unicorne.

D'où vient que les maladies sont longues & durables,
 & qu'ayssément elles ne se guarissent par medecines.
 Aussi d'où prouiennent les fieures recidues & les
 croiers de leur relache entre les accées. Chose conue-
 nable à chacun de sçauoir pour y obuier, ou bien tost
 s'en guarir.

CHAP. III. De la nature des maladies.

Les maladies qui sont de longue du-
 ree se peuuent non proprement com-
 parer à vn long & difficile chemin
 tout plain de ronces & espines, le-
 quel vn homme foible & chargé de
 quelque pesant fardeau, est contrainct de faire
 à pied. Le chuy pour la mauuaise du chemin &
 l'empeschement de sa charge, chemine bien
 plus bellement, & est beaucoup plus las & re-
 creu que s'il estoit porté sur quelque chariot, ou
 que par quelque compagnon seruiable & beau
 deuiseur, il estoit soulagé d'vne partie du fais. Or
 combien que les maladies soyent prolongees
 par plusieurs & diuerses causes, si est-ce qu'en-
 tre les autres, ceste m'a tousiours semblé la prin-
 cipale, qu'au commencement & premiers accées
 des maladies, ils ne tiennent compte d'appeller
 quelque bon & fidele medecin, qui par ordon-
 nance de bon regime & opportunes medeci-
 nes, puisse ayder à l'imbecillité de nature, & par
 son art la soustenir. Car le medecin est l'adiu-
 teur de la nature lequel songneusement veille

Medecin
 adiuteur
 de nature.

pour la santé, & du tout s'employe à la maintenir. Pource il aduient que ceux qui sont malades ne sachans que c'est qui leur est bon ou mauvais, sans aucune difference ny aucune election, mangent de mauuaises viandes, voire lors que les maladies liurent leurs premiers assauls, d'où l'augmentation l'opilation & putrefaction, & la maladie se renforce & la vigueur de tout le corps s'affoiblit. Que si les maladies aduiennent en Autonne.

*Des maladies le cours va & vient & retourne,
Et par ces traces l'an en soy de mesmes tourne.*

Alors il y a double cause de la longue durée de la maladie, à sçauoir partie à cause de la superfluité de l'humeur froide & glueuse, & partie à cause de la viscosité. Car les parties de l'automne & yuernes refrigerent & espoississent les humeurs, & pource apportent vne tardité & prolongement. D'où aduient que telles maladies ne prennent facilement fin de guérison, à cause que les humeurs s'engrossissent & se conglutinent, & la peau du corps est si serrée qu'il n'en peut rien ou peu euaporer. Tellement qu'ainsi que la poix, la cire, le suif, & toute matière aysee à se fondre, s'endurcit en yuer, & est moins maniable. Ainsi quand l'air est fort froid, les humeurs difficilement s'escoulent & dissoluent. Dequoy nous rend bon tesmoignage, qu'en réps d'yuer on ne sue presque point. A ceste cause leur conuient lors donner choses qui nettoient.

fort, & qui destouppent les conduits. Car certainement les ordures des humeurs adherent à tels corps, ne plus ne moins que la lie és vaisseaux, lesquels il faut bien mollifier & destremper avec eau salee, ou faulmure, & les froter au balay, qui les veut bien nettoyer & leur oster toute l'odeur qu'ils ont prise, autrement tout ce qu'on y met dedans se gaste & aigrit. Dont Hippocras me semble auoir fort bien dit, que tant plus on nourrit les corps impurs, plus on les endommage. Car la nourriture estant meslee parmi mauuaises humeurs se pourrit & corrompt, qui est cause qu'ils combattent longuement avec le mal, ou si par l'industrie du medecin ou par la vertu de nature, la maladie est venue à sa fin, pour certain à la moindre occasion qui se presente, elle se rengrege & renouuelle plus forte. Car nouuelle corruption & putrefaction suruiët au corps, accompagnee d'une grande puanteur, laquelle nous sentons à l'haleine, laquelle putrefaction estant amplement espanse par tout le corps, corrompt les esprits, & pource que la perspiration est empeschée, aussi elle esteint la chaleur naturelle. A quoy tend celle sentëce d'Hippocras. Si quelques reliques résident encore au corps, de là procedent les maladies recidiues, & les fieures se renflamment. Car la nourriture que le corps prent, ne le renforce point, ains estant meslee avec mauuaises humeurs, se corrompt, & augmente la maladie, comme nous voyons en la fieure quarte & és tierces bastardes, quand ils ne

Hippocras
liure 2.
Aphor.
10.

Hippocras
liure 2.
Aphor.
12.

obeissent au medecin, & bon regime. Vray est D'ou pro-
que telles fieures donnent quelques trefues à la *nient que*
personne, & cessent par certains iours, pource *les fieures*
que l'humeur est hors des venes, & eslongnee du *donnent*
cœur: mais es fieures continues les personnes *quelques*
sont incessamment affligées, à cause des aspres & trefues &
mordentes fumees du sang enflammé, & de la *relaches à*
colere embrasée dens les veines, lesquelles n'ayās *la person-*
franche yssue & perspiration, s'en vont droit au *ne.*

cœur & au foye, & par leur putrefaction proue-
nue de l'opilation, elles tourmentent plus fort
que si elles estoient espendues hors des veines.
Car pource que la superfluité des humeurs est
grande, & la putrefaction vehemente & gran-
de la proportion d'icelles humeurs à la pourri-
ture (car le sang par la qualité du chaut & de l'hu-
mide conçoit plus promptement pourriture) ad-
vient que, telles fieures continuellement detien-
nent la personne, & soudain se hastent de venir
à leur point & dernier tour. Dont Hippocras *Hippocras*
ferme les maladies ne se prolonger outre le qua- *liure 2.*
torziesme iour, & quelque fois (quand la matie- *Aphor.*
re est furieuse, & qu'elle s'esfle) se finir le cin- *23.*
quieme, septieme, neuvieme, ou onzieme iour.

Or va-il tout au contraire des causes des fieures
qui par vne certaine force & qualité naturelle à
l'humeur, & selon le lieu & le temps s'assistent,
le corps par certains espaces de temps interca-
laires, dont se faict que par certains interualles &
intermissions elles font leur accez, qu'elles s'auā-
cent, qu'elles prennent plustard & plus lasche-

ment qu'elles sont inconstantes & variables que leur paroxisme est plus long. Les accèz s'auancent & sont plus vehemēs quand l'humeur est augmentee & plus ardemment enflammee; ou quand on a faict quelque excez, ou qu'il y a eu quelque intemperance au boire ou au manger, mais la fièvre prend plus tard & plus lentement la personne, & se modere l'accèz, quand la matiere peccante se diminue; & que l'opilation & la putrefaction deracinee, peu à peu l'opilation cesse. Que si vne humeur prent en soy la nature d'une autre, ou qu'elle change de lieu, ou que par mixtion d'une autre elle soit confuse & brouillee, alors les accèz ne tiennent aucun ordre, & sont variables.

Fieures de longue durée. L'humeur & vapeur fort abondante & largement espendue par le corps, mesmement quand elle est grossiere & glutineuse, alonge l'accèz. Si bien qu'ainsi que bois vert & humide demeure long temps au feu sans se pouoir biē allumer. & consumer, & la chair de bœuf, principalement quand c'est d'un vieil bœuf, demande à bouillir longuement, ainsi l'humeur visqueuse se doit long temps d'estramer, & par concoction samollir & deuenir fluante, à celle fin d'estre plus propre à vüider. Or combien que par deuant il ait esté demonsté que les humeurs quand elles se putrifient hors des veines, & s'enflamment en quelque partie du corps que ce soit, causent fieures intermittentes. Toutesfois souuent nous obseruons les mesmes humeurs, encorē qu'elles soyent hors des veines, neantmoins engendrer

fieures continues, tant pour raison de leur gran-
 de abondance, que de leur malice & acrimo-
 nie. Ainsi que l'on peut voir es parties esprises
 d'inflammation, fronces, charbons, bosses char-
 creuses, & toutes apostumes contagieuses &
 pestilentielleuse, esquelles s'engendre fieure non
 intermittente : mais bien continuele, iacoit
 que le venin soit sorty hors des venes, & qu'il
 soit bien loing du cœur. Car la force pestilen-
 tieuse & veneneuse penetre jusques a luy, & af-
 faut les parties principales, & infecte les esprits
 tant animaux que vitaux, qui met telles mala-
 dies au reng des aigues, par ce qu'incontinent
 elles tendent a leur fin, & soudain redēt l'hom-
 me mort ou guaray. Tellement qu'il en prent à
 tels corps, tout ainsi qu'à vne ville assiegee, la-
 quelle est si asprement enuahie par les ennemis
 & par coups de canons & autres machines de
 guerre, si asprement batue sans cesse & inter-
 mission, qu'elle semble ne pouuoir longuement
 resister & soustenir les vehemens assaux des en-
 nemis, en sorte qu'à toute heure il semble qu'el-
 le doit estre emportee, si à coups d'artillerie el-
 le ne resiste vaillamment à l'ennemy, ou que
 par vne saillie elle tâche à le mettre en route
 & le defaire. Car de vouloir sauuer sa vie par
 se rendre, ce que font ceux qui laschement re-
 sistent ou à l'ennemy ou à la maladie, c'est cho-
 se honteuse & vilaine, & qui ne procede point
 d'un cœur magnanime & bien souuent est dom-
 mageable, a cause que souuent il aduient que les

Que l'as- la foy promise. Ainsi en prent, il és maladies
sault des aigues, que les patiens ne soustiennent la vio-
maladies. lence de la maladie, & qu'ils ne peuvent prolon-
à la ma- ger leur vie outre quatorze iours & moins en-
niere de cores, sinon que nature se porte forte & vaillan-
celuy des te, & que par le secours & ayde de l'art de me-
ennemis decine elle resiste fort & ferme à la maladie, &
en guerre, qu'ainsi ayant dechassé & defait l'ennemy, elle
doit estre gaigne la victoire, laquelle encores qu'elle ait
repoussé. gaigné, neantmoins à peine peut elle reprendre
 ses premières forces, & pour l'effort qu'elle a
 soustenu, ne retourne soudain à conualescence,
 ains peu à peu tasche à se renforcer, & comme
 à redresser les murailles & bouleuars rompus
 & abbatus.

De ceux qui en dormant se leuent du lit, & vont &
 grimpent par dessus les maisons, & font maintes cho-
 ses endormis, que veillans ils n'oseroient auoir entre-
 pris, voire ne pourroient faire, quelque peine qu'ils
 y meissent.

CHAP. V.

Cecy est
 traitté am-
 plemēt par
 l'Abbé
 Tritenius,
 és questiōs
 de l'Empe-
 reur Maxi-
 milian.



L'aduiet aucunes fois que d'aucuns
 en leur meur & florissant aage (car les
 vieilles gens, comme ceux eiques l'e-
 sprit vital est ou esteint ou moult foi-
 ble & lasche, ne peuvent attenter telle chose, ny
 aussi ceux qui sont flacs & tardifs en l'acte de ma-
 r'age) sur la minuit ou deuāt iour se leuēt & sor-
 tent de leur liēt, montent & descendent par des

lieux qui a eux reueillez seroyent tres-difficiles à passer. Ce qu'ils font tellemēt sans se faire aucun mal, que ceux qui les regardent en font tout esbahis & effrayez. Que si point vous ne les empeschez, ne destournez de ce qu'ils veulent faire, peu à peu ils s'en retournent derechef au liēt. Mais quād ils font telles choses, si vous les appelez par leur nom, ou que vous leur criez apres eux, si biē qu'ils vous entendent, adonc tous espouventez & estonnez ils cheent, les esprits se venans à separer, & la vertu & faculté naturelle à deffailir, par laquelle ils faisoient telles choses. Pource les conuient laisser faire, & les laisser retourner d'eux mesmes en leur liēt. Mais ceux qui sont tourmentez du Foulon, qu'ils appellent, ce qui aduient quand les esprits obfusques & grossiers occupent le cerueau, doyuent estre reueillez & appelez par leur propre nom. Car incontinent, encores que vous ne criez pas trop haut, ils se reueillent & retournent à eux, les fumees venans lors à se perdre, & le sang qui s'espand par les conduits des venēs venant à se rabaisser. Or à l'entree du printemps ceste maladie assaut la plus part de ceux qui continuellement se deulent de crudelité d'estomac, & qui le plus souuent dorment sur leur dos: qui est cause qu'ils dorment la bouche & les yeux ouuers au grand dōmage de leur santé, Ainsī tout soudain ceste maladie les saisit, ou ils endurent telle peine comme s'ils estoient accablez sus quelque pesant fardeau: tellemēt que ne pouuans crier ils gettent de souspirs & gemissemens

Le Foulon

*Que c'est
chose mau-
uaise &
nuisible
de coucher
sur son
dos.*

lamentables, mais des que quelcun les appelle par leur nom incontinent ils se tournent sur le costé, & se deliurēt d'iceux fouds & esprits desquels ils imaginent soy estre foulez. Or en prent il tout au rebours à nos chemineurs de nuict. Car iceux à yeux clos combatēt en tenebres, & remplissent tout le logis du bruit & tracassement qu'ils font, quelquefois aussi sans dire vn seul mot ils montent & descendent, & sans acroc ny aide d'aucune chose grimpent iusqu'au feste des toicts des maisons. Ce que i'estime qu'ils font par vn sang enflé & escumant, & vn esprit moult chaut & bouillant qui est en eux: lesquels montez au cerueau esmeuent & esueillent la vertu & faculté de l'ame, par laquelle elle exerce son office, & incite les parties organiques à telles actions & effects, qui fait que le corps par l'impulsion de l'esprit animal, lequel contient & conserue au cerueau la force des nerfs & des muscles, c'est à dire l'office du sentiment & du mouuement, est porté contremont, & par sa force incite à telles actions en dormant. Or sont telles gens d'un corps fort rare & laxé, & de graisse corpulance, mais d'un esprit fort agile & ardent: dont vient que s'il empoignent quelque chose du bout des doigts ou des orteils ils se balancent & soustiennent, & des qu'il touchent à quelque toict ou plancher, ils s'y tiennent bien fermes. Tellement qu'il en prent tout ainsi à ces corps là que à ces vaisseaux larges par le haut & pointus par le bas, qu'en Flandres on iette és bouches de la mer, à fin que les nautō-

niers viennent surgir à bon port, & eurent les lieux sablonneux & les rochers qui sont cachez sous l'eau. Car combien qu'ils soyent couverts de l'ames de fer, & liez de chaines, & attacher à vne fort grosse & pesante pierre: toutesfois ils flotent & nagent sus l'eau, & point ne s'enfonce, s'ils ne viennent à s'entrouvrir, à cause qu'ils sont pleins de vent & d'air, y ayât des soufflets à cela expres. Ainsi ceux ci pource qu'ils sont enflez de vent & pleins d'air, grimpent facilement contremont, & avec vn pas douteux & lent, ainsi que les limaçons, lesquels pource qu'ils n'ont point d'yeux, vont tatonnant leur chemin avec leurs cornes estendues, ils grauissent par des lieux hauts, & s'en vont çà & là tout de belle nuit. Mais de ne soy faire aucun mal en faisant telles choses, & de ne cheoir point, aduient par ce que tout bellement pas à pas, sans aucune crainte & tremblement, & sans auoir esgard à aucun peril, ils entreprennent tels hazards, lesquels points & regards bien souuent ont accoustumé ou diuertir, ou estonner les gens qui veulent, par le dâger apparât. De sorte que ces dormeurs attentēt telles choses nō autrement que les yurongnes & les fols, lesquels à la volée sans y penser par vne folle hardiesse ne craignent point de se hazarder à tous perils: auxquels si le iour après, ou quand ils sont retournez à leur sens rassis, vous leur reduisez en memoire ce qu'ils ont fait, & en quels dangers ils se sont mis, alors ils confessent franchement de n'en auoir aucune memoire, & tremblēt tou

de frayeur quand ils entendent raconter aux autres en quels perils ils se sont exposez, & qu'elle tēpeste & tintimarre ils ont fait. Que si au corps de telles gēs les humeurs sōt moins esmues, & l'ardent & agitatiō des esprits moindre, iceux s'escrient & tressaillent seulement, se tenans toutesfois à la splēdeur du liēt: car les esprits ne sont si forts ne si vehemēs qu'ils puissēt soufleuer le corps. Et de vray à toutes personnes (tesmoing Hippocras) esquelles le cerueau s'eschauffe, ce qui aduient es coleres & non es pituiteux, ils crient de nuēt, & se tourmentent & traouillent, mesmemēt de iour ils font leurs affaires tempestatiuement & ardemment, & y sont grandement songneux & diligēs: ainsi que sont aucuns hommes qui n'ont iamais repos & sont grans vendeurs, lesquels de tout se messent, & courent de costē & d'autre, & font mil le estranges gestes: lesquels mesmes on peut iuger au regard, au visage, au marcher, à l'accoustrement, & à toute la contenance & maintient de leur personne: lesquels tous ils changent & varient à tout propos, contrefaisans ores le badin, ores le lūcteur, ores le basteur & vendeur de triacle, qui amasse tout le peuple autour de soy pour ouir ses belles baliuernes & fables. Qui est cause qu'ils tressaillent en dormant & s'esgayent & rient, à cause des imaginations phantastiques qui se representent au sens, & qui sont conformes à leur vouloir, & aux choses qu'ils ont faites de iour. Et ainsi à chacun de nous quand nous faisons quelque chose sus iour fort intētiuement

*Hippocras
au liure
du haut
mal.*

& à bon escient, adonc les visions & phantosmes de telles choses reuiennent de nuict en nostre esprit, & nous font getter des voix & cris de mesmes. Ce q̃ Lucrece a fort bié exprimé en ces vers.

*Plusieurs nous en voyons qui en dormant raisonnent,
Les mesmes choses faire ou de iour ils s'adonnent.
Les aduocats plaider, & les loix accorder.
Capitaines combatre, ennemis aborder,
Et au conflict se ioindre: aussi les barquerols
Debatre & resister contre les vents & flots.*

Lucrece li
ure 4.

Car les choses qui tout le iour nous trauaillēt & donnent peine quand la nuict est venue nous montent au cerueau & nous brouillent toute nuict, ou pour le moins tiennent l'esprit occupé en icelles, tellement que le repos n'est doux ne gracieux, ains par les phantosmes qui se presentent est à tous coups rompu.

Des corps qui sont noyez & ceux des hommes flotter à la reuerse, & des femmes au contraire, & si le poumō leur est osté ils demeuurent au fond de l'eau.

CHAP. VI.



*C'*est chose toute notoire & experimētee entre les Flamens (ce que Pline *Pline li-
ure 7.* aussi tesmoigne) que les corps des *chap. 7.* hommes, quand ils sont noyez, flottent le dos dessus la face tournée vers le ciel, &

ceux des femmes le ventre dessous, la face tournée vers le fond de l'eau. En quoy on iuge nature auoir eu esgard à la honte honnesté du sexe, à fin que les membres qui sont honnestes à cacher ne fussent exposez en veüe & apperceus des homes. Mais mon opinion est, que la femme a fort gros ventre, & a les vaisseaux plus larges & plus ouuers, comme la marris, les intestins, les conduits de l'vrine: elle a les mamelles spongieuses & fort grosses. Toutes lesquelles choses se venans à remplir d'eau tres-abondamment, alors par la pesanteur & distention de l'eau, le ventre emporte le pois & tire contre bas. Ce que pareillement on voit és vessies, & és vaisseaux bien bouchez: desquels la partie qui contient l'air demeure en haut, & celle qui contient l'humeur enfonce & se tient dessous. Ce qu'on peut aussi voir en vn œuf, lequel mis dans la saulmure, flotte bien par dessus, mais la partie qui a pesanteur, s'abaisse & enfonce, & celle qui est pleine d'air, à sçauoir celle ou se voit vne petite fossète quand la coque est rompue, mesmemēt quand les œufs sont vieux, & commencent à sentir mal, tend tousiours contremōt. Que si nature n'eust mis en sexe des conduits plus larges & de plus amples vaisseaux, cōme ie vous prie se pourroit exercer la copulation naturelle? Quelle aide seroit donnée à la conception & à la portee, durant laquelle, le ventre grossit occultement, & l'enfant prent augmentation. Qui soulageroit l'angoisseux & penible enfantement, ou il faut que les membres s'estendēt & eslargissent,

à fin de pouuoir enfanter plus aisement? Brief, que profiteroit-il à la nourriture de l'enfant, si le ventre & son entrée n'estoyent establis en ceste maniere, si les mamelles nettes & polies, & si gentiment enleuees, lesquelles abondēt tāt en laiēt, n'estoyent accommodees à c'est vsage. Parquoy, puis que la femme a tous ses conduits & concauitez plus amples, & consequemment peut recevoir beaucoup d'eau, il est necessaire, que celle partie du corps enfonce & demeure dessous laquelle boit plus d'eau. Mais les entrailles de l'hōme sont beaucoup plus resserrees, & les conduits de l'vrine plus estrois. Dont nous auons tesmoignage en ce qu'il est plus tourmenté du calcul que n'est la femme. D'auantage il est moins ventru, il a les os des hanches & des cuisses plus robustes & plus pesans, les espaules plus grosses & plus larges, l'eschine du dos avec la liaison des vertebres plus ferme, & le polmō fistuleux & fort large, qui fait que les hōmes ont la voix grosse & sonante, & les femmes à cause qu'elles ont la poitrine plus estroite, l'ont petite & gresle. *Qui sont les causes pourquoy les corps morts des hommes nagent sur le dos, & ceux des femmes sur le vētre:* attendu que c'est chose naturelle que toute chose pesante tende en bas, & toute chose legere alle *Qui sont ceux qui* dessus. De laquelle cause mesme depend selon *estās noy-* mon opinion que ceux qui sont du tout noyez & *e'ne re-* suffoquez ne reuiennent incontinent sus l'eau, *uiennent* Car puis que le corps se remplit d'eau de tous co *incontinēt* stez, & ainsi par le pois de l'eau s'appesantit, il ne *sus l'eau.*

peut monter a mont, à raison qu'il n'a point d'air en luy, & que par l'abondance de l'eau tout l'esprit en a esté chassé. Mais dās l'espace de sept ou neuf iours le corps se deffond, se dissout & deschoit, & le polmon conçoit en soy beaucoup d'air. Dont le cōmun peuple de nostre païs à acoustumé de dire, que le neuuiesme iour l'amer estant rompu, ils remontent sus l'eau, non que la vessie du fiel se rompe, mais pource que d'icelle & des autres vaisseaux destrempez & tous flacques de la moiteur de l'eau, l'humour sort & se vuide. Qui fait que le corps (sa chair estant attenuee) est rendu fluide, & le polmon fistuleux en maniere d'esponge, estant rempli d'air, souffleue le corps & le porte à l'air. Et de fait cest intestin soustient & balance ceux qui nagent dans l'eau, voire d'autant plus que la personne l'a gros & large & plus rempli de trous & chambres cauerneuses, à fin de plus longuement retenir son halaine.

Chose memorable d'un More.

De sorte que i'ay entendu à monsieur Vesal, homme de tres-excellent esprit, & tresgrande doctrine, vn certain more grand nageur, & faisant office de plongeon, auoir esté amené à Ferrare sus vne galere: lequel tout d'vne halaine sans aucunement la reprendre, tenoit plus longuement sa vois luy seul, que les quatre plus puissans hommes qu'on eust peu trouuer. Puis derechef retenant son vent & se ferrant le nez & la bouche, sans aucune respiration d'halaine, y duroit contre eux quatre. Par lequel benefice de Nature, il auoit receu ce bien, que par deux fois qu'il auoit esté

esté prins, il estoit euadé, & comme vn canard plongeon se tenant sous l'eau de la mer l'espace de demie heure, il eschappa de la misere d'estre serf & esclau, beaucoup plus fascheux & plus gries à porter que la mort. Les amples doncques & larges polmons apportent ceste commodité à chacun, qu'il en chemine plus viste, & que sachant nager il dure plus long temps entre deux eaux, & qu'estant cheut en l'eau il n'enfonce pas si tost, aussi qu'estât noyé & estouffé dans l'eau, dans peu de iours il remonte dessus. Que si à vn homme mort l'on oste les polmons, comme i'ay entendu dire que les pirates & escumeurs de mer font, il demeure au fons, & i'amaïs ne reuiert sus l'eau, parce qu'il est depourueu de l'aide de l'air & esprit.

Les corps des personnes noyees s'ils sont tirez de l'eau, & presentez en veüe, aussi ceux qui ont esté occis & meurdri jetter le sang par le nez ou autre partie du corps, si leurs amis en approchent ou les meurdriers.

G. H. A. P. VII.

OMBIEN qu'il y ait plusieurs choses en Nature qui nous portent grande admiration, si est-ce que ceste-cy selon mon aduis doit estre mise entre les principales, que le sang vient à descouler de la playe de l'homme occis, si celuy qui a fait le coup, ou qui est consentant du meur-

tre, se treuve la present : & que les corps de ceux qui sont noyez, quand ils sont tirez hors de l'eau, gettent du sang par quelque partie du corps, si quelcun de leurs amis se treuve là aupres, voire quelquefois aussi rouge & aussi vif quasi comme si les facultez & les esprits vitaux, lesquels esmeuent les humeurs, n'estoyent encores assopis. Ce qu'a bien considéré le magistrat & le gouverneur de toute la Flandre, lesquels ont accoustumé de visiter les corps, de quelque maniere de mort qu'ils soyent decedez & les visiter & y prendre garde de bien pres avant qu'ils soyent portez en terre. Mais par quelle raison cela aduienne? Il n'est pas aisé à chacun de le dechiffrer. Bien scayie que la force vegetatiue demeure encores pour vn tēps és corps morts, par laquelle les cheveux & les ongles leur croissent, l'humeur qui est en la chaleur extérieure leur fournissant nourriture. Ainsi les herbes & arbrisseaux coupez gettent des fueilles & fleurs l'espace de quelques iours s'ils sont arrosez & tenus dans l'eau. Car en leurs tiges & branches y a vne certaine vertu naturelle occulte, qu'elles tiennēt de leur racine: laquelle estant defaillie, les fueilles deuiennent seches, & les fleurs tombent. Ainsi mesme peut aduenir, que le sang qui est demeuré caché dans les vaines, vient à sortir hors quand le corps est remué & esbranlé. Car nous voyons que ces corps sont tirez en terre & ores tournez sur le ventre, ores sur le dos, ores leuez, ores couchez par crocheteurs & chārtiers. Dont aduient que les orifices

des vaines s'entr'ouurent, & que le sang qui n'a encores perdu sa vraye nature & naïue couleur, descoule du corps. Mais en ceux qu'il y a ia long temps qui sont morts, & qui plus tard sont retrouuez, il ne descoule pas du sang rouge de la playe, ains seulement vn certain sang meurti ia pourri & corrompu. Que s'ils sont morts par quelque chute ou quelque ruine, ou qu'ils ayent esté noyez, alors de la part que les conduits du corps sont ouuers, il sort vne humeur sanglante, à sçauoir par la bouche, par le nez, par les yeux, par les oreilles & par le fondement & autres parties basses. Cōme souuent nous voyons d'vn corps mort, ia flaque, & mol, qui aura esté gardé deux ou trois iours, descouler vne liqueur entremeslee de sang, quand ceux qui le portent dans la biere sur leurs espaules pour l'aller enterrer, les secouent & esbranlent à chacun pas. Ne plus ne moins que les bœufs & taureaux apres auoir esté mis en pieces par le boucher & pendus à quelque solive, espendent encores de sang à terre sus le pauié. Parquoy i'estime que les choses precedentes procedent de semblable cause. Mais cecy me semble bien plus conforme à la verité, que si les amis ou le meurtrier, viennent à regarder le corps mort, adonc par vn soudain effroy & soubresault le sang leur vient à sortir par le nez, parce que les facultez naturelles, & tout l'entendement grandement s'esmeuent & se troublent, & que les humeurs ne sont arrestees, ains passent encore de lieu en autre.

Si bien que nous voyons telles gens estre diuer-
 sement troublez, & que la parole & l'esprit leur
 varie, si qu'ores ils rougissent, ores ils pallissent &
 tremblent de peur: par lequel tremblement il ad-
 uient qu'en regardant ainsi le corps mort, le sang
 maugrécieux leur cōmence à ruisseler du nez. Cō-
 me aussi nous voyons aduenir à plusieurs quand
 quelque chose facheuse & mauuaise se presente à
 l'improuen deuant leurs yeux & entendement,
 ou que par imagination ils conçoynēt quelques
 choses meschantes & abominables. Or si quel-
 cun soustient que les parens & alliez par vne cer-
 taine sympathie, c'est à dire par vne mutuelle
 correspōdance de nature, attirēt le sang du corps
 mort, & le meurtrier patēllement par vne antipa-
 thie, c'est à dire vne dissension & occulte discor-
 de, en cela ie ne luy contraireray point. Combiē
 que plus aisement i'admettray le sang issir de la
 playe, quelque bandee qu'elle soit, si celuy qui a
 fait le coup se presente deuant la personne na-
 uree. Car certainement la force & l'imagination
 de la nature latente est si grande & de telle puis-
 sance, moyennāt qu'il y ait encores quelque vie,
 ou que le corps mort soit encores chaut, que le
 sang par la colere embrasée commence à bouil-
 lir & s'espandre.

dant qu'il prent augmentation : & icelle l'enveloppe tout en vn rond. Et pource qu'elle est fort molle, subtile, & deliée, elle est dite Annios, c'est à dire peau d'aigneau. Tous lesquels réforts & aides en la portee de l'enfant, nature la sage pouruoy euse à mis sus, à fin que par quelque heurtement l'enfant ne fust offensé. Or les deux derniers sortent quelquefois avec l'enfant attachées aux parties qu'elles sont destinees de preseruer, mesme-ment quand les parties genitales de la femme sont fort amples, & que les parties honteuses d'icelle par s'efforcer d'enfanter sont fort ouuertes. Que si l'enfant sort difficilement & avec grand effort, & que la femme ait les parties de l'issue fort estroittes, alors ces petites peaux adherent tellement au milieu du passage, qu'elles viennent à se despouiller, comme quand nous voulons passer la teste ou autre partie du corps par quelque lieu fort estroit, nous y laissons de la peau. Ce voile donc qui couure ainsi la face de l'enfant, les vieilles appellent le heaume : duquel elles racontent mille fables & resueries, & en font prendre ou esperance & crainte aux accouchees. Car si celle pellicule est de couleur noirastre, alors quelques fols & ignorans deuins assurent pour resité certaine, que plusieurs choses contraires & infortunées aduiendront à tel enfant, & qu'il fera subiect à voir des phantosmes de nuict, & estre grandement inquieté par songes & resueries, sinon que celle pellicule bien brisée & mise en poudre luy soit donnée à boire. Ce que i'ay

*Pellicule
noire.*

souuenance qu'aucuns ont fait, nonobstant ma remonstrance, au grand preiudice & dommage de l'aage-tendre de l'enfant. Que si icelle pellicule adherante au dessus de la teste, est de couleur rouge, alors ils pronostiquent l'enfant deuoir vne fois estre excellent, & faire toutes choses avec vne grande dexterité & heureux euenement. Laquelle superstitieuse opinion auoyent aussi les anciens, tellement que Aele Lampride raconte en la vie d'Antonin diadumene, lequel du ventre de la mere auoit apporté vne couronne, en mode d'un petit chapelet sus la teste, que les enfans quand viennent à naistre ont accoustumé d'apporter sus leur teste vn bonet naturel: lequel les sages femmes leur ostent, & les vendent aux credules aduocats, qui croient facilement cela leur pouuoir porter grand auantage. Mais que ces peaux apparoisent ores d'une couleur; ores d'une autre, pour certain selon mon aduis cela ne se doit attribuer à autre chose qu'aux humeurs qui sont en la marris de la femme, icelles leur causent celle varieté de couleur. Parquoy quand la marris est infectée de quelque humeur orde & vicieuse, laquelle se vient à meller avec la semence de l'un & l'autre, adonc celle pellicule est d'une couleur brune, & la peau de l'enfant est par tout tainte d'une couleur enfumée. Mais si le sang & la semence est pure & nette, & non souillée d'aucun vice, alors ceste peau est rouge, & à l'enfant vne fort belle & viue couleur.

*Pellicule
rouge.*

*Lampride
d'Antonin
n'ay
avec un
diademe.*

Or sont ces pellicules rendues diuerſes non ſeulement de couleur, ains de figure, ou par quelque affection intérieure ou extérieure, ou par les choſes qui ſe preſentent deuant les yeux & l'eſprit. Si bien que pource qu'aucuns hommes ſont ſi paillardſ & ſi ſubiects à leur volupté, que ſans aucun eſgard des menſtrues, ils embrasſent leurs femmes, quelqueſois il aduiant que le troiſieme iour apres, & pluſtoſt encores que les fleurs ont commencé à vuidier, & qu'il reſte encores vn ou deux iours de leur coulement, il aduiant di-ie, que le temps den à telle fluctiō eſt empeſché, & que quelque portion de c'eſt excrement menſtrual eſt retenu par telle copulation exercée auant le temps raſonnable, qui ne laiſſe pourtant à parachener l'enfant conçu. Parquoy quand la femme ſachant que ces mois ne ceſſent, & qu'il n'eſt encores temps qu'elle ait compagnie de l'homme, neantmoins elle le reçoit, adonc certes les leux eſtans encores tous remoités, ſecrettement Vne rougeur luy monte au viſage, & vn certain ſang luy voile les yeux: ce que, quand elle a conçu, eſtant transféré en l'enfant, fait que ces pellicules conçoient diuerſe couleur & figure. Dont vient pareillement que les enfans ont les ioues & les leures rouges & vermeilles comme roſe. Ce que l'on voit auſſi quand les femmes groſſes ſont eſpriſes de quelque grande honte, ou qu'elles ont accouſtumé de ſe tolerer & courroucer; la chaleur naturelle eſtant par ce moyen agitée & émeue, & le ſang porté en hault. La ou

celles qui reçoivent quelque grande peur, ou qui à l'impourueu grandement s'effrayent, causent à l'enfant vne couleur palle, & vn visage triste & mörme.

A quelle cause ceux qui sont de cerueau debile & egaié on dit en Flandre hanter les feues.

C. H. A. P. I. X.



VAND les bas Allemans veulent denoter quelqu'un estre de cerueau peu rassiz & aliéné d'entendement, & en ses meurs, en ses gestes & dits, & en toutes ses actions semblable à vn insensé, ils le disent hanter les feues. Si bien que ce leur est vn commun prouerbe, les feues florissent. Il est aux feues. Lequel ils ont accoustumé d'approprier aux hommes de cerueau non arresté, & qui n'ont point de iugement de raison, & entendement. Car au printemps quand les feues viennent à florir, nous en voyons beaucoup de transportez d'entendement, disans maintes choses impertinentes, absurdes, & ridicules, voire mesmes quelquefois entrans en si grande folie, qu'il les fault lier & attacher. Aussi en ceste saison, les humeurs viennent à se deborder, & par espoisses fumées & vapeurs, molester le cerueau, lesquelles quand les odorantes fleurs des feues esmeu-

uent & renforcent de plus fort, alors l'esprit de la personne deuient comme tout insensé. & agité de furies. Car combien que les fleurs des feues iettent vne gracieuse & souefue senteur, si est-ce qu'elle enteste & enyure le cerueau d'une pesante vapeur, mesmement de ceux qui l'ont debile & foible, & plein d'humeur bilieuse & melancolique, qui est cause qu'aucun d'eux n'ont point de repos, & en courent les champs, comme l'on dit, & sont grans criars & grans babillars, les autres sont refueurs & songeards.

Perse, Satyr. 3.

*Qui la teste basse, & les yeulx contre terre,
Murmure entre ses dents sans qu'il se puisse taire,
Mais bien grongne tousiours, & avec vne moue
Va pesant tous ses mots, ce que point ie n'aduoue.*

Et comme il se trouue des simples qui dissipēt les fumees, & dechassent les choses qui sont nuisantes au cerueau, & resueillent l'ame languissante, & les esprits assopis, comme le vinaigre, l'eau rose ou on a mis destramper des cloux de girofle, le pain frais abreuué de bon vin odoriferant, & toutes choses qui rendent vne subtile & gracieuse senteur. Ainsi aucunes causent douleur, & entestent, comme l'ail, l'oignon, le porreau, le suzeau, l'aluyne ou ablinche, la rue, l'auronne ou cyprie, & plusieurs sortes d'epiceries. Toutes lesquelles choses iettent vne odeur fumeuse & forte, & donnant au nez, atteignent le cerueau. Ce qu'Hippocras a briueuement de :

*Hippocras
Livre 5.
Aphor.
28.*

noté par cest aphorisme . Le parfum des choses aromatiques (dit il) attire hors les mēstrues, lequel aussi seroit fort veile à plusieurs autres choses, fil ne portoit pesanteur de teste . Car toutes choses de vehemente senteur, offensent le cerneau, & attirent la chaleur & l'humeur aux parties haultes, mesmes les odeurs aussi qui s'exhalent des herbes froides, principalement en ceux qui sont de corps maigre & deffait . Tellement que telles gens ne peuuent souffrir l'odeur d'aucunes viandes, ny de chairs bouillies, & fil leur prent quelque deffaut de cœur, & qu'ils tombent en spasme, ils ne peuuent souffrir qu'on leur fasse sentir quelque chose de forte & penetratiue nature, comme ceux ausquels il semble à tous coups qu'ils doiuent estre estouffez par vn air gros & espais, ne plus ne moins que ceux qui sont en vne chambre pleine de fumee perdent le vent & la respiration, sinon que les portes & fenestres soyent ouuertes, à fin que l'air serain y entre, & que le vent y puisse entrer & sortir à l'aise: mais certainement ceux qui demeurent pres des marests, & qui sont mestier d'espuiser & nettoyer les esgouts & autres lieux ou vont tomber les ordures & vilennies d'vn nauire ou d'vne ville, sont de complexion du tout, differente à ces corps ainsi tendres & delicats . Car ils hayssent toutes choses de bonne senteur, & se treuvent mal quand ils les viennent à sentir . De forte que Strabon racompte, qu'au royaume de Sa- *Strabon,*
liure 16.

les grandes & bonnes odeurs, sont incontinent desflourdis par le parfum de bitumen, ou de barbe de boug bruslee. Ce qui est de mesme aduenu à Enuers en vn certain paisant, lequel de fortune estant entré en vne boutique d'épicerie, fut tellement surpris de la senteur, que soudain fut saisi d'vne defaillance de cœur. Ce que voyant vn qui estoit aupres de luy, incontinent luy faisant sentir de la fiente de cheual encores toute chaude & fumante (car ledit payfant l'auoit accoustumé de sentir) il le fit reuenir de pasmoison.

Toute odeur violente & puante n'estre nuisante à l'homme, voire qu'il y en a qui obuient aux maladies de putrefaction, & en chassent la contagion. Incidemment d'ou est nay le proverbe, on brule là des cornes.

CHAP. X.



Il y a plusieurs choses de grande puanteur, lesquelles toutesfois point ne portent de dommage au corps, ne causent aucune pourriture, ains remedient à certaines maladies, & déchassent le mauuais air, comme les genitoires du Bieure, le Galbanum, le Sagapenu, la fondree du benioin, que les apotiquaires appellent communément assa foetida, le bois puant, le soufre, la poudre à canon, & le parfum de cuir & de corne. Car combien que ces choses foyent d'vne forte & horrible odeur, si est-ce qu'elles n'apportét point

de nuysance, ains chassent & corrigent l'air pestilentieux, & les puanteurs que les estangs & marests, & les lieux cauverneux sousterrains exalent : Mesmes qui plus est, par leur parfum ils remediēt à la defaillance de cœur, & à l'euanouyssement qui a accoustumé d'aduenir aux ieunes filles par l'estouffement de la marris, quand ia meures & prestes à marier, on differe trop longuement à leur trouuer parti. Vray est que la puanteur qui sort des corps morts & des lieux boueux & eaux courpies, causent des maladies de putrefaction, & infectent l'air, à cause de leur chaleur & humidité : mais non l'euporation de ceste cy, laquelle tend à secheresse. Dont le populace de nostre país brusle des rongnures de cuir, & de corne, & des os remoites, & de celle odeur parfument leurs maisons pour chasser la contagion des maladies, & contregarder eux & leurs maisons de l'air pestilentieux. D'ou est venue le proverbe. On brusle là des cornes, par le- *Brusler des cornes.* quelils denotent les lieux infectez de peste ou autres maladies contagieuses deuoir estre cuites. Ainsi ces annees passees comme la peste de- *Histoire de Tour-* struisoit tout en la ville de Tournoy, & sayssi- *noy.* soit chacun, elle fut chassée quasi par vn semblable remede. Car les morte-payes qui gardoient le chasteau de la ville, voyans ainsi la chose quasi en desesperoir, braquerent deuers la ville toute l'artillerie qu'ils auoyent, chargée seulement de poudre, & non de boulets, & sur le soir à iour failly, la dechargerent tout en vn instant, qui fut

cause que la corruption de l'air par vn si violent bruit, & par la grande odeur de la fumee de la poudre, fut dechassée, & la ville entierement deliuree de la peste. Aussi certes n'est moins propre ce remede à dissiper les nuees & les vices contagieux de l'air infecté, que celui que nous

Hippocras

lisons Hippocras auoir pratiqué souuent, en allumant de grans feus de serment, & autres choses seches és carrefours des rues.

De l'excellence du doigt de la main senestre le plus prochain du petit, lequel est le dernier atteint de goutte, & si l'est, bien tost apres la mort ensuyt. Incidemment, pourquoy plus tost qu'es autres, on y met volontiers l'anneau d'or.

CHAP. XI.



EST vne chose toute notoire & tenue pour certaine, que toutes parties du corps qui sont atteintes de quelque vice ou maladie, ont cela, ou par vne indisposition à elles speciale, ou par vne sympathie & correspondance mutuelle de l'vne à l'autre, quand la maladie n'est pas au membre, ains par vn autre luy est causé ce mal, soyuant le commun dict. Quelque mal a cause du mal voisin. Toutes fois nature sage & aduisee, garétit & preserve tousiours les parties principales, & enuoyé le mal aux parties ignobles. Ce qui se fait critiquement & par l'impulsion de

nature, quand l'amas des humeurs & des maladies est enuoyé es parties fort loigtaines. Que si la maladie & son symptome, c'est à dire, son accez, est aspre & vehement, & la nature soit si foible qu'elle ne luy puisse resister ne rembarrer son effort & violence comme bien elle voudroit, alors les humeurs sayssissent les principales parties, ainsi que nous voyons en l'inflammation des polmons, en la pluresie, en la squinancie, en la lethargie, & plusieurs autres maladies aiguës. Mais en la goutte & en la schiatique, lesquelles volontiers empirent & engregent au Printemps, & en Autonne, la force & faculté naturelle chasse les humeurs de l'ogue main amassees au corps des parties fortes aux debiles, ou j'ay prins garde au pais bas en plusieurs fort subiects à la goutte des pieds & mains, que combien que toutes leurs ioinctures & doigts leur fussent deuenus merueilleusement enflés de la vehemente douleur qu'ils souffroient. Toutesfois le doigt de la main gauche, qui est le plus prochain du petit,

Du doigt annulaire.

re. annul.

leurt

abbatue, la vigueur vient à dechoir, & toute la force du corps, & de l'ame, à defaillir. D'ou est procedee la coustume entre les anciens, qu'ice-luy doigt sur tous autres fust tousiours orné d'un anneau d'or, par ce qu'une petite & subtile artere, & non un nerf, comme estime Aule-Gelle, vient du cœur frapper droit à ce doigt, le mouvement de laquelle manifestement vous sentez à l'attouchement du doigt demonstratif, és femmes qui enfantent, & és gens las & trauaillez, & toutes les fois que le cœur se treuve esmeu. Ce qui ne doit sembler estrange à personne, veu que quand il prent quelque defaillance de cœur à quelqu'un, j'ay accoustumé de le faire reuenir à foy, en luy frottant bien ce doigt, & l'oreille semblablement avec un peu de safran. Pource qu'en ce point vne certaine force restauratiue qui git au safran, s'en va droit au cœur, & recree la source de vie, à laquelle ce doigt est lié & conioint. Pource sur tous les autres, il a meritè cest honneur, & a voulu l'antiquité qu'il fust orné de bagues d'or. D'auantage, la dignité qu'il reçoit du cœur, a fait que les anciens Medecins, desquels mesmes il a prins son nom, mesloyët avec luy les medicamens & bruuages, par ce que mesmes à ses extremitéz il n'y peut rien adherer de venimeux, qui ne soit fort dommageable à l'homme, & qui ne departe son venin au cœur.

*Côte au
le Gelle,
liure 10.
chap. 10.*

*Doigt me
decinal.*

De certaines choses qui ne bruslent point, ains resistent au feu. Et comme cela se fait.

CHAP.

XII.



O v s auons veu des napes & seruietes tissues d'une certaine espece de lin, qui point ne se brusle, lesquelles le feu ne la flamme ne peuuet consumer. Parquoy estās sales, quand on les veut blanchir on ne les nettoye point avec aucun saumon ne lessive, ains seulement estans iettees dedans le feu, elles flambent, tout ne plus ne moins que les pots bien abbruuez de gresse, tellement qu'apres elles sont tirees du feu blanches & nettes. Or naist ceste espece de lin es desers de l'Inde, en lieux secs & bruslez du Soleil, ou certaines plantes, selon la nature du terroir, & selon la qualite de l'air, acquierent celle propriete de pouoir estre filees & tissues en toile à faire linge. Or si en la mer & es torres, la peau des escriuices s'endurcit quasi comme pierre, comme aussi la peau des Chabres, des langoustes & autres escriuices de mer, de la porcelenne, des petoncles & plusieurs autres especes de poissons à coquilles, en la varieté desquels (comme dit Pline) & en la diuersité de leurs figures & couleurs, il semble que nature se ioue, si l'arbre du coral espend ses rameaux au profond de la mer de Genes, estant tiré hors de l'eau s'endurcit en pierre, on ne doit

*Pline,
liure 9.
chap. 33.*

non plus tenir pour chose incroyable que certains arbres par l'ardeur du lieu & de l'air ou ils sont, ayent celle nature que quand ils sont bien batus de fleaux ou autres engins à ce conuenables, & adouciſ au cheualet de bois ou au ferretter, ils se filent, & s'en face de toile qui reſiſte à la force du feu. Mais qui ne ſebahit que de la rige du cheneue, de l'ortie, du lin, de la geneſte, il ſe fait de cordes & gros cables, & meſmes des voiles & autres grandes toiles. Toutes leſquelles riges eſtans fort ſouples & ſentretenantes ayſement, ſe tirent par filets fort deliez, & ſ'en fait de la toile, ne plus ne moins que les lames d'or & d'argent ſont de facile extenſion, & ſe font greſſes & minces iuſques à ſe pouuoir filer. Ainſi des villons de tels arbres, & non de poil de Salamandre (comme pluſieurs croyent ſotteſment) ſe font des ſeruietes & napes, tout ainſi que des vers à ſoye, & d'aucuns arbres bourreux ſe font des draps de ſoye, combien qu'à moindre peine que de ces arbres dont nous parlons, à cauſe que la matiere en eſt dure & moins traittable, laquelle eſpece de lin eſtant de meſme nature que la chaux, ſçauoir eſt qu'elle ſe purifie grandement

Abestus, au feu ſans ſe conſumer ny eſtre aucunemēt endommagé, eſt appellé *Abestus*, duquel approche fort la pierre *Amiante*, pierre quaſi ſemblable à l'alun de plume, de laquelle teſmoing *Dioſcoride*, les *Indiens* font toile, laquelle eſtant ietee au feu s'embraye: mais en eſtant tiree hors, ſe montre nette & blanche, ſans qu'aucunement elle en

Pierre Amiante.
Liure 5.
Chap. 99.
Volater.
Liure 22.

soit gaste'e, ny qu'elle en vale de rien pis. Ainsi
 le bois & les planchers frotez d'alun ne peuvent
 brusler, comme ny aussi les posteaux, les por-
 tes, & les lambris abbruuez de couleur verde,
 pourueu que l'enduit soit espais en maniere de
 dure croste, & qu'il y ait force alun & force cen-
 dres de plomb blanc meslees parmi. Car la for-
 ce du feu n'y peut entrer, à cause que le bois par
 ce moyen deuient fort dense & fort ferré, & ainsi
 s'endurcit au feu & à la pluye. Dequoy fit expe-
 rience Archilas capitaine du fameux Roy Mi-
 thridates, en vne tour de bois, laquelle comme
 Sylla s'efforçoit de brusler, il n'y sceut rien faire:
 tellement qu'il fut contraint de deloger & de-
 laisser son entreprise, par ce que tout estoit en-
 duit d'alun, lequel resserre grandement, & à ver-
 tu de resister au feu. Par mesme raison, l'effort
 de Caius Cesar fut nul, & en vain attenté, quand
 pres la riuiera du Pau, il mit le feu en vn bastil-
 lon fait de meleze. Car la meleze, arbre sembla-
 ble au pin ou sapin, point ne brusle ny ne flam-
 be: & si non seulemēt n'est point subiect a pour-
 titure & vermolure, ains par sa grande solidité
 & durté plus que de corne, laquelle la force du
 feu ne peut percer ny endommager, il ne se met
 point en charbons ny en cendres, mesmes est si
 pesant, que point il ne flotte sus l'eau: mais sou-
 dain s'en va en fons, ainsi que le buys, & celle es-
 pece d'Ebene, qui d'un mot du païs ou il croit,
 est appellé Gaïac, bois fort propre à guerir la ve-
 role. Toutesfois non sans grande occasion quel-

*Aul. Gel.
 liure 15.
 chap. 1.*

Meleze.

Gaiac.

qu'un se pourroit ebahir pourquoy il ne brulle ny ne flambe, ven qu'il iette de la poixrefine iau-
ne comme miel. Et tous arbres qui iettent poix-
refine, incontinent sont esprins du feu. Mais la
solide durté qui est en luy en est cause, laquelle
ne laisse aucune fente ny trous par ou le feu puis-
se entrer pour le bruler.

*La chaleur naturelle de l'homme estre maintenue & en-
forcee par celle de quelques petits animaux, principa-
lement de petits enfans, s'ils sont appliquez a la par-
tie du corps debilitée, d'autant que telle fomentation
non seulement sert a la concoction : mais appaise aus-
si la douleur des gouttes, & entre les petits chiens qui
y sont les plus propres & de plus grand efficace.*

CHAP. XIII.



Il y a deux choses qui soustiennent
nostre corps, & qui conseruent no-
stre vie, à sçauoir la chaleur naturel-
le & l'humeur qui l'entretient, icel-
les s'entr'aydans mutuellement, & ne se pouuans
passer l'une de l'autre. L'humeur est la nourritu-
re & entretien de la chaleur, de sorte que par
son secours, la chaleur s'entretient en vigueur.
Lesquelles deux estans assemblees & vniuersel-
lement infuses d'ame, s'espandent par tout le
corps. A ceste cause conuient diligemment prou-
voir & mettre peine qu'elles soyent longuemēt
maintenues. Car le corps estant vne fois de pour-

uëu de leur assistance & ayde, incontînêt il tombe en decadence, & toute la force & faculté naturelle vient à defaillir . Or combien qu'il y ait plusieurs points à garder en cecy, que les Medecins ont pour nôtoire, toutesfois laissant les superflus, ie racompteray seulement ceux qui exterieurement appliquez aux personnes, y seruent grandement . Entre les choses donques qui accroissent & resueillent la chaleur, & appaisent les douleurs, ie mets les petis chiens: mais non tous, *Petis chiens tout d'une couleur.* ains ceux principalement qui ont le poil tout d'une couleur, & non tacheté, lesquels non seulement renforcent la chaleur naturelle, ains moderent & diminuent les douleurs. Si bien qu'en la goutte des pieds & mains & toute autre, il n'y a point de plus present remede à appaiser le tourment, tant aspre soit-il, que de tenir tels petis chiens sur les membres malades, car par vne douce & chaude exalation ils resueillent la chaleur naturelle de l'homme languissante & quasi defaillant, & par continuelle fomentation où ils attirent à eux l'humour qui cause les douleurs, ou bien par vne vertu digestiue & consumatiue ils les dissipent & aneantissent. En maniere qu'on les en tire & qu'on leur donne quelque relache, nous les voyons ne se pouuoir soustenir sur leurs iambes, la plus grande partie de la douleur estât transmise en eux. Mais que le poil tout d'une couleur ait principalement celle vertu, & non celuy qui est diuersement tacheté, l'egalité du temperament & de la chaleur en est cause . Car la cou-

leur diuerſe denote vn intemperament, & entre-
meſlement de la chaleur & de l'humeur. Or com-
me toute enture doit eſtre ſortable à la nature
des arbres, ainſi à reſtaurer les membres de l'hô-
me, il faut adapter vne chaleur en tout egale &
temperée. Parquoy ſi vous voulez fortifier l'e-
ſtomac, ou quelque autre partie, il eſt neceſſai-
re de conſeruer ſon temperament naturel, nom-
pas luy accroître la chaleur par excez, ne luy
en appliquer quelque vne non familiere & non
accouſtume. Or entre toutes les choſes qui ſap-
pliquent par dehors, la principale (ſelon le dire
de Galien) eſt vn ieune enfant graſſet & en bon
point, lequel couche en ſorte avec la perſonne
aſſoibli, que touſiours il touche contre ſon nô-
bril. Il y en a dit-il, qui en cela ſe ſeruent de pe-
tis chiens graſſets, voire non ſeulement quand ils
ſont malades: mais encore en ſanté. Ou il faut
noter que tels chiens ſont fort bons à ceux qui
auſſi par ſecheſſe ont l'eſtomac debile: mais
ſur toutes choſes il faut auoir egard en ce que l'é-
fant ne ſoit moite par le corps. Car ceux qui ſuēt
de nuit, refroidiſſent pluſtoſt qu'ils n'eſchauf-
fent. Laquelle commodité Dauid meſme ia tout
caduque & imbecille par froideur de vieilleſſe,
endura bien luy eſtre appliquée, lequel vn ieune
fille eſchauffoit par mutuel embraſſement,
non pour aucun charnel deſir, ainſi que l'eſcritu-
re porte, ains à fin que ſes membres depourueuz
de chaleur fuſſent eſchauffez.

Galien.

*Dauid,
au liure 3.
des Rois.
chap. 1.*

D'où vient que la verolle n'est pas maintenant si forte qu'elle a esté au temps passé, & en quelles maladies elle se tourne.

CHAP. XIII.

LY a trois maladies entre elles fort prochaines, & qui volontiers s'entr'accompagnent, non tant mortelles toutesfois qu'ordes & contagieuses, lesquelles se muent d'une en autre, à sçavoir la verole, la laderie vulgaire, laquelle en ceux qui ont les escrouelles s'appelle gresle, & celle qu'on nomme Stomacacce & Scelotyrbe, lesquelles sont toutes comprises sous la iaunisse noire, comme sous leur genre. Or martyrisoyent au commencement les hommes d'une sorte intolérable icelles maladies : mais maintenant elles ont commencé à fort s'appaiser & à estre moins fortes. Ce qui est advenu en partie pource que par l'industrie des Medecins la force du mal est domptee, & la malice des humeurs moderee, en partie aussi que nature par grande accoustumance s'est endurcie aux douleurs. Aussi en ay veu d'aucuns estre grièvement affligez en la fleur de leur aage, lesquels sur leur vieillesse estoient moins tourmentez, Car lors l'ardeur & l'ebulition viét à se refroidir, & l'amas des humeurs diminue, ou bien nature par laps de temps estant toute accoustumee au mal, comme à son familier, ne combat plus avec luy, ains ou se nourrit de ces vitieus-

ses humeurs, ou au moins n'en est point offensée. Tellement que comme les porceaux quand ils se veautrent en la bourbe, ou les couroyeurs & sauetiers, & ceux qui nettoient les esgouts & retraits publics, point ne sentent la forte puanteur, ainsi les verolez s'engressent en leurs ordures. Et d'autant qu'ils sont endurcis aux vices & maladies du corps, sans que ie touche celles de l'ame, cela est cause qu'ils ne sentent plus les dommages de nature. Car la maladie enuieillie & enracinee iusques au profond des moïles, les priue du sentiment du mal. Or au commencement qu'il s'engédre au corps vne qualité contrarian-
te, par laquelle il s'altere & se corrompt, adonc tous les membres qui reçoient des mordicantes defluxions, endurent douleur. Mais quand la maladie est enuieillie, & s'est alliee avec la nature, alors ils ne sont grandemēt molestez de douleurs, par ce que la maladie & la nature s'accordent ensemble, & les humeurs par l'accointance & communication qu'elles ont avec le corps s'elanguissent, & par la mixtion des autres, comme le vin pur avec beaucoup d'eau, perdent leur force. Les traces toutesfois & reliques de tel mal tousiours demeurent, lesquelles tumbans sur les polmōs, vous les voyez enruez & de courte halene, si aux iointures, ils sont subiects aux gouttes des pieds & mains, & à la schiatique qui vient & va par interuales. Tellement que tous verolez ont volontiers les gouttes : mais tous gouteux & podagres, & ceux qui sont tourmen-

tez de la sciatique, ne sōt pas tousiours entachez de verole. Que si l'ordure des humeurs se respād à la peau exterieure, alors ils ont vne peau rude & aspre cōme escorce, à force d'attres & feu volage, galle, tigne, & gratelle, ayās la face toute gastee & difforme, & tout le poil leur cheoit. Car il leur en prend comme aux arbres & reiettons, aux pieds desquels on a espandu de l'vrine ou saumure, & autres vilannies bruslantes : si bien que la racine estant viciée, les fueilles viennēt à tomber & les branches à se flectir & secher, combien que l'arbre ne vient du tout à mourir, ains lāguet, & malaisement se peut remettre en vigueur.

Pourquoy ceux qui approchent de la mort ayant encore le sens & entendement entier, iettent vne voix enrouée avec vn son reciprocant que vulgairement on appelle le ranquet.

CHAP. XV.



V païs de Flandres & en tout le costé de Septentrion, ceux qui approchent de la mort donnent certains signes de vouloir bien tost rendre l'ame, par vne voix grumelante : & n'y a personne qui finisse sa vie sans ce signe. Car quand la mort est prochaine, la voix leur gargouille au gosier, comme font les eaux ruisselantes par des lieux raboteux & mal vnīs, ou les tuyaux & canaux

des fontaines & conduits. Car pource que l'artere vocale vient peu à peu à se fermer, l'esprit qui tache a sortir en abondance, trouuant le conduict estroit, & l'artere resserree, sort avec vn gargouillement, & vne voix enrouée & par halences delaisse les membres secs & arides. L'esprit donc amoncelé en maniere d'un pelotton, & meslé parmi de l'escume releuee, rend vn son semblable au flot reciproquant de la mer. Ce qui aduient pareillement en aucuns, à cause des pellicules interieures de l'artere ridees & toutes par plis, si bien que l'esprit en sort comme en roulant. Or ceux qui sont d'un corps ample, gros & robuste, & qui meurent de mort violente, resonnent bien plus hautement, & combattent plus longuement avec la mort, à cause de l'abondance de l'humeur & des esprits denses & grossiers. Mais en ceux qui sont d'un corps attenué & fort maigre, & qui meurent d'une mort douce & lente, le vent sort moins violement, & avec moindre bruit, & peu à peu doucement s'esteignent comme vne chandelle, & comme s'ils vouloyent dormir.

Que la mort de l'homme & de toutes choses qui sont en estre, est contre nature & mal appelee naturelle. Que toutesfois nous faut assurer à l'encontre, à ce qu'elle ne nous soit point espouuantable, cōbien que non sans raison chacun l'ait en horreur. CHAP. XVI.



COMBIEN que Nature l'ait ainsi ordonné, & que la preuatication de l'homme ait meritē d'estre destinee à mourir, toutesfois se peut prouuer par rai-

son que la mort n'est point selon nature, ains luy
 est du tout contraire. Car des le commencement *Cicerō au*
 a esté donné de Nature à toute espece d'animaux *liure des*
 de contregarder soy, sa vie, & son corps, & se sau- *offices.*
 uer des choses qu'il cognoist porter dommage, &
 avec tout soing & soucy prouuoir à sa santé, & à
 bien se cōtregarder, & maintenir. Et qui est celuy
 qui ne voye en quelle diligēce & affectiō les hō-
 mes par la cōduite de raison, & les bestes brutes
 par vn instinct de nature, s'estudient & s'efforçēt
 de se preseruer & garētir de la mort? Tous au vray
 l'ont en horreur, & n'y a celuy qui ne s'esuertue
 à s'en exempter de tout son pouuoir, à raison que
 quād la mort suruient, nature deffaut, & prent fin.
 Ainsi Iesus Christ, lequel a voulu faire cognoistre
 l'imbecilité qui estoit en la nature humaine, cō-
 me celuy qui n'estoit exempt d'aucune chose qui
 fust en l'hōme hors-mis des maladies & du peché
 eut horreur de la mort, & pria Dieu son pere de *Iean. 21.*
 l'en exēpter. Cōme aussi en S. Pierre est clairemēt
 exprimee l'affectiō de nature & l'infirmité de la
 chair, quād Iesus Christ luy ayāt demādé par trois
 fois quelle amour il luy portoit, & denoté le grād
 soing & diligence qu'il falloit qu'il eust à paistre
 son troupeau il luy demōstre ce qui luy doit adue-
 nir, & cōme il doit acheuer ses iours. Lors que tu
 estois pl^e ieune, luy dit-il, tu te ceignois & chemi-
 nois ou tu voulois, mais quād tu seras vieil, vn au-
 tre te ceindra, & te menera ou tu ne voudras poīt.
 En quoy il denote l'imbecilité de nature, laquelle
 est esmuē de la crainte de la mort, & biē à regret

veut venir à icelle, combié que l'esprit soit prompt & aligre. Parquoy puis que la mort est abolitiõ de nature, comme se peut-il faire que cela consente avec nature & luy soit familier, qui luy fait violence, qui l'exterminé, & du tout l'esteinct? Je sçay bien que la malice & le peché de l'homme, par lesquels il a forligné de sa dignité & excellence, & a esté desobeissant à son createur, a cela merite qu'il soit affligé de douleurs, de tourmens, de maladies, de faim, de soif, & d'un travail d'esprit, & finalement qu'il fust puni par mort. Mais toutes ces miseres luy sont aduenues non par le vice de nature, ains par son peché. Car apres la cheute du premier homme toutes choses ont esté chāgees & rendues ennemies. Si bien que les estoilles, les maladies, les elemens, les diables, & les bestes menassent les hommes & ne tendent qu'à leur nuire: mesmes toutes creatures, à cause de l'homme, sont subiettes à vanité & corruptiõ, & si tout ordre des choses, voire mesme les anges, desirēt que fin soit mise aux labeurs. Neantmoins la certaine confiance d'une autre vie, en Iesus Christ, lequel restaure la nature humaine de cheute, & la restitue en son entier, & nous oste toute paour de la mort, nous est vne grande consolation & soulasés grandes miseres. Or la souuenancé de sa mort & resurrection nous fortifie merueilleusement: laquelle fait que nous croyons l'homme n'estre point aboli, ains estre chāgé en mieux, & la mort n'estre point vne abolition entiere, mais l'entree & la porte d'une autre vie.

Rem. 8.

Des inconueniens qui viennent de l'yurongnerie: & quelles choses luy résistent & remédient.

C H A P. XVII.



E S T vne coustume ancienne entre les Allemans & les Belges Septentrionaux, qu'ils ne s'accointent pas volontiers d'aucun ny ne le tiennent pour leur loyal amy, s'il n'est bon beuveur, & qu'à toute heure il ne soit prest à boire d'autant à tous venans. Parquoy ay estimé qu'il seroit bon de deduire aucunes choses qui obuient à l'yurongnerie, à fin qu'un chacun peut prouuoir à foy en tel combat, tellemēt ou qu'il ne succombe point au vin, ou qu'il en soit bien peu offensé. En premier lieu, que nul en ces festins & banquets se rende trop facile à boire d'autant, ains que ciuilement il s'en excuse, sous couleur de maladie & indispositiō. Quelquefois aussi en tel cas faut vser de subtiles ruses & finesses pour deceuoir ceux qui vous en veulēt, & qui trop vous pressent de boire. Quelquefois aussi faut chercher occasion, sous ombre d'aller faire de l'eau, de vous absenter secrettement, ou bien que vous fassiez subtilement emporter le verre. Car en cela il faut estre fin & accort, & y vser d'une grande adresse. Pource que si l'on decouure la finesse, on vous en baillera vostre saoul. Mais vn chacun selon qu'il est caut & aduisé de sa nature, peut inuēter diuerses façons

à refister & abuser ceux qui boient à luy. Cependant qu'un chacun mette deuant ses yeux les beaux guerdons de celle loüable coustume & erreur ancienne, & il verra plus cler que le iour, quelle nuisance & quel dommage l'excez du vin porte au corps & à l'ame. Car en premier lieu elle rend la memoire, chose entre toutes autres moult precieuse, non seulement labile, mais aussi du tout l'estaint & degaste: elle offusque & esblouit les yeux, elle fait le visage ridé & la peau des yeux pendente, & cause un tremblement de membres. Brief, l'irongnerie porte mille autres incommoditez, lesquelles prouiennent de frigidité. Car le vin (comme dit Galien) n'eschauffe pas tousiours l'homme, ains quand on en boit tant qu'on ne le peut maistriser, il cause des maladies froides, pource que la chaleur naturelle est esteinte & suffoquee, comme quand à vne petite & foible lumiere on met de l'huile en trop grande quantité. Ce que j'ay bié voulu toucher, à fin que quelcun n'estimast que ie voulusse inciter & donner occasion à aucune mal-faire, veu que mon intention est que les hommes s'accoustument à boire moderement, ou si l'occasion se presente qu'il faille boire un peu plus que de coustume (car comme dit le prouerbe, il ne seroit pas feste autrement) ils n'ayent pas faute de remede à pouuoir euitier l'enuyrement. Entre lesquels ie mets les choses ameres, & toutes choses qui par l'vrine euacuent les humeurs aqueuses. Car par ce moyen aduient que les fumées s'en vôt ailleurs

*Galien au
3. liure des
tempera-
mens.*

qu'au cerueau, & le vin est empesché d'entrer és
 venes, l'amertume dessaichant aussi l'humidité.
 Ainsi les amendes ameres prises auât le repas en
 nôbre de cinq ou de six, sont à cela fort cōmodés:
 pareillement les noyaux de peches, & de ius de
 fueilles de pescher vn plein verre prins à iun: cō-
 me l'infusiō d'aluyne de Pôt, & la noix muguet-
 te. Or ces choses ouurēt les conduits & les eslar-
 gissent: tout ainsi q̄ deux onces d'huyle d'oliue, ou
 de graine de sesame ou Ingioline, bues auant le
 iour, font couler le vêtre, & eslargissēt les cōduits
 de l'vrine: en maniere q̄ ce que l'ō boit ne s'esfior
 ne point au corps, ains cōtinuellemēt coule, moy-
 ennāt qu'excessiuemēt on ne charge l'estomac de
 viâdes. Car celuy qui est contraint de tenir coup à
 boire, doit peu mäger. Que s'il mäge vn morceau *Miel.*
 de pain bié abbruué de miel, il fera fort bié. Pour
 ce q̄ le miel dôpte la force du vin, & chasse les fu-
 mées aspres & mordicâtes. Mais à toutes ces cho-
 ses est preferé le chou tât loué par Catō que le le-
 ctteur mesme s'en fasche. Et pource qu'il y en a de
 plusieurs sortes, ceux sōt les meilleurs pour se gar-
 der d'ëyurer, qui sōt les pl^o rouges, si à belles dêts
 on en mache les costes, & en boit-on le ius, ou si
 les mäge cuits avec les autres viâdes, d'ëtree de ta-
 ble. La soldanelle qui croit à foison és alpes de *Soldanelle*
 Zelande, est encores de beaucoup plus grâde effi-
 cace que les choux: pareillemēt le pourpier ma-
 rin dont nous vsons és sausses & salades pour fai-
 re venir l'appetit. Car il incite l'enuie de boire &
 de manger, & par vne force & vertu nayue les

digere, qui fait que les fumées du vin ny nulles vapeurs ne peuvent monter au cerueau, ains se vuident par bas & par les conduits de l'vrine. Sôme, il y a plusieurs choses semblables qui contra- rient à l'yurongnerie, & preseruent l'homme d'en estre chargé: mais il seroit trop long a les racom- pter toutes. Toutesfois si quelcun non garny de ces remedes se treuve surprins du vin (car le vin,

Abacuc. comme dit Abacuc, deçoit l'homme sage) il luy
chap. 2. faut subuenir par vomissement. Ce que le sage

Ecclef. 31. aussi conseille. Si tu te soules dit-il, outre mesure, retire toy en secret, & vomy: On luy doit aussi mouiller d'eau froide les genitoires, & avec vne seruiette ou vn mouchoir mouillé les luy enuelop- per: & aux fêmes les mamelles semblablemēt. Car incontînēt par ce moyē les vapeurs estās destour- nees, on se treuve desenyuré. Cependant on leur peut aussi donner à manger choses aigrettes, & de pōmes vineuses, & qui rendent à force ius: cō- me pommes d'oranges, citrons, cerises, pêches, prunelles, espine vinette ou Berberis, verius, cor- mes, & toutes choses qui sont de nature froide & astringente, & qui ont quelque vertu abstersiue.

Oriaçoit que l'yurongnerie s'en alle par vomis- sement ou par dormir; neâtmoins la teste en fait
Douleur de teste le lendemain encores mal le lendemain: & est encores toute
après qu'o appesantie des fumées: ce que Sexte Pompe ap-
a trop beu pelle estre Heluc, qui vaut autant à dire comme
Heluc. languide & demy endormy. Et mesmes aussi Ter-
Tertullia. tullan yse de ce mot pour signifier l'assommeille-
ment qui nous vient à toute heure par auoir esté
enyurez

enyurez le iour precedent, quand il dit: La force & la nature du Lierre est de garentir le cerueau de l'heluc, par vne vertu disculsiue & dessicatiue, par laquelle aussi il est estimé garder d'enyurer les personnes s'il est exterieurement appliqué à la teste, ou si auant boire l'on mange quelques vns de ses grains, lesquels sont de couleur iaune.

L'intemperance du boire estre plus dangereuse que du manger.

C H A P. XVIII.



Ly en a qui soustiennent que les hommes sont moins offész du boire que du manger, si l'un ou l'autre est prins par excez & plus que nature ne peut porter. Ce qu'ils s'efforcent de prouuer par ceste sentence d'Hippocras, qu'il est plus facile d'estre rempli & soulé de boire que de manger: lesquels toutesfois me semblent grandement errer. Car par cela Hippocras denote l'humidité estre le principal remede à restabliir & restaurer les forces, parce que les choses liquides refont incontinent les personnes debilitées. Lesquelles cobien qu'elles ne nourrissent pas tant que les viandes solides, toutesfois elles les surpassent en soudaineté d'estre departies par tout le corps. Pource l'opinion de Corneille Celse est vraye, & non contraire à Hippocras. Quand, dit-il, il conuient prendre son repas, iamais se trop remplir de viande n'est proufitable, & vne trop grande abstinence bien souuent aussi est nuisante. Que s'il y a

Hippocras
Li. 2.
phor. II.

Corneille
Celse.

quelque intemperance, elle est beaucoup plus dangereuse au boire qu'au manger. En quoy il declare le boire immoderé, porter beaucoup plus de dommage au corps que le manger. Car le bruuage va incontinent par tous les conduits, & non encores digeré entre dedans les venes, & ainsi fait violence aux nerfs & au cerueau. Mais la viande demeure en l'estomac iusques à ce que la digestion en soit faite. Que si elle charge par trop la personne, incontinent sans grande peine on red gorge, ce qui n'est ainsi prompt & aisé à nature quant au bruuage. Ce dequoy nous donne euidence, que les chiens, les chats, les rats glirons, & les soris, s'ils ont deuoré quelque souppe ou quelque paste empoisonnee, incontinent la faculté de nature estant prouquee à la ietter hors, ils la vomissent sans peine, ce qui est difficile à faire és choses liquides. Qui est cause que les poisons baillez en bruuages sont plus d'agereuses que parmy les viandes. Car le venin est incontinant espandu par tous les membres du corps, & corrompt & destruit les parties vitales, principalement s'il est beu avec du vin.

Le vin enyurer d'autre forme & maniere & acoustre les gens, que la biere, godale, cernoysse.

*Comment
les nerfs
sont pro-
duits du
cerueau.*



C H A P. XIX.

OMBIEN que le cerueau soit mol & humide de sa nature, toutesfois d'ice luy sont produits les nerfs, tout ainsi que d'une quenouille, à laquelle est at-

tachée la laine ou le lin se tirent des filets: les liaisons desquels sont departies par tous les membres du corps. En sorte que de celle source les nerfs sont deriuéz en toutes les parties, comme du tronc d'un arbre les gettons des rameaux s'espandēt en plusieurs petites branches. Or par iceux tout le corps reçoit sentiment & mouuement: tellement que s'ils sont mal disposez & la partie principale d'ou ils prennent origine, soit offensée, le corps est priué de telles actions, qui est la cause pourquoy les yurongnes resuent & chācellent, pour ce que le cerueau est offusqué de grosses & espais ses vapeurs. Mais combien que toutes personnes enyurees de vin fassent dix mille folies & risees, & contrefassent les badins, si est-ce qu'il ny en a point qui fassent plus de soties, & qui plus aprestent de passetemps quand nous contemplōs leur face, leurs yeux, & leurs gestes, que ceux qui sont enyurez de biere. Car ils ne chācellent ne de tous costez: ains seulement en arriere & a la renuersē: là ou ceux qui sont enyurez de vin chācellent en auant, & tousiours tombent ou se couchent sur la face. Tellement que quand ceux-cy cheent à terre, ils se cassent & meurdriſſent les ioües, le front, la face & le nez, & les autres se froiſſēt, les espaulles & le derriere de la teste. Ce que pareillement on apperçoit quand ils sont surprins de sommeil en buuant. Car ceux qui sont enyurez de ceruoise, dorment le col renuersē en arriere, & la gorge ouuerte: la ou ceux qui sont yures de vin dorment la face & le menton encliné dans leur sein. La rai-

son est, que les fumées & vapeurs procedans du vin saisissent le deuât de la teste & les parties anterieures du corps, mais celles qui montent de la ceruolle tendent au derriere de la teste & aux parties posterieures: qui est cause que ceux-cy sont fort oublieux & tousiours endormis, & nō grands parleurs ne criars.

Les hommes de corpulēte estre aucunesfois de moindre vie que les gresles & de moindre courage resister aux maladies & les petits corps aualer souuēt plus de vin que les gros & gras, & n'en estre si tost abbatus.

CHAP. XX.



Vie les hommes gros & gras de corps soyent ordinairement flacques, & que moins vertueusement resistent aux maladies, les exemples qu'on en voit tous les iours assez en font foy. Car la grosse masse de leur corps les appesantir, & sont leurs esprits moins vigoureux & moins dispositz & eueillez. Qui fait, qu'à la moindre maladie ou indispositiō qui leur suruiēt, ils sont lasches & tousiours soufpirans & gemissans. En maniere qu'ils perdent courage & l'esprit leur deffaut. Que s'il faut qu'ils s'exposent en danger par mer ou par terre, ou que il leur aduienne quelque infortune & aduersité, soudain ils tremblent & blesmissent de peur. Ce qui leur aduiant par ce qu'ils ont vne chaleur naturelle lāguide, & les esprits petis, & le sang moins bouillant, aussi que la vertu naturelle est espādue du long & du lez, laquelle vnice & recueillie en vn

petit corps, est plus vigoureuse que celle qui est ainsi çà & là esparse. A quoy tend celle sentence d'Hippocras que ceux qui sont de grosse corpulence, sont de plus couuerte vie que ceux qui sont gresles. Aussi ceste autre, que la grande stature de corps non melleante en la ieunesse, est vne inutile charge en la vieillesse, & beaucoup pire q̃ la petitesse. Car à ceux qui deuiennent vieux le corps se courbe & se fait fort pesant & grandement facheux à porter. Parquoy combien qu'ils soyent puissans en membres & grâdeur de corps, toutefois les petites gens ont vne merueilleuse vigueur naturelle, & les facultez de nature fort viues, & en ceux se voyent plus d'excellences graces corporelles & spirituelles, & vne grande promptitude & subtilité d'esprit: si que nō seulement ils excellent ou egalent les autres en disposition d'iceluy, mais aussi en force & velocité, & en puissance de bien mager & de biē boire. Et de fait, moy-mesmes quelquefois ay veu des homes de fort petite stature & quasi vrais nains, neantmoins portans grâde barbe & tout le corps velu (qui est signe de grâde chaleur) auoir esté deffié à boire des hommes grands & puissans: ausquels (combien que nul en tels actes ne merite aucun memorable renom, & que la victoire n'en soit digne de louange) la force du vin ne fit tant soit peu de nuisance, là ou les autres estoient tellement surmōtez du vin, que estans tous estourdis d'entendement, ny les pieds ny les mains ny la langue à peine pouuoÿēt faire leur office. La cause de routes lesquelles

Hippocras
liure 2.

Aph. 44

Aph. 54

les choses gist non seulement en la grande capacité & largeur desveines & autres vaisseaux, mais aussi en la chaleur naturelle, & icelle vehemente: laquelle cuit & consume tout: pareillement en vn cerueau fort & ferme, lequel aisement ne reçoit les fumées. Tellement qu'il en prent à tels tout ainsi qu'à vn quarreau tout rouge de feu, ou à vn fer chaut, lequel est souvent arrosé d'eau: & comme aussi à vne terre fort seiche. Car soudain elles'abbrue toute l'eau qu'on luy gette sus, ou elle se perd & s'en va en vne fort subtile vapeur. En maniere que tels ne sont subiects à souvent vriner, pource que la chaleur naturelle consume tout. Or ce que l'interieure chaleur naturelle fait és hommes, le semblable fait és femmes la chair rare & poreuse molle & delicate de leur corps. Car quand celles sont vne fois accoustumees au vin, boyuent si desmesurément & outrageusement que c'est chose estrange à voir, & si tiennent bon long temps auant qu'elles puissent estre maistrisees du vin: mais pource qu'elles ont les conduits fort larges & ouuers, aussi sont elles contraintes d'uriner souvent. Ce qu'aussi a bon droit les hommes qui cognoissent leur vilanie & gourmandie, leur scauent bien reprocher pour infamie. Mais certes entre tous autres les vieilles gens ne peuvent porter beaucoup de vin. Car d'autant qu'ils sont secs de corps, & que la chaleur qui est en eux est fort debile, à ceste cause ils sont incontinent offensez par outrage de vin: la ou s'ils en boyuent moderement, il les restaure & resiouit. Parquoy

tant les vieillars que toutes autres gens, doyuent grandement estre soingneux de la santé & de bié entretenir par viandes propres & idoines, & bon regime leur chaleur naturelle : en laquelle est aussi comprinse. l'humidité radicale ; comme le vray subiect de la chaleur vitale & de l'esprit ; & comme la substance prinse de la semence : attendu que ce sont les causes de la bonne ou mauuaise disposition, & les sources de la longue vie.

Ceux qui desieuent au matin pourceu que moderement en diner apres de meilleur appetit, & estre moins offensez par le vin quoy qu'ils en beussent largement. Incidemment s'il est sain de manger beaucoup de pain.

CHAP. XXI.



LESIEURS y en a qui voulans faire abstinence demeurent sans manger iusques à midi : ce que comme point ie ne reprocue, aussi certes ie n'estime estre tous iours expediét & profitable, principalement à celuy qui a l'estomac chaut & bruslé cōme tout hōme colere, & qui est contraint de faire quelque grād labéur & tenir coup à l'œuure : ou auquel il faut estre assidu à l'estude. Car à telles gēs les esprits vitaux s'attenuent & debilitét, &

les forces du corps deuiennent flacques & languissantes. Mais en tel cas il se faut tenir à ce qu'on a accoustumé, & considerer ce que l'aage d'un chacun, le temps, la region, la complexion du corps & la coustume requierent. Car la ieunesse & la saison froide de l'annee, & la region exposee au Septentrion desirent grande nourriture, autrement le corps s'amaigrit & se consume. Mais les vieilles gens se tiennent plus long temps sans manger, & n'ont point d'appetit, combien qu'il leur soit besoing de manger peu & souvent: d'autant que comme es lampes la flamme vient à s'esteindre par trop grande quantité d'huile, ainsi la chaleur des vieilles gens par trop manger aussi se pert & consume. Neatmoins à raison que cest aage se maintient & deffend à belles dents, il a donné occasion au prouerbe, que la machoire es vieilles gens est leur baston & appuy. Car ce que la vieillesse degaste, & ce qui se pert de l'humeur naturelle du corps, elle le restaure par le boire & le manger. Parquoy tant les vieilles gens que tous artisans, & ceux qui sont addonnez à l'estude & qui exercēt quelque office publique, peuuent prendre auant midy des raisins secs, des dattes, figues, raisins de Corinthe, des pignons, pistaches, escorces d'orenges & citrons en dragee, des myrobolans cōfites en miel, ou toutes autres choses liquides qui peu chargent l'estomac, & qui sont de facile digestion. Cependant chacun doit mesurer ses forces & sonder sa complexion, & cognoistre ce qu'elle desire ou qu'elle reiette & refuse.

*Galien li-
ure I. A-
phor. 14.*

Mais sur tout ceci se doit obseruer, que nul ne s'accoustume de boire du vin de grand matin, pource que cela est trescontraire à nature. Car *Le vin* il hebete & affoiblit la vigueur de l'esprit, & de *grand* offusque l'entendement, & endommage les *matin est* nerfs. Et pource qu'un chacun à telles heures *nuisant.* s'abstienne du tout de l'vsage du vin, ou bien apres auoir mangé quelque peu de viande qu'il en boiue peu, & bien trempé. Car nature requiert bien peu de chose au matin, ains seulement d'estre soustenue & soulagee avec peu de viande, de peur que la chaleur naturelle ne perde sa force. En quoy conuient ensuyure ceux qui voulans à quelque heure determinée soudain alumer vn bon feu pour rostir ou bouillir quelque chair, premierement ils attisent quelques petites buchettes seches & de petits tisons, de peur que le feu du tout ne s'amortisse, iusques à ce que quand il sera temps ils en allument vn bon feu pour faire leur cuisine. Ainsi quand avec quelque peu de viande, en maniere de quelque amorse, l'estomac s'est eschauffé vn peu deuant, quand ce vient au disner il en a meilleur appetit, & les veines estans eslargies, elles en digerent beaucoup mieux, la ou plusieurs qui demeurent sans manger iusques au disner, n'ont aucun appetit, la chaleur estant en eux comme amortie. Ioint que les conduits par lesquels la viande doit passer estans encores clos & fermez, elle demeure à ni chemin, & plus tard passe iusques aux veines. Aussi que par tant ieu-

ner, l'estomac estant rempli de mauuaises humeurs qu'il attrait des parties prochaines, refuse la viande, & est promptement rassasié. Qui est la cause pourquoy és festins qui se font à midi, les hommes s'enyurent beaucoup plus tost, que s'ils se faisoient à heure de soupper. Car sans que j'ameine plusieurs autres raisons, la moitié du danger aux buueurs (comme dit Pline) est en la nuit, c'est à dire, en l'esperance de dormir, pource que le sommeil ayde à desenyurer. Or pource que le pain est la plus grande part de la nourriture aux hommes, & que toutes autres viandes sans luy sont fades & peu saines, à ceste cause j'ay proposé de dechiffrer en bref comment on en doit vser. Car il y en a qui maintiennent que s'en remplir & souler est fort nuysible à l'estomac, & ne porte moins de dommage que le vin prins immoderément, induits (comme j'estime) par ceste raison, qu'il demeure long temps en l'estomac & resserre le ventre. Mais quant à moy ie suis d'aduis qu'il faut en cela mettre difference & election. Car le pain de froment leué comme il faut, bien fait, & bien cuit, est tresbonne & tressaine viande aux corps sains & forts. Pource ie desire que chacun sache & tienne pour certain que toutes viandes & potages se doiuent manger avec force pain. Car ceux qui mangent peu de pain & beaucoup de chair ou de poisson, sont renduz lasches de corps, & ont la chair flaque, & l'haleine puante. Parquoy quand l'on mange du poisson, il

*Pline,
liure 13.
chap. 1.
Comme il
faut vser
du pain.*

faut aussi manger beaucoup plus de pain, à cause qu'il est subiect à soudaine pourriture. Or voyons nous que toutes viandes promptement viennent à s'empuantir & se pourrir, & que dens trois ou quatre iours si vous ne les salez, elles commencent à sentir mal, comme les œufs, le poisson, la chair, & toutes sortes de cuez & de potages: mais le pain iamais n'est subiect à pourriture, ny ne prend aucune mauuaise odeur. Vray est que s'il est long temps gardé qu'il moysit: mais point ne se pourrit. Qui est cause que ceux qui se chargent outrageusement de viandes sans manger de pain, ou bien peu, iettent vne moult grande puanteur du fond de l'estomach, & par leur forte & mauuaise haleine empuantissent tous ceux qui en approchent. Ceux donc qui s'estudient d'auoir vn corps robuste, sain, & disposé, & estre d'une bonne disposition, qu'ils mangent du pain moderelement, principalement quand ils veulent faire quelque exercice, ou entreprendre quelque labeur. Car si les fossoyeurs, les crocheteurs, les mariniers, les voicturiers, les luitteurs & les escrimeurs ne se nourrissoient abondamment de pain, ils ne pourroient durer, ny porter de si grands traiaux. Mais à ceux qui ont le corps tendre & delicat, ou qui sont maladifs, & qui ont l'estomac imbecille & les conduits petits, i'ordonne bien qu'ils vsent de peu de pain, & tels volontiers ie remets en vigueur & leur restaure les forces, avec viandes liquides, lesquelles bien tost s'en vont es vaisseaux des veines. Car

les corps d'iceux estans tendres & delicats, re-
 iettent les viandes solides. Toutes lesquelles
 choses Dauid me semble auoir tresexactement
 cognu & obserué, quand il dit: Ce liberal Pere
 de toutes choses a fait qu'il y eust de la pasture
 pour les bestes, & des viures pour les hommes
 tant malades que sains, l'huile pareillement, à
 fin que leur corps oingts d'icelle reluisent, & per-
 fumez de senteurs, se recreent: le vin aussi, à fin
 que par iceluy le cœur de l'homme se reiouysse,
 & que tout ennuy mis arriere, il soit fait gay &
 dispos, comme aussi le pain pour réforcer & sou-
 stenir la force vitale.

*La noix muguette & le corail portez sur l'homme en de-
 venir meilleur, & au contraire empiren sur la femme.*

C. H. A. P. D. O. Q. U. E. X. X. I. I. de la force de la



Que l'homme soit plus excellent
 que la femme, & sa cōditiō beau-
 coup plus genereuse, outre les
 excellentes graces de l'ame & du
 corps, dont il est plantureusemēt
 orné & illustré, aussi les choses
 inanimees, & qui ia sont depourueues de force
 vegetatiue, & plus ne croissent: Assez le tesmoi-
 gnent & le monstrent par experience. Car si la
 noix muguette est portee par l'homme, non seu-
 lement elle conserue sa vigueur: mais aussi fen-
 fle & vient à auoir plus de suc. Car puis que cel-

le d'entre elles est la meilleure, laquelle est la plus pesante, & a plus d'huile, & qui ou par estreignement ou par la pointure d'une espingle rend vne liqueur huileuse, avec vne senteur fort douce, certainement la chaleur de l'homme conserue & entretient tout cela, & qui est encore plus merueilleux, elle la rend plus belle & plus plaisante à voir, & plus pleine d'huile, mesmement si des ieunes hommes ou ceux qui sont ia en leur meur & florissant aage, la portent sus eux. Car ce *Commēt.*
qui exale des corps de tels, est si doux & si de- *liure 2.*
stable, & pour raison de la temperature de leur *Aphor.*
chaleur naturelle, l'euaporation en est si amia- 14.
ble & souueue que ladite noix l'atire à elle, & en estant abbruee deuient plus grosse & plus odorante. De sorte qu'elle se nourrit de celle vapeur aëreuse, & de celle exalation moyennemēt chaude, que ce ieune corps expire, comme de chose à elle fort familiere & approchante de sa nature. Ainsi l'on trouue par escrit que les habillemens d'Alexandre Roy des Macedoniens, rendoyent vne douce odeur, non par aucun parfum dont on les eust parfumees, ains seulement par vne propre & nayue exalation de sa chaleur naturelle. Mais pource que la femme abonde en excemens, & qu'à cause de ses fleurs elle rend vne mauuaise senteur, aussi elle empire toutes choses, & destruit leurs forces & facultez naturelles. Qui fait que la noix muguette par son atouchement deuient seche, legeré, vermoluë, & de couleur noiratre & sale, par laquelle mesme

Coral.

force elle fait aussi flectir & fanner les herbes, & esteint les bleds en herbe, & trouble la splendeur d'un miroir. La raison est semblable du coral. Car si apres qu'il est mis par petites patenostres & fort bien poli, l'homme le porte sur soy, il deuient sans comparaison plus rouge que si la femme le porte, mesmes si par succession de temps elle s'en pare & orne, il deuient palle, & perd sa naïue couleur, en partie à cause des esprits grossiers & suyeux qui sortent d'elle en partie, aussi qu'elle a vne chaleur languide, & est de froide & humide nature, lesquelles qualitez ne peuuent rien maintenir & contregarder, la ou la substance de la chaleur naturelle de l'homme est vaporeuse, douce & soueue, & quasi comme abbruee de quelque odeur aromatique. Par laquelle raison aussi la greine de moustarde rend le coral fort rouge, si l'est enfoncé dens icelle.

La plus part de ceux estre steriles ausquels la semence coule & se perd d'elle mesme, & qui se pollue, & pour quelle raison.

CHAP. XXIII.

LA pollution & descoulement de semence, que les Grecs appellent Gonorrhia, est vn si ord & sale vice, que ceux qui en estoient entachez entre les Hebreux, estoient prohibez d'etrer au temple, & deschassez de toute la com-

pagnie & frequentation des hommes. Auquel vice tant les femmes que les hommes sont subiects. De sorte que contre leur vouloir, sans aucune delectation ny aucun chatouillement de plaisir, & sans auoir le membre dressé, la semence leur vient à couler, & icelle aqueuse & deliée. D'ou aduient qu'elle est inutile a generation. Car comme le saule pert son fruiet pour le defect de chaleur qui est en luy, iette hors sa semence auant qu'elle soit venue à maturité, ainsi en ceux cy de l'humeur genitale par estre trop froide & humide, vient d'elle mesme à descouler, parce que les facultez naturelles ne peuuent parfaire icelle semence, & luy donner force d'engendrer. A raison dequoy celle humeur est du tout excrementatiue, & comme vn rude esbauchement de la semence seulement encommencee & imparfaicte, sans aucune vertu d'engendrer. Or combien que ceste indisposition prouienne de l'imbecilité des vases spermatiques, si est-ce que fils viennent à se ioindre a quelque putain infecte & contagieuse, il leur suruient vn certain autre vice treford deshoneste & dâgereux. Car vne certaine orde & sale bouë de couleur ores bleuaistres, ores toute verte, avec vne odeur trespuante, leur distile de la verge. Dont quelquefois leurs parties honteuses sont toutes rongees & cicatricees. Mais certes celle vilcine vuidange d'humeur distilante est beaucoup plus venimeuse es femmes, & est semblable à aubin d'œuf quand elle est pourrie & corrompue, par laquel-

le les parties interieures sont vexees d'une dema-
niayson intolerable, non plus ne moins que si el-
les estoient abbruuees d'alun, ou de quelque sa-
lure. D'ou procede que les verolez sont fort
paillards, à cause de l'acrimonie de celle humeur
pourrie, laquelle ils sentēt se moderer par l'acte
venerique, & qu'ils en sont beaucoup soulagez.
Si bien que pource qu'ils prennent grand plaisir
à froter leur rongne avec toutes femmes, ces
bordeliers sur toutes principalement desirent &
poursuivent celles qu'ils cognoissent bien fai-
nes & de corps biē disposés, esquelles ils respan-
dent leur ordure & corruption, & les infectent
de leur fangeuse semence, la ou eux ne peuent
prendre aucun mal d'elles.

*Les corps croistre & s'alonger par maladie; combien
qu'on mange moins, mais diminuer sur la grosseur.*

C H A P. XXIIII.



VE les ieunes enfans qui mangent
demesurément, ne viennēt à vne bel-
le & iuste grandeur, les experiences
qu'on en voit tous les iours en por-
tent suffisant tesmoignage. Car la
chaleur naturelle est estouffee & oppressee par
trop grāde humidité qui empesche que les corps
ne peuent deuenir beaux & grands. Mais ceux
qui mangent sobrement & à leurs heures ordi-
naires & riglees, point ne deuient ventrus,
ny la

ny la gresse ou la chair ne leur croit point, ains les os leur deuiennent grans & gros. Ainsy nous voyons les adolefcens & les ieunes enfans en longues maladies deuenir maigres & gresles, toutesfois croistre en longueur. Cè que ie croirois bien aduenir a cause de leur secheresse. Car à cause que les os sont secs, ils se nourrissent de l'aliment qui leur est propre & fortable. En maniere que les huments & les viandes que prend le malade venans à se dessecher par la chaleur & secheresse du corps, les os s'estèdēt en long, & croissent pour raison de ce sec aliment, mesmement quand l'homme est en celuy aage ou le corps, ainsi qu'une argille moite & extensible se peut alongir. Or a vn chacun ses certains espaces de croissance, & ses façons determinees de sa stature legitime, par lesquelles peu a peu par secrette augmentation nous venons à vne belle ou malplaisante grandeur, & celle force de croistre, par laquelle les corps s'augmētēt en longueur, raremēt s'estend outre vingtciq ans, mesmes en la plus part ne passe point le dixneuſieme an. Tellemēt que les dents qui sont arrachees passez ces ans-là, ne reuiennent point, comme aussi les os rompus & les cartilages point ne se consolident par ce que telles choses prouiennent des semences du pere & de la mere. Mais deuenir gras & en bon point, ne se fait par certains espaces de temps, ains seulement selon la nourriture quand on est bien & grassement nourri. Ce qu'aduenir pareillement

en l'aage meur & rassis, ou qui a ia commencé a decliner. Car combien que quelqu'un soit fort & bien nourri, pour cela le corps ne deuient point grand, ains seulement gros & ventru. Car autre est la faculté par laquelle le corps est nourri, & autre celle par laquelle il croit, celle s'employant apres l'abondance de la nourriture, & ceste autour des os, des nerfs, des cartilages, & c. lesquels venans à croistre & à s'alôgir, aussi l'animal croist, combien qu'il s'amaigrisse & deuienne quasi tout sec. Nature donc pour alonger les os, d'ou vient la grandeur de la personne, vse de la force de la chaleur par laquelle elle desseche quelque peu les humeurs, & accommode les alimens à nourrir les os. Car l'accroissement ne se peut parfaire sans abondant nourrissement. De sorte que depuis que l'animal est engendré, il demande de croistre iusques à la vigueur de son aage, & de s'amplifier en longueur, largeur, & profondeur. Puis à celle fin qu'il dure & se continue le surplus du temps de sa vie, la nourriture entretient, & fait son office de restaurer ce qui s'est exalé & euaporé, & que la qualité de l'air peut auoir consumé, combien que sans rendre le corps ne plus gros ne plus grand. La vertu donc & la faculté accroissante est celle qui comme de cire alonge les os des febricitans par la chaleur & vertu de l'excrement spermatique, laquelle en la vigueur de l'aage est à ce faire forte & vertueuse. Que si les adolefcens & ieunes enfans des le berseau s'accoustument au lait, &

soyent adonnez à forces exercices, sans doubte ils deuiennent de moult belle taille. Car par boire ainsi du lait, les os sont nourris, a cause qu'il approche fort de la semence. Pareillement le sang elabouré & bien cuit, comme les nerfs par vsage des fruiets, & la chair par boire de l'eau. Ce qu'on peut apperceuoir és bœufs, lesquels deuiennent gras par boire force eau, & paistre l'herbage humide. Mesmes les Flamens, & principalement les Holandois, deuiennent si estrangement gras par le bruuage de ceruoise, que le menton leur pend iusques sur la poitrine, &

Le ventre leur croit gras d'un bon pied & demi.

Si la saignée est plus propre auant le repas ou apres. Et si il fait bon dormir sur icelle.

C H A P. XXV.



VEL profit & vtilité la saignée apporte au corps humain, & quel secours les hommes tant sains que malades reçoient d'icelle, & à qui & en quel temps il la faut ordonner. Ce seroit chose superflue le deduire icy, puis que chacun le pourra entendre de quelque bon & fidele Medecin, & non d'une ie ne sçay quelle & vulgaire coustume, que certains brouillons ont amenee. Or combien qu'innumerables questions se mettent en auant sur ce propos, neantmoins ie le depeschera y en brief, sçauoir s'il est bon de sai-

gner les personnes à ieun, ou apres auoir mangé. Premièrement pource que i'en voy plusieurs trembler de crainte quand on leur veut piquer la vene, pour euitier qu'il ne leur prenne vne défaillance de cœur, comme quelquefois il aduiét, ie suis d'aduis qu'on leur donne quelque peu à manger, avec vn bien peu de bon vin pur. Car i'en ay veu bien souuēt lesquels estans euanoysz demouroient longuement sans soy mouuoir, & à grande peine avec parfums & senteurs, & continuelle friction, reuenoient de pasmoison. Ioint qu'à ceux qui sont à ieun, le sang ne sort abondamment, ains fort laschemēt & peu à peu, mesmes quelquefois ne sort point du tout, pour autant que nature embrasse euidamment ce tresor de vie, & ne permet point qu'il sorte, comme celuy auquel elle sent bien que gist la plus grande vertu de l'esprit vital, de laquelle si elle vient à estre priuee, adonc tout le corps languit, & ne peut icelle exercer ses actions. Mais quand on leur baille quelque peu à manger, & par vne moderee agitation du corps le sang est excité à sortir, alors plus promptement il vient à se desbonder & yssir hors en abondance. Car par le boire & le manger, & par l'exercice moderé, les esprits sont renduz dispos & esueillez, & le corps par tout abbraué de sang, prent couleur plus belle & plus vive. Venons maintenant à demesler l'autre question, à sçauoir si apres la saignée il est bon de dormir. Quant à moy certainement ie ne iuge pas estre tousiours bon pour la santé de dor-

*s'il est bon
de dormir
apres auoir esté
saigné.*

mir sus le mijour en tēps d'Esté & au Printēps, finon que quelqu'un l'ait ainsi accoustumé, ou que par la chaleur ou travail de chemin, il se treuve fort las, ny aussi ie ne treuve sagement fait, de s'endormir incontinent après avoir esté saigné mesmement si on a l'estomac plein, ou qu'on soit gras & replet. Car il y en a qui après s'estre fait tirer du sang, ont opinion qu'il faut qu'ils se restaurent les forces. Et pour ce boyuent du meilleur & à bon escient, dont estans renduz endormis, non sans grand preiudice de leur santé, se mettent à reposer. Car le cerueu se remplit de grosses & espaisles vapeurs, & les venes quelquefois sentent tellement, que l'incision s'ouure, & le sang de rechef sort au grand dommage de la santé. Ce que ie suis memoratif estre *Exemple* aduenu en nostre pais, a vn personnage d'auto- *d'un qui* rité, lequel le quinzieme iour de May qu'estoiet *par dor-* les rogations, comme il se fut fait saigner, quand *mir mois-* vint au disner, il beut tout son saoul, & se rem- *rut.* plut d'aillz nouueaux, a la mode accoustumee, puis apres midi ayant la teste toute remplie de fumées, premièrement il fut oppressé de sommeil, puis de la mort. Parquoy qui veut bien prouoir à sa sâté, faut qu'il viue fort sobremēt le iour qu'il aura esté saigné, & tant qu'il luy sera possible qu'il se garde de dormir. Que si le sommeil tellement l'assaut quel bon gré malgré il soit contraint de dormir, & que ia il commence à cligner les yeux, & n'y puisse plus resister, qu'il s'efforce tant qu'il pourra de le differer, inques à

ce que l'esmotion & agitation du sang soit rassise, ce qui a accoustumé de ce faire demie heure apres, & lors il peut reposer & dormir à son aise, & desserrant la partie où l'incision a esté faicte, se recliner la teste sur le cuissin à demi renuersé, s'il est facheux de dormir assis. Que s'il prolonge le somme plus de deux heures, il le faut esveiller, de peur que les esprits ne s'appesantissent, & que le corps ne soit par tout enuahi de tenebreuses fumées, qui est cause qu'ils veulent tousiours vomir, & que mal aisement ils se peuuent garder de bailler.

Que l'art physiognomique, c'est à dire, de cognoistre par signes du corps, les meurs ou inclinations de l'ame n'est pas à reprobuer. Et les témoignages de l'escripture sainte, ne ce qu'il y conuient principalement observer.

CHAP. XXXI.



LESIEURS arts ont accoustumé d'estre tenuz pour illiberaux, & moins nobles, par ce qu'ils semblent estre fondez en mensonges & tromperies, aussi que les experiences en sont facheuses & penibles : mais certes la Phisionomie, laquelle par la face, par les yeux, par les lineamés, & par tout le maintien & contenance du corps, comprend & cognoit à quoy l'esprit est enclin,

ne doit estre mise en ce reng, comme celle que ie voy auoir esté studieusement obseruee & pratiquée par de treslouables personages. Or combien qu'il n'y ait partie du corps tant petite, tant vile & abiecte soit elle, qui ne donne quelque signe du naturel que l'on est, & à quoy l'esprit volontiers s'adresse, si est-ce qu'entre toutes autres signes & marques, celles sont les principales qui apparoissent en la face & en la care, & au regard des yeux, comme celuy qui est le trescertain indice & decouurement de l'esprit. Car en iceux & en l'exterieure geste du corps, se demonstrent la haine, l'ire, l'indignation, la paour & frayeur, l'esperance, la ioye, la modestie, l'arrogance, la ialousie, l'auarice, l'enuie, & toutes autres passions interieures de l'ame. Ainsi Dieu regardant Cain tout triste & d'un cœur failli & abbatu. Pour quelle cause, dit-il, es tu fasché & courroucé? & pourquoy est ton visage changé? Pareillement Ioseph voyant ses compagnons prisonniers fort tristes, leur demanda: Pour quelle raison sont auourd'huy vos faces plus tristes que de coustume? Car il voyoit biē qu'ils auoyent conceus en leurs esprits quelque chose de mauvais presage, dont ils faisoient apparoistre certains indices en maintien. A quoy tend ce passage d'Esaye. Ce qu'on cognoit à leur face respond à leur cœur. En quoy il denote les hommes peruers se pouuoir cognoistre à la contenance. Car la face denote de quelle malice ils sont pleins, que c'est qu'ils pensent & qu'ils ma-

Gene. 4.

Genes. 40

Esaye, chap. 3.

chinent & où tend leur meschante entreprise.
Pseu. 34. Plusieurs tels passages se treuvent dens David & dens Salomon, par lesquels il reprent la malignité d'aucuns, & l'exprime au vif par leur front, par leurs sourcils, par leurs yeux ça & là iettez de trauiers, par la morsure de leurs leures, par le refrognement de leur nez, par leurs iouës grosses & enflées, par leur marcher arrogant, par leur mauuaise contenance, & par leur visage & guignement menassant. Dont le sage dit. L'homme depraué & inique chemine avec vne bouche peruerse, il fait signe de ses yeux, il frappe du pied cōtre terre, il parle par ses doigts, & par vne peruersité de cœur il machine mal, & tousiours seme noises, & debatz. Mais en ceux qui sont d'un cœur doux & bening, toutes choses denotent comment ils sont bien naiz, leur droite contenance, leur marcher, leur coucher, leur face, leur yeux, le mouuement des mains, si qu'il n'y a rien qui ne tende à honnesteté. Tellement qu'en leur visage reluit vne sagesse, vn honneur, vne bonté, & toutes autres vertus. Or combien que tout ne responde iustemēt aux prelagés de ceste science, & que plusieurs choses aduiennent tout autrement que les marques qui se treuuent és membres demonstrent, soit par la nourriture & instruction qu'on a eue, ou par l'industrie de pere & mere, ou bien par quelque diuine inspiration, toutesfois la plus part se trouuent vraies, & sortissent leur plain effect. Ainsi ordinairement nous voyons qu'en ceux qui sont marquez de quelque

apparente marque, l'art se trouue vray. Car quád la fäute gist en quelque partie principale, semblablement aussi l'esprit en sent quelque incommodité, & ne peut droitement exercer ses opérations. Si bien que ceux qui sont bossus, moyennät que ce soit par nature, & non de quelque inconueniēt casuel, sont volontiers mauuais & malicieux, parce que le cœur, qui est la fontaine & source de toute la vie, communique à telle deprauation. De ceux cy approchent les louches & bigles, les borgnes, ceux qui ont la veüe fort courte, qui ont les yeux cillans & fretillans, & qui regardent de traüers, pource que nature a defaillý en quelque chose au cerueau. Mais les sourds, les muets, les begues, & ceux qui fourchent de la lāgue, & qui à cause de l'imbecilité des muscles & des nerfs, hefitent en parlant, point ne sont du tout exempts de vices, combien qu'ils ne soyent grandement à reprendre. Car d'autant que le membre vicié moins est noble & genereux, d'autāt aussi les parties principales moins sont endommagees. Que si quelque tare du corps est voisine du cerueau, ou du cœur: l'ame pareillement, & la raison en reçoýuent quelque vice: tellement qu'ils en tiennent quelque imperfection: & mesme bien souuent le iugement extrauague en grandes reueries. Qui est cause que les facultez animales ne peuuent bien parfaire leurs offices. Or n'est-il pas tousiours de necessaire, & ne s'ensuit pas que la sequence de la nature de l'homme, ses mœurs, ses façons de faire, les inclinations des esprits, & les

complexions se doyent accommoder aux marques exterieures, ny mesurer selon les lineamens & signes du corps: à raison que les hommes font & pensent souuent maintes choses, & conçoüēt plusieurs cas en leur entendement dont ne se manifeste par dehors aucun signe, ny le moindre indice, quelconque pour lesquels on les peut deuiner. Et de vray, quelcun peut biē estre d'un corps grand & enorme, & auoir les membres tors & contrefaits, qui toutesfois est homme de bien, & propre à excellens arts: comme aussi au cōtraire il peut biē aduenir, que quelcū soit d'un corps beau & bien formé, & fort honneste en tous ses gestes, lequel neantmoins est fort mal moriginé, & de vie abominable. Parquoy ne conuient outrager ny iniurier personne pour aucun vice que ce soit, ny aucunement se moquer des bossus, des bigles, des boiteux, ny de ceux qui ont les iambes torses, ou qui sont piébots, veu qu'ils voudroyent bien tels vices de nature estre changez en eux, & estre mieux formez de corps. Toutesfois il y en a de telles gens, qui incitent eux-mêmes les personnes à les brocarder, pource qu'elles en ont trouué aucuns d'eux estre trompeurs & abuseurs, fins & cauteleux, grands canseurs, & pleins non seulement de fales & ordes plaisanteries, mais aussi de broquars & mots piquants, cōme sont quasi tous ceux qui ont les parties musculieuses & nerveuses gastees, tellement que le cerueau, qui est la source du mouuement & du sentiment, & le cœur qui est la fontaine de l'ame

vitale & de l'esprit, par vne certaine correspon-
 dance sont en diuerses sortes esmeus, si bien que
 les vices exterieurs changent les facultez inte-
 rieurs, & les incitent à diuerses operations. A ce-
 ste cause de ceux qui sont ainsi marquez de quel-
 que notable marque, est venu le prouerbe: Garde
 roy de tout homme marqué. Par lequel les gens *Qu'il se*
 experimentez & biē versez es choses humaines, *faut gar-*
 denotent qu'il faut fuir l'accointance des mes- *der de*
 chans, pource que par experience frequente ils *ceux qui*
 cognoissent que telles gens sont grans trōpeurs, *sont mar-*
 & pleins de toutes ruses & finesesses. Mais pource *quez.*
 que les boiteux sont fort paillards, & qu'ils ont le
 membre merueilleusement long, de là est venu le
 prouerbe, Que le boiteux se monstre homme à
 bon esciēt. Car toute la nourriture qui estoit de-
 stinee au pied boiteux, s'arreste aux parties geni-
 tales, & se conuertit en semence.

*Lequel est plus sain de dormir la bouche ouuerte ou
 close & les leures serrees.*

CHAP. XXVII.

Ly en a beaucoup qui sont d'opiniō q̃
 dormir la bouche ouuerte soit chose
 saine, pource qu'aussi les fumees sor-
 tent plus à leur aise, & l'haleine de
 l'homme à son issue plus libre & plus à plaisir, &
 si n'en sent pas si tost mal, veu que ceux qui tou-
 te la nuit dorment les leures serrees ont volon-

tiers la bouche & l'haleine puante. Mais quant à
 moy, ie suis d'aduis contraire c'est à sçauoir que
 comme coucher sur le dos nuit au polmon & au
 diaphragme, estant cause qu'ils deuiennent en-
 fliez par les humeurs qui s'y arrestent: ainsi dor-
 mir la gorge ouuerte est fort contraire & incom-
 mode à la santé. Car d'autant que le polmon est
 fistuleux & plein de concauitez, il attire abondam-
 ment par l'artere vocale tout l'air qui se rencon-
 tre: lequel communement de nuict est fort im-
 pur & trouble: duquel les conduits par où l'on
 respire estans vne fois abbrueez, ou ils rendent la
 voix rauque, ou la rendent sourde & foible. La
 ou si on ferme la bouche, adóc l'air exterior peu
 à peu, & non en excessiue quantité, entre d'un co-
 sté & d'autre par les narines, & s'en va au polmō,
 où il attrempe la chaleur du cœur. Qui est cause
 que ceux qui dorment les leures serrees, se trou-
 uent moins alterez. Car à ceux qui dorment le
 gosier ouuert, à cause de l'haleine qui abondam-
 ment entre & ressort, la langue & le palais deuiē-
 nent sees: tellement que toute la nuict ils deman-
 dent à les arroser. Car combien que ceste opinion
 se puisse prouuer par plusieurs fortes raisons, il
 n'y en a point toutesfois de plus peréptoire ny de
 meilleure, que la digestiō se fait beaucoup mieux
 en l'estomac si quelcun dort la bouche close, à
 cau e que la chaleur naturelle se cōserue mieux,
 & plus validement cuit la viande. Tellement que
 ainsi la chair se cuit beaucoup plustost si l'on tiēt
 le pot couuert de son couuercle, pource qu'il n'en

fort aucune chaleur ne vapeur: ainsi la chaleur au corps humain estant serree & retenue, cuit plus promptement la viande. Parquoy à ceux qui sont d'estomac imbecile, & ceux qui sont souuēt tourmentez de la toux & du hoquet, ie conseille de retenir souuent leur haleine. Car par ce moyen la chaleur est refucillee & le mal passe. Toutesfois quand toute la nuit ils ont dormi la bouche close, & que la concoction est acheuee, ie suis aussi d'aduis, que par coussir & esternuer, par cracher & se moucher, ils chassent hors les fumees & vapeurs qui occupent encores les conduits.

*Les maudissions des pere & mere sur les enfans aucune-
fois sortir à effect: comme aussi les benissions qui leur
font succeder toutes choses à heureuse fin.*

C H A P. XXVIII.



A nature des hommes, comme despouillee de toute humanité, est tombee en vne si grande bestialité, qu'ils sont cruels nō seulement enuers ceux qui ne leur attouchēt de rien, mais aussi enuers leurs propres enfans, ausquels ils deuoyent desirer & pourchasser tout bien. Et de fait, qui est celuy qui par les rues & par les carrefours ne oye tous les iours des parolles execrables, par lesquelles inhumainement ils souhaitent à leurs enfans toutes maledictions? desquelles suis me-

*Platon au
liure 7.
des loix.*

moratif en auoir veu plusieurs leur aduenir, iusques à les voir venir à mal-heureuse fin. Pource Platon iuge rien plus dangereux aux enfans que les maledictions de pere & mere. Car quand les ieunes enfans voyent ainsi leurs pere & mere se enflammer en colere contr'eux, & leur dire des iniures abominables, ils s'effrayent & espouuantet, ils tremblent & s'esmeuent tout, tellement que ainsi troublez de paour, ils tombent ou en spasme ou en epilepsie, ou entrent en quelque rage & fureur, & perdent le sens & entendement. Car en tels l'emotion & intemperament des humeurs & des esprits se cause si grande, que les organes des sens perdent leur force, & toutes les facultez de l'ame sont changees & renuersees. Dont aduient qu'enon seulement ceux qui sont en l'age encores tendre, mais aussi qui sont ia grands & plus aagez, lesquels ont vne crainte & reuerence enuers leur pere & mere, par vn soudain estonnement d'esprit, comme s'ils estoient atteins de foudre, perdent le sens & la raison, & en leur corps sont grandement offenze. Pource les anciens Hebreux, qui auoyent de coustume de benir leurs enfans & leur souhaiter toutes choses prosperes, & qui tant en la maison que dehors, non par l'aide & faueur de fortune, mais de Dieu seul, souloyent leur desirer tout heureux euenement, auoyent aussi ceux de la ieunesse fort bien disposez de corps & d'ame, & consequemment si bien instruis, que les enfans religieusement honoroyent & reueroyent leurs pere & mere, & humblement leur

*Platon au
liure 7. des
loix.*

Genes. 27

obeïssoyent, & mesmes avec prieres, & beau langage, & par tous seruices, tachoyent d'auoir leur benediction, parce qu'ils auoyent celle confiance, que par ce moyen ils seroyent preseruez & garantis des maux qui leur pouuoient aduenir, & qu'à laide du Dieu souuerain, auquel tant eux que leurs peres, adressoyent leurs vœus, ils pourroyent en toute assurance soy maintenir contre tous dangereux accidens & incommoditez de ce monde.

Pourquoy selon le dict commun quasi nul par maladie loingtain voyage ne deuient pas meilleur & n'amende sa vie dauantage.

CHAP. XXIX.

LY a en Flandres vne certaine opiniõ de tout tẽps enracinee, par laquelle ils ont accoustumẽ de reprocher à ceux qu'ils voyent en conualescence de maladie, cest à sçauoir que nul par quelque longue & dangereuse maladie qu'il ait eue, ny par aucun voyage loingtain n'amende gueres. Ce qui est certain aduenir ainsi bien souuent. Car la nature des hommes est telle, que par quelques griefues maladies que elle ait esté affligee, par quelque dangereux peregrinatiõ qu'elle ait esté tourmẽtee par mer & par terre, si tost qu'elle s'en voit dehors, elle oublie tout cela, & continuẽt les hõmes à viure plus desordonnement: en maniere que leur vie ensuyua- Mat. 12.

*Doctrine
diuinemēt
inspirée.*

re est pire que la première. Ce qui me semble aduenir de ce que l'on tient bien peu de conte d'instruire l'ame en l'amour de Dieu, en la confiance qu'on doit auoir en luy, & en la cognoissance de sa doctrine, à laquelle la raison & la volonté se doit soubmettre, & se doyuent reigler toutes actions, comme celle qui tire hors toutes erreurs, & toutes mauuaises passions qui sont en nous en racinees. Car par tel moyē nous nous retirōs des vices que nous auōs abominez durant nos maladies, & les grands dangers : autrement ces belles promesses de s'amender à l'aduenir, & plusieurs autres choses, auxquelles par parolles & vœus nous obligeōs, sont fausses & de nulle valeur: veu que dés que nous sommes remis en nostre première force & santé, nostre nature s'en retourne à ses mœurs peruerfes, & ne se peut changer. Parquoy, la bonne maniere de viure que nous conceuons en nostre entendement, ne peut venir à effect par aucun autre moyen, que par la doctrine celeste & l'esprit diuin: lequel si apres que nous sommes deliurez de maladies, reside encores en nostre esprit, mal aisement nous retirerons du propos que nous auons conceu de mieux viure, lequel nous fons vne secrette inspiration diuine la douleur auoit arraché de nous, ains constamment y persisterons, combien que plusieurs choses nous sollicitent de nous en distraire. A ce propos se treuve vne moult belle epistre de Pline le ieune par laquelle il confesse, auoir esté admonnesté par la maladie d'un de ses amis, que nous sommes tous
bons

Pline li. 7

.11. 7. 11.

bons quand nous sommes detenus malades au liect. Car qui est le malade que luxure pourroit embraser, ou qui pourroit estre sollicité d'auarice? Il n'est certes point lors addonné à paillardise, il n'est point sur l'ambition, il ne tient compte des richesses, il n'y a aucune fierté & arrogance en luy, ains se delibere du tout & resoult de viure vertueusement & sainctement s'il aduient qu'il en eschappe. A ceste cause prenant de là occasiō d'admonnester son dict amy, commande tant à foy qu'à son dict amy, qu'ils continuent a estre tels en santé, que durāt leur maladie ils se proposent d'estre à l'aduenir. Lequel enhortemēt me semble bon & sainct: mais il ignoroit, & n'a peu demonstrier, par quel moyen, & à l'aide dequoy, cela se deuoit faire. Car si nous ne sommes fortifiez par la puissance de Dieu, & par sa doctrine, veritablement à la moindre occasion qui se presente nous retombons en nos premieres erreurs, & la conuoitise des choses de ce monde nous transporte ailleurs qu'à vne integrité & innocēce de vie, & à bonnes mœurs. Pource qu'un simple mouuement humain, & non vne vraye foy, ne ferme doctrine fondee en la parole de Dieu, a tiré de nous à force ces belles promesses & deliberatiōs. Que si quelcun en demande raison naturelle, certainement ie n'en voy point de plus profitable, sinon que quand l'on vient à estre gueri, tous les bons compagnons & grands raillars, viennent visiter le malade pour dire le petit mot de gueule, & le refiour, & cependant l'inciter de nouveau à toute

folie deduiet & plaifance à excez, à vilanie, & à routes delices & voluptez: puis que de là à banqueter & faire des chappelets les vns apres les autres, en refiouiffance de ce qu'il eft retourné en fanté, ou bien fouuent fe difent des chanffons grafes & ordes, & fe voyent de chofes qu'on a honte de dire. Toutes lesquelles chofes & plusieurs autres aifement conuertiffent l'efprit peu raffis, & cōme encores chancelant & ne fachant qu'il fait, en vne condition beaucoup pire que deuant. Ioint que les viandes delicates & delectables par l'augmentation des humeurs aiguillonnent les reins, & chatouillent les parties honteufes.

Quelle force & vertu ont les pierres precieufes & autres qui font tirees de la terre, & de la mer, ou des corps des beftes & par quelle raifon elles ont quelque effect.

CHAP. XXX.



QUE les pierres precieufes & autres, moyennant que point elles ne foyent fauffes & artificielles, ayent certaines vertus & effects, la raifon & l'experience le demōftre. Et pource l'anneau porté au doigt, le brasselet au bras, & le carquant au col, enrichi de pierrerie, non moins belle que vertueufe, refiouit fort la veuë, & fi porte au corps vne certaine force falutaire, non seulement par

vne secrette propriété, que selõ l'opinion de Mar *Marcile*
 file Ficin, elle reçoit des estoilles, mais aussi par v- *Ficin.*
 ne vertu & subtile exalation qui sort d'elle insen-
 siblement, par laquelle elle recree les esprits vi-
 taux. Tellement qu'ainsi que ces mesmes pierres
 deuiennent obscures par l'air qui les environne,
 & s'abbruient de certaines grossieres exalatiõs,
 aussi elles gettent hors vne force subtile & inui-
 sible. Car combien que ce soit vne chose solide,
 toutesfois la chaleur naturelle de la personne,
 l'attouchement, & le frottement, attire la force
 qui est en elles, & la communique au cœur & au
 cerueau. De sorte que i'ay veu vne turquoise sou- *Turquoise*
 uent se changer, & deuenir palle, & perdre sa cou-
 leur nayue, quand celuy qui la porte est languis-
 sant ou malade: puis derechef quand & le corps
 reprendre sa vigueur, & suyuant le temperament
 de la chaleur naturelle de la personne, represen-
 ter sa plaisante couleur cerulee, c'est à dire telle
 qu'est la couleur du ciel clair & serain. Brief il ny
 a quasi pierrerie qui ne se change, si l'homme est
 intemperant. Car lors sa vertu nayue se pert, &
 tout son lustre s'offusque & se salit. Si bien que
 ceux qui se souillent en adultere, & honnissent le
 liët legitime & nuptial, ou qui se veautrent avec
 toutes femmes, iamais ne portent pierres qui
 soyent belles & nettes, pource que elles attirent
 quelque vice de tels corps puants qui exalent
 leur venin, & ainsi les infectent, comme les fem-
 mes souffrans leurs fluxurs tachent & gastent vn
 mirouer net & poli. Que si les pierres precieuses

Moyse. n'auoyent aucune vertu ny aucun effect, *Moyse*
Exod. 28. n'eust si songneusement & expressement com-
 mande que le vestement du grand prestre, qu'ils
Ezechiel. appelloyent Rational, fut enrichi de douze pierres
 precieuses, desquelles aussi Ezechiel & saint
 Iean en son Apocalypse ont fait ample mention.
 Esquelles il a voulu non seulement l'ornement
 d'icelles, & la beaute de leurs couleurs estre con-
 templees, mais aussi leurs merueilleuses vertus, &
 leurs diuers effects. Desquelles, à cause que plu-
 sieurs autres ont suffisamment escrit, selement
 icy ie toucheray les pierres qui se tirent des corps
 des bestes terrestres, des oiseaux, & des poissons,
 dont la plus part se treuuent en l'estomac, aucunes
 aussi en la teste, sur le commencement de l'Au-
 tonne, lors que la Lune croit, il se tire vne petite
 pierre du ventre de l'arondelle, ditte du nō de l'oi-
*Chelidoi-*seau, Chelidoine: laquelle a vne fort prompte force
ne. & vertu contre le mal caduque, à raison que grā-
 dement elle dessaiche & consume l'humeur glu-
 tineuse, qui cause celle maladie. Car l'arondelle,
 de laquelle la fiante auoit osté les yeux à Tobie,
 est de chaude & saiche nature, qui est cause qu'es
 lieux voutez elles pendent & attachent si artifi-
 ciellement leurs nids avec terre molle & humi-
 de. Car leur attouchement elles dessaichent l'hu-
 meur, & font endurcir la bouë. Parquoy les me-
 decins font quelquefois des cataplasmes, d'icel-
 les, & ont experimenté la poudre d'icelles brus-
 lees, estre de merueilleux effect à oster les gouë-
 tres, & les enfleurs de la squinancie. Semblable-

ment les limaces & les grands escargots ont de *Pierres*
 petites pierres blanches, longuettes, raboteuses, *trounees*
 & creuses par le bas, tirees de leur teste, ie regar- *és limaces*
 de volotiers à cause qu'elles font vriner ceux qui
 ne peuuent auoir leur eau qu'à grande peine, &
 rendent les conduits de l'vrine doux & glissans, si
 mises en poudre on les donne à boire en vin. Car
 ceste maniere de pierre s'engendre d'une liqueur
 glueuse & glissante qui facilite la vuidange des
 humeurs. Par laquelle raison aussi telles pierres
 aidēt à enfanter, faisans eslargir les lieux & mieux
 ouurir la marris. Que si vous en mettez vne ou
 deux sous la langue, elles ont vne merueilleuse
 vertu à attirer la saluie. Et pource, à ceux qui sont
 alterez & qui ont communemēt la gorge saiche,
 i'ordonne qu'ils en portent en la bouche, à cause
 qu'elles rendent la langue fort humide, & estan-
 chent la chaleur & la soif. Ce que fait pareillemēt
 le cristall, si souuent trempé en eau froide il est
 mis en la bouche. Semblablemēt aussi d'entre les
 herbes, le pourpié, le concombre & la ioubarbe.
 Les crapaux aussi portēt vne pierre qui quelque- *Pierre cra*
 fois represente la forme de son animal, mais il *paudine.*
 faut qu'ils soyent bien vieux, & qu'ils ayent de-
 mouré longuement cachez dedans de cannes &
 roseaux, ou dans de buissons & halliers, auant que
 la pierre se forme & procree en leur teste, ou
 qu'elle puisse auoir quelque grosseur. Or ha la
 maison des Lennes vne de ces crapaudines, qui
 passe de grâdeur d'une noysette, laquelle i'ay par
 plusieurs fois esprouuee oster les enfleures pro-

cedans de la pointure de quelques bestes venimeuses, si on les en touche ou frotte. Car elle a la mesme nature que le crapaut, d'attirer à soy le venin & le consumer. Tellement que si vne souris, vne araigne, vne mousche guespe, escarbots, ou rats, ont piqué quelcun en quelque endroit du corps, soudain ceux de nostre país ont leur refuge à ce remede, si que mettans celle pierre sus le lieu ou l'on a esté piqué, la douleur passe, & l'enflure s'en va. Il y a aussi plusieurs especes de poissons, en la teste desquels se treuuent de fort dures pierres: cōme au loup marin, au poisson dit Piedcarpe, au brochet de riuere, au Muge, & en ceux dont il se pesche si grande quantité à Calais durant l'hyuer, que les flamens appellēt en langage du país Scheluishts, pource qu'ils ont la peau fort aspre & couuerte d'ecaille. Car ceux qui sont appelez Asnetons, pource qu'ils sont de couleur cédree, & ont la forme d'un asne, dit vulgairement Cabbelian, ont esté trouuez n'auoir aucune pierre. Toutes lesquelles especes de pierres de poissons estans mises en poudre & donnez à boire en vin appaisent la colique-passiō, & brisent en bien menue grauelle la pierre qui tient aux reins, non seulement à cause de sa pesanteur, ainsi qu'aucuns estimēt, mais aussi par vne certaine force naturelle par laquelle elles dissipēt & dechassent l'amas des humeurs. La pierre aussi triāgulaire qui se treuue en la teste de la carpe estāche & arreste le sang qui coule par le nez, à raison qu'elle est fort astringēte, ce q̄ manifestemēt vo' pouuez sētir au goust

Des euenemēs des songes & quelle consideratiō on doit auoir à les obseruer & y adionster foy. CH. AP. XXXI.

POURCE qu'anciennemēt les hommes par vne incroyable superstition & vanité souloyent prēdre garde aux songes, & y adouster foy, à ceste cause ce tres-bon & sou *Au Leni.*
uerain Dieu, lequel ne veut point qu'ō employe *chap. 29.*
le temps & la peine en vain es choses fausses & a- *Au Den.*
busiues qui troublent le repos de l'ame, à defendu *chap. 13.*
la curiosité de les obseruer, & en controuuer des
expositions totalemēt friuoles & incertains eue-
nemens: à cause que par tels abus aucuns oubliēt
& laissent Dieu, & s'addōnent au seruice des dia-
bles. Que si en dormant Dieu resueille nos entēde-
mens, autremēt endormis, à chercher sa volōté, &
engraue en nos esprits choses salutaires, & qui s'ac-
cordēt à sa parole & à sa doctrine, cela nous doit
estre de grād pris & estime, & le deuons receuoir
en tres-grāde reuerence: puis par telles choses il
nous fait entendre ce qu'il demande de nous, &
qu'il veut que nous fassions, tant en ce qui cōcer-
ne son hōneur & gloire, que le profit de nous &
de nostre prochain. D'auantage, il nous est loisi-
ble sans qu'aucune loy le defende, de sonder &
observer ceux qui gisent en raison des choses na-
turelles, de maniere toutesfois que nous ne nous
y fondons trop obstinement, attendu que bien
souuent les coniectures ne sortent tousiours l'ef-
fect qu'on desire. Car les imaginations & les si-
mulachres qui en dormant se presentent en l'e-
sprit, sont causez par la concurrence & agitation

*Cicerō au
liure de la
diuinitio*

des esprits & des vapeurs : lesquelles estans grosses & espaisſes & en grande abondance , ou il ne se conçoit aucun ſonge au cerueau , ou bien il les diſcerne & en iuge conſuſement & obſcuremēt, aiuſi qu'ēs yurongnes , ou en ceux qui laſſez de quelque grand trauail ſont oppreſſez de profond ſommeil , eſquels le plus ſouuent les ſonges qui leur aduiennent ſont tumultueux , pleins de troubles , & obſcurs . De fait (ainſi que Ciceron , ſuyuant l'opinion de Platon) diſpute fort doctement quād celle partie de l'ame qui eſt participante de raiſon , eſtant aſſopie de ſommeil eſt comme lan guiſſante , & que l'autre partie par boire & manger immoderé , eſt cōme toute eſtourdie & eſtonnee , adonc ſe preſentent certaines viſions hideuſes & eſpouuētables , cōme ſembler qu'on ſe batte avec quelcun , qu'on occit quelques beſtes ou quelque hōme , & qu'on fait pluſieurs choſes meſchamment , & avec vne folle audace & imprudence . Mais ceux qui apres leur ſobre repas , alors la s'en vont dormir , adonc celle partie ou giſt la raiſon & le cōſeil eſtant diſpoſee & deliberee , & le corps par deſſaut de manger n'eſtant rendu trop foible , ny auſſi par trop grande repletiō ſurchargé , il aduiant que l'eſprit tout gay & deliberé ſe rend prompt à ſonger , & lors ſe preſentent des viſions plaiſantes paiſibles & vrayes . Tellement que quand le corps eſt endormi , l'homme vient à diſcourir & ramenteuoir ce à quoy il a eſté occupé & intentif de iour . Ce que Claudian par ces vers elegans demonſtre aduenir à toute perſonne ſelon l'eſtat dont il ſe meſſe .

Claudian

*Tout tant qu'au iour faisons, le sommeil doux amaine, Claudian.
De nuit en noz cerueaux de rechef le ramene,
Pendant que le chasseur tout las au lit repose,
Son esprit est au bois qui de chasser dispose,
Les iuges à leurs plaids, les charretiers de mesme
Après leurs chars roulans tousiours sengent, pleins
d'esme*

*Ainsi tout endormis sont en peine & souci
Que leurs chariots chargez hurtent, versent aussi,
L'amant est tout ioyeux de iouyr de s'amie,
Le nautonnier échange & troque à belle enuie
Toute sa marchandise, & l'auaricieux
Après estre esueille cherche & quiert de ses yeux
Richesses & tresors qui si soudainement
Eschapees luy sont à son reueillement,
Ainsi en mon endroit sus la minuit paisible,
Et l'estude & l'amour des Muses au possible
Me viennent à tous coups au lit solliciter,
Et en des sortes mille aux lettres m'inciter,*

Et de vray nuls autres pēfers ou ymages se presentent à l'ame quand le corps est bien disposé, que ce à quoy on s'addonne de iour. Que si quelquefois le somme n'est continuel ny plaisant: mais inegal & entrerompu, & accompagné de songes tout autres que ceux que nous venons de dire, & que de visions peu accoustumees aduien- *Plutar-* nent, cela demonstre ou que le corps (comme que, au dit Plutarque) abonde de grosses humeurs, ou traité de que les esprits interieurs sont fort troublez. Ainsi *conseruer* les yurongnes & les sebricitans ont accoustumé la santé.

d'estre tellement inquietez de songes estranges & phantastiques, que plusieurs imaginent, qu'ils voyent des hideux & horribles phantomes des folets qui vont de nuit, de chatz-huants, des harpies, & qui est peculier aux melancoliques, qu'ils voyent de faces de corps morts & visages tristes & haues. Mais ceux qui abondent de colere, conçoient en leur esprit des meurtres, bruslemens, batteries, noises & debats. Ainsi que les sanguins songent volontiers qu'ils dansent, qu'ils chantent, qu'ils passent le temps en jeux & risées, & toutes choses lascives. Et les phlegmatiques songent grande abondance d'eau, pource les Medecins ne perdront pas du tout leur peine, si souuent ils enquierent des malades, comme ils ont pressé la nuit, & quels songes ils ont faits. Car ils ouurent quelque cognoissance des maladies, & de l'abondance des humeurs. Tellemēt que si quelqu'un songe qu'il se veautre en la boue & ordure, c'est signe de puantes & pourries humeurs accueillies au corps: mais si dens des fleurs de souue senteur, ce denote que pures & synceres humeurs y dominant.

De l'An Climateric (c'est à dire graduel) septieme & neuuisme, esquels les corps des hommes souffrent manifeste changement, & ceux des vieilles gens principalement au soixantetroisieme. Semblablement de la raison des iours critiques, c'est à dire de iugement de maladies, par lesquels le Medecin denonce certainement la conualescence ou la mort du patient.

CHAP. XXXII.



VGVSTE Cesar (ainfi que raconte Aule Gelle) se reiouyssoit grandement, & tenoit a certain argument de plus longuement viure, d'auoir eschappé le soixantesixieme an de son aage. *Aule Gelle, liure 15. chap. 7.*

Pource que tel an a accoustumé peu souuent de se passerés vieilles gens, sans grand danger de la vie, comme moy-mesme en ay obserué plusieurs exemples en Flandres. Or y a il deux nombres d'annees, le septieme & le neuuisme, lesquels bien souuent apportent changement & de grans perils tant à la vie qu'autres choses. Qui est la cause pourquoy le soixantetroisieme an, lequel contient precisement la somme qui prouient de la multiplication de l'un de ces deux nombres par l'autre, ne se passe point sans grans dangers, car neuf fois sept, & sept fois neuf, font soixantetrois, & pource tel an est appellé Climateric, à cause que commençant au septieme an, il fait le cours de la vie de l'homme, comme par cer-

tains degrez. Et pource tous les septiemes ou neuviemes ans sont dits decififs, esquels les hommes encourent grande mutation. Car ordinairement ou ils sont assaillis de calomnies, ou affliges de grieues maladies, ou exposez en dangers, ou recoiuet quelque dommage ou perte en leurs biens ou en leur santé. Parquoy certes i'ay accoustumé d'observer en tous aages le cours de telles annees. Si bien que i'ay esprouué les ieunes enfans volontiers estre en danger enuiron le quatrieme, septieme, neuvieme, & quatorzieme an. Car tous petis enfans (tesmoing C. Celse) sont en danger enuiron le quarantieme iour apres qu'ils sont naiz, puis au septieme an, puis enuiron le commencement de l'aage de puberté, sçauoir est à quatorze ans. Or en ay-ie veu plusieurs qui ont esté en peril euidant au vingt & vnieme an de leur aage, puis au vingthuietieme, & iamais apres la reuolution du septieme ou neufieme an, n'auoir esté sans quelque dangereuse maladie, lequel cours d'annees, combien qu'il ne soit loysible d'estre trop curieusement & superstitieusement obserué & redoubté des Chrestiens, rien n'empesche toutesfois qu'enuiron ces temps là, on n' vse regime sobre, à fin que quelque abondance d'humeurs ne s'accueille qui en ces annees la vienne à engendrer de grieues maladies. Mais par quelle raison les maladies bien souuent se regroupent par telles reuolutions d'annees, nul ne là iusques à present declairé. Ce que i'estime aduenir par ce que par certaines periodes d'annees

C. Celse,
liure 2.
chap. 1.

le corps humain a fait vn grand amas d'humeurs par l'esmotion desquelles les maladies sont reueillees. Car quand nature est paruenue à vne trop grande repletion, & que les receptacles des humeurs ne peuuent plus demeurer si remplis, il est necessaire qu'elles se repandent & engendrent maladies. Parquoy est conuenable de mettre peine & diligence de vider telle matiere excedente. Ce qu'il faut tousiours faire au printemps & en Autonne, ou par saignée, ou par medecines laxatiues. Car par ce moyen vous ferez qu'au septieme an, ou en quelconque autre que tombera l'an Climateric, vous ne craindrez aucune maladie ny aucun changement en vostre corps. Or de ceste obseruation d'annees est venue vne coustume en plusieurs pais, que de sept en sept ans le Seigneur d'une terre passe de nouueaux contractz avec ses tenanciers. Et par mesme raison les saulsayes & les bois de bouleau, d'aune, de peuplier, & de tremble, & de tous autres arbres mols & humides, ont accoustumé d'estre taillez tous les quatre ans. Mais ceux qui sont de dure matiere, cōme le chesne, l'yeuse ou chesne verd, le rouure, l'orme, & le fraisine ne veulēt estre taillez ou esbranchez qu'au septieme ou neuuiesme an. Par mesme raison les Medecins obseruent les iours critiques, lesquels si quelqu'un selon l'enseignement d'Hippocras, calcule bien exactement, il ne sy trouuera gueres trompé, & à predire les euenemens, ne faudra point de toucher au but. Or ce que les Medecins par vn mot

Iours critiques.

Jugement de la maladie. Grec appellent Crisis, est vn soudain change-
ment en la maladie ou à recouurer santé, ou à mourir, lequel a accoustumé de se finir, ou le quatrieme ou le septieme, ou bien le neuvieme & l'onzieme, & le quatorzieme iour. Il y en a qui rapportent ces iours decisifs à l'effait de la Lune. Et ainsi les Astrologues assignent les indices des maladies, quand la Lune se treuve és degrez distâs de la quarte part ou de la moitié du Zodiac, a compter du lieu ou elle estoit au commencement de la maladie. Mais à cause que son mouuement est plus hatif ou plus tardif vne fois qu'autre, aussi quelquefois elle se rencontre plus tard, & quelquefois plustost à tels aspects. Que si en vn iour critique la Lune est en sa maison, ou en son exaltation avec Iupiter ou Venus, qui sont planetes benignes & salutaires, cela denote que le changement sera bon. Et si la maladie consiste en grande abondance d'humeurs, il est bon qu'elle soit décroissante en aspect quadril, ou d'opposition. Que si en ces mesmes temps la Lune se conioint au Soleil ou à Saturne, c'est mauuais signe, & denote ou q la maladie sera dangereuse, ou qu'elle sera fort longue. Que si la Lune croissante accompagne Saturne precisement au commencement de la maladie, elle denote que ladiète maladie sera fort longue ou mortelle. Mais si cela aduiét lors qu'elle décroît, c'est signe que la maladie ne durera gueres, & ne sera point perilleuse. Toutesfois combien que ie ne vueille pas qu'on mesprise les signes salutai-

res & nuisans des estoilles, ie suis d'aduis qu'on ne s'y arreste point trop superstitieusement, ains que plustost on s'arreste aux obseruations d'Hippocras, comme celles qui m'ont semblé plus seures & certaines, pourueu qu'on considere bien tout exactement. Parquoy ie ne rapporte point tât aux astres celle raison de iours critiques que ie fais à la nature des maladies & des corps, & à la qualité & abondance des humeurs. Car nature resiste au mal, & s'efforce tant qu'elle peut de le chasser, laquelle si en repoussant la malice de la maladie se porte lache & foible, incontinent au premier iour, à sçauoir le septieme ou le neufieme ou le quatorzieme iour au plus loing, le combat prent fin. Tellement qu'il en prent tout de mesme à tels corps qu'à vne ville estroittement assiegee, laquelle n'estant gueres bien pourueue de viures & autres choses necessaires à viuement repousser les ennemis, ne peut longuement tenir bon, ains apres vn ou deux assaux, pert le courage, & se rend à merci. Aussi comme quelquefois par interualle l'assaut cesse, & sonne l'on la retraite, & apres auoir eu quelque espace de réps pour reprendre halene, de rechef avec plus viues forces on recomméce vn plus aspre & plus cruel combat, ainsi en aduient és maladies aigues, lesquelles nous obseruons l'impetuosité & violence du mal, ainsi que de grosses tempestes & de vents tresimpetueux, & cesser par quelques interuales, puis de rechef recommécer avec vne si grande vehemence que nature à peine peut resi-

ster, & semble que la vie ne puisse estre prolongee iusques au septieme iour. Duquel nombre de sept, combien que la vertu & faculté soit comme en plusieurs choses de nature, & que les Theologiens se persuadent iceluy auoir moult grande puissance & efficace, si est-ce qu'entre tous autres il appartient principalement aux Medecins de l'observer diligemment, veu que l'experience qu'on en voit iournellement, demonstre assez le grand pois & importance tant en maladie qu'en santé, qu'il a au cours des ans, des mois & des iours. De sorte que ceux mesmes qui viennent a mourir de faim, meurent volontiers au septieme iour, ou bien à grande peine s'ils succent quelque chose, peuuent prolonger leur vie iusques au neuuiesme.

Par quelle raison le miroir rend les choses qui luy sont presentees, & quel bien la nette polissure d'iceluy cause a la venue des estudians, ou autres qui ont tousiours l'œil fiché sur vne besogne. Aussi par quelle raison il refait & conforte la venue qui se blouit.

CHAP. XXXIII.

Les miroers dont en ce temps on abuse en choses vaines & superflues, & à l'aide desquels les femmes mettent tout leur soing à fatiffer & farder, quand deuant iceux elles se pignent & se parent & viennent à se paindre les iouës & les

les yeux d'antimoine & autres fards, ont bien esté inuentez à meilleur vsage, par l'industrie de l'ingenieuse nature, c'est à sçauoir, à fin que nous contemplions continuellement la dignité de la forme humaine, & l'excellence de cest ceuvre diuin. Parquoy Platon par vn tresbon conseil aduertissoit les yuongues & les coleres que souuent ils se regardassent au miroir, à fin d'auoir honte & horreur de leur laydes grimaces, & que par ce moyen ils eussent crainte d'estre veu vne autresfois en tel estat. Ce que Socrates aussi conseilloit de faire aux ieunes adolefcens, à ce que fils se voyoyent d'un corps bien formé & d'un beau visage, ils eussent crainte de se gaster. Que fils estoient laids de visage & d'un corps difforme, ils se uertuaissent de recompenser ces defaux là par honnestes mœurs, & par un esprit bien endoctriné. Les miroirs donques ont esté inuentez (tesmoing Senèque) à fin que l'homme se cognut. Si bien que plusieurs par iceux ont eu vne cognoissance d'eux, & consequemment se sont rangez à vne honneste maniere de viure, le beau, à fin qu'il fuit toute vilennie, le laid, à fin qu'il cognoisse que les deformitez de son corps doivent estre recompensees par vertus, le ieune, à fin qu'il soit aduertý que la beauté passe avec le temps, & pource qu'il faut qu'il mette peine totale à s'embellir des graces & singularitez qui n'abandonnent iamais la personne, & que la vieillese mesme point ne gaste ne consume, ains tousiours de plus en plus les accroist, le vieillare

*Senèque,
au 1. liure
des quest.
natu.*

*Le princi-
pal vsage
du miroir.*

& la vieille rïdee, à fin que mesprisans & mettans
soubz le pied toutes delices de la chair, ils se sou-
uiennent d'approcher de la mort. Ainsi par le
miroer nature a trouué la commodité de se voir
& se contempler, & en remirant son visage, son
front, & toute sa contenance, lesquels sont mar-
ques de plusieurs choses. Ainsi se considerer en-
tierement, & cognoistre à quoy son naturel est
enclin, Tellement qu'en ceste maniere nous se-
rons les propres physiognomes de nous mesmes,
& si nostre geste & maintien exterieur demon-
stre quelques vices en nous, nous pourrons faci-
lement y prendre garde & y remedier. D'avan-
tage, l'usage du miroer nous portë ce bien, qu'il
aiguise la veüe hebetee par auoir long temps re-
gardé fort intentiuement, & reconforte les yeux
lassez. Car les esprits visuels dispersez se racueil-
lent & se reunissent, & par autres nouueaux sur-
uenus sont renforcez. Mais par quelle raison le
miroer rend la chose qui luy est presentee, plu-
sieurs en sont en doute, & ne scauent qu'en re-
foudre. Tellement qu'aucuns cudent qu'il sy
forme des simulacres, c'est à dire, les figures de
noz corps transferees en luy, & les autres esti-
ment que les formes & figures ne sont pas au
miroer, mais que les corps sont veus par vne
veüe reflectee & qui reiallit & rebondit du mi-
roer a eux. En maniere que les miroers demon-
strent les choses par rayons reflexez & reiallis-
sans, a raison que toute reflexiõ se fait d'un corps
dense & espois. Et pource les miroers sont en-

duits de plomb par derriere, pour engarder que la clarté ne passe directement outre le verre. Mais la chose presentee apparait, par ce que la partie du rayon qui meut l'œil, est dirigee à l'opposite, & ainsi tout le rayon quasi comme estendu vers celle partie se reçoit, dont il s'ensuyt que la chose est exhibee deuant les yeux. Aussi representent-ils les formes des corps par deuant, & non pas le derriere, à cause que la forme qui viét du corps solide par l'air à la superficie du miroer, est simple & pure. Les formes donques apparoiſſent en vn miroer, par ce que d'iceluy sont rebatuz les rayons lumineux, tellement qu'ils reialliſſent vers l'œil, auquel chacun se regarde formé au vif. Car nous ne voyons pas par le miroer, ny n'est la figure formee en luy, ains en l'œil, combien que le miroer y aide en ce qu'il rebat la veüe. Ce qui est aussi cause que quand nous reueillons de nuit, de premiere veüe nous voyons vne clarté, les rayons retournans en arriere, & se reflectans en eux, & ainsi se regardas eux mesmes. De là aussi vous pouuez comprendre pourquoy les parties droittes du corps sont rendues gauches au miroer. Car il en prent tout ainsi comme en quelque masse de cire ou d'argille, en laquelle si vous imprimez vn cachet, en la reflexion, les parties viendront toutes au contraire. Ce que nous voyons aussi és caracteres de l'imprimerie, & és planches graues ou taillées, lesquelles sans peinture ny couleurs s'impriment des figures, desquelles les parties droittes touſ-

iours respondent aux gauches. Mais comme & par quelle raison il se fait, qu'on voye double Soleil en vn miroer mis au fond de l'eau, ce qui a aussi accoustumé quelquefois d'estre fait esnuées & le tiennent les ignorans pour vn fort estrange & merueilleux prestige, plusieurs certes n'y ont point prins garde. Car il y en a qui estiment que ce soit le canicule ou quelque autre estoile qu'on voye aupres du Soleil, ne considerans point que la splendeur du Soleil obsusque tellement toutes les estoiles, qu'elles ne se peuent voir de iour. Mais certes on voit double forme de Soleil, premierement a cause de l'eau, puis a cause du miroer. Car que l'eau tiennede nature du miroer, & qu'elle fasse apparoir les choses plus grosses, outre l'experience qu'on en voit, le Corydon de Virgile le tesmoigne:

*Virgile,
en la 2.
eglo.*

*Ny ne suis point si laid, car n'aguere au riuage
De la mer ie me vey paisible & sans orage.*

*Miroers
bruslans.*

Premierement donc la resplendeur du miroer par reflexion nous rend la forme du Soleil, puis leau, de la superficie de laquelle les rayons du Soleil sont reflchiz. Ainsi est-il d'une torche ou d'une chandelle, ou de la Lune qu'on regarde en vn miroer mis en l'eau, laquelle par reflexion red double forme de la chose presentee. L'on a aussi a vn autre vsage inuete des miroers creus, lesquels opposez aux rayons du Soleil, par reflexion attirent feu & flamme, & bruslét pailles, festus & autres choses seches. Aussi on lit qu'Archimedes

ainsi par ces miroirs ardés, brulla les nauires des ennemis. Car en iceux tous les rayons du Soleil sont reflectez hors du lieu ou ils tombent, & se rencontrent tous en vn point, enflammant tout ce qui leur est obiecté.

Quelle force & pouuoir a l'eau de vie, & a qui on en peut donner a boire sans inconuenient. Incidemment des vertus & merueilleux effects d'icelle liqueur artificielle.

C H A P.

XXXVIIII.



A R cy deuant, tant pour la cōseruatiō de la santé, que pour remediē aux maladies, a esté inuenté l'art distillatoire, par lequel nous extrayons des plantes, sucs & liqueurs fort medecinales, les

quelles combié qu'il soit certain n'auoit du tout pareils effects qu'icelles plantes, toutesfois point ne les deuons totalement reietter, comme font aucuns, ny ne doiuent estre iugees totalement inutiles, vou que leur force & qualité entierement ne se pert. Ce que l'on peut voir en plusieurs, & mesmes en l'eau de vie, ou comme ils l'appellent eau ardente, a cause qu'elle est extraite quelque fois de bon & excellent vin, & bien souuent aussi de la lie & de tout petit vin esuenté & poussé par vn alambic moderément eschauffé avec feu de charbon. Car j'ay esprouué en plusieurs choses

la force merueilleuse. Aussi quelque grande & aspre gelee qu'il face, iamaïs celle eau ne gelle, de maniere que si vous en mettez quelques gouttes dedans l'ancrè à escrire, & dens plusieurs autres choses, iamaïs ne gellēt, & ce à cause de l'extreme chaleur & subtilité qui est en elle. Que si vous voulez faire prèue si celle quinte essence est bonne ou mauuaïse, trempez y vne seruiette ou quelque autre linge, & y mettez le feu avec quelque flamme, & si promptemēt elle brusse sans que le linge soit en riē endommagé, elle est tresbonne. De sorte qu'on fait flāmer de mouchoers mouilléz en telle eau, sans qu'ils se consomment, car la flamme court doucement par dessus le linge & ne le perce point, ains comme en laichant cūsumē l'humeur à soy. Que si vous versez quelque peu en la paume de vostre main, & vous y mettiez le feu avec du papier allumé, vous vous verrez la main en feu, sās que vous vous brussiez aucunement. Pareillemēt si vous vous frotez les mains de ius de Maulue, ou de Mercuriale, vous pourrez manier du plōb fondu sans vous brusser, moyennant que vous le maniez soudain. Car il n'y a rien plus brūlant entre toutes les choses naturelles que le plomb fondu ou l'huile bouillant. Tellement que si vous plongez vne cuillier d'estain ou de plomb en huile bouillante, ou en plomb fondu, a l'instant elle se fond, ce que iamaïs vous ne ferez en eau chaude tant bouillante soit elle. Car l'huile & toutes choses grasses deuiennent merueilleusement chaudes. De sorte

que le plomb se fond incontinent si vous y jettez de la gresse, la ou l'eau empesche que la chaleur n'entre dans le plomb. Qui fait que les anguilles rosties sus le gril, brulent extremement les doigts, si vous les voulez retourner gentiment & proprement, à cause que la gresse tient aux doigts & escorche la peau, & par son ardeur fait leuer de grosses vessies. Or combien qu'il y ait quatre choses dont y a dispute qui est la plus legere & la plus pesante, à sçauoir le vin, l'eau, le miel, & l'huile, pour certain la plus legere de toutes qui poise le moins, est l'eau de vie, laquelle mise en l'huile, nage par dessus, & l'huile demeure au fons. Car tout ce qui estoit de terreux au vin en a esté osté, & toute sa substance a esté rendue acreuse, & de nature du feu. A elle l'huile approche en legereté, principalement celle qui est faite de grayne de lin & de sisaine, autrement Iugioline, laquelle contre la nature de toutes autres huiles, iamaïs ne se prêt à cause qu'il est fort mol & naturellement chault. Apres ceste suit l'eau tieree des herbes verdoyâtes à force de feu, & le vin bien purgé & rassis qui a quelque peu de douceur. Car ce vin d'estrange país que nous appellons vin bastard, & celle liqueur que nous nomons Serop, surpasse en pesanteur toutes autres liqueurs. L'eau de pluye, moyennant qu'elle ne soit trouble, est quasi de mesme pois que le vin, à sçauoir celle du mois de May, qu'on garde par plusieurs années. Mais le miel est d'un tiers plus pesant que toutes les liqueurs que nous auôs di-

Les quatre plus legieres li- queurs entre toutes autres.

tes: Brieſ, il n'y a aucune liqueur qui ſerue en quel que choſe au corps humain qui ſoit plus legere ou plus penetratiue, ou qui mieux preſerue toutes choſes de corruptiō, que l'eau de vie, laquelle eſt ainſi appellee, par ce qu'elle ſouſtient & reſorce & prolonge la vieilleſſe. L'vſage de laquelle eſt ſi ordinaire en Flandres, que quelquefois on y en boit beaucoup plus qu'il n'eſt expedient pour la ſanté. Car boire d'icelle n'eſt egalemēt ſain à tous ny en tous tēps, ainſi aux perſonnes maigres & de ſèche nature, & en tēps d'Eſté, il eſt fort mauvais d'en vſer, à cauſe qu'elle brûſle les corps, & cōſume l'humeur naturelle. Mais à ceux qui ſont gras & humides de corps, & qui ſont chargez de pituité, elle ne fait point de mal, ainſi elle eſcuis les humeurs ſuperflus, & conſerue les corps de leſchargie & apoplexie, & de maladies froides. Parquoy ie permets biē qu'on en vſe modérēmēt en hyuer, ſçauoir eſt qu'on en prene demi drachme, qui eſt vne pleine cuillier: mais biē adoucie avec force ſucree, & y mettant dedans vn morceau de pain blanc, à fin que moins elle atteigne le cerueau & le nez de ſa vertu ardēte, ou que par ſa penetrāte & bouillante chaleur, elle n'edommage le foye: Que ſi par dehors on en frote les nerfs & les muſcles, & les mēbres oppreſſez de grāde froidure, cely leur dōne grāde allegēce. Meſmes qui plus eſt, par ſa grāde force d'eſchauffer, & par ce que fort propremēt elle penetre, elle appaiſe toutes douleurs qui aduiennent en maladies froides:

10. Une apoplexie eſt pilée avec du vin de vie

De la prodigieuse puissance & nature de l'argent vis,
que les Flamens à cause de sa grande mobilité appellent
Quick silver.

qui est si chaud & si humide & si mobile qu'il se transforme en
tout ce qu'il veut. C. H. A. P. XXXV.

IL y a deux principes en la nature des
choses, desquels toutes especes de
metaux se creēt & profondes entrail-
les de la terre: c'est à sçauoir le souf-
fre, qui comme le pere les fait & produit tous: &
l'argent vis, qui faisant office de mere, souffre que
ils soyēt elaborēz & produits de luy: sçauoir est
l'or tout premièrement, puis l'argent, puis tout
autre espece de metal inferieur, comme l'estain,
le plomb, le cuyuē, le fer: tous lesquels ont allian-
ce & conuenance de nature en leurs principes.
Car tous se fondent au feu, & se peuent accom-
moder à toute besongne qu'il faut qui s'allonge &
s'estēde. Mais quelle force & puissance à c'est
argent aqueux & liquide, & de quelle qualité il
tiēt, ou de la froide, ou de la chaude, les medecins
en sont en différentes opinions. Il y en a qui sou-
stiennent qu'il est froid & humide, pource que
par son attouchement il cause vne merueilleuse
froideur aux membres, & les rend et dormis &
perclus. Les autres maintiennent qu'il est d'vn
effect chaud & sec, veu la force penetratiue qui
est en luy, voire de sorte que ceux qui en la mala-
die de Naples ont esté frōtez vne ou deux fois,
ayans esté saignez on a veu avec le sang sortir de

*Poudre de
precipité.*

l'argent vif. Ce que ie croirois se faire non par vne naturelle chaleur qui soit en luy, ains pource qu'il est meslé avec aucunes choses brulantes, qui abbatent sa froide & humide qualité, & luy en communiquent vne chaudi. Car il y a vne certaine poudre dont vsent les chirurgiens empiriques, dicté precipité, parce que incontinent & précipitément non sans grand domage du corps, elle fait son action. Tellement qu'estant ainsi préparé, il acquiert vne force brulante & consumptiue. Or d'autant que ceste liqueur argentine, estât cà & là esparse, se reprent tellement derechef, & si bien s'amoncelle en vn, qu'il ne peut estre toutesfois manié ny facilement meslé ne cōioint avec aucuns medicamens, que premierement il ne soit arresté: à ceste cause l'industrie des hommes a inuenté certaines manieres par lesquelles cela se peut faire, & se dompter sa mobile legereté. Entre lesquelles celle est la plus seure, & la moins nuisante, laquelle se fait avec la salie de l'homme meslée avec vn peu de cendre, ou vn peu de poudre d'os de faiche broyé. Mais ceci est admirable de luy, que toutes choses qui sont tirees de la terre, tant pesantes soyent elles, nagent sur ce métal, l'acier, le fer, le plomb, & toutes sortes de cuyure: tellement qu'il n'y a que le seul or qui enfoncé en luy, lequel il teinét tellement en couleur d'argent, que la dicté couleur ne se peut chasser que par le feu, par lequel il s'en va en fumieré, & s'esuanouit en l'air, avec vne fort mauuaise odeur, & grandement dommageable à ceux qui

approchent, en maniere que les membres leur en deuiennent tous estoürdis & sans sentiment, & les nerfs extrêmement debilitez, ainsi que nous voyons quasi en tous ceux qui dorent des vases d'argent, à cause que l'argēt ne se peut dorer sans vis argent, par l'aide duquel on manie l'or à plaisir. Car de tous les metaux il n'aime que le seul or, avec lequel volōtiers il se melle & se laisse traiter, reiettant tous les autres. Tellement que souuentefois j'ay expérimenté deux liures de plomb nager sus vne demie liure d'argent vis, la où vn seul denier d'or, voire mesme vn scrupule, qui est la tierce partie d'une drachme, alloit au fond. Or entre tous les metaux à grande difficulté il adhère à l'argent & au plomb, & assez difficilement au fer, & moyennement au cuyure. Duquel vis argent le plomb certes approche grandement en ceste condition, que toutes choses aussi nagent dessus luy, & ne s'y enfoncent point comme le fer, les cailloux, les tairs de pots de terre, & plusieurs autres choses qui ne fondent point au feu, comme aussi celles qui sont de nature fusible. Car pource qu'il n'y a rien plus chaud que le plomb fondu, l'or, l'argent, & l'estain nagent bien par dessus, mais incontinent ils se fondent comme cire. D'auantage il est encores en cecy approchant du vis argent, que si apres qu'il est fondu, il est respandu sus vne table plane & bien polie, & que quelques gouttes s'en escoulent çà & là, toutesfois il ne mouille point la table, & ne s'y attache aucunement, ains par vne incroyable a-

gilité, & vn mouuement çà & là fretillant, ils se rassemble derechef, & viennent tous ces petits grains à s'amonceler en vn, à raison qu'ils sont d'une matiere fort dense, ferree, solide, & s'entretenant, voire d'une telle condensation qu'elle ne contient en soy aucun air. Qui est cause que non seulement pour raison de son poix, mais aussi à faute substance aëreuse il tire tousiours contre bas. Par laquelle raison pareillemēt le bois Aloës, encorē qu'il soit fort leger, & quasi de nul poix, ce non-obstant au fond de l'eau va, pource qu'il est fort serré, & ny a rien de vuide en luy.

Par quelle raison, à faute de sel, on peut garder la chair & autres viandes de pourrir incidemment de la meilleure force du sel & du vinaigre.

C. H. A. P. XXXVI.



OMBIEN l'usage du sel nous est profitable, & necessaire, il n'y a nul qui ignore. Car outre ce qu'il rend toutes viandes de meilleur goust, & incite l'appetit, aussi preserve-il toutes choses de corruption: principalement celuy qui est purgé de toutes ordures limonneuses: lequel lors reluit d'une couleur brillante, & en peut on hardiment saler toutes choses, & les garder long temps en esté. Car il consume toute l'humeur superflue, & resserre de sorte la chair, & toutes autres choses qui en sont seées, que l'air n'y peut faire entrer au-

cune pourriture. Mais à la vérité non sans cause il peut sembler à chacun fort estrange, qu'il y ait au sel vne certaine vertu de causer fertilité & chasser la sterilité. Tellement que si mesmes il'en est semé en aucun champ, il le rend fertile. Ce que par experience j'ay trouué estre conforme à vérité. Car les femmes grasses, lesquelles la plupart sont volontiers steriles, sont rendues fécondes & idoinés à concevoir, par l'usage mediocre d'iceluy en toutes leur viandes, parce qu'il purge l'humidité, & dessèche la matrice trop humide, & fait que la semence genitale plus volontiers s'y tient, estant moins glissante. Aussi qu'il incite les reins & esmeut vn certain chatouillement, les Flamens assez le demonstrent, lesquels pource qu'ils vivent ordinairement de salure, sont aussi outrageusement luxurieux. Et pource aussi le manger souuent des poissons de mer, mesmement de tous poissons à coquille, comme d'huitres, d'escreuisses, & langoustes de mer, de cancrs, & d'escargots, attrayent à paillardise à cause de leur nature chaude & mordicante. A raison dequoy les Egyptiens (ainsi que raconte Plutarque) s'abste- *Plutarque*
noyent de sel & de toute salure, parce qu'ils auoyent *en son con*
celte opiniõ que le sel prouoquoit à luxure. Pour- *uine &*
ce ils estimoyent meilleur de totalement ne point *banquet.*
manger leurs viandes fauoureuses, que d'vser de ce condiment le meilleur de tous. Lesquels veritablement me semblent auoir gardé cela trop rigoureusement, & en cela auoir fort mal pourueu à leur santé, veu que le sel chasse toute pourriture

des corps humains, & consomme l'amas des superflues & mauuaises humeurs : & si mesmes il a en soy vne certaine vertu naturelle a generation, dont la compagnie matrimoniale est entretenue & conseruee. Car en vser moderément, excite la vigueur de l'esprit, & non seulement en la copulation charnelle, mais aussi en tous autres actes, rend les personnes plus dispostes & deliberees. Or qu'il aide la fecondité & inclination d'engendrer, ce nous en rend bon tesmoignage, que grande multitude de foris naissent volontiers es naux qui sont sus mer, aussi que les femmes qui demeurent es salines, incessamment desirent auoir la compagnie des hommes, & engendrent force enfans à l'aide de leurs maris nautonniers ou pêcheurs, lesquels venus à port les accollent de grand courage. Aussi par ceste raison en aucunes contrees les païsant meslent quelque peu de sel parmi la pasture de leurs bestes, à fin qu'elles mangent mieux, & que mieux elles supportent le labeur, & qu'elles en soyent mieux disposees à engendrer : Mesmes qui plus est, si leurs chäps sont par trop marescageux ou trop humides, avec le sel ils les rendent fertiles. Que s'il aduenoit qu'en quelque ville ou chasteau assiegé des ennemis, il se trouuaist faute de sel, alors en faudroit faire de eau de mer, laquelle vous iugerez lors estre bonne quand vn œuf ou de l'ambre nage dessus. Or

La vertu du vinaigre. approche fort d'iceluy le vinaigre en vertu de bié contregarder les viandes, mais non si longuement. Car si apres quelques moys on ne vuide

le premier, & qu'on y en mette de nouueau, certainement les viandes deuiennent toutes couuertes de moisissure, & d'une certaine humeur limoneuse. Mais qu'il ait vne merueilleuse force & vertu, outre ce qu'on l'apperçoit en plusieurs choses, principalement on l'esproue en cè que si vn œuf est mis trapé l'espace de trois iours ou plus, en fort vinaigre, sa coque s'amolira tellement, que comme vne peau bien deliée on le fera passer par dedans vn petit anneau. Mesmes qui plus est, vne pierre de touche ou vn caillou tenu dans de vinaigre l'espace de sept iours, fort aiseement avec les doigts se met en poudre, Qui donna occasion à Hannibal, quand il voulut passer les Alpes pour mener guerre en Italie, defendre & rompre les hautes roches avec vinaigre bouillant: où il y perdit vn œil. Car la force du vinaigre est si grâde & si transperceante qu'elle ronge & mâge les pierres. Ce dōt quelquefois i'ay fait l'espreuue en vne pierrerie & en vne perle, mais nō de telle estimation & valeur que celle de Cleopatra, royne d'Egypte: laquelle apres l'auoir fait fondre & dissoudre en vinaigre, elle aualla. Par semblable raison il resiste merueilleusement aux vaines, & chasse l'air pestilentieux. De sorte que ceux me semblent faire fort sagement, lesquels quand quelque maladie contagieuse regne, s'accoustumēt d'yser moderément de vinaigre. Parce qu'il chasse le mauuais air, & s'il en est entré au corps, il empesche qu'il n'e soit offensé & les humeurs corrompus. Mais aussi se faut bien donner

garde d'en vser trop, à cause qu'il dessalche le cer-
 veau, & diuertit le repos. A ceste cause l'ordonne
 qu'on y mette vn peu d'eau rose & vn peu de vin
 du Rein, avec vn bien peu de safran. Car ainsi il
 ne fait si tost mal à la teste. Or sont presque aussi
 de mesme nature & effect, les choses qui sont fort
 aigres, comme les citrons, les aurages, & la pom-
 me de forme ouste, que par tout on appelle limo:
 duquel le ius est si aigre & si corrosif, que si dans
 vne telle pomme vous mettez yne piece d'or, &
 l'y tenez l'espace de quelques heures, certaine-
 ment apres l'en auoir citee, vous trouuerez icelle
 estre beaucoup amoindrie de son poix. Or com-
 me ces choses se font par la force d'vne froideur
 transperceante, laquelle ne brufle pas moins que
 la chaleur, ainsi l'eau ardent est tres efficace à co-

Eau ardet

seruer les viandes. De sorte que si la chair & tou-
 tes sortes de poissons, sont vne fois abbruuez d'i-
 celle, point ils ne se corrompent, & ne s'y mettēt
 les vers auenement. Pareillement le conin, moy-

Conin.

ennant qu'il y en ait quantité, & la semence de la

Escharui.

racine que vulgairement on appelle Carui, ou es-
 charui, sont singulieres, apres le sel, pour garen-
 tir les viandes de se gaster, si apres en estre frotées
 elles sont gardees, à cause qu'ils sont fort dessica-
 tifs. Si bien que ceux qui en vfont beaucoup, de-
 viennent bleśmes, parce qu'ils consomment toute
 l'humeur naturelle. Aussi le miel & ce que nous
 appelons Syrop, de saueur de miel, combien que
 il soit vn peu de forte & mauuaise odeur: comme

Miel.

Syrop.

Vin cuit.

aussi le vin cuit que les Espagnols appellent Aro-

ba,

ba, ont quelque force de conseruation, mesme-
 mēt les cerises, les prunes, les pesches, les raisins,
 & tous fruits d'arbres. Ce que i'ay aussi esprouue
 au verius. Mais le meilleur & le plus souuerain
 de tous est, si vous mettez toute sorte de fruits ar-
 rangez par lits dans vn pot, & l'ayant bien cou-
 uert de son couuercle & tellement enduit de pei-
 ge, qu'il ny puisse entrer ny air ny eau, vous le de-
 ualez au fons de l'eau d'un puis. En maniere que
 au bout de l'an vous les trouuezerez aussi frais que
 quand les y auez mis, & de tres-bonne saueur.
 Car pource qu'ils n'ot point d'air, aussi ne se peu-
 uent-ils corrompre : à raison que l'humidité seule
 est cause que toutes choses sont subiectes à pu-
 trefaction, laquelle estant ostee, & en son lieu sur-
 uenant vne siccité, mal-aisement s'engendre cor-
 ruption. Et ainsi les merlus, que les Flamens ap-
 pellent Stocuis, se peuuent garder quelques an-
 nees, comme aussi le biscuit, qui iamais ne moisit,
 parce que toute l'humidité en est ostee. La cha-
 leur donc, & la froideur vehemens, pource qu'e-
 galement ils engendrent vne qualité saiche ga-
 rentissent les corps de corruption. Et de là com-
 prenez d'ou vient qu'en yuer, lors qu'il gelle à
 tout rompre, à la moindre chute, ou entorce que
 on fasse, volontiers on se rompt la iambe. Car par
 la seicheresse de l'air l'os se roidit & deuiet fra-
 gile, ou en temps humide il deuiet mol, ploya-
 ble, & obeissant. Ce que mesmes nous apperce-
 uons és chandelles de cire ou de suif.

Les femmes paffes eftre plus addonnees à luxure que les rouges, & les maigres, que les grasses.

C H A P. XXXVII.




Es femmes sont beaucoup plus chaudes & plus enclines à luxure, & beaucoup plus aspres d'assouvir leur volupté, lesquelles ont plus de chaleur en elles: ce que quasi coustumierement advient aux paffes & maigres, & à celles qui sont brunettes. Car telles ont les parties genitales abruuees d'une humeur falsugineuse & mordicante, & pource demandent à estre arrosees & humectees. Et de là vient qu'en esté les femmes plus ardemment desirent auoir l'embrassement des hommes, pource qu'en ce temps là la chaleur s'augmente en elles, la ou elle diminue és hommes. Par laquelle mesme raison la ruë, le thyn, & plusieurs autres choses fort chaudes esteignent la luxure és hommes, & és femmes l'attisent. Car és hommes elles consument & dessaichent la semence, mais és femmes l'humidité superflue estant consumée par elles, alors l'amarris s'eschauffe, & est incité à l'amour. Qui est cause aussi que ce sexe est fort sur le vin, lequel les eschauffe. Mais celles qui sont grasses & rouges de visage, pour autant qu'elles sont plus humides, & que leur semence genitale est plus aqueuse & liquide, aussi elles sont moins ardentes à la compagnie char-

nelle. Parquoy les hommes doyuent bien aduiser quelles filles y prennent à femme, & ny aller temerairement à la volée sans election. Car tout homme maigre & gresle de corps, & ia auancé sus l'aage, lequel prêt vne femme enflambée d'un desir insatiable du masse, & qui en sera plustost lassée qu'assouuie, qu'il s'assure qu'il se met en vne extreme peine & tourment de sa personne, lequel de iour en iour plus se rengrege & augmente.

Si quand on a soif ou qu'on prend son repas il est meilleur de boire à coup, & à longs traits, ou peu & à petits traits, & par repausées.

CHAP. XXXVIII.

 A principale manière de cōseruer la santé gist en la sobriété du boire & du manger. Mais pource qu'autre part nous auōs suffisamment traicté des viandes saiches & solides, mesmement quelle reigle ont doit tenir à manger le pain : icy ma semblé conuenable de toucher vn peu du boire, & sommairement discourir quelle mesure chacun y doit garder. Or en premier lieu on ne peut rien déterminément ordonner en tel cas à ceux qui sont sains, à cause que plusieurs sont accoustumez à diuerses façons de boire, lesquelles il n'est facile de changer sans grand preiudice de leur santé. Pource la meilleure & la plus seure manière de boire, est celle qui est ordonnée selon l'aage d'un chacun,

selon les temps & saisons, selon la coustume de long temps continuee, & selon la vehemence & force du vin : & qu'ainsi le boire du vin ou autre bruuage soit prescrit aux personnes alterees pour appaiser leur soif, & pour obuier que la viande ne leur demeure saiche en l'estomac, & que point aussi elle ne flotte, ains que moderément elle soit abbruuee. A ceste cause le corps requiert à estre souuent & par petis interualles restauré par boire, & la viande d'estre souuent arrosée, à fin que plus commodement apres la cōcoction faite elle entre és veines, & se conuertisse au corps. Mais certes toute yurongnerie, tesmoing Dioscoride, est dangereuse, mesmement si elle est continuee : à raison que les nerfs estans tous les iours vexez de quantité excessiue du vin, sont à la fin surmōtez & vaincus, consequemment toutes les iointures du corps perdent leur force & fermete. Parquoy certes il faut que tout bruuage qui peut enyurer soit prins moderément, & en cela ensuyure ceux qui sont mestier de saler chair & poissons, lesquels quand ils arrangēt par lits leur chair ou poisson descoupé par pieces, à chasque liēt ils espandent fort sel par dessus. Ainsi nous pareillement, si nous desirons prouuoir à nostre santé, apres que nous auons mange de viandes en quantité raisonnable, il la nous faut arroser par boire quand il en est besoing. Mais apres que la concoction est commencee à se faire, il est fort mauuais de molester l'estomac par boire, parce qu'il destourbe & retarde les facultez & fonctions par

*Dioscori-
de.*

lesquelles nature fait son œuvre, & garde que la viande ne se cuit commodement. De sorte que comme les pots & marmites cessent de bouillir quand on y met de l'eau froide, ainsi l'estomac troublé de tel boire superflu se deporté de la concoction encômmencee, & plus tard rend le deuoir, & moins proprement cuit la viande, laquelle pour ceste cause auant le temps deu est departie ainsi mal cuite es vaines estroites, ou aux intestins amples & larges. Qui est cause qu'elle ne fait aucun bien à l'homme, & que par l'opilation des boyaux, laquelle cause vne putrefaction d'humeurs, finalement se causent des maladies & fieures. Ce qui aduient à ceux qui d'entree de table viennent à se souler de boire, à cause que cela fait incontînēt couler les viandes & ne demeurer longuement en l'estomac. Pource ie trouue fort bon à ceux mesmement qui ont les conduits amples, & les veines larges, qu'en mangeant ils boyuent peu à peu, & non outrageusement & à pleins verres, à fin que la viande & le bruuage se puissent mesler l'un parmi l'autre & par vne mesme concoction se digerer. Mais ceux qui ont de coustume de ne point boire qu'ils n'ayent à demi disné, doyuent boire vn bon & long trait, à fin qu'il penetre & s'espande par tout parmi la viande. Pareillement ceux qui par l'ardeur de la fieure brulent tellement de soif, qu'à toute heure ils demandent d'estre rafraichis par boire, doyuent boire abondamment, mais non tout à coup & soudainement, ains peu à peu & à long trait, pource

qu'ainfi il hume largement l'estomac, & ne passe fi tost en la vefsie. Aussi que le boire peu n'estanche point la soif, & n'appaise la chaleur, ains l'augmente d'auantage. Tellement qu'ainfi que les charbôs de pierre és forges des mareschaux estâs souuent arrosez d'eâu, s'enflamment plus ardemment, ainsi la chaleur de la fièvre point ne s'esteint par boire peu, ains conçoit vne plus grande ardeur, & avec vne plus grâde enuie de boire. Mais ceux qui sont alterez par la chaleur du temps, ou d'estre las de quelque long trauail, doyuent estâcher leur soif tout à l'aise peu à peu, d'autant que en ceste maniere la liqueur humecte beaucoup

*Que quel-
que fois la
viande se
auale
mieux
que le bru-
uage.* mieux les parties saiches. Or ma-il semblé bon d'adiouster à ce discours, que ceux qui sont extremement amaigris par quelque fièvre ethique, ou par vlcération des polmons, ou autres maladies, aualent trop mieux la viande solide, qu'aucune liqueur. A raison que la pesanteur de la viande esslargit les conduits de la gorge, & ainsi aisemēt passe outre & s'en va en l'estomac, ce que le bruage ne peut faire. Car quand le conduit du gossier par où passe le boire & le manger, s'est abbaissé tellement que les costez touchent l'un à l'autre, adonc le bruage, pource qu'il est subtil & delié, & qu'il n'a quasi point de poix, difficilement le peut esslargir & l'outrepasser sans peine, sinon qu'ils boyuent de grands traicts, car en ceste façon le gossier s'ouure, & le bruage passe. Tout de mesme en prent aux paralytiques, & à ceux qui sont atteints d'apoplexie. De sorte que pour-

ce que les esprits sont deliez & subtils, non facilement ils penetrent du cerueau aux nerfs, qui est cause que le mouuement & le sentiment leur est osté : mais les humeurs qui nourrissent les membres, se font passage, par leur pesanteur pour aller aux parties du corps, comme on voit que les rayons du Soleil ne peuuent percer vne nue obscure & espaisse, & la grelle facilement l'outrepasse. Parquoy ne faut point qu'aucun s'esbahisse, comme il se peut faire que les membres perclus soyent nourris estans priuez de mouuement & de sentiment : attendu que les conduits par lesquels ils reçoquent leur nourriture, sont amples & larges, & que la nourriture par son espaisseur se fait voye : ce que les esprits pour raison de leur subtilité ne peuuent faire. Les nerfs donc estans priuez de l'esprit animal, ostét aux membres le mouuement & le sentiment : mais les membres reçoquent nourriture par autres voyes que par les nerfs, à sçauoir par les veines.

Toutes choses qui viennent hastinement à leur maturité, & entiere grandeur, aussi soudain dechoir & ne durer gueres, comme nous monstrent quelques enfans & certaines especes de plantes.

C H A P. XXXIX.



o v r ainsi qu'es arbres & en toutes especes de plantes, ceux qui deuiennent incontinent grands, & qui auant

le temps deu & accoustumé viennent promptement à maturité, soudain aussi se meurtrissent & se flétrissent: ainsi de mesmes es corps & esprits des hommes si quelques dons de nature apparoissent plustost, & en plus meure perfection que l'aage ne porte, on les voit communement estre moins durables, & soudain venir en decadence, parce qu'ils n'ont point de force solide, & ne sont fondez sus fermes racines, & pource à grande peine viennent-ils à bien. Ainsi aux enfans, ausquels les dents commencent tost à venir, comme sont ceux qui ont ia des dents quand ils naissent, elles ne mettent gueres à leur cheoir: à cause que ces premieres dents, à cause de la tendreré des nerfs dont elles sont liées, ne tiennent point ferme. Pareillement ceux qui incontinent se soustiennent sur leurs iambes, & commencent à cheminer de bonne heure, ont communement les iambes debiles & peu fermes. Là où au contraire ceux qui demeurent plus tard à cheminer, ont vn marcher plus ferme & plus seur. Ce qui a aussi esté obserué en ceux qui commencent à parler de bonne heure assauoir iceux apres hesiter en parlant, & ne prononcer si bien leurs mots. Parquoy certes il est beaucoup meilleur que toutes choses procedent & croissent plus tardiuement. Car quand nature est prodigue de ses forces & facultez enuers les membres plus largemēt qu'il n'appartient, il aduient que par succession de temps elle n'a plus rien que leur donner. Qui est

cause que celles parties ne peuuent plus deuë-
ment exercer leurs offices, comme depourueues
de toutes forces ou de leur nourriture accoustu-
mee. Aussi voyons nous en toute espee de plâ-
tes, & en tous fructs, que ceux qui sont tardifs à
mourir, sont de plus longue garde: mais ceux qui
deuiennent incontinent meurs, aussi soudain se
flettrissent & pourrissent. De sorte que toute ha-
stive maturité n'a point de duree. Et pource nous
ne trouuons gueres bon aux enfans d'auoir vn es-
prit si meur & si racis en leur enfance, ny que plu-
sieurs autres dons de nature tant en leur corps
qu'en leur ame, se demonstrent plus excellës que
l'ordinaire, ou que l'aage ne porte. Car tels volõ-
tiers ne vivent gueres. Dõt est venu ce prouerbe
entre les Flamens. Tout va à la hast *Hetghaeter Prouerbe*
al voorlijn iaer alleene. Par lequel ils declairent *commun.*
plusieurs choses aduenir & se faire autremēt que
de coustume, & contre le commun cours du tēps
& contre l'ordre des choses, par vne similitude
prinse des petis enfans, lesquels auant qu'ils ayent
vn an se soustiennent sur leurs iambes, & sans
aucune aide vont ça & là: mais puis apres ne
peuent ny se soustenir ny marcher comme par-
auant,

Les viandes estre aucunesfois gastees & empoisonnees par atouchement de quelques bestions. Voire par les ordures diffuses és corps humains s'engendrer quelque chose semblable a eux, comme de rats, souris, grenouilles, crapaux, verdiers, avec exemple.

CHAP. XL.



ON seulement par les viandes corrompues s'engendrēt au corps de mauuaises & venimeuses humeurs : mais aussi outre certaines diuerſes sortes de vers, s'engendrent diuerſes eſpeces de petis bestions par dedans les intestins. En maniere que de nostre temps, le corps d'vne certaine femme ayant esté ouuert, il a esté trouué des petites bestes semblables à soris, lesquelles nature auoit produites de quelque ord excremēt dōt les viandes estoient abbruees. Car la chaleur naturelle s'employant à elabourer telle matiere, ne peut produire autre forme que celle qui est propre & sortable à la matiere presente. Parquoy la force qui est en elle infuse de nature, forme vn bestion de son eſpece, celle humide substance obeyſſant à celle grande ouuriere nature. Car quelquefois il a esté trouué que les animaux domestiques, cōme petis chiens, chats, & soris, en pourchassant leur vie par les garde-māgers, ont souillé viandes de leur semence, lesquelles lès hommes venans à manger sans les nettoyer, & à manger les

pommes & autres fruiçts sans les parer, il aduiét
 que de telle ordure il fengendre quelque chose
 en eux semblable à telles bestes. Que si les lima-
 ces, les escargots, & les soris fengendrent bien
 de pourriture, les escarbots, les bourdons, & les
 guêpes de la fiente de bœuf, les chenilles, les
 papillons, les fourmis, les sauterelles, & les cig-
 ales de la rosee de l'air, pourquoy pouuons nous
 trouuer impertinent que par semblable cause il
 fengédre quelque chose de tel és corps humains
 attendu que la raison qui est cause de telle cho-
 se y est beaucoup plus efficace? Car les animaux
 susdits prouiennent de pourriture, & non d'au-
 cune semence, combien qu'icelle pourriture luy
 corresponde & approche en faculté & puissan-
 ce. Mais ceux qui fengendrent dens l'homme,
 sont prouenus d'une humeur vitale issue d'un ani-
 mal vif. Parquoy certes ce paradoxe que main-
 tenant nous deduisons, ne doit pas sembler aucu-
 nemét hors de raison ou fabuleux, veu que nous
 voyons tant de petis bestions naistre d'eux mes-
 mes sans aucune copulation de masse & femel-
 le, ains seulement par vne humeur à laquelle la
 chaleur de l'air vient à donner esprit de vie. Or *Pourquoy*
 de fait, outre l'immense grandeur de la terre, com- *la mer est*
 bié d'infinies especes de poissons produit le spa- *grādemēt*
 cieux & profond Ocean au profit des hommes? *seconde de*
 Car il n'y a rié plus fertile que la mer, par ce qu'el *poissons.*
 le est de grosse substance, & par tout pleine d'un
 air chaleureux, en laquelle plusieurs diuers ani-
 maux fengendrent de semence, & plusieurs aussi

sans copulatiō de masse & femelle . Et ainsi tous poissons à coquille naissent d'une humeur limoneuse, & tous poissons aussi qui sont glissants, mesmement les anguilles, lesquelles apres par frayer ensemble, en engendrēt plusieurs autres . En Hollande quand apres quelque longue secheresse ensuyt vne grosse pluye , il s'engendre de l'escume de la mer vne moult grande quantité de petis menus poissons qu'ils appellent *Spierinck*.

Petit poisson retirāt quasi à vne lache. Car pource que les bouches de la Meuse & du Rhein par le continuel refflot de la mer, deuiennent salees, principalement en Esté, s'il aduient que telles riuieres croissent par grandes pluyes, adonc par tout elles abondent de tels petis poissons, lesquels estans deuenus grans s'apparent ensemble, & multiplient . Parquoy, puis que la nature des choses, de laquelle par vn special don de Dieu, la force & la vertu est par tout espādue, produit tant de choses merueilleuses, aussi certes nul ne doit trouuer estrange tenir a mensonge que certains animaux prodigieux s'engendrent es corps humains, veu que dens le bois vermolu & plusieurs autres choses inanimees, naissent biē des teignes & autres petis vers , ainsi que nous voyons en esté es fromages & en plusieurs viandes s'engendrer plusieurs vers. D'auantage, quelquefois de certains putrides vlceres & apostumes sortent de morceaux d'ongles, de poils, de tais de pots de terre, d'os & des pierres qui sy sont engendrees de certaines putrides humeurs. Mesmes qui pis est, nous auōs veu vomir à quel-

ques gens des vers ayans fort longue queue, & de petis bestions de forme fort estrange, principalement à ceux qui estoient infectez de maladies contagieuses, en l'vrine desquels par plusieurs fois i'ay veu nager de petites bestes semblables à fourmis, ou à celles petites bestes principalement que l'on voit en Esté dans l'eau de pluye lesquelles personnes estoient entachez de verole. Parquoy tout nostre present discours tend à ce que chacun se donne bien garde de manger aucune viande sale & qu'elle ne soit bié lauee & bié nettooyee des ordures dont elle pourroit estre exterieurement souillee. Ce dont les gens de village ne tenans compte, sont aussi subiects ordinairement à estre tousiours galeus & pleins de gratelle, & auoir vne rude & vileine peau. Tellement qu'il s'en faut beaucoup qu'ils ne soyent d'une telle dispositio de corps, d'une telle beauté, d'une telle dexterité d'esprit, & d'une si bonne santé, & si bien douez de nature, que la plus part des gens nobles lesquels ne permettent que rien soit seruy sus table deuant eux, non pas mesmes le pain blâc, qu'il ne soit chaplé, & que toutes autres viandes ne soyent fort nettement accoustrees. Ce que pour certainie ne blasme pas, moyennant que tout excès & toute superfluité ostee, on y garde vne frugalité & temperance. *Qu'au m^a* Car les grans Seigneurs & gens de cour doiuent *ger la net* tenir tel regime que tout tende à leur santé, à vne *teté profi-* sobriété, à vne honnesteté, & à toutes bonnes *te à la san* meurs, tellement que l'abondance des grans biens *ré.*

*Louange
du Roy
Philippe.*

qu'ils ont, lesquels ils tiennent de ce tresbon & souverain Dieu, serue non à excez & profusion, ains à toute sobrieté & moderation. Comme leur en dōne bon exemple le tres-victorieux Roy Philippe, Roy des Espaignes & d'Angleterre, & Prince tresillustre de toute la Gaule Belgique, lequel pont les grās dōns de nature qui sont en luy, apparoit entre les hommes comme quelque diuin simulachre de vertu. De la maiesté & magnificence duquel sont coadiuteurs plusieurs excellens Princes & grans Seigneurs, par l'autorité & bon conseil, desquels sont maintenus en bonne paix de tresflorissans Royaumes, ensemble les amples prouinces & contrees que son tresdebonnaire pere l'Empereur Charles cinquiesme luy a laissées.

*La puissance & nature du Soleil & de la Lune a cau-
ser & engendrer les tempestes, & quel effect produit
le changement de l'air, & des vens es corps & ames
humaines. Incidemment quelle est la cause du flux
& reflux de l'Ocean qui se fait deux fois par l'espace
d'un iour naturel.*

CHAP. XLI.



Es rayons du Soleil & de la Lune sont vrayz & certains indices du beau temps ou de la pluye & des vents, lesquels rayons souuent changent de couleurs, ou selon l'assiette & selon

l'air par ou ils passent, ou suyuant la nature de leur obiect, ou de quelque chose qui leur est presentee, lesquels si ceux qui brouillent la ceruelle du menu & simple peuple de leurs prognostications, obseruoyent diligemment, ils ne se trouueroient si lourdement trompez, ny ce credule peuple ainsi abusé de vaine esperance. Car par eux on peut certainement predire les tempestes & tourbillons prochains à aduenir, & quelle sera la disposition de l'air, dont nous vient la plante & fertilité, ou la disette & cherté des biens de la terre, enséble plusieurs autres choses que Virgile a comprinses en ses vers fort doctes & elegans, lequel comme bien versé en la cognoissance des choses, il a exactemét espluché les œeuures de nature, aussi soubsmet-il en partie aux forces & effects d'iceux les esprits humains, veu que selon la disposition du temps, selon le coucher des astres, selon la qualité de l'air ou l'on est, & selon la vicissitude alternatiue des quatre saisons de l'an, les hommes sont disposez en vne sorte ou autre. Ainsi quand le Soleil est nubileux, & l'air gros & espais, les hommes sont tout mornes & melâcoliques, & comme tout endormis. Mais si le ciel est serain, ainsi qu'au Printemps, que toutes choses viēēt à reuerdir, alors ils sont disposés & cueillez & addōnez à tous passetemps, à cause que l'amenité de l'air dechasse la fumee des humeurs, & les gros esprits qui offusquēt nostre ame & aīsi nous recree & nous reiouyt, cōme Virgile l'a fort biē exprimé par ces beaux vers ensuyuās.

*Au 1. li.
ure des
Geor.*

Virgile,
au 1. liure
des Geor.

Mais quand ce vient que l'orage tonant
Et la moiteur du ciel qui va tournant
Changent leurs tours, & donnent lieu aux autres;
Et Iupiter moite au moyen des Astres,
Ce qui estoit tantost cler, espaisit,
Ce qui estoit espais, il esclairecit,
Lors les esprits autres formes reçoquent,
Et dans les cœurs mouuemens se reçoquent
En vn instant, tous autres qu'ils n'estoyent
Lors que les vents les nues tempestoyent,
De la le chant à tous oyseaux agree,
Et le bestail par les champs se recree,
Et aux corbeaux la gorge est si gaillarde
Qu'on oit tousiours leur langue babillarde.

Car par l'air doux & plaisant, les esprits qui par-
auant estoient renduz comme tous assommeillez
& appesantis, viennent à s'esgayer, & sentans le
doux Zephire venter, se regaillardissent, de sorte
que comme quand on ouure vne chambre ou il
fume, incontinēt la fumee en sort, à cause de l'air
qui y entre, & du vent qui vient de dehors. Ainsi
es corps des hommes toute mauuaise & puante
odeur ou facherie d'esprit se uente & disparoist.
Parquoy non seulement les causes interieures
& les humeurs naturelles causent la santé ou l'in-
disposition de la personne: mais aussi le cours
des estoilles, la condition de l'air, & la qualité
des vents apportent diuers & soudains change-
mens aux personnes, ce qu'un chacun à tous mo-
ments peut esprouuer en soy-mesme. Car qui est
celuy,

celuy, sans que ie parle des indispositions des esprits, qui lors que quelque tempeste, ou quelque intemperie d'air, est prochaine, ne sente, voire trois iours deuant, certaines pointures en ses membres, certains eslanchemens de douleurs, contraction de nerfs, palpitations, & autres maux. De sorte qu'il n'y a fronces, durillons, verrues, cicatrices, glandes & bourons, & si rien y a de mis, de rompu, ou de foulé, en quelque partie du corps, qui tous ne presentent changement de temps, ce que non sans grâdes douleurs aduient principalement en ceux qui ont encores quelques reliques de la verole. De sorte que si tost que quelques vents froids courent, ils sont tout aussi tost assailliz de douleurs, par ce que lors les nerfs leur commencent à rendre, & les muscles à se roidir, & par l'agitatio des mauuaises humeurs qui sont enracinees en leurs membres; ils sont griueusement affligez, & ce a cause qu'en telles parties il y a certaine intemperie familiere & correspondante à l'intemperie exterieure, laquelle ainsi les martyrise en l'interieur de leurs membres. Mais ceux qui sont d'un corps sain & bien disposé, pour cela ne sentent aucun mal ny douleur. En maniere que comme les nauires caitez, fendus, & par plusieurs adoubez & caillentrez, resistent beaucoup moins à la tempeste & tourmente. Ainsi les corps malades sont volontiers subiects à tout changement de temps. De maniere qu'à la moindre intemperie d'air qui aduient, ou si le Soleil & la Lune causent quelque variation en ces bas

elements soudain ils sentent de grieues & aspres douleurs. Car ces estoilles là sur tous autres desployent leurs forces, non seulement sur corps humains, mais aussi sur toutes autres choses terrestres, desquels certainement la vertu est si grande & si ample, que tout tant qui est contenu au ciel, & qui est environné par le grand circuit d'iceluy, tient d'eux tout ce de bon ordre, & d'ornement & de beauté qu'il a, voire sent par eux conduits les saisons de l'An, & celle tant bien ordonnée vicissitude que nous voyons en toutes choses. Or iacoit que la puissance des astres superieures ne soit sans effect, si est, ce que toutes choses principalement se font par le moyen du Soleil, lequel sur tous autres embellit & orne cestuy monde, & en iceluy dispose & modere toutes choses, comme à l'aide duquel tout ce qui est planté & semé, foisonne les bleds, & les fructs se nourrissent, & toutes choses prennent leur accroissement & perfection.

*Virgile,
au 2. liure
des Geor.*

Grandes aussi se voyent les actions de la Lune en la nature des choses: mais de beaucoup moindres qu'icelles du Soleil, veu qu'elle mesme est aydee du Soleil, & prend de luy sa lumiere & clarté, en maniere qu'elle est seulement d'autant enluminee que le Soleil la rayonne de sa splendeur, de laquelle elle est lors depourueue, quand la terre se trouuant directement entre elle & le Soleil, empesche que les rayons du Soleil ne viennent iusques à elle. Or desploye-elle lors principalement ses forces sur les choses terrestres, quand

paruenue en lieu opposite du Soleil, & le regardant vis a vis, elle est en son plein, ou bien si tost qu'elle viét à se conioindre à luy, que durant ces iours là les bleds croissent, tous poissons à coquille s'efflēt, les veines s'ēplissent de sang, & les os de moile, d'ou viét qu'ē tel tēps il est moins preiudiciable à la santé d'auoir cōpagnie avec femme. Et pource qu'elle fait abōder l'humeur en toutes choses, si vous mettez de la chair cōtre les rayons d'icelle, soudain elle se gaste, & si les hommes enyurez s'y endormēt, ils deuīenēt pales, & y prēnēt vne pesanteur de teste, & mēsmes sont en dāger de tōber en mal caduque. Car elle relache les nerfs, & humecte par trop le cerueau, & par vne force fort refrigeratiue red l'ētēdemēt tout elourde. Pareillemēt ne faut point qu'aucū face doute qu'icelle ne soit cause du cours & recours de la mer. Car quād nous vpyōs au defaut de la Lune, ou quand elle est demy pleine, ou cornue, soit qu'elle croisse ou décroisse, que les eaux point ne courēt ny recourēt, ny la mer poīt ne s'ēfle, ains se cōtient dedās ses riuāges, puis quād elle se cōioīt au Soleil & qu'elle cōmence à estre nouuelle, ou qu'elle est en son plei, de rechef nous voyōs icelle excessiuemēt se desborder, & les flots d'icelle s'ēflēt outre mesure, qui attribuera le cours & recours de la mer à autre cause qu'au mouuēment de la Lune. Car cōme la pierre d'aimāt attire le fer à soy, ainsi ce lūminaire prochain de la terre, attire la mer, & l'ēmēut. Tellemēt que quād la Lune se leue sus l'horizō, l'Océan s'en court de ce costē là, à

*l'opposi-
tion rend
la Lune
pleine, &
la conion-
ctiō la fait
nouuelle.*

*La cause
du cours
& recours
de la mer.*

ſçauoir deuers l'Orient, & laiſſe l'Occident, & quand elle tend au couchant, adôc les flots croiſſent en ces parties là, & deuiennent petis deuers le leuant, & ce d'autant plus ou moins que la Lune croit ou deſcroit. Que ſi en noſtre mer, laquelle tend vers Septentrion, quelqu'un veut conſiderer les lieux & bords de mer, & les recours qui ſ'y font, certainement il apperceura plus clair que le iour, que tout ſe fait par le mouvement & aſpect de la Lune. Car quand ce luminaire apres eſtre leué ſus l'horizon, tournoye diuers climars, en faiſant ſon cours par le ciel, alors les flots de la mer tirent tout droit celle part ou elle iette ſes rayons, c'eſt à dire, vers les parties de la terre, & vers les riuages qu'elle regarde à ſoy oppoſites de l'autre coſté. Tellement qu'ainſi que le Soleil hume l'humour de l'herbe humide, & attire grande quantité d'eau de la mer des eſtâgs, dont puis apres ſont cauſees les pluyes, & comme auſſi pluſieurs plantes par la force & chaleur du Soleil qui en attire à ſoy l'humour, ſe tournent de coſté & d'autre deuers luy, avec leurs fleurs epanouyes, ſuyuâs ſon chemin depuis ſon leuer iuſques à ſon coucher. Ainſi par la force de la Lune, l'Ocean eſt pouſſé maintenant en l'un, maintenant en l'autre riuage. Dequoy ie vous donneray certains exemples en quelques lieux & quelques villes, & en certains bords de mer. Mais à fin qu'on poiſſe plus exactement comprendre le tout, auant que paſſer outre, conuient premierement bien retenir ceſte maxime, que les cor-

nes de la Lune, lesquelles sont tousiours cournees au contraire du Soleil, regardent ordinairement vers l'Orient quand elle croit, & si elle descroit, elles regardent l'Occident. Mais au temps de son renouvellement qu'elle vient à se conioindre au Soleil, apres auoir demeuré quelquefois trois iours sans apparroistre, finalement elle se presente en veüe avec ses petites cornes pointues, & ainsi depuis qu'elle commence à croistre en se eslongnant par chacun iour du Soleil, elle vient tellement à prèdre accroissance, que le septieme iour apres son renouvellemēt elle apparoit à demi pleine, la partie estant enluminee laquelle est tournée deuers le Soleil quand il tire au couchāt, & celle estant encores toute obscure laquelle regarde le leuant. Car la Lune croissant, s'uyt tousiours le Soleil quand il se couche, & lors se void sus nostre horizon. Mais quand elle descroit, elle marche deuant le Soleil, & se voit auant iour, ia montee sus l'horizon, celle partie estāt tousiours enluminee, laquelle est tournée vers le Soleil qui fait que les cornes aussi tousiours sont cournees au rebours d'iceluy. Or depuis qu'elle est demy pleine, plus elle va auant, & plus elle deuieēt bossue & en arrondissant, iusques au quatorzieme iour que se trouuāt diametralement opposite au Soleil, elle le regarde de plein frōt, & lors est toute pleine, & se leue sus l'horizon quand le Soleil tēd à se coucher, qui est cause qu'elle recoit lors entiere remēt la splendeur du Soleil. Puis le xvij. iour quand le Soleil se leue elle se voit ia fort abaissée au cou-

chant. Puis le vingtieme iour, ainsi que le Soleil monte sus l'horizon, on la voit ia paruenue quasi au milieu du ciel, celle partie estant enluminee laquelle regarde le Soleil, & l'autre toute noire & obscure. Ainsi consequemment par chacun iour poursuyuant son cours, finalement au vingt huietieme iour & le tiers d'un iour, qui sont huiet heures, elle a paracheue tout le Zodiac, de sorte que comme le Soleil fait le tour de l'An, ainsi la Lune fait celuy du mois, avec vn sien changement euident de sepmaine en sepmaine. Car l'un & l'autre tēps, & celuy auquel depuis son renouvellement elle croit iusques à la demie, & celuy depuis celle demy croissence iusques à son plein, est de sept iours, lesquels doublez font quatorze iours. Puis semblablement si vous prenez bien garde depuis le iour qu'elle est au plein iusques au point qu'elle est à demi descerne, & de la iusques à son total deffaut, vous trouuerez l'un & l'autre espace de temps estre aussi chacun de sept iours. De maniere qu'il est tout notoire le mois se changer par la Lune, & ce par la force qu'elle reçoit de l'aspect du Soleil, icelle n'ayant de soy aucune force ny puissance. Or en sa conionction avec le Soleil, ou en son plein, certainement elle cause de vehementes mutations, tant en la terre qu'en la mer, ainsi qu'euidemment nous tesmoignent les vents impetueux que lors elle excite, & les flots continuels qu'elle pousse aux riuages de mer. Et mesmes de nostre memoire, en peu d'annees, l'o a veu ia par la quatrieme fois la mer croi-

tre si demesurément que par sa violence ayant
 rompu & emporté les digues, elle a noyé quasi tout
 le pais bas, & ce en temps d'hyuer que la Lune a
 sans comparaison plus grande force à esmouuoir
 les tempestes & les inundations des eaux, qu'en
 Esté. Tellement que celle tât impetueuse abon-
 dance & rauine d'eau est tousiours aduenue quand
 la Lune estoit fraîchement nouuelle, ou qu'elle
 estoit en son plein, voire les regions & climats
 ont esté les premiers accablez, auxquels l'aspect
 & influence de la Lune prochainement tendoit,
 puis comme elle se tournoit vers autres rinages,
 là aussi prenoit son cours la violence de l'inunda-
 tiō des eaux. Ainsi les Flamens sont les premiers
 exposez aux dangers de périr par le desbordement
 de la mer esmeue. Puis apres ceux qui demeurent
 és Isles de Zelade, puis les Brabâcons & les Hol-
 landois, de maniere qu'ores icy ores là les ports
 de mer sont pressezz des ipetueux flots de la mer,
 selon que la Lune se tourne vers lesdicts pais. D'a-
 uantage les vêts Cores & Circes, dits Noorduuest,
 lesquels viennent tresimpetueux de la partie de
 l'Occident, au tēps du solstice és plus longs iours,
 merueilleusement irritent la violence de la mer,
 & la poussent bien auant en la terre ferme: mais
 de façon que les flots prennēt leurs courses ores
 vers ceste & ores vers celle partie de la terre, chaf-
 que regio à son tour receuāt les regorgēmēs de la
 mer plus tost ou plus tard selon la distance des
 lieux. Ce qu'à fin que chacū cōpreigne mieux, ie le
 deduiray encōres plus clairement. Le iour que la

Lune apparoit nouuelle (qui est tousiours en Occident) par ce que le Soleil par la lumiere duquel elle commence à resplendir, encline de ce costé là) & le iour qu'elle est pleine, nous voyons la mer grandement s'esmouuoit, & se regorger, & les ports plus prochains de son irradiation premierement s'emplier iniques à vne certaine hauteur, puis de là consequemment la mer prend son cours vers le leuant de lieu en autre. Tellemēt qu'un iour apres l'autre, elle commēce a s'emouuoit tousiours vne heure plus tard, & plus lentement, a cause que de iour en iour la Lune s'esloigne d'elle de plus en plus, & tirant vers Midi & vers le leuant, s'esloigne plus loing du Soleil. Exemple: Enuiron les onze heures, plus ou moins, la nouuelle & la pleine Lune remplit des grās flots de la mer, le port de Calais, & de Sluses, qui est vne petite vilette sus les frontieres de Flandres, voisin de Bruges, celle partie de la Lune estant lors enluminee, laquelle regarde le Midi. A Arnhem & a Metelbourg sus les deux heures de iour ou de nuit, a Zirizee sus les trois heures, la Lune estant tournée vers le couchant hyuernal, d'ou vient le vent dit Garbin, & ou le Soleil entre au Capricorne. A Bergue, vne heure & demie ou deux heures plus tard. A Anuers & a Dordrec, quasi à six heures, la Lune lors enclinant vers l'equinoctial occidental, d'ou viennent les vêts Zephires. A Malines, à huit: mais en telle maniere toutesfois que la mer s'enle quelquefois plus tost, quelquefois plus tard, l'air estāt ou paisible

ou esmeu des vents. Et tout ainsi que par l'espace de six heures elle prent son cours vers le couchant, aussi en autant d'heures elle s'en retourne, & se rabaisse, jusques à ce que la Lune ne pouuât plus estre apperceuë de nous, elle vient à se leuer à ceux qui sont à l'opposite de nous: & lors derechef la mer s'enfle & regorge. Puis quand la Lune aura atteint la ligne de la minuit, & que de là elle sera venue à nostre hemisphère, alors derechef les flots se rabaisent & se retirent. Parquoy il faut observer l'estete des lieux, & quelle partie du ciel ils regardent, & considerer l'estendue des pais, & à iceux accommoder le cours de la Lune quand elle se leue ou se couche. Car par ce moyé il sera fort aisé d'assigner à chacune region le flux & reflux de la mer. Toutesfois que nul ne pense qu'il faille prendre garde aux cornes de la Lune, veu que de ce costé là elle n'a aucune force ny effect, ains seulement à la partie ronde extérieure que le Soleil enlumine: car la partie qui regarde le Soleil & la terre, attire l'eau, & remplit des flots de la mer, les ports & haures que tout droit deuant elle, elle rayonne de sa splendeur. De sorte que la mer prent son cours celle part où les rayons de la Lune le poussent. Cependant, que ceux aussi qui veulent voyager par mer, se souuiennét que quand la Lune se leue, & se presente en veuë à nostre hemisphère: si la partie qui est enluminee du Soleil gette ses rayons vers le Leuant, alors la mer est fort enflée, & sont ses regorgemens fort grands es parties Orientales: Que si celle partie est tour-

nee deuers Midi ou vers le couchant, adonc de ces costez là tirent les grands flots de la mer, abandonnans à sec les parties d'orient. Et pource si quelcun veut aller leuant ou couchant du tēps de l'equinocce, ou en temps d'yuer d'où viennent les vents dits le Siroc, & le Subsolan: s'il veut dy-ie aller vers les regions Occidentales, il est lors fort commode de faire voile vers les païs bas, quād la mer est fort haute, & que les reflots sont grands. Comme pour exemple: de Malynes, d'Anuers, de Dordrec, de Bergues, de Breden, de Buscoduc, de Delphes, de Goude, & s'il y a quelques autres lieux plus loingtains, il fait bon lors s'embarquer quād la mer est pleine, & qu'elle est prest de s'en retourner. Au contraire, si quelcū veut aller couchant vers Midi ou vers le leuant, lors il fait bon faire voile quād les ports sont forts bas, & que les flots sont encores à venir: de sorte que selon les lieux il faut qu'il prenne garde au cours de la Lune, & de quel costé du ciel elle est tournée, & quels ports & riuages de mer elle regarde.

La nature & force de la laitue & à qui elle sert ou nuist.

*al ob anoyt al de usq ille a uoy pol anoyt tott
sup ilus x res C. H. A. P. XLII. l'uoq oi onul*

bauroup d'antissot ol. anoyt regvov mlaev



Il par trop souuent on vse de laitues en salades, sinon qu'on y mesle de la roquette & du cresson alenois, & du targon qui est vne herbe fort ap prochäte de l'herbe à esterner, cer-

tainement elles nuisent fort aux yeux, & debilitent la veüe, à cause qu'elles engroissent les esprits visuels, & offusquent l'humeur chrystaline. Les anciens ne la mangoyent à l'entree de table, ains seulement à l'issue, ainsi que recite Marcial.

La laitue iadis des anciens souloit

Martial.

*Estre le dernier mets quand repaistre on vouloit,
Viens çà dis moy pourquoy maintenant d'ordinaire
A l'entree de table on la mange au contraire?*

Ce que ie les estime n'auoir fait sans bonne raison: à cause que pource qu'elle est de froide & humide nature, quand elle est mangée à l'issue du souper, elle fait mieux dormir, & rabat la force du vin, & parce qu'elle rend le cerueau humide, aussi elle resiste à l'yvrongnerie. Neantmoins au iourd'huy on iuge plus sain & plus profitable de la manger à l'entree du souper, parce que quand, par auoir bien dîné, on n'a point d'appetit au souper, icelle avec l'huile & vinaigre mangée à l'entree de table, le nous resueille. Mesmes elle a ceste propriété, qu'auant toute viande estant portée aux venes, elle reprime la trop grande chaleur du sang, & modere l'intemperie chaude du cœur & du foye: si bien qu'en manger souuent & beaucoup, esteint l'ardeur de la pail-lardise. Parquoy ceux qui sont adonnez à la vie hors mariage, & qui veulent garder leur chasteté, en doyuent souuent vser, à fin d'estaindre l'ardeur du desir charnel. Combien que ceux

qui sont liez en mariage ne s'en doyuent aussi du tout abstenir, parce que quelquefois par vne immoderée luxure leur cerueau deuient sec: mais doyuent moderer sa froideur par autres herbes qui eschauffent, à fin que leur semence genitale ne soit rendue inutile à generation.

De l'herbe Hippolapathe, appelée communement Pa-
cience.

CHAP. XLIIII



COMBIEN qu'il y ait plusieurs especes de Parelle ou Pacience, toutesfois on a accoustumé d'en manger principalement de deux sortes, à sçauoir de l'ozeille, laquelle es salades prouoque l'appetit, & oste le desgouttement, dite aussi pour sa grandeur Hippolapathe. Or est-ce vne herbe qui a la tige assez haute, & les fueilles larges & longues, la tige deuenant rouge quand elle est mure, & sa racine iaunatre. Et ay trouue qu'elle a ceste vertu, que quelque chair ou autre viande, tant vieille soit elle & dure, que vous bouilliez avec elle, deuient rendre & bonne à manger. Car pource qu'elle est de nature visqueuse & humectate, elle attendrit toute dure chair, soit de bœuf ou de poule. Pource les anciens en vsoyent souvent, à raison qu'elle cause bonne digestion, & amollit le ventre. Les Arroches ont aussi la mesme puissance. Pareillement celle que pour raison

de sa graine piquante on appelle epinars: la quelle
ie pense Martial auoir denotee quand il dit: *est*

Vse moy de bonnes laitues, *Marcial.*
Et de molles mauues barbuës.

Semblablement aussi Horace: Horace.

L'oline que si fort l'on prise
En ses huileuses branches prise,
Ou l'ozeille qui es prez naist,
Ou la mauue, qui fort bonne est
A rendre du tout garenti
Le ventre dur appesanti.

De l'effect de la saluë de l'homme,

CHAP. XLIII.

QUELLE force & vertu a la saluë de l'homme, mesmement à iun, diuerses experiences le mostrent. Car elle nettoie & guerit le feu volage, les mauuaises dartres, la gratelle, & toutes autres especes de pustules. Et si quelques bestes venimeuses ont touché ou piqué la personne en quelque endroit du corps, comme quelque frelon, quelque escarbott, quelque crapaut, quelque arignée, & plusieurs autres bestes, qui causent enflures & inflammation fort mauuaises, & on



frotte la place de salive, sans doubte elle se desfen
 fle, & la douleur s'en va. Et qui plus est, elle tue
 les scorpiõs & autres bestes venimeuses, ou pour
 le moins grandement elle les mette & leur oste
 leur force. Car elle a en soy vn certain occulte ve
 nin, lequel elle attire partie de l'ordure des dets,
 partie aussi des humeurs corrompues, desquelles
 les fumees montent à la gorge, & en consequen
 ce infectent la salive d'une estrange qualite. Dou
 aduient que quelquefois nous sentons nostre sa
 liue estre amere, ou aigre, ou douceastre, com
 me aussi la sueur de nostre corps. A ceste cause
 ceux qui sont à iun, ont volontiers mauuaise ha
 leine, tellement que par la puanteur d'icelle ils
 infectent tous ceux qui en approchent. Car du
 corps de la personne, tout ainsi que de quelque
 marais limoneux, s'esuaporent de puantes va
 peurs, lesquelles ayans vne nature de venin, cor
 rompent les sources de la salive. Or n'est autre
 chose celle humeur qui vient à la bouche & hu
 mede la langue, & arrouse la viande, qu'un cer
 tain excrement flegmatic, lequel engendré en l'e
 stomac, du suc des viandes, monte au cerueau, &
 de là descend à la langue & au gosier. Qui est la
 cause pourquoy ceux qui ont l'estomac plein de
 flumes, ont aussi tousiours la bouche pleine de
 salive, & ne font que cracher. Mais ceux qui ont
 l'estomac & autres parties fort chaudes, & qui
 brûlent d'une chaleur de fièvre, ils ont tousiours
 la langue faiche, laquelle comme la terre par les
 grandes ardeurs du Soleil, leur vient à fendre.

Parquoy puis que la qualité & l'effect de la salie
ue procede des humeurs (car la faculté de nature
l'extrait d'icelles comme le feu par distillation at-
tire la liqueur des herbes) on peut par cela ayse-
ment rendre raison pourquoy elle fait des cho-
ses si estranges, & qu'elle est si dangereuse à au-
cunes. Que si manifestement on cognoit la sali-
ue de l'homme sain estre grandement efficace à
plusieurs choses, tellement qu'elle fait mourir nō
seulement aucunes bestes, voire amortit le vif ar-
gent & l'arreste: que doit-on iuger de ceux qui
sont infectez de ladrerie, de verole, & autres ma-
ladies contagieuses? Certainemēt l'en ay veu plu-
sieurs qui par auoir beu en vn verre mouillé de
de la salie, de quelques infectez, ont eul mal à
la bouche, & leur sont venus de grosses pustules
es leures.

*De l'usage de lait & de la creme, & quelles choses les
empeschent de cailler en nostre estomac.*

*CHAP. XLV. De l'usage de lait & de la creme, & quelles choses les
empeschent de cailler en nostre estomac.*

V S E R de l'aict n'est pas sain à tou-
te personne esgalement. Car en
ceux qui sont d'estomac froit, il
s'aigrit & enfle les intestins de
ventositez: & en ceux qui sont
d'vn temperament de corps fort
chant, il se brusle & rend des fumees fort puan-
tes, qui causent vne grande pesanteur de teste.

Et pour ce que le lait est de complexion qu'il se caille & se prent à la chaleur, & se fond par le froid, de ceste cause aduient, qu'en vn estomac fort chaud soudain il se conglutine. A quoy on ne peut par nulle chose mieux remedier, que par miel, ou sucré, & vn peu de sel. Outre, pour ce que bien ay cognoi plusieurs qui par lait caillé parlopius en leur estomac, ont esté suffoquez, & conduit par où l'air respire estant demeuré clos en vomissant. Voylà pourquoy aucunes ieunes filles & aucuns ieunes iouuentaux treuilans me semblent filre bien follement, lesquels à leur goust se remplissent de lait & de crème, & d'autres choses faites de lait, & ne craignent point de boire apres leur faict de vin ou grand danger de leur santé. Car le vin faict cailler le lait & de auoir dui comme fromage, dont l'estomac estant offencé, & ne le pouuant elaborer & cuire, tout se couertit en pourriture, d'où apres sont causees de fort grandes maladies. Ainsi le poisson & le lait, & toutes choses aigres meslees avec le lait, & apres lesquelles auoir mangé, on boit du vin, engendrent la galle & la ladrerie. Car estans ainsi mangées puelle mesle sans aucun esgard, elles viennent à pourrir & se corrompre. Or n'y a il rien plus dangereux à l'homme, que le premier lait qui est tiré de la vache si tost qu'elle a vélé (lequel neantmoins aucuns cabarestiers tiennent en grandes delices) tellement qu'il est fort mauuais aux petits enfans, voire pour en mourir, si mesmes le troisieme iour apres qu'ils sont naiz, ils retent leur

leur mere. Car tel laiët soudain se caille & endure-
cit dans le corps, & oppile & estouppe les veines,
de maniere que l'aliment ne peut passer commo-
dement, & qu'il n'offence l'enfant.

*Pourquoy les gouteux sont enclins à luxure, & tous
ceux qui se couchent ordinairement sur le dos, & sur
quelque lit dur.*

C H A P . X L V I .



Eux qui sont subiects au mal des gou-
tes sont ordinairement la plus-part
enclins à luxure, & fort chauds à tel
mestier, partie à cause que par l'ogue
coultume ils en ont quasi fait vn naturel, de sorte
que par s'y estre portez trop immoderement, ils
y ont aquis ce mal de gouttes: partie aussi qu'e tels
les nerfs se roidissent & tendent à toute heure: &
par souuent coucher sur le dos les humeurs s'en
vont aux parties genitales. Par mesme cause,
ceux qui vont le plus souuent à cheual, & ceux
qui couchent sus les planchers des nauires, & qui
couchent durement sus leur dos, sont fort ad-
donnez à paillardise. Car les nerfs qui s'en vont
aux parties destinees à generation s'eschauffent,
de maniere que par l'agitation & influence des
humeurs, les reins sont incitez, & est causé vn cer-
tain chatouillement. Comme pareillement de
semblable cause procede que si quelcū vous mar-
che doucement sus le gros orteil du pied, à l'in-

stant par vn tel atouchement les parties hôteu-
 ses s'enflent, & la bourceridee des genitoires par
 vne correspondance mutuelle, & parce que les
 nerfs & veines s'entretiennent & entrelaissent les
 vnes aux autres, sent la mesme esmotion. Car
 tout ainsi que si quelcun met en vn grand brai-
 zier des tenailles ou quelque autre ferrement, la
 partie qui est hors le feu bien souuent s'eschauffe
 si bien qu'on ne la peut manier: ainsi aux mem-
 bres qui sont vis à vis les vns des autres, & aux
 prochains se communique vne pareille douleur
 & passion. Ainsi l'estomac, les entrailles, le vêtre,
 la rate, & le foye, estés mal disposés, la teste aussi
 s'en sent: & au contraire le cerueau estant offen-
 sé, ou par quelque intemperie vicié & molesté, le
 mal en descend aux parties inferieures. D'ou pro-
 cede que les sages-femmes, combien qu'elles en
 ignorent la cause, ont accoustumé es maladies
 des enfans de regarder à leur verge, & à leurs ge-
 nitoires: par l'observatiō desquels ceux qui sont
 ia aagez, peuvent aussi comprendre de certains
 signes de la vie & de la mort, & de la bonne &
 mauuaise disposition. Car si la bource des geni-
 toires est flacque & fletrie & le membre de mes-
 me, c'est signe que les facultez naturelles & tous
 les esprits vitaux qui soustiennent la vie, sont affoi-
 blis. Que si celles parties sont droites, & resser-
 rees en vn monceau, & la verge vient à se roidir,
 c'est signe qu'on se porte bien. Mais à fin que
 l'issue responde iustement au presage, il conuiēt
 prendre garde en quelle partie du corps gist la

*Que les
parties ge-
nitales de
monstrent
si on est en
bonne ou
mauuaise
dispositiō.*

maladie. Car si és maladies du cerueau, & en celles d'au dessus du diaphragme, la verge & les genitoires pendent & sont flacques, c'est signe de santé: comme au contraire s'ils sont retirez & resserrez c'est mauvais signe. Car la faculté vitale se meurt, & les nerfs se retirent vers le lieu de leur origine. Ainsi j'ay obserué en plusieurs qui auoyent encores la raison & l'entendement sain & entier, les genitoires & la verge s'estre tellement retirez, qu'ils ne pouoyent vriner. Mais en toutes les maladies qui viennent és parties dessous le diaphragme, c'est vn bon signe quand les genitoires sont resserrez & la verge se redresse quelque peu. Car cela denote que les parties qui seruent aux facultez naturelles reprennent force & vigueur, & deteches deuiennent idoines à faire leur office. Car nulles parties du corps recourent plustost leur premiere force & vigueur, que celles que le pere de nature a voulu estre cachees.

si la verole des enfans se peut guarir par administration de vin vermeil, & de lait de vache, que les femmes ont accoustumé leur bailler.

CHAP. XLVII.



V E és maladies qui gisent en ébullition & inflammation du sang, il faille ordonner toutes choses qui chassent & dissoluent les humeurs accueillies

& les subtilisent, à fin que plus commodement elle se puisse vuidier par les conduits & spirals du corps, il ne faut point qu'aucun en doute. Parquoy ie m'esbahy pour qu'elle raison les femmes de nostre país, quand telles pustules veulēt sortir, donnent à boire du vin vermeil, lequel biē souuent est de nature astringente, & engrosit les humeurs. Pource en tel cas i'ordonne vne decoction des fleurs iaunes de la soucie, de melisse, d'anet, d'hysope, de sēriete, de figues, d'anis, & de fenouil: laquelle eslargit la peau & dissipe l'amas des humeurs. Neantmoins que ie sçay bien vne raison suyuant laquelle on le peut donner à boire sans aucun dommage ne danger, à sçauoir quand toute la violence des humeurs est paruenue à la peau. Car lors il les chasse par mesme moyen que les choses astringentes laschent le ventre: comme les myrabolans, la rhubarbe, lesquels euidentement on apperçoit qu'il y a certaine force astringente. Par ainsi il chasse la rougeole & enuoye les humeurs fumeuses qui adherent à mi-chemin, à la peau extérieure. Aussi ie treuue par experience en quelques gens, que le gros vin noir d'Espagne (que ceux de nostre país, à cause qu'il tache, appellent teinture) fait aller du ventre lequel toutesfoiś on a accoustumé de dōner à boire à ceux qui ont flux de ventre, pour le resserrer. Ce qu'il fait en partie à cause que pource qu'il est gros, il ne peut entrer es veines, en partie aussi par vne faculté restringente, par laquelle il leue & entreint ce qui est attaché aux entrailles. Par

mesme cause le vin vermeil, pource qu'il est challeureux, à force de chasser & mettre hors, & fait suer. Mais certes ie ne suis aucunement d'avis que en quelque sorte que ce soit on donne à boire du lait, veu qu'il est fort nuisible aux febricitans, & que promptement il se corrompt, & attrait toute contagion. Car ie say par experience que s'il y a du lait en la chambre où quelcū vient à deceder, iceluy tout aussi tost se corrompt & deuient bleuaistre, & tout le mauuais air se met en luy. *Que le lait est fort subiect à se corrompre*

*Le vin & la ceruoise soy tourner & gaster par le tonnerre, & la foudre, & comme on y obuie, & les remen-
on en leur premier estat & bonté.*

CHAP. XLVIII.



V. le tonnerre & la foudre endom-
magent les viandes es garde-mâgers,
& le vin es caues & celliers, il n'y a
pere de famille qui a son dam & per-
te ne le prouue. Car par la foudre le
vin se tourne & deuient roux, & par la chaleur &
force ardente & penetrante du tonnerre pert sa
naturelle saueur. Ainsi que la ceruoise par cest
horrible & violente concussion, deuient aigre, &
mauuaise à boire. Et combien que la chaleur de
l'esté soit la principale cause que les liqueurs se
aigrissent, neantmoins la foudre & le tonnerre
apportent yn soudain changement à telles cho-
ses, mesmes en temps d'hyuer, où la chaleur de

l'Esté fait cela tout bellement. Que si les celliers & caues sont sous terre & bien voutées, tels bruages en reçoivent moins de dommage que si elles estoient faites seulement à planchers. Car l'intemperie de l'air & du vent transperce plus soudainement en icelles, & plus violemment estoine les vaisseaux. Et pource auant que l'orage vienne l'ay accoustumé d'y pouruoir, en mettant sus les tonneaux vne lame de fer avec du sel ou grauiet. Car la foudre se combat contre les choses les plus dures, & principalement contre icelles desploye sa force. De sorte qu'elle ne touche point aux choses qui sont rares & tendres, pource qu'elles luy donnent passage, & ne l'arrestent point. Dont nous voyons que le chesne & l'yeuse, arbres durs & hauts, sont communement touchés de foudre: là où le Laurier qui luy cede & point ne luy résiste, n'en est iamais frappé. Ainsi a l'on plus par experience que par raison trouué pour chose toute vraye, que la peau du veau marin, à cause comme ie penso, qu'elle est rare & peu solide, n'est iamais atteinte de la foudre: pareillement l'aigle & sa peau. Or est-il profitable à tous de sauoir & retenir en memoire, pour pouruoir à leur santé, que les viandes qui sont gâtées par la foudre, sont fort mauuaises & dangereuses. Car il y a en icelle vne force pestilencieuse, de laquelle vn air enuenimé est infus és choses qu'elle atteint. Qui est cause que les choses brûlées par la foudre redent vne très puante senteur. Ce que cognoissons manifestement és espis

de bled, lesquelles si apres que par la foudre ils sont nyellez, on les viēt à broyer entre les mains, ils sentent le soufre. Mais puis que nous auons declairé que sont ces tempestes naturelles, & quel dommage elles portent aux choses, maintenant il reste que nous demonstions par quelles choses elles peunēt estre restaurees & remises en leur entier. Ce que vous ne ferez facilement, si vous ne remuez le bruuage quel qu'il soit, vin ou ceruoise, en vn autre tonneau: lequel il faut premierement bien raclez, puis avec vne decoction de fucilles de Laurier, de noyer, & de murthe tant de iardin que sauūage, que les Brabançons appellent Gaghel, de fenouil, de grenes de geneure, & d'oruale, communement dite en Flamēt Scerley, le fort bien lauer, & après l'auoir bien laissé saicher, y mettre le vin dedans: & en fin quād on en viendra tirer pour en boire, il aura vne couleur, odeur, & saueur plaisante. Pareillement quand la ceruoise a perdu sa naturelle saueur, ou que elle n'a presque plus de force, nous la luy rendons, & luy faisons auoir bonne saueur avec choses odorantes, sçauoir est avec racine de glayeul, avec gingembre, noix inuguette, cloux de gyrofiles, greines & fueilles saiches de Laurier, de *calame souefflairant, marioleine d'Angleterre,

* Arbre,
naissant
au país de
Arabie.

de la santé. Car par vne force ardente elle endommage les nerfs, & finalement cause les gouttes, ainsi que les vins où l'on a mis de la resine, & qui sont mistionnez d'aucunes choses estranges. Or les tauerriers de nostre país parfument de soufre les tonneaux, & y mettent dedans de l'eau marine cuite avec de miel. Il y en a aussi qui y mettēt du laict de vache, d'autres y mettēt de la chaux, du sablon & des pierres blanches pilees qu'on apporte de Bentimarge en ce país cy, y adioustant quelques poingnees de sel, ou bien fix ou sept ceufs: par lesquelles choses ont accoustumé d'estre racoustrez tous les vices qu'un vin peut auoir & sa saueur & couleur estre remise en son entier. De tous lesquels vins, combien qu'aucuns soyent moins nuisans, tousiours toutesfois les mistionnez sont pires & moins sains, que ceux qui sont purs & naturels.

Presages de tempeste prochaine par le maniemēt de l'eau de la mer. Et de quoy menacent les ronnerres d'hyuer.

CHAP. XLIX.

SOVVENTES FOIS estans allé bien auant en mer sus vn esquif, l'ay prins garde qu'en mettant la main dans la mer, si l'eau estoit fort tiede, cela pour tout feur denotoit que deuant trois iours il y auroit grosse tourmente des vêts tres-impetueux, & des vagues & flots merueilleux. Car quād il y a grāde

tourmente en la haute mer fort loingtaine de
 nous, d'ou le courant de la mer s'en vient droit
 à nous, pour certain l'eau grandement batue est
 quasi comme bouillante, & comme les mains
 frappees l'une contre l'autre, conçoit grande cha-
 leur. Parquoy quand en nostre contree nous
 sentons l'eau de la mer deuenir tiede, aussi tost
 nous sommes assurez que les tempestes & tour-
 billons approchent, & que les flots viendront
 bien tost à s'encler outrageusement. Pareillement
 si quelquefois il tonne en hyuer avec force es-
 clairs & foudres, cela denote la tempeste, & des
 vents fort vehemens, & vne horrible tourmente
 deuoir bien tost aduenir sus mer. Car quand vne
 telle indisposition de l'air est excitee outre que
 porte la saison, & contre l'ordre de nature, il faut
 necessairement que la cause soit merueilleuse-
 ment forte & puissante, qui esmeut tels tourbil-
 lons. Or ny ay-je iamais prins garde que le iour
 d'apres ne soyent venues horribles tempestes &
 grosses pluyes. Car la foudre & le tonnerre sont
 ordinaires en Esté, comme les fleurs ardentes,
 lesquelles venans à saisir la personne en temps
 d'hyuer, il faut que cela se face par vne cause fort
 vehemente, laquelle la contrariete du temps n'a
 peu empescher & reprimer. A quoy tend cest
 aphorisme d'Hippocras, que moins perilleuse-
 ment sont malades ceux à la nature ou à l'aage
 ou à l'accoustumance, desquels ou à la saison du
 teps, la maladie est correspondante que ceux ou la
 maladie n'a aucune alliance avec telles choses.

Hippocras

au 34.

apho. du

2. liure.

*Les enfans aymer les belles choses, & auoir en horreur
les vieilles laydes & ridees. A ceste cause qu'il ne les
faut coucher en mesme lit avec elles, & beaucoup
moins a leurs pieds.*



TOUTES personnes se delectent
en choses belles & plaisantes;
mais sur toutes les petis enfans,
lesquels comme ils sont vifs &
faisans mille petites plaisante-
ries, aussi fort ententiuement ils
regardent le feu, les chandelles, ou torches allu-
mees, les estincelles ça & là volantes, & toutes
choses qui flamboyent, & aiment merueilleu-
sement toutes parolles flatueuses & qui les amu-
ghardent. Qui fait que les plus chagrins enfans
& les plus difficiles à appaiser, ne se taisent mieux
par nulle autre chose, que par ouyr chanter, ou
quand vous leur presentez, deuant les yeux tou-
tes choses luyssantes. Ce qui se fait par la vigueur
du feu, & par vne substance aëreuse & luyssante,
qui est la cause pourquoy ils craignent si fort
l'obscurité, & ne veulent aucunement voir cho-
ses laides & hideuses. Parquoy quand quelques
vieilles laides & ridees portent de petis enfans
entre leurs bras, ou qu'elles les tiennent sur leur
giron, si tost qu'ils les voyent au visage, ils tref-
saillissent tous plourans, là ou si quelque iolie
femme bien & proprement abillée s'en appro-

che, incontinent ils s'adonnent à elle, & luy tendent les bras pour aller vers elle. Parquoy certes ceux sont indiscrettement qui louent des nourrices tristes & chagrines, ou qui donnent leurs enfans à nourrir à des vieilles qui machent premièrement ce qu'elles leur font manger. Car pource que quasi toutes ont une forte & venimeuse haleine, & sentent leur bouquin. Il aduient que ces ieunes enfans tendres attrayent à eux tout ce qui sort de tels corps, dont après ils deuiennent tous jaunastres & bazannez, & par coucher avec elles, attirer d'elles plusieurs mauuaises choses, principalement ils touchent à leurs pieds au contraire d'elles.

D'où vient que l'aage tendre, les femmes grosses, les prestres, & ceux qui meinent vie solitaire & sédentaire, sont communement les premiers frappez de peste, & de telles maladies publiques.

CHAP. LI.

JE trouue que ceux qui sont d'aage encores tendre & non forte, & d'une humide disposition de corps, sont plus tost surprins de toutes maladies contagieuses, telles qui coustumièrement courent en Automne & en Este, comme les ieunes enfans, & les femmes, & ceux qui s'adonnent à oyssuete & à dormir, retiennent en eux grande abondance d'extremens. Car tels sont beau-

coup plus tost exposez aux dangers, & plus soudainement prennent les contagions des maladies. Tellement qu'ainsi qu'un miroir bien net & bien poli, ou toutes autres choses nettes sont incontinent obscurcies par quelque grosse & fumieuse haleine, & comme le feu soudainement enuahit les menus festus & les buchettes bien seiches, & les choses dures & solides si tost ne fembrasent, ainsi les corps encores tendrets à la maniere des soldats mal armez en la bataille, sont les premiers frappez si tost que quelque mal contagieux commence à courir par un pais. Secondement les femmes enceintes n'ont pouuoir d'y resister, estans ia tant affoiblies & debilitées par leur portee, qu'à la moindre maladie qui leur vient, elles defaillent. Pareillement les prestres & les moines & nonnains, à cause qu'ils sont adonnez à oyssiueré & à dormir, & ne font point d'exercice, ny ne trauaillent point, à grande peine resistent à telles maladies. Aussi les crocheurs & voituriers & autres du menu peuple, pource qu'en toute leur maniere de viure & en leur manger ils sont sales, & font plusieurs excès, sont volontiers atteints de telles maladies, iacoit qu'aucuns d'eux par auoir les corps endurcis aux labeurs en soyent plus tard attains. Or combien que les ieunes enfans ne peuuent longuement resister aux maladies aiguës, toutesfoies es maladies moins violentes & ou peu à peu lentement ils vont en empirant, ils ne combattent moins l'og temps que ceux qui sont desia d'aage,

a cause que les enfans ont en puissance les mesmes choses en eux que les plus aagez ont actuellement. Car il y a en cest aage vne certaine force, & vne vie & vigueur qui doiuent estre prolongees à plusieurs annees. Dont voyci qu'en dit *saict Au- gustin au* *saict* Augustin. Les enfans dit-il, ont tellement *gustin au* leur regle & mesure de perfection, qu'ils sont *liure de la* conceuz & naiz avec icelle: mais seulement ils *cité de* l'ont en puissance & non en grandeur & gros- *Dieu, cha.* seur. Car tous leurs membres sont en la semen- 14. ce, lesquels peu à peu viennent a croistre, & avec le temps viennent à auoir leur beauté & iuste grandeur. Ainsi de mesme suyuant le cours de l'aage, la force de la raison se demonstre, & toutes autres fonctions de nature commencent à se parfaire.

Enseignemens diuers de nature, & recueil non impertinent de choses diuerses; a cause de briueté, assemblees comme en vn faisceau.

C H A P. LII.



LE A V distillee que nous extrayõs des herbes verdes, iamaïs ne se pourrit, à cause que toute la concretion terreuse est du tout bien cuite, & qu'en elle il y a vne certaine substance aëreuse, qui est cause qu'elle ne peut endurer aucune decoction. Car si vne fois vous la faictes bouillir au feu, elle

perd toute la force & puissance, a cause que pour ce qu'elle est pure & sans aucun mars, il n'y a rien en elle qui en puisse estre osté, & pour ceste cause se pourrit plus tost & se moytit que l'eau de puy cuite. De sorte que la ceruoise cuite d'eau de puy, & d'eau dormante, encores qu'elle soit trouble & orde, toutesfois est plus saueuse & moins s'aygri que celle qui est faite d'eau de pluye & d'eau clere. Car si la trouble a quelque vice, il se cuit & consume, & elle s'amende. Or est digne de memoire ce que Hermolaus Barbare dit. Que l'eau qui par sept fois a esté pourrie & purgee, iamaïs plus ne se pourrit, pource comme ie pèse que toute la subltance terreuse en est ostee, & qu'elle est entierement purgee de toutes ses ordures, qui sont cause qu'elle se pourrit. Ainsi i'ay obserué que l'espece de biere que le menu peuple de nostre pais appelle Iopenbier, s'aygri en vn certain temps de l'annee, & apres reuiert en son premier estat, ce qui aduiert aussi au vin qu'on amaine là des pais estranges, qu'on appelle vin bastard, & au gros vi noir d'Espagne qui tache les napes & les mains des personnes, comme les noires meures.

*Le vin.
L'huile.*

Ory a-il deux liqueurs non moins plaisantes que saines aux corps humains, à sçauoir le vin au dedans, & l'huile par dehors, desquelles si l'on vse moderément, elles rendent le hommes entierement sains, & font qu'en leur vieillesse ils sont tousiours verts & vigoureux. En maniere que comme des botes fort dures, & les cuirs tous

roides & moisis estans bien gressez & huilez s'amollissent, ainsi les corps des hommes & principalement des vieillars estans repeuz de vin, sont rendus plus doux & amiables & moins chagrins. Et les huiles & onctions, combien que la coutume en soit quasi perdue en plusieurs païs, & hors d'usage, neantmoins fort sainemēt sont appliquees aux corps tant des ieunes que des vieilles gens, a cause que par icelles nous les resserons, a ce qu'ils ne soyent frappez & percez de quelques mauuais vents exterieurs, ou bien nous les rendons laches & rares, de peur qu'ils soyent estouffez par les mauuaises humeurs interieurs. Mesmes qui plus est, la peau estant abbruee de huile, ne reçoit aucun venin. De sorte que si quelqu'un veut par cauterres & par medicament corrosif exulcerer la peau, & il l'a oingt d'huile, il ne fera rien, & perdra sa peine, car les choses qui sont appliquees, point ne s'y attachent ny ne percent aucunement. Que si on boit huile elle dechasse & debilitte la violence du poison, & empesche qu'il n'entre es veines, voire par vomissement le fait incontinct sortir hors. D'auantage, si l'on met de l'huile sus du vin, ou sus quelque autre liqueur, elle le preserue de se uenter & de se corrompre. Car elle rechasse l'air & toute mauuaise odeur, qui peunēt causer putrefaction.

L'ambre attire les menus festus, & toutes choses seches, moyennant qu'elles ne soyent ointes d'huile, pour laquelle raisō aussi il repousse l'herbe du Basilique. Ainsi la pierre d'Aimant estant

L'ambre.

frotee d'ail, point n'attire le fer, à cause qu'il y a vn ne sçay quoy de gras en l'ail, qui repousse sa force & vertu.

Les concombres & courges à cause qu'elles sont pleines d'humeur, & que d'icelle elles sont nourries, li fort hayssent & fuyent l'huile, que si on leur en met aupres, elles se restringoent & se retirent. Car toutes plantes qui sont arroseees d'huile se pourrissent.

Si vne vigne deuiant sterile, & qu'elle ne porte plus que des sermens & des fueilles, & vous l'arrousez de forte & vieille vigne, elle deuiendra fertile. Car pource qu'elle estoit comme suffoquee par humeur superflu, au moyen de ce piffat, la chaleur estant excitee, & l'humidité excrementieuse consumée, elle porte de beaux & gros raisins. Ce qui se fait aussi si on luy met au pied force lie de vin. Mais certes ceux de nostre pais prouuoient du tout mal à la fertilité des vignes, quand ils leur mettent autour des racines, de la luye de cheminee. Car combien qu'il semble qu'il y ait en icelle quelque chose de gras toutesfois par vne force ardente elle endommage grandement la vigne, & la fait secher & mourir.

L'orualle, autrement dite route bonne, a de fort grandes vertus. Car sa greine par vne force attractiue oste des yeux les petites pailles ou menue poussiere, & autres choses qui y entrent. De sorte que si on en met vn grain en l'œil, il tourne çà & là, & ayant consumé l'humeur & chassé ce qui empeschoit la veüe, il sort tout enflé & comme

& comme couuert d'une petite peau. D'avantage, l'herbe bien pilee & mise sus la piqueure d'une mouche guespe, ou d'une espine, attire hors l'aiguillon & l'espine. Outreplus elle facilite l'enfantement des femmes qui demeurent long temps au travail, & qui ne peuvent estre delivrees. Aussi mise au vin elle rejoynt l'esprit & esclarcit l'entendement, & prouoque a pailardise. Toutesfois si on en prend en trop grande quantité, la force de son odeur esteste.

La decoction des Guimaues & des Mauues rend les mains de rudes & ridees molles & douces, & plus efficacement encores la greine de Senegret, & la greine de lin, à cause qu'elle porte huile fort douce. Or en nostre pais, apres que la greine de lin est moullue, & que l'huile en est tiree, se font des Marcs & des torceaux, en forme quarre, de ce qui reste, qui est viande fort propre pour engresser le bestail. Dequoy si vous en destrempez vn morceau avec eau de pluye, & vous en lauez les mains, il vous osterà toutes demangeaisons, & vous rendra les membres & la peau nette & bien polie. Pareillement la fondree de l'huile de lin, avec vn peu de gomme Arabique, & de tragacant, & de mastic meslé parmy, & vn peu de camphre, rend le front & les tins ridez lices & polis, & si donne grace & belle veüe aux yeux rouges, & aux paupieres chassieuses & renuersees.

Or a-il semblé à quelques gens chose fort estrange, que les malades ayent les membres

tres-chaux, & que tout le corps leur brulle, sans neantmoins estre oppressez de soif, combien que cela aduienne de ce que la chaleur s'espend par tout, & ne se tient au cœur ny és autres parties nobles & principales. Dont vient que la sueur sortant du corps & le cœur estant refraichi & esuenté par frequente aspiration, & la chaleur fumeuse qui estoit és entrailles interieures, estant dechassée, point ils ne sont alterez. Au contraire ceux esquels la chaleur ne s'espend point à la peau extérieure: mais se tient comme cachée dedans, sont terriblement affligez de soif, combien qu'au dehors ne se demontrent aucuns signes de chaleur.

La glaire d'œuf bié batue & meslée avec chaux viue, fould le verre rompu, & assemble tellement les pieces d'un pot cassé, qu'elles tiennent fermement, & ne se peuvent desassembler à cause de sa glutineuse tenacité. Car au moyen que la chaux meslée avec toute liqueur quelque soit, s'endurcit en pierre, plus fort encores elle s'endurcit si elle est destrempee avec glaire d'œuf, laquelle est de soy visqueuse comme glus.

Celuy qui delectera du iardinage, & qui de toutes plantes voudra recueillir planté de fruiets, luy conuient considerer qui sont celles qui s'ayment les vnes aupres des autres, & celles qui s'entre-haïssent. Car les vnes empeschent de croistre les autres. De sorte que si la vigne est plantée aupres des choux, ou elle languit, ou elle se meurt. Car pource que la vigne est abondante en suc &

le chou ayme fort l'humidité, il attrait tout le suc à luy. Pareillement le Laurier & le Lierre nuit fort à la vigne, & par vne faculté chaude & desficative la fait secher. Ce que la Lauande aussi à cause de sa vehemente chaleur fait à plusieurs herbes. Comme aussi le refort par sa force & acrimonie, par laquelle il brusle & desseche tout ce qui est aupres de luy. Qui est la cause pourquoy il engarde d'enyurer. Car il rebat & aneantit la force du vin.

Si vous plantez des aulx pres d'un rosier, ils rendent les roses beaucoup plus flairantes, pource que l'acrimonie & la chaleur des aulx refueille la force nayue qui est esdictes roses. Car les choses qui languissent de froideur sont par chaleur remises en leur naiue force & vigueur.

L'Oliue est comme vne medecine au pois chiche. Car elle chasse les chenilles qui les rongent & mangent, & ce par sa forte odeur, laquelle est cause qu'aucuns bestions ne s'engendrent en elle. Et pource que l'Oliue est pleine d'amertume aussi elle fait flestrir & secher les choux & autres herbes fort humides. Ce que fait aussi la Marioleine d'Angleterre, la rue, & le cyclamen, autrement pain de pourceau, par leur vertu chaude & desseichante. Or sçay-ie bien plusieurs telles choses se faire par vne secrette & naiue force & propriété de toute la substance de la chose, en maniere qu'on ne peut pas tousiours rendre la raison ny declairer la cause de tels effects. Neantmoins il est bon & delectable au medecin

& à l'industriel & subtil chercheur des choses naturelles, d'en chercher & considérer les raisons probables, lesquelles si du tout il ne comprennent, pour cela il n'empesche point qu'on n'adiouste foy aux choses euidentes, ny ne calomnie les effects, ains il admire nature, & celuy qui l'a faicte. Toutesfois il y a vne infinité de choses dont se peut rendre probable raison, comme pour exemple. Le pourpier oste l'agacement des dents, qui vient par auoir mangé choses vertes & surs, pource qu'il est glutineux, & par ceste glutinosité, il adoucit les dents agacees, & les nerfs auxquels elles tiennent, & par son humidité visqueuse, les rend bonnes comme deuant. Pareillemēt par vne force chaude & astringente, se fait le semblable si on les frote de sel, ou si l'on mäge tant soit peu de fromage de brebis. Car il desseche, & rend ferme les dets estourdis, & qui par vne humeur froide & humide, lochent & veulent tomber.

En ceux qui ont le nez fort estroit, ou qui sont camus, la greine de Nielle ou poyurette, que saint Hierome en Esaye tourne Gith, l'autonne, la rue, & toutes herbes qui sont de forte & violente odeur, tresefficacement restaurent le sentiment du nez, ou totalement perdu. Car elles eslargissent les conduits, & resoluent & dispersent les humeurs & vapeurs empeschantes. Aussi certainement ie n'ay rien experimenté de plus singulier es vieilles gens, que leur faire sentir de la menthe à toute heure, Semblablement à ceux

esquels vn tel sens est corrompu de l'ogue main,
& du tout perdu.

Le refort, dit racine par excellence, se doit *Le refort.*
manger à l'entree de table. Car ainsi il donne ap-
petit de mager, & moins il nuit à l'estomac. Par-
quoy ceux de nostre país sont grandement à
blasmer, lesquels apres auoir quasi disné ou sou-
pé, en mangent leur saoul, pource qu'ils se per-
suadent que la digestion s'en fera mieux, là ou
tout au contraire il est fort nuyfant à l'estomac,
sinon que mis par petites roelles en sel & eau,
il soit mangé deuant la viande, autrement il
cause vne forte & mauuaise haleine, & des rots
tres-puants. De sorte que si vous en mettez
vne roelle dens du vin, incontinent il en prent
mauaise senteur.

L'huile de tertre derouille soudainemēt le fer
& le réd poly & luyfant, lequel aussi par vne for-
ce absterfiue efface les lentilles du visage, & oste
toutes laides pustules qui coustumierement di-
forment le front & le menton.

Le camphre mis en eau de pluye, la contregar-
de & preserue de pourrir par son odeur vehé-
mente. Pareillement la myrrhe & le bois d'Aloë
& le Benjoin, le stirax calamite, ont vne mer-
ueilleuse force & vertu à contregarder les cho-
ses de pourriture. Car par vne exalation douce
& plaisante, procedant d'vne qualité chaude &
seche, ils chassent toute haleine gastee, corrom-
pue & pestiferee, & purifient l'air qui est quasi
cause de la putrefaction.

Le suc laiteux du Tithimal & poireaux, dont s'en trouue de sept sortes, oste les verrues par vne force aduſte & brulante. Car par ſa violente chaleur & force tranſperceante, elle en fait ſecher la racine, dont bien toſt apres elles cheent comme quelque crouſte ſeche. Par meſme raiſon l'herbe appellee la mort au chien, & le ſauinier reduictes en poudre, & meſlez avec oximel de ciboule, ou de ius de ſouci, oſtent les clous & les durillons qui viennent és parties honteuſes quand on a eu la compagnie de quelque femme infectee de verole.

Si vous voulez qu'en Eſté le vin ne ſeſuente ſi toſt, ou que point il ne deuienne chault: mais qu'en le bruant vous le trouuiez froit comme glace, mettez les pots ou autres plus grans vaiſſeaux en vne cuue pleine d'eau fraiche, puis couurez bien tous les couuercles de ſalpetre, & le vin deuendra ſi frais, qu'il vous gellera preſque les dents. La qualite duquel ſalpetre eſt ce qui cauſe vn ſi grand bruit quand on deſaſche vne harquebouſe ou artillerie. Que ſi on n'y mettoit point de ſalpetre, elles ne ſeroyent point de bruit, & ne ſortiroit le boulet avec telle force & violence.

Si quelqu'un veut boire du vin fort & puiſſant

Comme il faut mettre d'eau dans ſon vin. qui ſoit bien attrempe d'eau, il n'y doit point mettre l'eau durant le repas, ains vne heure & demie auant qu'il ſe mette à table. Car ainſi les liqueurs ſ'entremelent enſemble, & par nulle qualite contraire ne reſiſtent à la concoction.

Car sans doubte selon la maniere par laquelle on a maintenant accoustumé de mettre l'eau au vin, on ne peut gagner que force douleurs de teste, & remplir le ventre de bruits & ventositez. Pareillement pour la santé du corps, il ne faut point mesler de vin verd & rude & aspre, avecques vin doux, ny de rouge avec le blanc, par ce que les nourritures de diuerses qualitez empeschent l'estomac, à cause que les vnes se conuertissent plus tost en la substance du corps & les autres plus tard. Pource ie conseille d'y auoir cest egard, qu'au disner on boiue du blanc, & au souper du rouge. Car le blanc coule soudainement & rend les veines & les conduits de l'vrine plus ouuers & plus larges : mais le rouge pourueu qu'il soit bon, nourrit plus : mais il est astringent. Que s'il aduient aucunesfois que tout en vn repas on boiue de l'vn & de l'autre, il faut tousiours tenir cest ordre de boire le blanc auant le rouge. Or combien que ie confesse qu'il ne faut point du tout estre nonchallant a mettre de l'eau au vin, toutesfois le dit de Plutarque m'a tousiours pleu, qu'il vaut mieux boire vn peu de vin pur en temps deu, que boire du vin attrempe, à cause que l'eau luy oste sa force & vertu.

Si quelqu'vn veut cōtegarder des chataignes fraiches bonnes & saines, & sans que point elles se gastent, fasse vn lit dessus elles de noix fraichement cueillies sus le noyer. Car les noix s'abbruuent & attirent à elles toute l'humidité

*Comment
les chatai
gnes se pen
uent bien
contregar
der.*

superflue qui les rend vermoleues & vuides & moissies, la nature de la noix estant de dessécher & consumer l'humeur, dont fort sainement on les applique sus les glandes qui viennent autour de la gorge, sus la luette, & sus tous autres vices du gosier. Et à cest usage se fait vn antidote de

Diamicū. noix qu'on appelle Diacaryon ou Diamicum, lequel reprime & arreste toutes defluxions du cerueau. Et a raison qu'elles remedient aux poisons, & qu'elles chassent les contagions de l'air venimeux, à ceste cause les anciens ont inuenté vne composition qu'ils ont nommee Diatesfaron, en laquelle on met deux noix & autant de figues, vingt fueilles de rue, & quelques grains de sel, toutes lesquelles choses pilees ensemble, si quelqu'un prent à iun, tout celuy iour il sera hors de danger de venin, & de maladies contagieuses.

L'ongnon. L'ongnon par sus la nature de toutes autres plantes deuient beau & gros quand la Lune descroit, & lors qu'elle croit il se diminue. Ce qui aduient par ce que la Lune croissant le suffoque de grande humeur. Car au moyen que de sa nature il abonde fort en ius, comme toutes autres plantes, dont la racine est grosse & ronde en forme de boule, la Lune croissant luy accroit bien encores son humeur: mais elle luy diminue sa chaleur, qui est la principale cause qui donne accroissement aux plantes. Pour laquelle mesme raison les hommes qui sont extremement gras & replets, point n'engendrent, à cause qu'ils sont depourueuz de

chaleur, laquelle rend la semence feconde & propre à generation. D'où vient que nous voyons l'ongnon, le perroquet ou ioubarbe marine, le pain de porceata, racine du safran, la stipouille, le porreau, & plusieurs autres grosses & remplies de humeur naturelle, germer és celliers & caues où elles sont pendues. Car puis qu'elles sont bien pleines d'humeur, elles n'ont besoin seulement que de chaleur, pour boutter hors & germer.

Les fieures qui rendent les hommes affamez & *De ceux*
 grands mangeurs, ont acoustumé d'estre fort *qui sont*
 longues: pource ay tousiours iugé meilleur signe *affamez*
 que les febricitás fussent alterez de soif qu'affa- *en la fie-*
 mez. Car veu qu'en telles gens la fieure est en- *ure.*
 flammee de colere, aussi à force de boire, & par
 fuer, aysement ils se guarissent. Mais en ceux-cy
 qui sont affamez la fieure est excitée par vne hu-
 meur melancolique, & par vne aigre & salé fleg-
 me: desquelles humeurs quand l'estomac est ab-
 brué, ils sont espris d'un desir outrageux de mâ-
 ger, & ainsi par ce moyen ils nourrissent de plus
 en plus la maladie, & luy fournissent matiere, &
 ainsi longuement combattent contre la fieure. Or
 d'autant qu'il y a trois sortes de flegme, comme
 tesmoigne Galien, à sçauoir vn doux, vn aigre, &
 vn salé. Le premier red les personnes endormies,
 l'autre les red affamees, & le troisieme les red al-
 terees. Mais celuy entre toutes les autres cause les
 maladies longues, qui rend les gens affamez &
 grands mangeurs. Parquoy si voulez que telles
 maladies prennēt bien tost fin, si tost que les per-

sonnes commencent à en estre malades, faites qu'ils ne mangent gueres.

*Pour en-
garder
que le vin
ne s'aigris-
se.*

Que le vin s'aigrit par la qualité de l'air qui l'éuironne, les mois de l'Esté assez le nous demonstrent. Et pource il le faut mettre dans des caues bien basses sous terre, & le bien boucher & bien estoupper. Que si vous n'auéz la commodité de ce faire, prenez vne demie liure de lard salé, ou pl^s selon que le vaisseau de vin sera grand & capable, & l'enveloppez en vn linge de lin, & en ce point le mettez dans le tonneau: & ainsi le vin ne se gastera point, ne s'esuentera & corrompra. Car tout ce qu'il pourroit corrompre & gaster se prend à la chair de pourceau: où il faut noter qu'il faut tres-bien estoupper le bondon du tonneau, à fin qu'il n'y entre aucun air, & le bié couvrir & charger d'un sachet plein de sel ou de sable moite. Car ainsi le vin ne s'esuentera ny aigra.

Mais pour faire que le vin qui tire ia sus l'aigre, ou mesme que le vinaigre reçoive le vray gout de vin, il faut mettre dedans de la greine de porreau, ou des fueilles & des villons de vigne.

Semblablement le vin corrompu & qui est gras, est racoustré par lait de vache vn peu salé. Combien qu'il y en a qui font cela avecques chaux, souphre & alun, qui sont choses qui peuuent nuire à ceux qui en boient. Pourquoy pour obuier que telles choses ne fassent mal aux personnes, ie conseille qu'on y mette de la racine de glaycul, & des grains de geneure.

Que si vous voulez rendre vn vin bon & sauoureux, & d'une odeur & couleur fort plaisante, fichez force cloux de gyroffes en vne pomme d'orange ou citron, tellement qu'il en soit tout couuert de tous costez, & ainsi le metez dans le tonneau par le bondon, mais en sorte que point il ne touche au vin, car par sa moiteur il se pourriroit: & par ce moyen le vin iamaïs n'aura aucune mauuaise saueur.

Combien que l'herbe de Rue se puisse accommoder à plusieurs maladies, & que par plusieurs de ses excellentes proprietéz, elle soit fort prisee, toutesfois en cecy est declairee sa merueilleuse vertu, que la Bellette en ayant mangé, tue aisement le Basiliq', qui est vn serpent d'un venin tres-soudain & tres-mortel. Dont aisement on peut comprendre la grande vertu qu'elle a contre les venins & des contagions de maladies.

Les medecins en Italie, en certain temps de l'annee demandent aux magistrats & gouverneurs des villes, les mal-faicteurs qui sont cōdamnez à mourir par executiō de Iustice, pour les ouurer & dechiqueter, à celle fin que ceux qui estudent en medecine se puissent exercer au fait de Anatomie. Et pour obuiuer qu'aucunes humeurs point ne soyent dissipées en eux, ou que les plus gros esprits ne se perdent, & que tout se demōstre plus manifestement, ils leur donnent à boire en bon vin pur, deux ou trois drachmes de ius de pavot noir: apres auoir beu lequel brunage, ils cōmen-

La Rue.

La force

& vertu

du ius de

Pavot.

cent premierement à se resiouir & à rire tant que ils peuuent comme fous, puis soudain esprins d'un profond sommeil, ils meurent tout endormis, vn tel bruuage ayant si vifte penetré es veines & aux parties vitales, que les malfaiçteurs estans ouuers & incisez, on voit à l'œil comme vn tel ius leur à saisi le cœur.

Si de vin ou de ceruoise mis au Soleil & à l'air vous voulez faire vinaigre, & vous voyez qu'il demeure trop long temps à s'aigrir, prenez du sel pilé auecques poiure, & leuain ia aigre, & meslez bien le tout ensemble, & le mettez en ce vin ou ceruoise, & soudain s'aigrira. Que si encores plus viftement vous les voulez faire aigrir, prenez vne piece d'acier ou de tuile, & par vne ou deux fois mettez la toute rouge & ardente dedans le vaisseau: ou bien mettez y des racines de refort, & soudain ils deuiendront aigres. Pareillement les neffles, & les cormes verdes, les mures de murier ou de buisson, les prunelles sauuages, incisees de costé & d'autre, & les cerises noires qui sont rouges comme sang par dedans, donnēt aux liqueurs vn goust aigret, & vne couleur fort rouge. Ce que font aussi la fleur de l'herbe des prez qu'on appelle passe-fleurs, les grains de fuscieu & d'hyeble, & la belle & plaisante fleur des gyroflé ou œillets, vray est que ce pauot sauuage qui communement se treuve parmi les terres a froment, fait bien rougir les liqueurs, mais l'usage en est fort dangereux, tellement que l'erreur de ceux est grandemēt à reietter, qui au mal de squi-

nancie, & au mal de costé en font boire la decoction, ou le vin où l'on en aura mis tremper, ou bien l'eau qui en est distillée: attendu qu'il est de nature astringente, & cause vne stupidité, & point ne prouoque le cracher.

La maladie que par tout on appelle ladrerie, est orde & abominable, pource ceux qui en sont entachez, sont chassés hors des villes, & priuez de la conuersation des autres hommes. Et pource que aucunesfois elle est difficile à cognoistre, il y a es païs bas certains personages constituez & establis pour les visiter & iuger. Quant à moy i'en fay la preuue par leur vrine, en y gettant des cendres de plomb brulé: que si elles enfoncent & s'en vont au fond du vaisseau, ils ne sont point entachez de celle maladie: mais si elles nagent par dessus & demeurent sus la superficie de l'vrine, ie dy qu'ils en sont infectez. Car cela denote les humeurs estre fort gros, & la melancolie aduste & corrompue estre par tout espendue par le corps.

Quand les orfeures dorent quelques vases ou autres ouurages, ils le font avec vif argent, lequel mis au feu incontinent s'en va en fumee. Que si vous tédez au dessus quelque linge ou autre chose qui en retienne la fumee, icelle derechef se conuertit en vif argēt & s'amoncelle en vn, tout ainsi que la fumee des charbons se conuertit en grosse & espoisse fuye. Or combien ceste liqueur metalique aime l'or, & volontiers s'alie & se conioint avec luy, nous l'auons par cy deuant declairé. *L'argent*
Mais cecy entre autres choses est de grande mer- *vif.*

ueille, que si celuy qui est oingt & gressé d'onguēt de verole, met vn anneau d'or en sa bouche, & avec les dents & la lāgue il le tourne çà & là de costé & d'autre, soudainement le vif argent qui par tel gressement est entré dedans le corps, se vient ioindre à l'anneau: tellement que quand il oste l'āneau de sa bouche, il est tout argenté, & point ne reprendra sa premiere couleur d'or, s'il n'est mis au feu. Parquoy ie conseille à ceux qui ont esté oingts de tel onguent, qu'ils fassent cela souuentefois. Car en eux y a grande quantité de ce metal: en maniere qu'il s'est trouué qu'e saignāt aucuns d'eux, il en est sorti quelques drachmes avec le sang. De ceste cause procede que tels sont volontiers tousiours blesmes, & que les mēbres leur tremblent, tant qu'il y a en leur corps quelque peu de ce metal.

F I N.





AMPLE INDICE DES

MATIERES CONTENUES PAR

ordre alphabetique au present liure.



Bestus espee de lin qui blanchist au feu.	262
Abstinence comment se doit faire	283
Abstinence trop grande est nuisible.	277
Absynte en quel tetroir prouient.	168
Absynte enteste.	254
Accez de fieures pourquoy variables.	234
Acier nage sur le vis argent.	334
Adonis & son anniuersaire.	54
l'Adultere gaste les pierres precieuses.	311
Affections diuerses es personnes.	145
Affections des personnes comment se cognoissent.	142
Agathe.	117.216.338
l'Aigle & sa peau n'est frappee du tonnerre.	378
l'Ail enteste.	254
Aimant.	117.387
Air mauuais.	192
Alce & ses vertus.	227
Habillemens d'Alexandre tousiours odorats.	289
Alimens en quoy se conuertissent.	126
Allantoide.	249
Allemands grans biberons.	273
Aloes.	60.336
Alpes.	169
Alun de plume resiste au feu.	263

T A B L E.

Aluynes.	254.275
Amandes ameres prises à ieun.	275
Ambre.	60.117.387
Ambregris.	226
Ame immortelle.	72.III.118
Offices de l'Ame.	73
Ame quant est infuse au corps.	75.77
Ame sensitive & vegetative d'ou procedent.	79
Ame en quel partie est situce.	81
L'Ame pourquoy ne mōstre ses forces en tous.	82
L'Ame pourquoy endure perturbations.	83.90.96
L'Ame comment met en effect ses facultez.	93
Ames ne sont en tous de mesme dignité.	100
Choses Ameres resistent à l'yurongnerie.	274
Amiante resiste au feu.	262
Ammones montaignes produisans arbres d'elles mesmes.	176
L'Amour est creé de Dieu.	13
Amour des enfans enuers la mere.	38
Amoureux, passés.	87
Androgynes.	63
Angelica.	167
Anges ne sont exempts d'affections.	98
Anges incitent à choses bonnes.	210
Anguilles produictes de la gresse de terre.	176
Anguilles sur le gril pourquoy bruslent ceux qui les retournent plustost qu'autre poisson.	331
Anguillanneuf.	226
Anneau en quel doigt se doibt mettre.	260
Annios peau qui couure les enfans en la matrice.	250

TABLE.

Antimoine forte de fard.	325
Antonin couronne dès le ventre de sa mere.	251
Apoplexie.	84.219.332.346
Appaiser les enfans	382
Arbres transplantés.	169
Arbres naissans d'eulx mesmes.	176.169
Arbres ne demandent terre salee.	177
Arbres endommagé de diuerses bestes.	192
Arbres coupez ne laissent de ietter fueilles.	246
Arbres desquelz on faict toille qui resiste au feu.	262
Arbres propres a faire draps de soye.	262
Arbres qui iettent poix refine.	264
Faire mourir les Arbres.	269
Archilas.	263
Argent vis & sa nature.	333
Argent vis comment est arresté.	334
Fumee d'Argent vis dangereuse.	335
Argent vis n'ayme que l'or.	335
Arondelles.	312
Arroches.	368
Artère venant du cueur au doigt annulaire.	260
Artichaux.	66
Artillerie renuerse les personnes de son vent.	211
Asperges.	56.60
Atheniens tardifs à leur affaires.	184
Aulnes ou doiuent estre plantez.	168
Aulx, chassent les Calandres.	194
Aulx pres des rosiers rendent les roses plus odorantes.	391
Auortons ne resusciteront.	137

T A B L E

Punition de ceulx qui font au ortter.	77
Autonne.	254
En Autonne maladies font dangereuses.	231
Autonne temps propre à purgations.	321
B	
B Arbe longue est signe de chaleur.	281
le Basilic se tourne en serpolet.	174
Basteteurs font les enfans agiles.	28
Beautés és enfans comment se peult faire.	26
Beau visage és hommes les faict effeminés.	18
La Belette ayant mangé de la Rue, tue le Basilic.	
399	
Belges grans beueurs.	273
Benioin.	60.167
Bentimarge.	380
Bestail de diuerses couleurs.	20
Bestes engendrées dans le corps des hommes.	
351	
Bestes, se ressemblent souuent entre elles.	20
Betoine.	60.161
La Bette engarde le vin de deuenir gras.	379
La Biere ennyure fort les personnes.	279
Bieure.	169.256
Bigles font souuent mauuais.	301
Le Biscuit iamais ne moisit.	341
Bitumen.	106
Le Bled garenti des Cossions ou calandres.	193
Le Bled quant doit estre mis és greniers.	193
Chair de Bœuf veult estre longuement cuite.	
234	
Bœufs s'engressent par le boire deau.	295

T A B L E.

Rufes pour fe garder de boire d'autant.	273
Qui veult Boire d'autant doit peu manger.	275
Boire d'autant fans fennyurer.	275
On eft pluſtoſt répli de boire que de mager.	277
Boire immodéré plus dommageable que le māger.	278
Les petits hommes boiuet mieux que les grands.	281.
Boire du vin de grand matin eſt nuyſant.	285
Comment on doibt vſer du boire.	344
Boire à l'entree de table n'eſt bon.	345
Les Febricitans doibuēt boire vn bon coup mais l'entement.	345
Bois qui ſe doiuent tailler au 7. ou 9. an.	321
Bois qui ſe doiuent tailler de 4. en 4. ans.	321
Bois qui reſiſte au feu.	263
Boiteux, pourquoy ſont paillards.	303
Borgnes malicieux.	301
Bofſus malicieux.	301
Dormir la bouche ouuerte.	304
Lieux Boueux engendrent maladies.	257
Les Bourdons ſengendrent de fiente de Bœuf.	351
Brocardeurs.	302
Pierres qui ſe trouuent es Brochetz.	314
Brufler des cornes prouerbe.	257
Bugloſe.	164
Buys ne flotte ſur l'eau mais enfondre.	263

C

Mal Caduc.	25.228
Ailloux facilement mis en pouldre.	339

T A B L E,

Calament.	60
Calathiane.	161
Calcul tourmente plus les hommes que les femmes.	243
la Calandre comment est chassée.	194
Calandre quant s'engendre és bleds.	193
Canaries Isles fortunées.	167
Cardes d'artichaux.	56
Casse en escorce.	60
Castoreum.	194
Caues bien voutees preseruent le vin du tonnerre.	378
La Cene pourquoy instituee.	131
Cerisier portant fruct salé.	177
Cerueau quant est formé és enfans.	77
Le Cerueau est offensé par odeur forte.	295
Cerueau malade.	225
La Ceruoise engresse.	295
Ceruoise gastée du tonnerre comment se repare.	379
Ceruoise faicte d'eau de puitz & d'eau dormante est la plus sauoureuse.	386
Chair dure comment s'attendrit.	368
La Chair defendue à ceulx qui introduisent vne metempsycofie.	74
La Chair exposée à la Lune se gaste.	359
Chaleur & humeur entretiennent les corps.	264
Accroistre la chaleur naturelle.	265
Champs propres pour semer.	191
Chancres és genciues.	182
Charbon de mine dangereux.	173

T A B L E.

Charbon qui salume en y jettant de l'eau.	173
Charbon de pierre.	173
Chardon à cent testes.	56
Charetiers inhumains.	146
La Charité recommandee.	130
La Chasteté contregardee pour manger laictues.	367.
Herbe à Chat.	60
Cheneué propre à faire toile.	262
Chenilles fuyent le Suseau.	195
Chenille.	123
Cheueux croissent es corps mortz.	246
Chesnes subiectz au tonnerre.	378
Chiens camus.	27
Chiens non rachetez entretiennent la chaleur naturelle.	265
Chiens enragez.	35.199
Chiens prompts à vomir.	278
Chorion.	249
Choux resistent au vin.	275.279
Le Christal mis en la bouche desaltere.	313
Cicade.	123
Cigailles s'engendrent de rosee.	351
Cinamome.	60
Citronmer	172
Circa vice qui aduiet à femmes grosses.	30
Lan Clymateric.	319
Clysteres appaisent maladies.	204
Le Cueur, quant est formé.	77
Coleriques faciles à s'esmouuoir.	84.143
Coleriques ne songent que de noises.	318

T A B L E.

La Colere engendre fieures tierces.	204
Colere, à quelle heure domine.	205
Coleriques subiects à crier en dormant.	240
Conception.	64. 67. 69
Concoction se faict la nuit.	190
Concoction est empeschée par trop boire.	344
Concombre desaltere.	313
Conduictz larges és femmes.	242
La Conscience.	87. 92. 97
Contrepoisons.	199
Consyre.	164
Copulation charnelle quāt se doit faire.	15. 52. 359
Copulation charnelle durant les menstres.	47. 49. 252
Cocq n'ayme pas les pouffins tant que faict la poule.	39
Corps procrez de deux principes.	42
Cormier produisant fructz sallez.	177
Corne de Cerf.	194
Corps morts seignans.	247
Corail pendu au col.	216
Cornes bruslees chassent le mauuais air.	257
Corail se porte mieux s'il est porté par les hommes.	290
Corail de la mer de Gennes.	173. 261
Corail mis avec grains de moustarde se faict plus rouge.	290
Couldrier produisant fructz sallez.	177
Couleurs pasles d'ou procedent.	36
Couleur diuerse en An mesme corps denote vn intemperament.	264

TABLE.

Crapaudine.	313
Creffon Alenois.	237
Creffon se tourne en manthe.	174
Iours Critiques.	322
Crocheteurs inhumains.	56.366
On ne Croist outre le 19. ou 25. an	293
Crudité d'estomach cause du foulon qui presse la nuict.	237
Le Cuir brulé chasse le mauuais air.	257
S. Cyprien autheur de Symbole.	126
D	
D Artres comment se guarissent.	369
Deffillance de cuer.	260
Demons, leur nature.	210.212.213.215
Dens arrachez en l'aage de 19. ou 25. ans ne re- uiennent.	293
Desiuner du matin à qui est salubre.	283.285
Pour rendre ferme Dens qui lochent.	393
Les Dens qui viennét trop tost aux enfans cheët bien tost.	304
Diateffaron Diacarion antidote.	396.395
Puissance de Dieu.	117
Dieu est aucunement cogneu de toutes person- nes.	107.119
Digestion se fait mieulx quant on dort la bou- che close.	304
Dieu selon apulee.	5
Diptam.	60
Dissenteries.	225
Doigt annulaire & l'excellence d'iceluy.	259
Dons de Dieu diuers.	101

T A B L E.

Dormir apres la seigneurie.	297
Dormir la bouche ouuerte ou fermee lequel est le meilleur.	304
Douleur comment s'engendre és corps.	268
E	
Eau de vie & sa force.	330
Eau de vie ne se gele iamais.	330
Eau de vie mise dans autre liqueur l'engarde de se geler.	330
Eau de vie nage sur l'huile.	331
Eau de vie à qui est bonne & comment on en doit vser.	333
Eau de pluie.	331
Eau de mer.	338
Eau distillee d'herbes vertes ne se pourrit.	385
Eau pourrie & purgee p 7. fois ne se pourrit.	386
Eclipse de Soleil & de Lune.	115
Effluxion.	137
Egyptiens s'abstiennent de Sel.	337
Elebore en Anticere.	167
Emathiste.	216
Emeraudes.	216
Encre qui ne se gele.	330
Encens.	60.168
Choses propres pour faire enfant à laise.	313
Enfans subiectz à maladie en certains ans.	320
Enfans apportent quelque peau du ventre de la mere.	250
Enfant grasset couché avec vne personne afffoiblie la restaure.	266
Enfant qui sue n'est bõ pour coucher avec ceulx	

T A B L E.

qui sont affloiblis.	266
Enfant cōbien de tēps est au ventre de la mere.	14
Enfant comment s'engendre.	15
Enfant n'aissant commence par pleurs.	15
Enfant ressemblant à pere ou mere.	17.19
Enfant masle ou femelle comment s'engendre	17
43.58.	
Enfant effeminé.	17
Enfant portāt marques du vētre de la mere.	19.30
Enfant ressemblant à autre qu'à son pere.	21
Enfant pourquoy n'est de mesme esprit que le pere.	23.25
Enfans beaux ou l'aids comment se font.	26.45
Enfans maladis.	32
Enfās naiz au defaut de la Lune mal'heureux.	49
Enfans qui sont ineptes à toutes choses.	50
Enfans de grand esprit deuiennent souuent hebe- tez quant ils deuiennent grans.	348
Enfleures causee de bestes venimeuses se guaris- sent avec la salieue de l'homme à ieun.	369
Choses propres pour faire engendrer.	55
Enfant en combien de iours se parfaict.	75
Enfant de huiēt mois.	75
Enfant masle est plustost formé que la femelle.	76
Enfant de dix mois.	76
Enfant au ventre dans quel temps est viuant & prend sentiment.	77
Enfans ayans teste d'vne grosseur de mesuree.	136
Enfans ayās 42.iours complectz ont ame raison- nable.	137
Ennuy fort dommageable à l'homme.	144

T A B L E.

Enterrez deuant la mort.	221
Enuieux deuiennent secs.	87
Ceux de bon entédement font souuét coleres.	143
Enule campane.	60
Epilepsie.	84.219.306
Epinars.	368
l'Esté commode pour engédrer enfant masles.	58
Escargorz engendrez de pourriture.	176.351
Escarbotz s'engendrent de fiente de Bœuf.	351
Escharui & leur force.	340
Escoelles.	182
Espergoute.	60
Esprit lourd.	51.99
Esprit animal, vital, naturel.	10
l'Esprit quant triste.	206
Esprits malins ne font cause des maladies.	208
Estoilles ne nous induisent à faire bien ou mal.	

148

l'Estude d'un chacun doit estre raporté au bien public.

181

Etiques aualent mieux le manger que le boire.

346

Exercice moderé cuit la viande.

190

l'Experience recommandee.

186

F

la Face indice de l'esprit.

86.299

Ceux qui meürēt de faim meürēt au 7.iour le plus souuent.

324

les Faunes n'ont ame immortelle.

134

les Febues engraisent la terre.

191

Hanter les Febues prouerbe.

253

T A B L E.

Febues fleuries entestent.	254
Femme qui habite à l'entour de la mer est subiectionnée à produire monstres.	46
Femmes qui demeurēt és salines sont plus subiectes à luxure que les autres.	338
Fêmes plus enclines à luxure en esté qu'en yuer.	342
Femmes brunes plus enclines à luxure que les autres.	342
Femmes grasses moins luxurieuses.	342
Fêmes grasses, sont coustumierement steriles.	337
Femmes grosses ne peuuent resister aux maladies.	384
Fêmes grosses pourquoy sont suiettes à desirer.	31
Fême grosse desirant de mager chair humaine.	32
Femmes grosses ne doibuent veoir choses monstrueuses.	29
Femme grosse pourquoy aucunefois engendre enfans de couleur rouge, ou palle.	252
Femmes ne doibuent auoir chiens ne guenōs.	27
Femmes ne doibuent porter muscades.	289
Femme accoustumee à boire, boit mieux que l'homme & pourquoy.	282
Femmes ont plus gros ventre que les hōmes.	242
Femmes noyees pourquoy ont la face desslous.	241
Femmes homaces.	18
Femme palle plus addonnee à luxure que la rouge.	342
Le bon fer.	169
Le fer nage sur le vis argent.	334

T A B L E.

Derouiller le far soudainement.	393
Peu volage est guarý de la salíue de l'homme.	369
La cause des fieures.	210
Fiebures continues.	204. 214. 216. 233. 236
Fiebures tierces.	204
Fiebures quotidiannes.	204
Fieures quartes.	33. 204.
Fieure iournaliere.	204
Fieures chaudes.	217
Fieures qui rendent les hommes affamez.	397
Filles gresles & de corps gent.	28
Filles ptes à marier pourquoy ont couleur pasle	
& quant elles sont mariees sont guaries.	37
Comment il fault engendrer vne fille.	61
Fleurs sont meilleurs entour des fontaines & ruis-	
seaux.	186
Flamans subiectz à mal Caduc.	228
Flux de ventre & de sang.	225
Le Foye quant est formé aux enfans.	77
Le Foye comment se purge.	206
La foy.	130. 132
La Formie deuient mousche.	123
Les Formies engendrez de rosee.	351
Le foulon qui presse la nuit.	237
Frayeur soudaine chasse la fieure.	334
Le fresne demande d'estre aux montaignes.	168
Le Froment se tourne en yuraye.	174
Le Froment qui n'est de garde.	191
Rendre le front poli.	389
Fruictz de bonne garde.	349
La maniere de garder les fruictz fort lōg tēps	347

T A B L E.

Fruictz sans noyau.	165
Le fumier n'est bon pour engreffer les terres.	191
G	
G Aiac ne flotte sur l'eau mais enfondre.	263
Galanga incite à luxure.	57
Galbanum.	195.256
Galbules oyseaux.	60
Gangrene.	182
Tige de Geneste propre à faire toile.	262
es Genitoires demonstret la bonne & mauuaise santé & comment.	374
Genitoires mouillees d'eau froide font d'esenny- urer.	276
Gingembre.	57.60
Cloux de Girofle.	60
Glayeul.	57.60.167
Glus de houx est venimeux.	226
Gomorrhœens.	65
Gonorrhia.	190.291
Gouttes d'ou procedent aucunesfois.	53
Douleurs de Gouttes appaisees promptemēs.	265
Gouttes tourmētēt au printēps & en Autōne.	259
Gouttes ne font mourir les personnes.	259
Goutteux addonnez à luxure.	373
Cacher les Grains en temps de cherté chose a- bominable deuant Dieu.	194
Grande stature en ieunesse est pesant fardeau en vieillesse.	281
La Grandeur es personnes d'ou procede.	294
Personne Grasse à la voix rauque en l'article de la mort.	270

T A B L E.

Personne Grasse tost abbatue de maladie.	286
les Gratelles sont guaries par la salive.	369
Remede contre la Grauelle.	314
Greniers quant sont subiectz à Calandres.	193
Gresle, espece de ladrerie.	267
Les Guespes s'engendrent de fiente de Bœuf.	351
Guy de chesne.	216.224.227

H

H Aleine puante.	286
Hannibal cruel & ingenieux.	146.339
Hannibal perdit l'un des yeux en rompât les rochers à force de vinaigre bouillant.	334
Hault mal.	219
Hebene prouient en Inde.	168
Heluc.	276
Hemorrhoides.	150.151.204
Herbes de diuerses couleurs.	161
Herbes changent de nature.	162.176
Herbe venimeuse portant fruct salubre.	164
Herbes cultiuees perdent leur aspreté.	175
Herbes des montaignes sont plus vigoreuses.	186
Herbes pendues au col.	216
Hermaphrodites.	62.63
Hermites pusillanimes.	145
Hydrocephal.	28
Hippolapathe herbe.	368
Holandois pourquoy sont gras.	295
Homme meschant n'a iamais repos.	86
Hômes pourquoy sont de diuerses cōditions.	177
Hôme maigre quelle femme il doibt prédre.	343
l'Homme est plus excellent que la femme.	288

Hommes

T A B L E.

Hommes grimpans en dormant.	237
Hommes noyez ont la face en hault.	241
Hômes subiectz au calcul plus que la femme.	243
Excellence de l'Homme.	7.8
Hommes beaux & sans barbe effemniez.	18
Homicides seignēt bien souuēt du nez quant ilz approchent du corps qu'ilz ont tué.	248
Hoquet comment se perd.	305
Huiles, comment en fault vser.	387
l'Huile engarde que le venin ne face dōmage.	387
Huile mise sur le vin le garde de se uenter.	387
Huile faiēt pourrir les plantes.	388
Huile de Lin est la plus legere.	331
Huile Doliue beüe resiste à l'yurongnērie.	279
l'Humeur & la chaleur entretiennent toutes cho- ses.	125.264
Humeurs causēs des maladies.	213.234

I

I Aunisse noire.	267
Iaspe marqueté de diuerses couleurs.	172
Ieusner à qui est propre.	159.283
Ieunes gens diueniēnt grās estans malades.	293
l'If demande les lieux froids.	168
Instinct de nature.	97
Intemperance.	140
Ioubarbe.	313
Ioye excessiue cause de mort.	144

L

L Abeur trop assidu affoiblit.	93
Ladrie vulgaire.	267
Cause de Ladrerie.	25.49.372

T A B L E.

Comment on cognoit vn Ladre.	401
Le laiët n'est bon pour en vser souuent.	372
Boire du vin apres que lon à mangé du laiët n'est bon.	372
Laiët tiré soudain apres que la vache à vellé est d'angereux.	372
Le laiët se gaste mis en la chambre d'vn homme mort.	377
Laiëtue.	367
Lamproyes s'engendrent de la pourriture de la terre.	176
L'aurier pourquoy exempt de tonnerre.	378
L'aurier nuët à la vigne.	391
Letargie.	84.219.259.332
Lierre propre pour les yurongnes.	277.391
Limaces.	176.351
Limace porte vne pierre de grande vertu.	313
Ius de Limon corrosif.	340
le Lys s'spanouist de nuët non de iour.	190
Linge le quel ietté au feu ne se brusse.	261
Loers engendrez de la gresse de terre.	176
Loups fuyent les fleurs de senteur forte.	195
Loup marin.	314
Luiëtions.	134
Lune prend sa splendeur du soleil.	358
La puissance de la Lune sur les choses terrest.	359
Lune cause du cours & recours de la mer.	359
La nature de la Lune.	361
La pleine Lune contraire au hault mal.	220
Le cours de la Lune.	362
Les Lupins engressent la terre.	191

T A B L E.

M Achoirs és vieilles personnes sont le bastō de vieillesse.	284
Macrocephalins.	136
Office du Magistrat en sedition Ciuille.	207
Maigres personnes n'ont tant de mal en l'article de mort que les grasses.	270
Mains douces.	389
Maladies & leurs causes.	203
Maladies causees par demons.	215
Maladies pourquoy tiénēt les nōs des saintz.	219
Maladies du cerueau.	223
Maladies longues.	230
les Maladies rendent les personnes hommes de bien.	308
Manger moderement.	292
Manie.	84.151
Maquerelles.	16
Mariage pourquoy ordonné.	14
Habitans és Maretz hayent la bonne senteur.	255
Mariniers inhumains.	146
Marbre de diuerfes couleurs.	172
Marescages.	192
Mastic.	60
Matricaire.	60
Matrice & ses facultez.	60
Maulue	330
Melancoliques.	84.143.149.151.156.318.204.209
Office d'un Medecin.	179.183.186
Meleze, arbre qui ne brusle.	263
Menstrues.	25.66.252.43.61.64.150.204
les Meres sont plus affectionnees à leurs enfans	

T A B L E.

à que les pères.	38
Meres qui maudissent leurs enfans.	306
Mercuriale.	59.330
la Mer plus fottile que toute chose.	351
Comment se faict le cours & recours de la mer.	359
Pourquoy la Mer est plus enflée vne des fois que l'autre.	365
Metaux ont forme de veines, & leur principes.	72
Metempsycofie.	73
Miel mangé avec pain est propre pour faire boire d'autant.	275
Minieres bonnes selon les lieux.	170
Mines maritimes tiennent de la nature du bitumen.	173
Minieres dont on tire choses pour brusler.	170
Miroers à quel vsage ont esté inuentez.	325
Pourquoy les parties gauches sont droictes au Miroer.	327
Pourquoy és Miroers mis en l'eau on voit double Soleil.	328
Miroers bruslans.	328
Momie arabique.	226
Monstres, & la cause d'iceux.	46.50.22.135
les Moines sont addonnez à dormir.	384
D'ou vient ce mot Morini pour signifier Tere- nne.	170
Signes de Mort és personnes.	198
Murthe, quel lieu demande.	60.168

TABLET

- N** Aphta. 106
 Nature ne faict rien à la vollee 31. 6. 35
 Grains de Nauette faict d'estourner des Galan-
 dres du bled. 195
 Naueaux incitent à luxure. 56
 N'autonniers conduictz à bon port par certains
 engins en Flandre. 238
 les Nerfz procedent du cerueau. 278
 les Nerfz cause du mouuement & sentiment. 279
 Ceulx qui sont Noyez n'apparoissent pas tost sur
 l'eau & pourquoy. 243
 Pour faire qu'une peosonne Noyee ne reuiendra
 sur l'eau. 245
 Ceulx qui sont Noyez seignent bien souuent si
 leurs amis les voyent. 246
 Noix muscade & qlq force d'icelles. 60. 172. 275
 Noix muscade portee par l'homme se conserue
 d'auantage. 288
 Comēt on cognois vne bone Noix muscade. 289
 les Nonnains sont souuent addonnees à bysueté
 & à dormir. 384
 les Nourrices doibuent estre ieunes. 384
O Eillet doit estre changé de place tous les
 ans. 174
 Faire passer vn Oeuf p vn petit anneau. 339
 Oeuf mis en saulmure n'age dessus & quelle par-
 tie d'iceluy est en hault. 242
 Oeufs propres pour faire couuer. 40
 Oeufs dans quel temps sont celoz. 40
 Oeufs de Phaisans fournissent semence à l'hom-

T A B L E.

me.

l'Oliue faict flestrir les Choux & n'est endom- magée de bestions.	391
Oignons incitent à luxure.	56
Oignon croist quant la lune décroist.	296
Oignon enteste.	254
les Ongles croissent es corps mortz.	246
Pureté del'Or.	171
Or mis dans vn verre plein d'eau n'en faict for- tir aucune goutte.	171
Or ne peut recevoir autre couleur que iaune ou orangé.	171
l'Or seul entre les metaux enfondre dans le vif argent.	334
tige d'Ortie propre à faire toille.	262
Orual.	388
Quant on marche sur le gros Orteil du pied cela incite à luxure.	373
Os rompus quant ne peuuent se consolider.	293
l'Ozeille attendrit la chair.	368

P

le P ain est la plus grande nourriture des hom- mes & comment on en doibt vsfer.	286
le Pain de Froment leué est fort bon.	286
le Pain ne se pourrit iamais.	287
On doibt manger beaucoup de Pain quant on mange du poisson.	286
la Palme & son fruit.	125
la Paour trop grande apporte grand dangier à la personne.	144
Paralyfie.	84

T A B L E.

les Paralytiques aualent mieux la viande que le bruage.	346
Parelle herbe & sa vertu.	368
Parfun aromatique.	255
Pastenades incitent à luxure.	56
Patience de Dauid & de Pericles.	142
Pus de Pauot & sa vertu.	398
Peaux qui enuironnent l'enfant en la matrice.	249.250.291.
Pelches.	275
Peres quant portent affection à leurs enfans.	39
Persepierre.	168.
la Peste ausquelz elle se prend plus tost.	384
Peste chassée à coups de canon.	257
Peste chassée par feu de Serment.	258
Remede contre la peste.	339
Peste plus contagieuse en vn corps mort qu'en vn viuant.	221
Celuy qui est mort de Peste doit estre tost en- terre.	222
Petite stature bonne en vieillesse.	281
Petits hommes sont de bon esprit, agiles & bien souuent boient mieux que les grans.	242.281
Petroleum.	106
Phlegme engendre la fiebure quotidienne.	204
Phlegme quant domine.	206
Phlegme rend l'homme lourd & ne font de bon esprit.	143.147.214
Phlegmatiques sont tardifz à estre irritez.	143
Trois sortes de Phlegme.	397
Phrenesie.	84

T A B L E.

Pica vice és femmes grosses.	30
Piedcarpe poisson.	314
Pierres precieuses se gastent si elles sont portees par meschantes personnes.	311
Pierres de limaces propres pour la grauele.	313
Pierre de touche comment se peult facilement mettre en pouldre.	339
Remedes contre la Pierre.	314
Pigeonneaux fournissent la semence à l'hóme.	56
Pissier contre la Lune prouerbe.	48
Piuoine.	216. 224
les Plantes prennent leur nourriture de iour.	190
Pleurésie.	259
Pleuroriques.	59
les Plomb fondu nage sur le vif argent.	334
Tous metaux n'agent sur le Plomb.	335
Plomb blanc.	262
Comment on peut toucher de la main le Plób fondu.	330
Pourquoy les personnes Plongét plus long téps que les autres.	244
Poison plus dangereux en breuuage qu'en vian- de.	278
les Pois engressent la terre.	191
Poliot sauuage.	60
Polmons quant sont formés és enfans.	77
Polmons larges & leur commodité.	245
Pommier venimeux de nature, transplanté deue- nu salubre.	164
le Porreau enteste.	254
Poussins piolans en la cocque.	40

TABLE.

Reioindre les pieces d'un Pot cassé.	390
Pouls & pucés l'aissent les corps morts.	198
le Pourpier en quel lieu veult estre mis.	168
le Pourpier desaltère.	313
le pourpier oste lagaçement des dents.	392
Pourpier marin.	275
Pouldre de Precipité.	334
Prestres pour ce qu'ils sont oysieux sont addónez à dormir.	384
Le grand Prestre pourquoy portoit douze pierres precieuses en son vestement.	312
la Presure appaise le flux de ventre.	225
le Printemps est propre pour se faire purger.	321
Remede pour faire mourir Pucés & punaises.	195
Putains ordinaires pourquoy ne concoiuent.	69
Q uinte fueille.	60
LES Rayons du Soleil & de la Lune quant sont indices de pluye.	354
Pour faire Raisins sans pepin.	165
Raisins secs mangez à i'eun tuent les vers.	196
la Ratelle quant est formee aux enfans.	77
les Raues incitent à luxure.	57
le Refort engarde d'enniurer.	391
le Refort se doit manger à l'entree de table.	393
le Refort donne mauuaise senteur au vin.	393
Relasche és fieures pourquoy se faict.	233
Contre ceux qui nient la Resurrection.	113
la Resurrection osterá toutes les imperfections des corps.	137
Rois & Empereurs pourquoy sont reueréz.	4.5

T A B L E.

Roquette.	57.366.379
les Roses pres des aux sont plus odorantes.	391
Roses rouges.	60
la Rose dissipe les fumees.	254
les Roses pourquoy ne s'espanouissent de iour si tost que de nuict.	190
Rouure arbre dont on faict belles planches.	172
S	
Agapenum dechasse le mauuais air.	256
le Safran guarit la deffaillance du cuer.	260
Safran de Tmole.	169
la Saignee appaise les maladies.	204
On peut manger & boire quelque peu auant la saignee.	296
Dormir apres la saignee quant est bon.	297
la Saluie de l'homme à ieun, tue les Scorpions & arreste le vif argent.	369.370.371
le Salpêtre cause le bruiet de l'harquebouze.	394
le Sang quant est pur & net.	141
le Sang pour saignee ne sorte abondamment à ieun.	296
pour estancher le Sang.	314
le Sang en quel temps est en force.	205
le Sang rend les hommes ioyeux.	214
Sang gros & espois.	145
les Sanguins & leur nature.	143.147
Satyrion a trois fueilles.	56
Sauge.	66
le Sauinier propre à faire sortir les Calandres.	194
les Saulsyes quant doibuent estre taillees.	321
le Saule pourquoy perd son fruiet.	291

A B L E . I

- les Sautelles s'engendrent de a rosee. 351
 Saumure espâdue au pied de l'arbre le faict mou-
 rir. 269
 la Saxifrage. 168
 pouldre de Scorpions guarit ceux qui en sont
 picquez. 198
 Seelotyrbé espece de laderie. 182. 267
 la Scyatique rengrege au printemps. 259
 Science selon Platon n'est que le souuenir. 215
 Secondine. 249
 le Sel ietté dans le charbon chasse le venin qui
 peut entrer au cerueau. 174
 le Sel semé en champ rend le champ fertile. 337
 la force du Sel. 336
 Viande qui engendrent la Semence à l'homme. 56
 la Semence virile est le commencement de gene-
 ration. 33. 43
 Semence corrompue tourne en venin. 36
 pour restaurer le Sentiment du nez. 392
 Senteur vehementé offence le cerueau. 255
 pourquoy de Sept en sept ans le seigneur, faict
 renouueler les contractz à ses tenanciers. 321
 Serapinum propre pour faire sortir les Calan-
 dres. 194
 Serop. 331
 graine de Sefame. 275
 Sefeli. 60
 Siboule & sa vertu. T 224
 Syrop. 340
 Cognoissance des Simples necessaires au mede-
 cin. 181
 Sobriété. 140. 149. 343

T A B L E A

Constance de Socrates.	140
en Soixante trois & Soixantefix ans, l'homme est subiect à grandes maladies.	319
Soldanele resiste au vin.	168.275
Pour veoir double Soleil.	328
le Soleil nubileux rend les personnes mornes & chagrins.	355
les Solitaires sont peureux.	145
le Someil doit preceder Venus.	15
le Someiller desennuire.	286
diuers Songes & la cause d'iceux.	316
les Souris s'engendrent de la gresse de terre.	176
le Souffre propre pour faire sortir les caladres.	194
les Souris abandonnēt les maisons ruineuses.	197
estancher la Soif.	313
Spasme.	84.306
Squinancie.	259.312
Stomacacce espece de ladrerie.	181.267
Styrax calamite.	60
les Sueurs appaisent les maladies.	204
Sueur d'Angleterre.	182
Sumach.	60
Suppositoires appaisent les maladies.	204
Superfluité d'humeurs cause des fieures & de leurs accez.	208
Suseau enteste.	254
Fleurs de Suseau chasse les chenilles.	195
T	
Argon herbe.	366
Temperance.	140
presages de Tempeste sur mer.	380
la Tentation ne se faict outre la puissance hu-	

T A B L E.

maine.	213
la Terre salee est mauuaife pour les fruiçts.	177
Terreuene anciennement dicte Morini.	170
Terroirs diuers.	188
La vertu de la rasure du Test d'homme.	224
Teste excessiuement grosse.	28
Certains lieux ou les personnes portent ordinairement Testes grosses.	140
pour faire les Tetins polis.	389
pour garder que le Tonnerre n'endommage le vin.	378
le Tonnerre en hyuer denote tempeste sur mer.	381
le Tonnerre rend puant ce qu'il frappe.	378
la chair de Tourterele incite à luxure.	56
Tragelophe & ses vertus.	227
les Tuez seignent si le meurdrier se presente pres d'eulx.	245
propriété de la Turquoise.	311
P Eau de Veau marin n'est frappee du tonnerre.	378
Vefues tourmētees de suffocation de matrice.	36
Veines apoplectiques.	81
Veines emulgentes.	62
Velu de corps est rempli de chaleur.	281
le Ventre ne croist quant on mange modere mēt.	292
la Ventouse appaise les maladies.	204
chasser les Ventositez.	60
Venus doit preceder le manger.	15
les Vers de quoy sont engendrez & remede cō-	

T A B L E.

estre iceux.	196.197
La petite verole comment se guarit.	376
les Verolés sentent bien le changement de tēps.	
357	
les Verolés sont coustumierement blefmes.	400
Verolés sont subit cts aux gouttes.	268
les Verolés pourquoy sont paillards.	292
la Vervaine.	216
Commēt vn Verre rompu doit estre souldé.	390
les Vessies nagēt sur l'eau & quelle partie est en hault.	242
Ceux qui ont la veüe courte & de trauers sont mauuais.	301
Pour garder long temps les Viandes sans qu'elles se gassent.	340
Viandes corrompues fort dangereuses.	350
des Viandes gastees du tonnerre ne sont bonnes pour en vser.	378
certaines Viandes qui incitent à luxure.	56
toutes Viandes doiuent estre mangees avec le pain.	286
les Vieilles personnes ne peuuent porter beaucoup de coup de vin.	284
les Vieilles personnes doibuent manger peu & souuent.	284
la Vigne demande les collines.	168
la Vigne sterile comment deuient fertile.	388
la Vigne se meurt pres des choux.	390
la Vigne est ennemie du Laurier & du Lierre.	391
pourquoy les gens des Villages ne sont ordinairement de si bon esprit que ceulx des Villes.	
353	

T A B L E.

le Vin brouillé est d'angereux.	157
Vin pour donner aux malades.	156
Vin bastard.	331
Vin de Poitou est fumeux.	157
Vin du Rhin.	157
Vin cuit.	340
Vin d'Espagne amollit le ventre.	376
Pour garder que le Vin ne se gaste du tonnerre.	378
Pour reparer le Vin gasté du tonnerre.	379
la Bete engarde le Vin d'estre gras.	379
Vins mixtionnez ne sont sains.	380
pour faire le Vin frais.	394
Vin blanc se doit boire avant le rouge.	395
pour faire que le Vin ne s'esuente.	398
Cóment il fault mettre de l'eau en son Vin.	394
pour racoustrer le Vin corrompu & gras.	398
pour faire que le Vin aigre recouvre son vray goust.	398
rendre le Vin bon & s'auoureux.	399
pour faire Vinaigre.	400
le Vinaigre est bon en temps de peste.	339
Comment on doibt vser de Vinaigre.	340
le Vin ne doibt estre pris en abondance au matin.	285
le Vinaigre dissipe les choses nuisantes au cer- veau.	254
le Vin beu en abondance engendre des maladies froides.	274
Visions de nuict d'ou procedent.	241
la Voix deuient rauque en la mort.	270

T A B L E.

le Vomissement guarit aucune fois les maladies.

204

le Vomissement guarit les yurongnes.

276

Vries de mer.

Vrine esbandue au pied de l'arbre le faict mourir.

269

Yurongnes eschapent souvent grands perils.

239

Yurongnes pourquoy resuent & chancellent.

279

Yurongnerie est fort dommageable.

274

Yures comment se guarissent.

276

Yures de Biere chancelent en arriere.

279

Yures de Vin chancelent en auant.

279

Les hommes s'ennyurent plustost à disner que
à soupper.

286

Yures voyent toutes choses doubles.

84.154

Ceux qui sont yures ne doibuent dormir aux
rayons de la Lune.

359

Limeures d'Yuoire.

60

Yuoire d'Inde.

169.

Zeduarium.

60

Zelande abondante en mottes sulphureuses
propres à brusler.

170

Fin de la table,